

O. 194










F. SPRECHERI  
RHETIA.

*vbi*

*Eius verus situs, Politi-  
tia, bella, foedera, et  
alia memorabilia ac-  
curatissimè descri-  
buntur.*



LVGD. BATAVORVM.  
Ex Officina Elzeviriana. Anno 1633.

RECHERCHES  
RHETTIA

1700  
M. D. C. C.



*Invicta & Potenti*

TRIVM FOEDERV M  
RHÆTORVM INAL-  
PINORVM

UNITATI,  
PATRIÆ ET PRINCIPI  
MEO SVBMISSE COLENDO.

**H**ilialis amor, & studium in-  
defessum, tibi, altera mihi  
Mater mellitissima, toto ani-  
mo, cunctisque viribus, ali-  
quo cum emolumento & fru-  
ctu, ut soboles grata, perpetuo serviendi,  
inclinationi mea materiam præbuit am-  
plam: ut nunquam peritura Historico-  
rum Veterum & Neotericorum monu-  
menta, qua potui diligentia, perscrutari,  
post sacra doctrina volumina, inprimis  
mihi cordi & labori esse duxerim. Dum  
vero peregrinae antiquitatis, propria  
laudis avida, scrinia pervolvi: pauca  
quedam, de nostrorum populorum origi-  
ne, & sedis mutatione, & occupare re-

gionis situ; ( & hac quidem strictim, ac sicco, ut dicitur, pede ) de gubernatione verò & gestu, uti etiam de ceteris, solo virtuteque nobis vicinis, non nisi qua invite, & semper ad sui, hoc est, Gracæ atque Italica gentis, inprimis Romana, exaltationem, dicere coacti sunt, per vestigando invenire potui. Nostri enim prisca fidei homines, durorum armorum, pinguiumq; arvorum & armentorum cultui potius, quam voluptatibus aut litterariis exercitiis, operam suam impendere voluerunt. Eorum hoc opus esse, quibus curâ altarium concredita erat, & quos ab oneribus prædictis immunes servabant, nescio qua ratione persuasi, firmiter crediderunt.

Hinc factum, ut superioris seculi, nostræque ætati proximi aliqui Scriptores, variis opinionum & affectuum fluctibus agitati, subinde in diversa studia scissi fuerint. Alii namque propter connexum rerum, ab eis ex professo tractandarum, quadam obiter & vulgari more adnotare: sed Alpes, nive ac frigore perpetuo rigentes, nec perspicaci vi ingenii, nec gravi corporis mole, propius accedere voluere. Quidam vero rerum ignorantia & obscuritate deterriti, calamum, quem jam arripuerant, rejecerunt. Inveniuntur etiam, qui fabulosa quadam & ridicula,

*dicula, nobilioribus præsertim adulaturi, commentisunt.*

*Has vero difficultates, celeberrimus ille Glaronensium Patritius, Aegidius Tschudius, egregie superavit: qui in vicinis Alpibus natus, & singulari ingenii felicitate præditus; nec non à primariis Historicis & Poëtis, Henrico Lorito Glareano, Træceptore, conterraneo & affine, Ioa-chimo item Vadiano, Consule Sancto-Gallensi, Bibibaldo Birckhaimero Noribergensi, Gerardo Noviomago, & Beato Rhenano Selestadiensi, aliisque Polyhistoribus coætaneis, adjutus, situm Inalpina nostra prisca Rhetia, exiguo libello, scite & diligenter tradidit: gubernandi autem formam, durique Martis opera, summis labiis in prædicto libello tantum attigit: Quin, ut fama est, de virtute, moribus & gestibus, Helveticarum & Inalpinarum gentium, uberes commentarios contexit; qui penes ejus gentiles deli-  
rescunt.*

*Post hunc, meminit Conradus Gesne-  
tus, in Bibliotheca sua, Alberti Bellfor-  
tensis, Rhetici Medici excellentis: qui ac-  
curata diligentia Epiphasin Rhetia, de  
antiquitate, gestu, & potentia Rhetorum,  
nihil ex Græcis & Latinis auctoribus,  
quod ad hanc materiam pertinere possit,  
omittendo, conscripserit. Hujus tamen*

scripta, omni curiositate inquirens, nanciscis nunquam potui.

Franciscus Niger Bassanensis, heroicè & laconicè Rhatiam decantavit.

Benedictus Iovius, Pauli frater, Novocemensis, libro manuscripto Patria suæ historiam posteritati reliquit; & Rhaticarum transalpinarum rerum crebram mentionem facit.

Illustris Ioannes Traversius, Engadinus Rhetus, Vallus-Telina secundo Gubernator, bellum, quod Rhati nostri ad Clavennam, Dubinum, & Morbennium, cum Ioanne Iacobo Mediceo, Musii Castellano, gessere, exactissimo calamo, uti qui interfuit, & Dux primarius præsuit, in Rhetica lingua rhythmicè annotavit.

Facundus Ioannes Stumpsius, una cum magno Munstero, in Geographicis, secuti Tschudium, in reliquis quisque, prout institutum ferebat, diligentes se monstravere.

Post hos apparet Vir incomparabilis ingenii, Iosias Simlerus, qui, opere de Republica Helvetiorum & sociorum edito, studium & doctrinam suam satis declaravit.

Vir pius pariter & doctus, Huldricus Campellus, Engadinus Rhetus, duobus tomis satis onerosis, & quam exquisita cuiusque rei annotatione, Patria nostra historiam

# DEDICATORIA.

*Historiam ad suam usque aetatem con-*  
*texuit.*

- *Casparus Bruschius, Poëta & Historicus*  
*diligentissimus, in Episcopaliis suis, Epi-*  
*scoptum nostrum Curientem, reliqua quo-*  
*Monasteria hujus tractus, à fundamentis*  
*ipsis egregie exornavit.*

- *Martinus Crusius, Varro ille Germæ-*  
*nus, in Suevicis suis Annalibus, cui pro-*  
*vincia Rhatia nostra diu annumerata*  
*fuit, nos non parum juvit.*

*Hoc nostro seculo in theatrum produ-*  
*cendi sunt, Amplissimus Vir, Marcus Velfe-*  
*rus, Patritius Augustanus, cum Francis-*  
*co Guillimanno. Viro ornatissimo. Ille, octo*  
*libris, res Vindelicas Augustanas (ubi Rha-*  
*tici Inalpinis nostris magnum lumen at-*  
*tulit) eâ diligentia & gravitate est com-*  
*plexus, ut divinum ejus ingenium & ju-*  
*dicium admirari quidem, imitari non li-*  
*ceat: Hic, patrias, Helveticas videlicet,*  
*Rhaticas, & sociorum antiquitates, quin-*  
*que eruditus libris comprehendit.*

*His superadde præstantissimum Virum,*  
*Philippum Cluverium, Germanum. quid,*  
*quæso, is, in Germaniâ antiquâ, Norico,*  
*& Vindeliciâ suâ, non perscrutatus est?*  
*quid tantus Vir ignoravit?*

*Istis, ut & cæteris nominatis omnibus,*  
*multum, imò plurimum, unicuique in suo*  
*genere, me debere fateor. Difficultatibus*



tamen institutum meum non caret: præsertim si vera & genuina Topographia, cum non-fucata historica rerum narratione, in epitomen, eamque, quantum fieri potest, magis succinctam, redigenda sit.

Accedit altera, non minori consideratione digna causa: quod nullum scriptionis genus, majori periculo, graviorique censura, propter varias personarum, rerum, & locorum affectiones, diversasque temporum periodos, subjectum sit, quam historicum. Democratico quidem in statu, liberum magis & popolare cujusque est ferre judicium: vivis autem, & ipsius Patriæ filius, majus impendere videtur. Inde factum, ut proverbio ferè receptum sit: Nul- lum verè prudentem Patriæ suæ conscribere historiam, ut eam lucis publicæ faciat, dum ipse ejus usurâ fruitur. Imò,

Vivere, & Historico vix licet esse bono.

Atque hinc fieri putamus, quò minùs hactenus Illustris Heros, Ioannes Gulerus à Weineck, aurata militiæ Eques, & Rheticarum copiarum olim Archistrategus, Dominus ac Sympatriota meus colendus, perfectam, tantoque viro dignam, quam præ manibus habet, Rheticarum rerum historiam divulgare voluerit: cujus tamen primam partem, in lucem editam, summo



*summo cum fructu, in ipso vestibulo promulgationis operis mei, vidi.*

*Enumerati periculi, alia quoque obstacula & impedimenta, tenuitas nempe ingenii, parcumque dicendi genus, juventutis mea socia, adjungenda, imò pramittenda, veniunt. Quae omnia simul juncta, quem non ab instituto detertere deberent?*

*E contrario autem omnipotentis DEI me erigit benignitas: cujus divino fretus auxilio, gloriam & honorem illius inprimis spectans, alacri studio tantum opus aggredior. Adest mihi etiam unanimis tuorum, charissima Patria, civium honesta petitio, & ardentissima cognoscendi cupiditas, quid à generosis nostris majoribus sit gestum: cujus si non, tanquam plenioris haustu, sitim extinxero; saltem eam, ceu jucundissimam frigidam, tempera vero; & sic alius, quibus felicius ingenium, facundiorque stilus divinitus obtigit, incitamento esse suffecero.*

*Fidus etiam custodibus, ab utroque latere, Veritate & Sinceritate, (quibus Brevitatem ancillari desidero) in hanc scenam munitus praebeo. Sanctè enim protestor, me has, uti Cynosuram, pra oculis habuisse semper: cum ratio instituti, & lex historia (qua lux est veritatis, sapientia mater, magistra vitae, & nuntia vetustatis) eas-*

dem sedulo & unice requirant.

Accipe ergo, Excelsa Respubl. hos qualescunque meos labores; quos tibi, uti summo in his terris meo capiti & nutricio, exporrectâ fronte, & humili debitâque animi submissione, offero, dono, & dedico: tuque potenti patrocinio, contra Zoilorum invidios morsus, (res tua cum sit) strenuè illos defende; atque ab obrectatorum theonino dente, & omni injuriâ, me fortiter vindica; &, uti hætenus fecisti, fovere perge. DEUM trinum & unum ardentibus votis, verisque gemitibus supplex, ex intimis cordis mei penetralibus oro; ut te, tuosque socios, ad sanctissimi sui Nominis laudem, piorum consolationem, vera libertatis defensionem, & tuam ipsius exaltationem, quàm diutissimè salvam, florentem, victricem & triumphantem, esse jubeat. Amen. Davosii in patriâ, ex Museo meo, XXIV. Mensis Martii Anno MDCXVII.

Inclytæ Tuæ Virtutis, & Gloriosi Nominis,

Studiosissimus Civis & servus,

FORTUNATUS SPRECHERUS  
à BERNECK.

ARGU

8

ARGVMENTA  
DECIM LIBRORVM  
PALLADIS RHAETICAE.

- I. Thuscorum, Duce Rhæto, in Alp-  
strem tractum migratio: finium am-  
pliatio: antiquæ Rhætiæ Alpinae in-  
tra suos terminos descriptio; ac re-  
rum gestarum acta, ad fata usque Au-  
gusti Cæsaris.
- II. Gesta sub aliis Imperatoribus Ro-  
manis, ad Francicum usque Impe-  
rium.
- III. Rerum gestarum memoria, sub  
Francico & Germanico Imperio, us-  
que ad annum millesimum quadrin-  
gentesimum septuagesimum sextū.
- IV. Bella; Suevicum cum Maximilia-  
no Imperatore, anno 1499. & alte-  
rum, cum Io. Iacobo Medicæo, Ca-  
stellano Mussii, anno 1525. & 1531. ge-  
stum; speciatim enarrantur.
- V. Bella, quibus nostri Rhæti, uti auxi-  
liares, & stipendia sub Principibus  
confœderatis merentes, interfuere, ad  
nostra usque tempora.
- VI. Fœderum Rhætorum inter se, cum  
Helvetiis, aut aliis Principibus con-  
iunctis; Sanctionum item, & juris  
administrandi, formæ: aliorumque  
bello

bello & pace memorabilium, ad hodierna tempora, succincta enarratio.

VII. Origo Fœderis Grisæi, & ejusdem per Communitates specialis descriptio.

VIII. Descriptio Cathedralis Fœderis; cum Episcoporum Curienſium præcedente Catalogo.

IX. Descriptio decem jurisdictionum Fœderis, & Dominii de Haldenstein.

X. Descriptio Volturenæ, Comitatus Clavennæ, & Bormii: quorum iusta acquisitio, & administratio, Brevis præfigitur.

## P R O Æ M I U M.

**Q**Uam magnum & ingens  
 donum Dei sit vera libertas,  
 uti rem inestimabilem, &  
 alteram quasi vitam, nemo perpen-  
 dere poterit; nisi qui durum misera  
 servitutis iugum (quod non modò  
 tristissima morti conferendum; sed  
 & longè præponendum esse, quilibet  
 generosus animus iudicat) vel ipse  
 fuerit expertus, vel alios sub eo vi-  
 ventis propiùs cognoverit. Ad quæ  
 concinnè Poëta veteres sequentibus  
 versiculis allusere:

Candida libertas claro descendit Olympo:  
 Triste at servitium de Phlegethonte venit.  
 Nec bene pro toto libertas venditur auro,  
 Hoc coeleste bonum,-----  
 O bona libertas pretio pretiosior omni!  
 O summum primumque decus! quâ procul ad-  
 emta,

Nil gratum, nil dulce viris; & vivere mors est.  
 Inexhaustus hic Thesaurus, à supre-  
 mâ & divinâ Majestate, in excelsis  
 locis nobis concreditus fuit: utq; tu-  
 tus & intactus conservaretur, emi-  
 nentes montes, pro firmâ sede & re-  
 ceptaculo, assignati. Namq; si ordine  
 omnia

omnia, & ad amussim (quatenus ratio instituti nostri ferret) examinare vellemus: inveniremus, semper vera libertatis hospitium fuisse montes. Creationis primorum Parentum locum, ubi sancta libertas, prope montes fuisse, ex hoc etiam colligimus: quòd quatuor fluminum scaturigine (quorum proprium est, ex montibus deorsum precipitari) insignitus fuerit. Secura illa supernatans Noë arca, in montibus Armeniis consedisse fertur: ut superstites à diluvio, summam Dei clementiam, in loco etiam eminentiore, experirentur. Legislatores omnipotens in montibus servos suos allocutus est; indeq; eos ad coelos assumpsit. Salvator noster Iesus Christus, gloriam suam, ante & post ascensum ad coelos, in cacumine montium ostendit; ibique suis apparuit: qui etiam Ecclesiam suam, in locis montosis, & eremo, esse voluit. Sic Prophetarum & Apostolorum, aliorumque Christi servorum habi-


*Habitationes deserta fuisse, testes locupletes habemus. Pagani ipsi, lumine natura illustrati, Diis suis eminentiorem locum attribuerunt; & proinde ibidem eis templa & sacra facere solebant.*

*Has commoditates, imò hac magnalia, etiam sentiunt omnes genio & ingenio magni Viri & Principes, qui castris & Museis suis astra magis appropinquare cupiunt. Leo, rex quadrupedum, & huic generositate vix cedens Capricornus; sic etiam Aquila, alarum dominio ceteris volatilibus preposita; animalia etsi ratione destituta, hanc tamen eximii sensus habent partem, ut regioni aëris superiori proximiora loca, etsi aspera, sibi pro sede eligāt, ita securum imperium exercent super reliquis, in molli planitie, inter cathenas, lora & caveas, servilem vitam d centibus. Et ubi major delectatio & securitas, quàm ubi jucundi & grati spirant Zephyri? virides suavesque*  
*rident*

*vident herbae? leniter scaturientes  
 murmurant fontes? salubres frige-  
 scunt acidula? therma calescunt?  
 aliaq; balnea utrumque temperant?  
 ubi modulantur volutres, saltant  
 capreolae, & pretiosa effodiuntur me-  
 tallae? cacumina niueo colore promi-  
 nent; colles Liberi muneribus super-  
 bi, & valles subjacentes aureâ Ce-  
 reris foecunditate beata, cominus &  
 eminus conspiciuntur? denique ni-  
 hil deest, quod generosior Natura  
 appetere velit?*

*Tutissimis ergo in montibus, ma-  
 gnanimi nostri Majores, cum furorè  
 Barbarorum esset cedendum; aut  
 auita libertas amittenda, tempore,  
 modo, ceterisque circumstantiis,  
 prout succincto ordine enarrare ni-  
 timur, considere.*





PALLADIS  
RHÆTICÆ

LIBER PRIMVS.

**T**ALIA omni tempore, propter saluberrimam aëris temperiem, pinguiſſimorum agrorum felicitatem, & omnium deliciarum ubertatem, artium denique & ſtudiorum excellentiam, ceu Paradifus alter, & totius Europæ ocellus, omnium ordinum & nationum homines ad ſe pertraxit: quos deinde non modò pulcherrimarum artium & ſcientiarum, quarum eſt ingeniola magiſtra; ſed & contubernii, juris & patrocinii, ob humaniſſimam hoſpitalitatem laudatiſſima, participes fecit. Pro quo beneficio tamen, non ſemper meritam gratitudinem, & talionis ſanctitudinem; ſed injurias ſæpenuerò & inſidias experta eſt. Vnde tam nobilis Regio, à variis populis hoſtiliter ſæpiùs tentata & afflicta fuit. Sic florida, & præ cæteris Italiæ provin-

18 PALLADIS RHAETICAE  
ciis excellens, Majorum nostrorum Patria, invidia & simulatibus internis (ut solent animi luxuriare rebus secundis) distracta, externos, illecebrarum blanditiis allectos, dominos & indigenarum expulsores, sibi, suo fato, acquisivit.

Dum enim, Iosîâ tum Hierosolymâ, & Anco Martio Romæ regnante, Demarathus, potens & opulentus famosæ civitatis, Corinthi, in Græciâ, civis, seditione ibidem natâ, salutem suam alibi quærere statuit: vicinam Italiam, & Thusciam, post Hetruriam dictam, petiit; tractumque ejus longè optimum, ac in gente Tarquiniâ sedem, & nobilem uxorem, sibi elegit. ubi postquam Lucumonem filium genuisset; rem familiarem ita auxit, ut hæredi, sub tutelâ relicto, ingentes etiam divitias reliquerit. Lucumo autem, animi, corporis, & fortunæ bonis ornatus, & à tutelâ liber factus, uxorem parem egregiamque, nempe Tanaquilam, ex primis civibus natam, duxit. Omnium oculi inde, ad Orientem hunc Solem conversi, radios ipsius, indies magis splendentes, diù susferre non potuêre. Ab æmulis ergo is accusatur; quòd tutoris sui Aruntis, qui ex Clusiensibus primatibus non erat postremus, conjugii vitium obtulerit. Zelotypia cum invidiâ conjuncta, alas  
Aruntis

Aruntis pedibus addit: qui cùm populi favorem videret Lucumonem possidere; ad externos recurrit: rebusque suis ad iter compositis, dulcissimi vini non exiguâ copiam trans alpes secum vehit: optimates & plebem (quorum corda jam mero exhilarata essent) prece & pretio, ad invadendam terram, hujus grati potus productricem, invitat: & voti compos factus, aliquas copias ultra Alpes secum duxisse fertur. De gestis autem eorum, & successu rerum, ex Auctorebus nihil aliud eruere possumus: nisi quòd ipse Lucumo invidiæ Thuscorum locum dederit, & Romæ cum uxore confederit, ibique principatum & regnum, quod alibi ambiverat, nactus, mutato nomine L. Tarquinius Priscus nominatus fuerit. uti apud Paulum Diaconum & plures alios, fusiùs adnotatum invenimus.

Extat alia privati cujusdam, & mechanici hominis, regionis hujus investigatio, quam superiorem paulò antecessisse aut secutam esse, conjecturis probabilibus accepimus. Elico, ex Helvetiis civis, fabrilem ob artem Romæ commoratus, ficum siccam & uvam, oleique ac vini promissa, in patriam reversus, secum tulit: ut meminerunt, Plinius, Livius, & Polybius, ubi de Tyr-

20 PALLADIS RHAETICAE  
rhenis verba facit. Stat firmum ergo,  
delicias Celtarum irruptionem pro-  
movisse.

Tempore vero prænominati Tarqui-  
nii Prisci, anno 18. regni sui, Urbis con-  
ditæ 146. & ante Christum natum 587:  
vel, ut alii, 588. Gallia Celtica præerat  
Ambigatus, ex Senonibus: (quibus reli-  
quæ Celticae genti Regem dare com-  
petebat) huic filius unicus erat: ex so-  
rore verò duos summæ spei habebat ne-  
potes, Bellovoisum (*Baldtvyß, Welt-  
vyß*) & Sigovoisum, (*Sigvyß*.) hos-  
ce, ne filio aliquando, spe regnandi,  
molestiam crearent, cum ingenti mul-  
titudine, quibus commodè carere pote-  
rat, & quos aliter regere posse diffide-  
ret, in diversa loca emisit. Sigovoisus  
quidem, Hercyniæ sylvæ tractum, au-  
guriis Deorum motus, petiit: & ibi Te-  
ctosages sedem fixisse, ex Cæsare habe-  
mus: & à Sigovoisis ortos Bojos, Stra-  
bo asserit.

Bellovoisus autem (de quo noster  
sermo est) cum selectâ turbâ ex Senoni-  
bus, Biturigibus, Avernis, Heduis, Am-  
barris, Carnutibus, Aulericis, & procul  
dubio non exiguo numero ex Helve-  
tiis, profectiois & itineris auctoribus  
& ductoribus, superato Rhodano, ad  
Tricastinos, sic sorte monente, rectâ  
tendit.

tendit. qui cùm prae oculis Alpes viderent, cōmeatusq; illos deficeret; anxietas animos de montibus superandis occupat. sed statim eis per nuntios innotescit, Massilienses Græcos, ex Phocide, nobilissimâ Asiæ minoris provincia, per mare mediterraneum, ad Salluytos populos appulisse, ibique sedem figere statuisse. his novis recreati, quòd & socios solum mutantes haberent, ex Tricastinis, per Taurinos saltus, inviasque Alpes, in Italiam transcenderunt. Horum irruptione per exploratores Tuscis cognitâ; quorum potentia, prae Romanis, & cæteris Italiæ populis, eminent erat: (dominabantur namque intra Tyberim, Atheum, Alpes, & utrumque mare) collectis copiis, eos à finibus suis arcere satagunt. Sed numero & ferocitate Barbarorum deterriti; & acie primâ, haud procul Ticino flumine, fusi fuerunt. Hostium vero, qui victoriâ elati progrediebantur, pars una, nempe Hedui, in eo agro & tractu, quem Insubriam appellari audiebant, conquivêre; gavisî hoc nomine, cum in relictâ patriâ, provinciæ cuidam, idem nomen esset: & Mediolanum, sumto à Santonum Mediolano nomine, aliasque urbes, condidêre. Cæteri, ulterius victoriæ signa secuti, potiore

Thuscorum dominio potiti sunt. Paulò enim pòst (ut hæc annectamus) Cenomani, hos secuti, Elitovio duce, Brixiam & Veronam posuerunt. Tum Boji & Lingones, Pado trajecto, se efferentes, ex eà parte Hetruscis & Vmbris pòstis, ad Appenninum usque castra posuère. Sic 200. pòst annis, Galli Senones, Brenno duce, pòst Appenninum superatum, Clusiumque expugnatum, universam Romam, præter Capitolium, igne devastarunt.

Sed ad lineam ut redeamus: Relicta à præliis nobilitas Thusca, inassuetum Barbarorum jugum ferre, animo induci haud potest: quæ procul dubio præ cæteris, ut à quâ sibi victores, ne rebelarent, magis timebant, duriori servitute premebatur. eoque modo expulsionem illius magis promovebant; contenti infimâ plebe, & colonis, qui rura colerent: & ita lætabundi, palatiis & opibus Magnatum, pro opimâ prædâ, gaudere securi valebant. Assumptis itaque eis mobilibus & suppellectilibus, ad quæ ipsi viri, cum uxoribus, liberis, servis, & clientibus, dominorum fata sequentibus, perferenda apti erant, Thuscæ primæ patriæ valedicunt, &, de tutâ sede providere volentes, ad altissimos (secundæ, & alterius nunc dicendæ patriæ)

triæ) montes, duce Rhæto, ætate, gloriâ, generositate & imperio, præ cæteris claro, se conferunt. Iam antea hæc ora, præsertim quæ Italiâ spectat, florente ipsorum imperio, dum plures in Italiâ & Insubriâ colonias deducerent, (ut Livius testatur) procul dubio ipsis innotuerat. Superatis Alpibus, veniunt ad Alpinos populos, Tauriscos: (ita enim omnes Alpini populi vocantur. nam, linguâ Celticâ, *Tauren*, mons dicitur.) interque hos primos incolas Lepontios inveniunt. Gens hæc antiquissima est; Cæsare, Strabone, Ptolemæo, & Plinio teste: qui eos ab exercitu Herculis, Alpes transcendentes, in summis ibidem Alpibus relictos & collocatos, (inde *λειπόνιοι*, quasi *Relicti*) fabulatur. Certum tamen est, eos ut cæteros hujus districtus habitatores, Celticæ gentis (quæ originem sibi vendicat ab Ascenaze, Noë pronepote: qui ex transmigratione, & linguarum confusione, Celta vocatur. unde Iudæi Germanos etiam nunc Ascenazim appellant) fuisse: ut ex ipso etymo vocabuli, (quasi *die Lieben*) aliisque consequimur. Hi, ad itinera aperta & pervia tenenda, ad Rheni fontes; sicut Lepontii Viberi ad originem Rhodani, desti-



nati erant. Hosce, cùm spes amissi imperii, successu temporis aliquâ parte recuperandi, animo fixo hæreret, & eorundem operâ, ut aëri & regioni assuetorum, nostri opus haberent, amicitia sibi conciliant; & fortalitiis aliquibus fines ibidem muniunt: ipsi interim ad mitiora loca, uti educatæ suæ & assuetæ naturæ magis apta, tendunt. Vbi ergo Rhenum jam mitem cursum tenere vident, & regio alas suas in planitie expandebat, ipsi sarcinas suas deponunt: incolarum, quorum exigua copia, aliquos ad montana relegant; alios amicâ servitute sibi obligant: Pagum ibidem, ad montis pedem, (cui nomen amissæ patriæ, *Thuscia*, imponunt) condunt: & castra multa, in altissimis locis, communi manu, nullo personarum respectu habito; Dux ipse Rhætus tria, utpote Rhætiam altam, imam, & Rhætium, suo nomine insignita; erigunt: Vallem hanc à cicuritate, Domesticam (hodie *Tomiliasca* dictam) vocant. Proximis his jam accolæ & vicini erant Cotvantii & Rucantii; qui ejusdem originis cum Leponitiis sunt: prout ex etymologia verborum (*die Guosten: die Ruchen*) patet. Istos, ut feroces, & in arcibus ac naturâ munitis locis degentes, socios & cives assumunt.



munt. Vnde clarum est, prima aliqua Rhætiae castra, à primis indigenis ipsis, nomina Celtica, quæ hodie nostrâ Germanicâ linguâ pronuntiamus, accepisse: quamvis inficias non eo, & certò constat, multa postea ab Allemannis, Gotthis, Longobardis, Francis, qui imperium Romanum invaserant, & ab Episcopis Curiensibus, aliisque eorum feudatariis, fundata, Germanica nomina etiam nunc ferre.

Rheni utramque scaturiginem, ad cujus anterioris fontes Lepontii Ætuatii erant, & ejus descensum, cum populis accolentibus, jam investigârunt, sibi subjecerant, & conciliaverant: animus autem & propositum erat, tractum montium horum occupare omnem. ita ductu Alpium, seriatim se erigentium, auxilio & consilio exploratorum, Oeni, Athesis & Abduæ, ac reliquorum fluviorum fontes inquirunt: incolas, quorum numerus exiguus, suo imperio (quod tamen benignum, imo sociale erat) adjiciunt. De hac Rhætorum expulsiōe, profectiōe, & Alpiû occupatione, testes locupletes sunt, Cæsar, Strabo, Iustinus, Plinius, Solinus in Polyh. Horatius, Cornelius Tacitus: quorum verba formalia, ne epitome in opus excrescat, non recito; sed loca appono:

Mōtium ergo dominos factos, Rem-  
pub. suam in hac civitate, ubi mœnia  
divinâ, non humanâ manu, structa sunt,  
eâdem formâ, quâ in amisso imperio,  
(ubi duodecim erant præminentes,  
Lucumones Græco vocabulo dicti; qui-  
bus decimus tertius. Laërtes, præsi-  
dens addebatur) administrâsse, non le-  
vibus conjecturis adducimur. Et hodie  
etiam, recuperatâ pristinâ libertate, in  
plerisque jurisdictionibus, duodecim  
aut quatuordecim jus dicentes sunt:  
quibus decimus tertius, vel quintus,  
Ministerio fungens, (unde *Ministralis*  
dicitur) præsidet.

Repub. cæterisque rebus satis, pro  
more patriæ, & ex voto ordinatis, aëris  
asperitate acriores Rhætorum, posterî  
sunt facti; ita ut etiam linguam corrū-  
perint, & vix sonum retinuerint: quip-  
pe magis vicini Septentrioni, proinde  
graviori aspiratione, ex naturali calo-  
re, verba proferunt. Olim quidem lin-  
gua hæc non scribebatur: nostro verò  
seculo, eruditorum virorum opera, &  
scripta & impressa, in eâ elaborata cer-  
nuntur; tantoque Grammaticæ con-  
centu, ut vix alteri alicui idiomatici in  
observatione regularum cedant. Hoc  
Rhæticum Idioma, communiter Roma-  
num (*Romanisch*) vocant, (Germanicè,  
Chur-

*Churwaldsch*: ) ut qui Romano postea imperio additi, eorum linguâ uti coacti sint. Engadini Latinum (*Ladin*) appellant; & inde sumptum putant: quod multi nobiles, tempore Hannibalis, furori Pœnorum cedentes, ex Latio profugi, in hoc montium districtu securitatem quæsierint. cujus rei multa familiarum & locorum monumenta hodie, præsertim in Engadina apparent.

Nec tamen subtilitas ingenii Thuscî, & dominandi cupido, in eis extincta fuit. qui magis jam fœcundi, in ingentē multitudinem excreverant. Populosus itaque numerus, extra angustias montium se extendere, occasione ductus, simul & necessitate coactus, virtute & potentiâ suâ paulatim ad utrumque lacum, Ripanum & Acronium, (alii Potamicum & Brigantinum vocant) & plûs ultrâ, penetravêre. Cujus clara vestigia in oppidorum, castrorû, & aliorum monumentorum nominibus, utpote Castris Rhæticiis, Termino Helvetiorû, & Vigiliarû stationib<sup>9</sup>, Tertia, Quarta, Quinta, aliisque plurimis à Ripani lacus latere & infinitis aliis à Brigantini parte, extant. quæ cûm extra Primæ, præcælnalpinae, & hodiernæ Confœderatorû Rhæticię, nobis describendæ, terminos sint, ne ab orbitâ deflectam; recensere supersedeo.

Nec

Nec interim tamen etiam deliciosæ Italiae obliti sunt: sed fines suos ultra Alpes, versus Comum, Tridentum & Veronam, eos extendisse, ex memoratorum auctorum unanimi consensu nobis apertum redditur. Et proinde Strabo, ferocitatem & petulantiam Corvantium & Rucantium, (ut prius monuimus) In alpinorum Rhætorum, mirificè exaggerat. Ac verisimile est, Romanos, quorum jam amplissimum in Italiâ imperium erat, Rhætorum conatibus & viribus, in proferendo dominio obstitisse. Sed Scriptorum penuriâ hac in parte premimur: ideoque tenuibus conjecturis quædam investigare, cum magnorum virorum iudicio, tentabimus. Cùm ergo, alii ex antiquioribus Scriptoribus, Rhætiam nostram Illyrio, cui ab Oriente cohæret, adscripserint; alii vero Galliæ, propterea quòd ab Occidente illi confinis erat: Galliæ autem Alpinæ mentio fit alicubi: utique propter vicinitatem, Rhæti nostri populis Alpinis auxilia præstitisse putâtur.

Anno ante Christum natum 143. Appius Claudius Consul, Salassos, Alpinos Gallos, cū auxiliariis eorū Alpinis, vicit.

Anno ante C.N. 166. Claudium Marcellum Alpinos Gallos subegisse, est in Capitolinis scriptum; eundem etiam de Liguri-

Liguribus triumphâsse, ex Livio habemus. Quod bellum Rhætos Inalpinos etiam attigisse arbitramur.

Anno ante C. N. 168. &c. Martius Rex, Consul Rom. populum Alpinum, Sarnios (alii Stinos legunt) vicit.

Anno ante C. N. 195. L. Licinius Crassus, egregius orator, Alpinum bellum affectâsse, ex Cicerone in Pis. habemus.

Hoc tamen firmiter, nec levibus argumentis ducti, credimus: Rhætos nostros vicinis suis Tigurinīs, Tugenīs, Ambronibus, Teutonibus, & Cimbris, in bello Cimbrico, odio potentiae Romanæ, sibi admodum molestæ, transitu & com metu præstò fuisse; & Gessatas (hi seu à stipendio, ut vocamus [*Gesynde*] seu à genere teli; quod à Varrone & Vergilio *Gesum* dictum, ita sunt appellati) concessissè. Isti enim, secundum Polybii sententiam, juxta Rhēnē & Rhodani originem habitabant. Horum etiam ope usus erat antea (eodem Polybio teste) Brennus, Gallorum Senonum dux, quum Clusium & Romam, sicut diximus, vastaret.

Romani, victoriâ de Cimbris & Teutonibus, ac cæteris eorum sociis, in Galliâ & Italiâ potiti, Rhætis nostris magis infesti fiunt. Nostri contrâ etiam ea, quæ sibi à Marco Marcello, Consule Romano,

30 PALLADIS RHÆTICAE  
no, anno ante C. N. 122. per victoriam,  
quâ Gallis insultarunt, erepta erant, re-  
cuperare statuunt. Comum itaque (ut  
Strabo ait) à suprâ adcolentibus Rhætis  
afflictum, Cneius Pompejus Strabo, P.  
Magni pater, consulatum cum L. Por-  
tio Catone, anno V. C. 665. gerens, an-  
te C. N. 89. (duodecim circiter post  
Cimbrorû adversam fortunam annis)  
inflauravit, & colonos in eam restituit.

Ab alterâ Alpium parte extensis, uti  
suprà diximus, viribus, ad utrumque  
lacum, Acronium & Ripanum, per  
emigrationem Helvetiorum, & socio-  
rum Rauracorum, Sequanorum, & alio-  
rum, adepti occasionem, quæ, ut colli-  
gitur, ante C. N. 58. contigit: loca va-  
cua, & ab incendiis libera relicta (con-  
niventibus fortè discedentibus Helve-  
tiis) occupaverunt. Helvetii autem, vete-  
res hospites, in Gallia à Cæsare fusi, &  
retroacti ad pristinos lares redeunt: Rin-  
ti adepta, & sibi relicta, reddere recu-  
sant. Illi igitur Helvetii, fabricis intenti,  
& viribus diminuti, ex fœdere cū Cæsare  
inito, opem & suppetias petunt. quæ,  
auspiciis Lucii Munatii Planci, quem  
Cæsar Galliæ Comatæ præfecerat, sunt  
missæ. Hic Rhætorum vires & copias,  
Galliæ imminentes, & in latâ planitie  
palantes, retudit, ac de iis triumphum,  
(qui

(qui tunc, & subsequentibus aliquibus temporibus, facile, perturbato & in-  
verso antiquæ Reip. statu, etsi hostis  
non esset subactus, concedebatur) eo-  
dem quo Cæsar est mortuus anno, egit:  
ut patet ex veteri inscriptione, in pro-  
montorio Cajetæ inventâ:

L. M V N A T I V S. L. F. L. N. L. P R O N.  
P L A N C V S. C O S. C E N S. I M P.  
I T E R. V I I. V I R. E P V L. T R I V M P.  
E X. R A E T I S. A E D E M. S A T V R-  
N I I. F E C I T. D E. M A N V B I I S.  
A G R O S. D I V I S I T. I N. I T A-  
L I A. B E N E V E N T I. I N. G A L-  
L I A. C O L O N I A S. D E D V X I T.  
L V G D V N V M. E T. R A V R I C A M.

Anno præcedente, nempe ante C.N.  
44. D. Brutus, Consul desig. & à Cajo  
Julio Cæsare Galliæ Togatæ præfectus,  
Rhætos Italiæ imminentes repressit:  
ut patet ex Cic. ubi scribit, se ad In-  
alpinos cum exercitu progressum fuisse,  
& multa castella cepisse, multa va-  
stasse; non sine causâ ad Senatum lite-  
ras misisse.

Interea interficitur Cæsar: sequuntur  
pugnæ, & ultricia arma Octavii, Anto-  
nii, ( qui etiam ex Alpibus anno ante  
C.N. 41. triumphavit: etsi nihil dignum  
triumpho egerat, neque omninò illis  
in

32 PALLADIS RHAETICÆ  
in locis imperium habuerat; ut Dio pro-  
didit) & Lepidi, Triumvirum, contra  
occisores. Mox cupido imperandi inter  
iplos quoque dissensionem parit: &  
tandem habenæ soli Octavio (Augusto  
nobis, post Actium & Alexandriam,  
V. C. 727. ex sententiâ M. Plancii di-  
cendô) delatæ sunt.

Romani Imperii potentia omnibus  
formidabilis facta, ex quo, antea actis  
temporibus, ut suo loco monuimus,  
Comum Rhætis creptum erat, vicinos  
etiâ Vennonetes & Camunos, Alpi-  
nas gentes, sibi adjicere statuit. hi ta-  
men Rhætis dominis suis fidi, contra  
Romanos arma sumptum; victique à  
P. Silio, & subacti sunt, Dione teste, anno  
V. C. 738. Gaudens hac victoriolâ Au-  
gustus, cum suis Romanis, quorum  
victoria arma jam per Asiam, Africam,  
Europam, Galliam & Hispaniam cir-  
cumlata erant, *Indomitum Rheni caput*,  
(ut Lucanus canit.) & hætenus invi-  
ctam gentem, in Alpibus suis aggredi  
proposuit. Huic aviditati inserviebant  
crebræ, Rhætiae vicinorum, Imperio  
Romano subditorum, querelæ; eos, de  
intuto viarum transitu, quotidianis ite  
depopulationibus, rapinis, & latro-  
ciniis, accusantium: quæ tamen apud  
Celtas, (uti Cæsar ait) ceu quæ extra  
fines



fines cujusque civitatis fiebant, pro nullâ infamiâ habebantur; sed juventutis exercendæ, & desidiæ minuendæ causâ fieri, prædicabant. addebant; immanitatem, quam exercerent, (nempe quòd omnes masculos, quos comprehendissent, etiam in utero matrum agentes; id quod certis divinationibus pervestigabant; interficerent) sic consuetudinē (asserente eodem Dione) apud Rhætos receptam esse: ut in eos, qui nullo fœdere essent conjuncti, ita statuerent. Dioni astipulatur Strabo; qui tamen hanc feritatem & rapacitatem aliquo modo temperare videtur, dum commercia Inalpinorum Rhætorum, cum gente in campis & planitie degente, commemorat: eis nempe quòd pepercerint, victumque, & alia, quibus ipsi indigebant, tutò ad se deferre permiserint: Inalpini vicissim campicolis, de suis mercibus, resinam, picem, tedam, ceram, caseum, & mel retribuerint.

Quæ Rhætos primòs Alpestres, eadem fortuna excipiebat vicinos & conjunctos Vindelicos, veteris Illyrici populos, ita à fluvio Vindone & Lyco dictos. Hi propter incursiones in proximos Sequanos & Bojos adjacentes, Imperatori subigendi videbantur. Anno

34 PALLADIS RHAETICAE  
ergo ante C. N. 15. M. Livio Druso Li-  
bone, L. Calpurnio Pisone Caesonino,  
Coss. Rhæticum bellum motum est.  
Quod si non temporis circumscriptione,  
sed animis & obstinatione partium,  
metimur; inter gravissima numere-  
mus licet. Verbi invidiam Romani Vi-  
ctores lenient: quorum confessione pa-  
lâm est, fortissimam gentem, militari-  
bus potissimum artibus & insidiis, non  
apertæ virtuti, cecidisse. Nam, cùm Au-  
gustus uni huic utrumque privignum,  
Tib. Claudium Neronem, & Nero-  
nem Claudium Drusum, duces præfe-  
cisset: præstantissimosque viros legatos,  
& viros doctos, unde

*quid studiosa cohors struit,*

addidisset; illi præfidentem, sed in-  
conditam Rhætorum & Vindelicorum  
fortitudinem, eâ fregere ratione; ut bel-  
lum latè per omnem provinciam spar-  
gerent, & hostium exercitum in multa  
minuta agmina deducerent. quo exco-  
gitato, dispersos non admodum diffi-  
culty vicere; quorum unitæ vires invi-  
ctæ erant futuræ.

Principio Drusus, contra Rhætos, ut  
vias aperiret, ab Augusto cum exercitu  
missus est. hic eos apud Alpes Tridenti-  
nas sibi obviâ factos, ( ut Dio ait )  
prælio agressus, haud magno certame  
mine

mine fudit: ejusque victoriæ ergò, Prætorios, cùm Quæstor tantùm fuisset, honores adeptus est. Dein, cùm ab Italiâ rejecti, nihilominùs Gallias urgerent; Tiberium quoque, ex Armeniâ reversum, contra eos misit.

In diversas partes partitus, ut diximus, exercitus Romanus fuit. Tiberius, ex Galliâ veniens, commeatu & cæteris rebus ab bellum instructissimus, Rhætos, à Druso in Alpibus sparsim profligatos, & ad planitiem tendentes, excipit; & per lacum Acronium navigiis subvectus, commodè utens Insulâ ejusdem lacu, (quæ etiam nomen ab eo retinuit) Rhætos & Vindelicos ibi concussit. Drusus frater in Alpibus rem gerebat:

*(Videte Rhæti bella sub Alpibus*

*Drusum gerentem, & Vindelici.)*

Et hinc vallis quædam, ubi commoratus aliquandiu, ab eo Drusiana etiam nunc vocatur.

Victorias hætenus Romani, arte & consilio à dispersis copiis Rhætorum & Vindelicorum, diversis exiguis præliis, extorserant, Quæ ergò ex cladibus Alpinis, & navali pugnâ, superfuere reliquæ, tamen neque generosos spiritus, neque libertatis amorem posuere; imò hostes, toties victores, & exercitum jam conjunctum habentes, directâ acie,

36 PALLADIS RHÆTICAE  
in amplâ planitie, (in campis ad Lycum  
immensum patentibus fuisse, conje-  
cturis ducimur) quæ nihil ad tegendas  
insidias latebrarum haberet, testandæ  
virtuti delectâ, aggredi ausi sunt; & evē-  
tu minùs læto, extremam fortunam  
tentaverunt: Inde Horatius iterum:

*Major Neronum mox grave prælium  
Commisit; immanesque Rhætos  
Auspiciis repulit secundis.*

Incredibilia etiam facinora, Rhæti-  
carum Inalpinarum, & Vindelicarum  
mulierum, (ut Paterculus & Florus  
notant; & idem ab Orofio Cheruscis,  
Suevis & Sicambris, tributum fuit)  
commemorare cogimur: quæ (Amazo-  
num instar, à quibus originem ducunt;  
ut Horatius innuit, & Servius ait) hoc  
bello, proprios filios, deficientibus telis,  
humis afflitos, tormenti loco, in ora  
hostium contorsisse dicuntur. ubi neq;  
patriæ, neque libertatis amor, satis lau-  
dari; neque deterrima in liberos sævitia,  
quam nulla beluarum feritas imitetur,  
satis vituperari potest.

Verum, etiam si Rhætis dilaudandis  
omnium auctorum (præsertim Dionis  
& Paterculi, duorum insignium adula-  
torum) ingenia conspirent: nullum à  
quoquam ornatius elogium excogitari  
poterit; quàm quod eos

*Devo-*

*Devota morti pectora libera*

appellavit Horatius. & idem Rhætos Draconibus, Aquilę reluctantibus, comparat: quòd nunc hos, nunc illos, implacidum genus, veloces, immanes, agmina ferrata, appellat. Ovidius, in carmine abjectę adulationis, Augustum duobus bellis, Rhætico & Threicio, tenuisse, haud quaquam dissimulat.

*Rhætica nunc præbent Thraciaque arma metum.*

cùm de reliquis leniùs locutus esset:

*Nunc tibi Pannonia est, nunc Illyris ora domanda.*

Hoc certum est, eum, Rhætici belli periculo & metu, in Galliam concessisse: ubi multas, ut in Hispaniâ, colonias fundavit. Vnâ æstate Rhæti & Vindelici debellati sunt. & inde sibi nomen Augusti sumpsit, à Sextili mense, propter insignes victorias. Tiberio cùm triumphus, tot rebus gestis, decretus esset: ipse Augustus, ne ageret, obstitit; triumphalia tamen ornamenta concessit. Hoc verò elogium SCro consecravit:



IMP. CÆS. DIVI. F. AVGVSTO.  
 FONT. MAX. IMP. XIII. TRIB. POT. XVII.  
 S. P. Q. R. AVSPICIISQ.  
 QVOD. EIVS. DVCTV. AVSPICIISQ.  
 GENTES. ALPINÆ. OMNES. PERTINEBANT.  
 QVÆ. A. MARI. SVPERO. AD. INFERVM. PERTINEBANT.  
 SVB. IMPERIVM. P. R. REDACTÆ. SVNT.  
 GENTES. ALPINÆ. DEVICTÆ.  
 TRIVMPILINI. CAMUNI. VENNONES. VENNONETES.  
 HISARCI. BREVINI. NAVNES. FOCVNATES.  
 VINDELICOR. GENTES. IIII.  
 CONSVANETES. VIRVCINATES. LICATES. CATTENATES.  
 ABISONTES. RIGVSCI. SVANETES. COLLVCONES.  
 BRIXENTES. LEPONTII. VIBERI. NANTVATES.  
 SEDVNI. VERAGRI. SALASSI. ACITAVONES.  
 MEDVLLI. VCENNI. CATVRIGES. BRIGIANI.  
 SONTIONTII. EBRODVNTII. NEMALONI.  
 EDENNATES. ESVBIANI. VEAMINI.  
 GALLICÆ.  
 TRIVLATI. ECTINI. VERGVNNI.  
 EVITVRI. NEMENTVRI. ORATELLI.  
 VLRVSI. VELNANI. SVETRI.

Regio jam victa, in provinciæ formâ redacta fuit: Rhætia nempe & Vindelicia, in unam solam; & Rhætia vocata à Norico & Pannonia distincta. Et his ferè conditionibus, ( ut sequitur ex Dione) in fidem esse receptam, autumamus. Quia verò populosa erat gens; videbanturque bellum retentaturi: maximam ejus, & ætate validissimam partem inde abduxerunt; iis relictis, qui & colendæ ei regioni sufficerent, & ad rebellandum non satis virium haberent. Reliquos, præcipuè autem Vindelicos, & planitiem incolentes, magnâ agri parte multavit; & tributis præterea immensis afflixit. cujus fidem faciunt Batavorum verba apud Tacitum.

Inalpini autem Rhæti, ad originem Rheni & Oeni confidentes, non omninò victi; sed tantùm hinc inde palantes repressi fuerunt: uti Lucani elogio patet, qui indomitum statum Inalpinorum, tempore civilis belli, expressit. Claudianus etiam, longo pòst intervallo, succinit.

————— *Rhenumque minacem*  
*Cornibus infractis.* —————

Et Suetonius, in Augusto, verbo & sermone modesto utitur. *Rhatiam*, inquit, & *Vindelicos*, ac *Salassos*, gentes *Alpinas*, coërcuit. Mitius illi, tum ob

40 PALLADIS RHAETICAE  
antiquā ex Tusciā originem, & linguā  
affinitatē; tūm ut montium itinera per  
eos conservarentur aperta, ad quā non  
quālibet natio, ob asperitatem aëris, &  
vastas nivis moles, ac inasfluetos Alpium  
anfractus, apta erat; tractabantur.

Rhæticae interim devictae jurisdictio,  
& procuratio rei militaris, sequenti mo-  
do constituta fuit. Augustus eam, uti  
Barbaris finitimam, sibi regendam  
sumpsit; & Praesidem eō (qui erant Prae-  
tores aut Consulares: &, ut rectē addit  
Strabo, Equites) misit. Hi jus gladii, in  
milites etiam vitae necisque potestatem  
habebant: & militari habitu, hoc est,  
paludati, in provinciam proficiscebant-  
ur; ut Dio docet. Eorum Magistras-  
tus non circumscribebatur: sed quous-  
que Imperatori collibuisse. Sedem  
ejus fuisse Augustae Vindelicorum, quae  
à Romanis colonia deducta fuit, con-  
jectamus; in edito nempe loco, prope  
Vindonis & Lyci confluvium. Colo-  
niae autem in agros captivos, subsi-  
dium adversus rebelles, & imbuendis  
sociis ad officia legum, deduci solebant.  
Voto Drusi patroni, Augusta illa vo-  
cata fuit. De ritu religioso, observato in  
deducendis coloniis, canit Ovidius:



*Fossa fit ad solitū, fruges jaciuntur in ima;  
Et de vicino terra petita solo est. (aras  
Fossa repletur humo; terraq; imponitur  
Et novus accenso finditur igne focus.*

Et, prout ex numismatibus veteribus, à Marco Vellero collectis, conjicere possumus; primus Rhætiae Præses fuit, Titus Sempronius Gracchus, vir Consularis, & magnæ authoritatis. Erant deinde etiam Imperatoris Procuratores, aut Rationales: qui erant plerunque Equites, aut Liberti. His tributorum cura demandata erat, & quæ ad fiscum præterea pertinerent.

Invaluit tamen paulatim consuetudo; ut certæ provinciæ Procuratoribus, nullo alio Præsidente, regendæ committerentur. Sic etiam Rhætiam, post Neronis mortem, Procuratore cohibitam fuisse, perspicuum est. Et Præsidum appellationes, sub Imperatoribus, sæpius pro re natà, inutatae sunt. Sic Rhætiae Procuratorem apud Tacitum invenimus: Prolegatum Rhætiae in lapide, vidit Vellerus: inde Legatum licet colligere. imò etiam nomine Iudicis, Curatoris, Præfecti, Provinciarum Rectores promiscuè appellati sunt.

De militari præsidio, (si Aventino creditur) Vindeliciam, præter auxilia, tres legiones, Martia, Quarta & Quinta

Batava, custodiverunt. Vellserus autem, sub Augusto, & deinceps aliquando, nullam legionem in Rhætia stativa habuisse, etsi quædam subinde immigraverint; firmis argumentis probat. Sic Tacitus, auxilia Rhætica, alas; cohortes, sæpe; semel, Vindelicorum cohortes, nominat: legionum nusquam meminit. Tiberius 25. legiones in armis habuit; ut ex eodem Tacito colligimus. tot enim fuere sub Augusto; (ut Dio prodidit:) quibus omnibus tamen extra Rhætiam locum assignat.

---

## LIBER II.

**L**atissimam ergo hanc Rhætiam Inalpinam, & Vindeliciam, ac bonam partem Helvetiæ, potissimum superiorem & inferiorem Duregiam, comprehendentem, describit Claudius Ptolemaeus Alexandrinus; qui vixit sub Hadriano & Marco Antonio Impp. *Occidentale latus, inquit, terminatur monte Adulâ, (vulgò vocatur de Vogel) unde Rhenus oritur; & lineâ, quæ est inter capita amnium Rheni & Danubii. Latus Septentrionale limites habet, eam partem Danubii, quæ est à fontibus, usque ad Oenii sinuii diverticulum. Orientale* verò

*verò latus , ab ipso Oeno discriminatur. Meridionale , Alpium montibus supra Italiam extensis, apud Grajas Alpes , & apud Pœnas , quæ sunt juxta principium Lyci amnis ; qui in Danubium exit , & mœnia urbis Augustæ alluit. Rhetiamque à Vindeliciâ disjungit.*

Strabo verò , qui tempore Christi & Augusti in vivis fuit , diversis locis , ubi de Rhætis & eorum cultu scribit , limites ejus summatim ita complexus est: ut ab Oriente, Veronam & Noricos , & partim Vindelicos , qui eosdem ad Septentrionem separant , posuerit ; versùs Meridiem , Comum, & Insubres ; contra Occidentem demùm , Helvetios , & Lepontios. Isque Episcopatus Curiensis planè circuitus est. Nam ab Oriente, habet Episcopatum Augustanum & Brixiensem ; deinceps in Meridiem declinando, Tridentinum & Veronensem ; & ad ipsum Meridiem , Insubres Comenses, Clavennates & Vennonetes , ( qui etsi sub Rhætorum jurisdictione sint ; tamen per commoditatem Diœcesi Comensi annumerantur ) item Biltionenses, Helveticæ ditionis , & prædictæ diœceseos ; contra Occidentem, in summis Alpibus, Lepontinos Vranios Constantiensis , & Viberos Sedunensis Episcopatus : A plagâ Septentrionali, usque ad

44 PALLADIS RHAETICAE  
ad Acronium lacum, ab utroque Rhe-  
ni latere, & castra Rhætica, per-  
tingit.

Quicquid itaque est intra circuitum  
hujus Episcopatus, veræ antiquæ Rhæ-  
tiæ est: & omnes incolæ, præter reli-  
quias Lepontiorum & Viberorum, ex  
quibus aliqui in Rhætiâ migrârunt,  
qui semper linguam suam Celticam re-  
tinuere, & in summis montium par-  
tibus ( unde etiam *VValdtseffer*, quasi  
sylvarum incolæ, cæteris, etiam num  
hodie dicuntur) suas sedes habent: Rhæ-  
ticâ linguâ, quam Romanam, imò etiâ,  
Engadini Ladinam vocant, usi sunt: ut  
ex oppidorum, castrorum, & omnium  
ferè locorum nominibus, perspicuè  
quisque deprehendere potest.

Nos autem ut ad institutum nostrum  
revertamur, solam illam primam Pri-  
scam Inalpinam Rhætiâ, & eos, qui  
perpetuo trino fœderis vinculo cōjuncti  
sunt, ( proinde à Germanis, *die Grauvu  
Bündtner*; sibi ipsis, & cæteris nationi-  
bus plerisque, *Grisones*, ob habitum ex  
patrio panno griseum, quem gestabant,  
dicti ) cum subditorum suorum tractu,  
delineare, quàm maximè succinctè, pro-  
posuimus.

Hi ergo nostri excelsorum trium fœ-  
derum Rhæti, ab Oriente, habent ho-  
die.

diernos Vennones & Oenanos , ubi mons Venustus est, (*Vetmetza, Vinstermuntz*) unde ex altero latere Athesis ortum habet. Ab Occidente, Comitatus Biltionensis , & Adularum Alpiū montes, Lucumonis, nunc S. Barnabæ , Crispalta, Vepca, ac Mærcha, terminum ponunt. A Meridie , sunt Triumphilini , & alii lacus Larii accolæ , Vallis Saxea Mediolanensis Ducatus , ac Bergomates & Camuni populi Venetæ ditionis. Septentrionale latus, ab unâ parte per accolas Rhæticonis montis, Valle-Drusianos nempe & Estiones; ab alterâ, per vicinos Reguscos & Sarunetes , discriminatur. Quibus ubique etiam certi sui termini extant positi : nos hîc, generali populorum finitimorum citatione , contenti sumus.

Ab antiquâ ergo memoratâ Rhætiâ, hodie avulsa hæc sequentia ( quę videlicet extra ditionem trium fœderum , & eorum subditorum, sunt ) numerantur. In tractu Transalpino, versus Meridiem, pars Comitatus Tirolensis , quæ est in Vennonibus, Abbatia Montis S. Mariæ, Triumphilini , Comitatus Biltionensis , cum vicinis Lepontiis. In districtu verò Cisalpino, versus Septentrionem, sinistrâ Rheni ripâ , Vrsaria, Haldenstein, (quod trium fœderum patrocinium agnoscit)

Faba.

Fabarium, Comitatus Sarunetum, Castra Rhætica, ubi Vindeck & Schennis; Vallis Duria, ubi S. Iohannes; Comitatus Verdenberg, Gambsum, Dominium de Alto-Saxo, & Rhingovia: dextro autem Rheni latere, Guttenberg, Vallis dulcis, Schellenberg, Comitatus Velcurii, Sonnenberg, Pludonum, cum valle Drusianâ, Blumeneck, Montfortium, Nunburg, Altum Amisum, Brigantium, cum circumvicinâ regione ad lacum usque Acronium.

Longitudo etiam hodiernæ nostræ Rhætiae, si à Meridie in Septentrionem sumatur, erit milliarium Rhetorum seu Germanicorum (8000. passus pro quolibet milliari numerando) circiter quindecim; Latitudo ab Oriente in Occidentem, tredecim circiter.

Placuit etiam familiarum præcipuarum numerum, quæ antiquâ nobilitate, aut gestorum gloriâ, in nostræ Inalpinæ Rhætiae circulo claruere, aut etiam nunc vigent, vel inde originem trahunt, ordine alphabetico, (ne cuiquam injuriam facere videamur) apponere. Utimur autem, pro varietate idiomatum, in multis, Germanicis & Italicis terminationibus.



## A.

*Aburg.*  
*Alberici.*  
*Alberti.*  
*Albertini.*  
*de Alio.*  
*Altenstein.*  
*Almenium.*  
*Amacia Comit.*  
*Ambria.*  
*Amisium altum.*  
*Com.*  
*Amedes.*  
*Andreoscia.*  
*Andriani.*  
*Ardetium, Ger.*  
*Steinsberg.*  
*Armanaschi.*  
*Arms.*  
*Arrigoni.*  
*Ariaria.*  
*Aspermontium.*  
*Baron.*

## B.

*de Balcono alto; un.*  
*de Caroli.*  
*Balbiani. Com.*  
*Baldenstein.*

*Bartenstreit.*  
*Barachi.*  
*Baselga.*  
*Bassi.*  
*Bavier.*  
*Bazoni.*  
*Beccaria.*  
*Belli de Belloforti.*  
*Bellmontii Bar.*  
*de S. Benedicto.*  
*Bernburg.*  
*Berneck.*  
*Bernovii.*  
*Bifrontij.*  
*Billitiona. Com.*  
*Bironda.*  
*Biffii.*  
*Blumenthal.*  
*Bossi.*  
*Bovitii.*  
*Bovolini.*  
*Brandani.*  
*Brandis. Bar.*  
*Brigantia. Com.*  
*Brochi.*  
*Brugberg.*  
*Bruls.*  
*Brumfli. inde Nob.*  
*in Turre.*  
*Bruno.*  
*Brunold.*

*Brunn,*

Brunn.

Buchlen.

Buchberg.

Bundi.

Buolii.

Bupfer.

Burgarelli.

Burghausen.

Burgover.

Burgstall.

C.

Cabalzari.

Caldevari.

Camenis.

Caminada.

Camontii.

de Campello.

Canobii.

de Capaulo.

Capitanei.

Carbonera.

Caroli.

Carugo.

de Carrate.

Casolari.

Castelberg.

Castel-  
li de { Arcenio.  
S. Na-  
zaro.

Castrisium.

Castrum { altum.  
imum.

Castelmurum.

Cattanaei.

Cazini.

Cingiacum. Germ.  
Rinckenberg.

Clingenhorn.

Conti.

Cornachia.

Costa.

Crapa longa.

Cribelli.

Crista.

Crottenstein.

Crotti.

Curia. Com.

Curti.

Curtini.

D.

Dantii.

Diebethaler.

Dorta.

Dusch.

Dusdei.

E.

Ecclesia.

Ehren



Ehrenfels. Bar.

Engelsperg.

Enderlini.

Eremusium.

F.

Fagonium. Germ.

Feldsparg.

Falkenovia.

Falkenstein.

Fardin.

FederSpil.

Ferla.

de Fine.

Sanct Finer.

Finer ab Asper-  
monte.

de S. Fidele.

Florini.

Flugii.

de Flumine. Bar.

Fogeroli.

Foliani.

Fondra.

Fontana.

Fontenasium. Bar.

Fragenstein.

Franchi.

Freudenberg.

Friberg.

Fridborg.

Fridnon.

Fridruvv.

Frigeri.

Frizii.

Fronsperg.

Frueberg.

Fruehaus.

Furstenburg.

Furstenovv.

G.

Galli.

Gatti.

Georgii: alias

Schorsh.

Geer.

Gerster.

Giglieri.

Gilardoni.

Goettsken.

Grafberg.

Gravenfolen.

Greci.

Greding.

Griffenstein.

Griffensee.

Grimenstein.

Gruenberg.

Grueneck.

D

Gruen-

30 PALLADIS RHAETICAE

Gruenenfels.

de Iudicibus.

Græenstein.

Iulini.

Guarinoj.

Gugelberg à Moos.

Invalta { alta.  
ima.

Gvicciardi.

Guler.

Guttenberg.

K.

H.

Kilchmatter.

Kropfenstein.

Haldenstein.

Hartmannj.

L.

Haselstein.

Hasensprung.

Lambertengi.

Harz.

Landolfi.

Heidenberg.

Langenberg.

Heim.

Lavizari.

Heintzenberg.

Lazaroni.

Hertneck.

Leo.

Heuven. Bar.

Leoberg.

Homodai.

Leofstein.

Hospital.

Liechtenstein.

Lindenberg.

I.

Liuri.

Loßi.

Ieclini.

Lucini.

Ienni.

Lumaga.

Imeldi.

Lumbareni.

Interjortuli.

lochberg.

M.

Ierij.

Macii.

Major

<i>Major.</i>	<i>de Monte.</i>
<i>Malacrida.</i>	<i>Monter.</i>
<i>Malaguzini.</i>	<i>Montfortii. Com.</i>
<i>Malles.</i>	<i>Montii.</i>
<i>Matvaini.</i>	<i>Mora.</i>
<i>Marca.</i>	<i>Moreck.</i>
<i>Marioli.</i>	<i>Morharten.</i>
<i>Marlianici.</i>	<i>Moos.</i>
<i>de Mar- { albo.</i>	<i>Moroni.</i>
<i>more. { nigro.</i>	<i>Musii.</i>
<i>Marstlinum.</i>	<i>Mysant.</i>
<i>Marsinoilla.</i>	<i>N.</i>
<i>Marutii.</i>	
<i>Mascaranici.</i>	<i>Nasali.</i>
<i>Matthias Ruotsch.</i>	<i>Nenburg.</i>
<i>Matli.</i>	<i>Neuensins.</i>
<i>Mazoni.</i>	<i>Nidberg.</i>
<i>Meda.</i>	<i>Nidervald.</i>
<i>Meienfeld.</i>	<i>Nigri.</i>
<i>Mejer.</i>	<i>Ninguarda.</i>
<i>Meli.</i>	<i>Nitten.</i>
<i>Menhardi.</i>	<i>de Nobilibus.</i>
<i>Meruli.</i>	<i>Nova.</i>
<i>Mingardini.</i>	
<i>de Misanco. Com.</i>	<i>O.</i>
<i>Mohr.</i>	
<i>Molina.</i>	<i>Oberstein.</i>
<i>Mollen.</i>	<i>Odescalci.</i>
<i>Montalta. Bar.</i>	<i>Oldradi.</i>
<i>Montasch.</i>	<i>Olzati.</i>

Ortenstein.

Orivein.

P.

Prapofiti.

Pagani.

Tanigada.

Tanitii.

Paravicini.

Paribelli.

Tarini.

Parsantii.

Pauli.

Pellizari.

Perigola.

Peri.

Thaselli.

Philipponi.

Tibetaler.

Piperelli.

Pirò.

Pistalozii.

Tizzinoni.

Placii.

Planta.

Plana terra. Ger.

Inburg, Bar,

Platti.

Pontisella.

Porta.

Praten.

Pultinga.

Puzalii.

Pyrari,

Q.

Quadrui.

R.

Ragetti.

Randek.

Roppenstein.

Raserii.

Rauschenberg.

Reitnovia.

Resen.

Rha- { alta. }  
tia. { ima. } Co.  
{ am- }  
{ pla. }

Rhatium. Bar.

Richenbach.

Richenberg.

Richenovia.

Richenstein.

Rietberg. Bar.

Ringg.

Rinc.

<i>Rinckenstein.</i>	<i>Schaethen.</i>
<i>Ripa.</i>	<i>Schek.</i>
<i>Robustelli.</i>	<i>Schellenberg.</i>
<i>Rosenberg.</i>	<i>Schenardi.</i>
<i>Rosensiz.</i>	<i>Schidberg.</i>
<i>Rosenstein.</i>	<i>Schmidt.</i>
<i>Rosenrol.</i>	<i>Schmidberg.</i>
<i>Rossi.</i>	<i>Schovenstein.</i>
<i>Rotels.</i>	<i>Schrofenstein.</i>
<i>Ruchaspermötum.</i>	<i>Schvarzenstein.</i>
<i>Ruchberg.</i> } <i>alta.</i>	<i>Schvartzhorn.</i>
	<i>Schucani.</i>
<i>Ruinelli.</i>	} <i>Davosia-</i> <i>ni.</i>
<i>Rusca.</i>	
<i>S.</i>	} <i>Castelmus-</i> <i>rii.</i>
<i>de Sacco.</i>	<i>Scorpii à Freuden-</i> <i>berg.</i>
<i>Salet.</i>	<i>Sebregonii.</i>
<i>Salis.</i>	<i>Segens.</i>
<i>Salutii.</i>	<i>Sengen.</i>
<i>Santium.</i>	<i>Sermondi.</i>
<i>Sargans. Com.</i>	<i>Sigberg.</i>
<i>Sathains.</i>	<i>Solaversa.</i>
<i>Satrium.</i>	<i>Sotes.</i>
<i>Saxenstein.</i>	<i>Somazzi.</i>
<i>Saxum.</i>	<i>Somiliana.</i>
<i>Alum Saxum. Bar.</i>	<i>Sonvig.</i>
<i>Schalzett.</i>	<i>Spandri.</i>
<i>Scharpatelli.</i>	<i>Speluca.</i>

Spilberg.	Trimōtium altum.
Spina in oculis.	Tscharner.
Sprecher.	Tumbii à Neuvven-
Stadionum.	burg.
Stampa.	Tuscani.
Straleck.	de Turre.
Strasberg.	
Streif.	V.
Stupa.	
Stupani.	Vacani.
Subvia. Germ. Un-	Vackenoug.
der v. vegen.	Vaelsperg.
Sumerovia.	Valckenouu.
Supra-castrum.	Vald.

## T,

Tackii.

Tagstein. { altum.  
 imum.

Terra plana.

Terra rotunda.

Terraspum.

Thomasini.

Tockenbourg. Com.

Toniola.

de Tovo.

Torelli.

Traversii.

Trimontium.

Vacani.

Vackenoug.

Vaelsperg.

Valckenouu.

Vald.

de Valendauno.

de Valerio.

Vandelberg.

Vanga.

de Vatio. Bar.

Vazerini.

Vegrich.

Velcuria. Com.

Venoſta.

Verdenberg. Com.

Vertemannii.

de Vice-Comiti-

bus.

Vice-Domini.

Viſchler.

Vielandt.

Vietzel.

Vil.

<i>Vildenberg à Fren-</i>	<i>Vogelsperg.</i>
<i>denberg.</i>	<i>Vulpera.</i>
<i>Villi.</i>	<i>Z.</i>
<i>Vineck.</i>	
<i>Vindeck. Com.</i>	<i>Zanoli.</i>
<i>Vittani.</i>	<i>Zenoni.</i>
<i>Ulmi.</i>	<i>de Zuno.</i>

Hæ familiæ sunt, quas modo habere potui. Possunt etiam esse aliæ; ut proculdubio sunt, & fuere: quibus tamen hoc meo catalogo nihil derogatum volo; & quas, notitia habita, libens quoque inseram.

Iam nobis in posterum gesta nostrorum Rhætorum, omni brevitate, & strictissima chronologia, dicenda veniunt. Proinde catalogum omnium Inpp.nectere, cum hoc ab aliis in hac materia abundanter præstitum sit, hoc nostro in opusculo superfluum duximus; sed eorum tantum, quorum oblata Rhæticarum rerum occasio postulat, ut meminerimus.

Druso ergo defuncto, ejusdem filium, patri cognominem, Provinciam Rhætiæ rexisse produnt; & contra imminentes Suevos, Rhætiæ auxilia ex veteranis misisse, retulit nobis Tacitus. isque etiam auspiciis patruī Tiberii Cæsaris Germanos rebellantes domuit. In exer-

56 PALLADIS RHÆTICAE  
citu suo, quem contra Arminium Cher-  
ruscorum Principem duxit, cohortes  
Rhætorum & Vindelicorum habuit: quæ  
in pugna illa memorabili, ad Visurgim,  
ubi Arminius fugatus fuit, vim hostium  
in Romanos irruentium fortiter susti-  
nuere; eodem teste Tacito. ob quam  
victoriam, Drusus Senatusconsulto Ger-  
manicus dictus fuit. Tiberio Rhætia  
non solum armis adfuit; sed ligna etiam  
contribuit: Pons enim, ad navale præ-  
lium paratus, igne consumptus erat.  
Larices ergo immensæ magnitudinis in  
Rhætia scindi iussit, ad eundem resar-  
ciendum. Trabs inde, tempore Plinii,  
Romæ, 120 pedum longitud. & 2. un-  
dique latitud. cernebatur.

Nero Imp. Portium Septimium Rhæ-  
tis Procuratorem dedit. Post Cæsaris  
autem fata, mox à Galbæ imperio, à  
quo desciscendi initium fecerant Ger-  
manicæ legiones, ex Rhætia secessit:  
Othonem nunquam recepit; sed in Auli  
Vitellii nomen, præeunte P. Septimio  
Procuratore, incorruptæ erga Vitellium  
fidei, juravit.

Porro iis bellis, quæ Vitellius cum  
Othone & Vespasiano gessit, bonam &  
fidelem Rhætorum operam expertus  
est. Cum enim Alienus Cæcina, partium  
Vitellianarum Dux, per Helvetiam in  
Italiam



Italiam iter faceret; & Helvetii, de cæ-  
de Galbæ ignari, Vitellii imperium ab-  
nuerent, & tumultuarentur; missi sunt  
ad Rhætica auxilia nuntii, ut versos in  
legionem Helvetios à tergo aggrederen-  
tur. His autem Rhæticiis alis, & cohori-  
tibus inter auxilia conscriptis, se volun-  
taria provincialium Rhætorum juven-  
tus adjunxit: quam Tacitus hoc enco-  
mio, nempe *suetam armis, & more mi-  
litia exercitam*, honorat. Pugnæ præci-  
pius locus ad aquas Helvetias fuit. Ger-  
mani autem & Rhæti, hostes per sylvas  
consecrati sunt, & in ipsis latebris plu-  
rimos trucidaverunt. His & sequenti-  
bus temporibus, Rhætorum haud parva  
fuit in armis gloria. Zosimus etiam,  
Rhæticas legiones inter præcipuæ vir-  
tutis ponit. Flavius Vespasianus, de Im-  
perio cogitans, sibi quoque Rhætiam,  
teste Tacito, occultis artibus adjungere  
tentavit. consilium hoc tamen frustra  
fuit. Rhætia enim in fide erga Vitellium  
perstitit. testes, duo propugnacula ex-  
tructa in ejus honoré, in Engadina in-  
feriori, Vitelliana, (*Viezèl*) ipsius nempe  
nomine insignita, fuère: quæ Vespasiani  
partes sequentes, occupata Verona, sibi  
magno adjumento existimarunt. ita  
enim se obstruxisse aditum, per Rhætiam  
& Iulias Alpes, sibi persuaferunt.

Vitellio occiso, Rhætia, cum reliqua Republ. in Vespasiani potestate fuit; & in fide illius, Germanico bello, quod Civilis Batavus Dux (rebellionem & arma in Romanos meditans) tandem movit, perstitit. quo Sextilius Felix, Romanis ad Rhenum subsidia adducens, ex Norico, cum auxiliariis cohortibus, per Rhætiam iter tenuit.

Post multos, Hadrianus, anno Domini 119. Imperator factus, pleraque, uti doctissimus, & qui omnes sui Imperii provincias incognitus ipse peragravit, in Imperii constitutione novavit: quæ, paucis à Constantino immutatis, inde usque perseverarunt. Et posthac, Rhætias, plurali numero ab auctoribus, ante nunquam, appellatas, animadvertit Velferus noster. Proinde duæ, Prima nempe, & Secunda, sub singulis Præsidibus, singulæ rectæ. Primæ Præses, in castris duobus, Marsoila (*Mars in oculis*) & Spinoila, (*Spina in oculis*) unde postea in proximo planitiei situ civitas Curientis initia sua habuit, resedit: Secundæ vero, Augustæ Vindellicorum sedem habuit.

Res militaris ab uno procurata fuit in utraque Rhætia; qui primo Comes rei militaris; (ut in actis Martyr. dd. Iustini & Iovitæ, sub Adriano Imperatore,

tores, mentio fit Italici Comitatus utriusque Rhaetiae: ) postea, Rhaetici limitis Dux dictus est. Hic sub Magistri pedum dispositione erat: & inter duodecim duces, quos Romani versus Occidentem habebant, numerabatur.

Fiscus à Procuratore, ex Rationalium classe, seu thesaurorum Praeposito, qui Comiti Sacrarum largitionum rationes reddebat, administrabatur.

Haecenus Imp. Rom. unum solum Imp. habuit. Anno autem 163. Marcus Aurelius Antoninus Philosophus, & Lucius Verus, (hos alii fratres; nos socerum & generum vocamus) illud conjunctim iniungere. Sub his fieri potest, ut Q. Cæcilius Cisiacus Septicius Pica Cæcilianus, Rhaetiarum Prolegatus, Augustorum Procurator fuerit: quemadmodum ex isto monumento cognoscitur, quod Veronae legitur, in templo S. Floriani.

Q. CAECILIO. CISIACO.

SEPTICIO, PICA.

CAECILIANO.

PROCUR. AVGVSTOR. ET. PROLEG.

PROVINCIAE. RHAETIAE. ET. VINDELIC.

ET. VALLIS. POENIN.

AUGURI. FLAMINI. DIVI. AUG.

ET. ROMAE.

C. LIGVRIVS. I. F.

VOL. ASPER.

7. COH. I. CR. INGENVOR.

Cùm Catti in Rhætiam irrupissent; contra eos Aufidius Victorinus, vir Senatorii ordinis præcipuus, Marciq; condiscipulus, missus est: prout apud Capitolinum legimus.

Idem Marcus, L. Vero genero, anno 171. mortuo, solus Imperii habenas administravit: & cùm Barbari provinciam denuò incurfarent, P. Helvium Pertinacem, (qui deinde Commodò in Imperio successit) Prætoriiis auctum honoribus, cum legione primâ submisit. Is confestim Rhætias & Noricum ab hostibus vindicavit. Animadvertens autem prudens Imperator Marcus, Allemannos seu Germanos, (hos Asinius Quadratus, qui earum res cum curâ, testibus Agathia & Strabone, scripsit, non unam gentem esse, sed ex multis confectam promiscuamq; memoriæ mandavit: idq; ex ipso nomine intelligi voluit; quasi Allemanni, sint *Allerleymann*, id est, omnis generis homines. & præcipuæ Germaniæ gentes procul dubiò, uno veluti fœdere animoq; conjunctæ, in Romanos fines invasêre. Germaniæ nomen autem, à *Gerre*, vel *Guerre*, & *Mann*, q. d. belli virum, deductum volunt, excellentioribusque tributum) Rhætiis & Norico magis inhiare; populationibusque prohibendis, non sufficere auxilia, per præsidia

fidia disposita; nec vicinarum provinciarum copias, in tempore posse adesse: novas itaque legiones instituit duas; secundam nempe in Norico, & tertiam Italicam, quæ in Rhætiis stativa haberet: ut prodidit Dio.

Sub hoc nostro Marco Antonino Imperatore, anno Christi 176. Eleutherio Pontifice Soteri subrogato; vel, ut alii volunt, anno 179. Lucius, Britannicus Rex, Coilli filius, Mannii nepos, Arviragi pronepos, ardenti zelo Christianæ propagandæ fidei, regnum Britanniae reliquit, & magna terrarum spatia obiit eaque occasione ad Bavaros venit; inde in Vindeliciam Rheticam ac Augustam migravit. ubi de religione dissentiens fidem multi habuere; qui antea Solem, Lunam, Ignem, Terram, Martem, Mercurium, ejusque matrem Majam, Cifam, Herculem, aliosque Deos, & numina vana, ut reliqui Rhæti & Germaniæ populi, superstitiosè adoraverant. Cives verò reliqui, odio Christiani nominis, hospitem convitiis primò, deinde lapidibus petiere; in puteum demum, malè mulctatum, deturbarunt. unde piorum auxilio ægrè semianimis extractus, in Alpinam nostram Rhætiam concessit; & aliquandiù se in confinibus Rucantiorum & Estionum; in deserto

62 PALLADIS RHAETICAE  
deserto loco, continuit. indè locus ille,  
Clivus Divi Lucii (*Sancti Lucii Steig*)  
etiam nunc dicitur. quo deinde supera-  
to, ad tractum Cotvantiorum venit,  
cum sorore suâ Emeritâ: & ibidem, ubi  
Romanus Procurator in castris Spinolâ  
& Martiolâ residebat, distantiâ fortè  
1000. passuum, cryptam quandam &  
speluncam, (*Sancti Lucii Lochlin*) quæ  
nomen ab inde retinuit, pro habitatio-  
ne elegit. Interim cum in annuntiando  
Evangelio, ut & soror, quæ Trimontii  
degebat, (pagus ille 4000 passus à cry-  
ptâ Divi Lucii distat) solliciti essent: Mox  
à Procuratore Romano, & incolis com-  
prehensi, martyrii coronâ, D. Lucius  
quidem, in castro Martiola; Emerita  
autem soror antè, Trimontii, donan-  
tur. Et quoniam Martyrum sanguis ir-  
rigat Ecclesiam; eorum quoque uberri-  
mos (LAUS DEO) fructus produxit.  
Gens etenim hæc agrestis, pauca de  
Christo, & verâ religione, antè audie-  
rat. Quamvis alii, ex verbis Iustini, Phi-  
losophi Christiani, & Martyris, in col-  
loquio cum Tryphone habito, tempo-  
ribus Antonini Pii, qui imperare cœpit  
anno Christi 140. & huncce nostrum  
proximè præcessit, conijcere velint, jam  
tùm per Rhætias Evangelium intonuis-  
se. Ait enim: *Ne una quidem natio, vel*  
Græcæ

*Græca, vel Barbara, vel quocunq; tandem censenda vocabulo, ne ex his quidem, quæ pro domibus plaustris utuntur ac tentoriis, agētes vitam pastoritiam, tam aliena est à I. Christi crucifixi nomine; ut nec præces, nec gratiarum actiones, in eâ dirigantur ad omnium patrem conditoremq;.*

Annus autem Christi 195. tres Impp. vidit; P. Helvicum Pertinacem, M. Didium Iulianum, (sed hunc paucorum mensium) & L. Septimium Severum, qui multis annis imperavit; eiq; Rhætia in imperio adipiscendo, teste Herodiano, favit: quam proinde vicissim & publicè & privatim honoravit. Ex privatis, amicū singularem, & magnæ auctoritatis virum, apud milites ibi habuit Ap. Claudium Lateranum: ut patet ex inscriptione sequenti, Anno Christi 195. facta; quæ in ædibus Peutingerorum, Augustæ Vindellicorum, in lapide legitur.

MERCURIO.

CUIUS. SEDES. A. TERGO.

SUNT.

APPIVS CL. LATERANVS.

XV. VIR. SACR. FAC.

COS. DESIGN.

LEG. AUG. PR. PR.

LEG. III. ITAL.

V. S. L. M.

Publice

Publice autem, Severus Imp. & ejus duo filii Antonini, insigni provinciae commodo, vias & pontes, anno 200. (alii 203.) per Rhætiam restituerunt; lapidesque diversos proin erexere, quorum quisque altitud. 8. ped. & 1000. pass. distantia ab altero distabat. Horum unius inscriptionem Viltheimiae existentis, instar omnium, apponimus.

IMP. CAES. L. SEPTIMIUS.

SEVERUS. PIUS. PERTINAX.

AUG. ARAB. ADIABEN. PARTHIC. PONT. MAX. TRIB. POT. VIII

IMP. XII. COS. II. P. P. PROCOS. ET. IMP.

CAES. M. AURELIUS. ANTONINUS.

PIUS. AUG. TRIB. POT. IIII. PRO COS. ET. IMP. P. SEPTIMIUS. GETA.

ANTONINUS. VIAS. ET. PONTES.

REST. AB. AUG. M. P. CX.

Anno 224. M. Aurelius Severus Alexander, Imperii habenas cepit: qui etiam primus inter Impp. cum alijs Dīs, Christum, cujus imaginem asservabat, coluit. Sub ipso Germani, transgressi Danubium & Rhenum, fines Romani Imperii turbavere: nec Rhætia ab eorum vexationibus immunis mansit. Et Imperator quidē cum auxilijs praestō fuit: sed cū ad Rhenum venisset, à tumultuariā militum manu occisus est.

Anno



Anno 246. M. Iulius Philippus pater, cum filio Philippo Saturnino, imperium administravit. Sub his, Rhætiae Procuratorem fuisse Titum Varium Clementem, ex quatuor inscriptionibus, ejusdem ferme formæ, in diversis locis, nempe Graici, Claudiæ, Celejæ, in agro Valeriæ, & Pætovione, reperitis, concludimus: quarum ultimam, instar omnium, apponimus.

T. VARIO. CLEMENTI.

PROC. PROVINCiarVM.

BELGICÆ. GERMAN. SUPERIORIS.

GERMAN. INFERIORIS. RÆTIÆ.

MAVRETAN. CÆSARIENS. LVSITANIÆ.

CILICIÆ. PRÆF. EQ. ALÆ. BRITAN-

NIC. MILIAR. PRÆF. AVXILIOR.

IN. MAVRETANIAM. TINGITANAM.

EX. HISPAN. MISSOR. PRÆF. EQ.

AL. II. PANNONIOR. TRIB. MIL. LEG. XXI. V.

PRÆF. COH. II. GALLORVM. MACEDONICÆ.

CIVES. ROMANI.

EX. ITALIA. ET. ALIIS. PROVINC.

IN. RÆTIA. CONSISTENTES.

Anno 255. Rhætia Romano orbi Imperatorem, Publium Aurelium Lici-  
nium Valerianum, Colobium dictum,  
dedit: ut ex Orosio, Eutropio & Euse-  
bio patet. Is enim, in Rhætia & Nori-  
co agens, ab exercitu Imperator, &  
mox Augustus, est factus. Senatus inte-

66 PALLADIS RHAETICAE  
rim Gallienum, Valeriani filium, Cæsa-  
rem primò, & statim Augustum, dixit:  
cujus initia laudata, exitus verò fœdus  
fuit. Pater Valerianus, anno 262. à Sa-  
pore Persarum Rege captus, & ipsi loco  
scamni in ascendendo equo servire co-  
actus, triginta Tyrannis Imperium in-  
vadendi occasionem dedit. Inde Barbari  
quinque proximas provincias populati  
sunt. Germani, ut in Orosio legimus,  
Alpibus Rhætiae, totâque Italiâ penetra-  
tâ, Ravennam usque pervenerunt. Rhæ-  
tiam autem defensam putamus, præsi-  
dio legionis tertiæ Italicæ: sive à Fulvio  
Bojo; quem Rhætici limitis ducem  
fuisse, Marco Aurelio Memmio Fusco  
Consule, anno nempe Christi 261.  
ex Vopisco scimus: sive ab Aureolo,  
ex triginta Tyrannis uno; quem Vi-  
ctor, in historia, prodidit Imperium  
contra Gallienum sumpsisse: Anno  
Domini 269. M. Aurel. Flavius Clau-  
dius quadraginta millia Allemanno-  
rum, apud Benacum, in Italiæ finibus,  
(teste Euseb. in Chron. & Aur. Vict. in  
Epitom. qui numerum non addidit)  
interfecisse dicitur.

Anno 271. Aurelianus Imperium  
adeptus est. Hic etiam Rhætiam & Vin-  
deliciam, ab Allemannorum incurso-  
ribus liberavit; & in extremis ad Istrum  
parti-

partibus, conferto prælio, multa Barbarorum millia delevit: ut Vopiscus, & Zosimus attestantur. Marcomanni interim ab uno latere, dum alterum defendit, in Italiam irumpunt, omniaque circa Mediolanum vastant. Zosimus etiam addit; Aurelianum Rhæticiis auxiliis, adversus Zenobianum, usum fuisse.

Anno 279. Florianus, eoque ipso paulo post, Probus, Impp. dicti. Hic etiam Rhætiam à Barbaris laceffitam defendit: & ut Vopiscus ait, Rhætias sic pacatas reliquit, ut illic ne suspicionem quidem ullius terroris relinqueret. Saturninum, Proculum & Bonosum, Romanum Imperium affectantes, extinxit. Hic Bonosus aliquando Rhætici limitis dux fuit: & (si id scire interest) bibit, quantum hominum nemo.

Mox Maximianus à Diocletiano Christianorum hoste sævissimo, inter alios, Collega asscitus; & Occidens ei demandatus fuit. Ea occasio fuit, ut Allemanos, perpetuos Rhætiae hostes, in propriis sedibus aggrederetur; & capto eorum Rege, ac vastatis agris, vinceret: ut produnt Panegyrici scriptores.

Sub Diocletiano, & ejus Procuratore Rhætiae, Gajo, D. Afra, cum matre Hilaria, tribus ancillis, & patruo Afro

68. PALLADIS RHAETICAE  
ac viginti quinque aliis personis, Marty-  
rium, ob Christi nomen, Augustæ Vin-  
delicorum, subjêre.

Anno 304. Diocletiano & Maximia-  
no abdicatis, Imperium in Constan-  
tium & Galerium est translatum: &  
Constantio Italia, ubi utraque Rhætia,  
obtigit. His temporibus, Romanis in  
vincendis Allemannis ad Vindonissam,  
& Francis in Lingonibus, Rhæti præsto  
fuêre.

Constantinus, ob pietatem & gesto-  
rum gloriam, Magnus cognominatus,  
Constantiique filius, patri successit, An-  
no 306. Urbem Romam à Maxentio  
liberavit: &, dum exercitum cogit, Au-  
gustæ Vindelicorum commoratum, (uti  
manuscriptus liber prodidit) Christiani-  
nis leges Reipub. sanas dedit. Fatis fun-  
ctus est anno 337. Tres filii hæredes suc-  
cessêre: maximus natus, Constantinus,  
Galliæ, Hispaniæ & Britanniæ impera-  
vit: medius, Constantius, Asiæ & O-  
rienti: minimus, Constans, Italiæ, Afri-  
cæ & Illyrico. In hujus ergo potestate  
Rhætia fuit. Fratrum verò concordia  
non diù duravit. Constantinus enim,  
fidem labefactans, fratris Constantis  
provincias aggressus est: sed prope A-  
quileiam cæsus fuit. cui pugna Rhæto-  
rum equitatus interfuit. Et, Magnetii  
fraude,

fraude, vitâ & imperio, paulò pòst, Cō-  
flans exutus est : qui Magnetius Africæ,  
Galliæ, Italiæ, & Rhætiæ etiam, iussû de-  
dit. Anno autem 353. à Constantio Ma-  
gnetius magnis præliis victus, tyranni-  
di, quam sceleratè invaserat, scdâ morte  
finem imposuit : & ad Constantium  
totius Reipub. cura fuit devoluta; quæ  
Allemannorum excursionibus miserè  
afflictabatur. Hi latè per ea florentes  
tempora, à Mœno putà flumine ad  
Guntiensem usque trajectum, Rheni  
Danubiique ripas prætexentes, Roma-  
nis provinciis imminebant. Quumque  
Gundomadus & Vandomarius, illorum  
Reges, proximas vastassent Gallias, an-  
no 354. obviam his profecto Imperato-  
re, pacem componere non detrectabāt.  
paulò tamen pòst, Lentienses pagi, (par-  
tem Allemannorum eam esse, ex Am-  
miano Marcellino, quem in hac historiâ  
sequimur, scimus) Romanis denuò per-  
ruptis limitibus, Rhætiâs populati sunt.  
Quâ injuriâ excitus Constantius, in  
campos Caninos cum exercitu progres-  
sus, indeque Arbetionem, Magistrum  
Equitum, cum validissima exercitus par-  
te attributâ, ad lacus Brigantini legen-  
dam oram, præmisit : qui non explora-  
tis hostium consiliis, profectus, mox in  
paratas insidias incidit : ut magno mili-

70 PALLADIS RHAETICAE  
rum numero, & decem desideratis Tribu-  
nis, vix ipse, opacæ noctis beneficio,  
evaderet. Allemanni, sublati fausto  
principio animis, Romana castra indies  
licentiùs insultare; strictisque in conspe-  
ctu gladiis, minas impunè jactare non  
desistebant. Tum moti rei infamiâ Scu-  
tarii, omnium primùm temerè palan-  
tes aggressi, aliquot supervenientium  
auxilio, in manifestam pugnam vertère.  
reliquus inde exercitus, castris effusus,  
victoriæ paucorum virtute partæ, insti-  
xit; & stragem eâ die ingentem edidit.  
Neque Allemanni fortunam ulteriùs  
tentare sunt ausi. Constantius itaque læ-  
tus, ovanisque Mediolanum, in hyberna  
rediit. Ast pervicax, quietisque impa-  
tiens hostis, provinciam, anno 356. in-  
festus repetiit. Imperator, Romæ agens,  
assiduis nuntiis & certis, indicantibus,  
Suevos Rhætias incursare, terrebatur.

Anno 358. nova Barbarorum manus  
erupit. Iuthungi, (ut idem Ammianus  
scribit) Allemannorum pars, Italicis  
conterminans tractibus, obliti pacis &  
fœderum, quæ adepti erant obsecran-  
do, Rhætias turbulentè vastabant; adeò  
etiam, ut oppidorum tentarent præsi-  
dia, præter solitum. Ad quos repellen-  
dos, cum validâ manu, Barbatio, in lo-  
cum Sylvani, peditum promotus Magi-  
ster,



ster, ignavus, sed verbis effusior, alacritate militum vehementer erectâ, prostravit acerrimè multos; ita ut exigua portio, quæ periculi metu se fugæ dederat, ægrè dilapsa, res suas non sine lachrymis revîseret, ac lamentis. Huic pugnæ Nevicta, postea Consul, Equestri præpositus turmæ, & affuisse, & fortiter fecisse, memoratur.

Anno 360. Iulianus Apostata, & Domini nostri Iesu Christi hostis, à militibus Parisiis Augustus appellatur. Anno sequente, Allemanni, à Vadomarii pago vastare confines Rhætii tractus exorsi, Rege capto à Romanis, simulatione amicitiae, pacem pepigère; firmam ratamque habituros polliciti. Iulianus deinde, ætate jam provectâ, è Rauracis, contra Constantium in Oriente agentem movit; & Magister Equitum, Nevicta, per Rhætiam profectus est: ut ex eodem Ammiano habemus.

Ioviano, qui Iulianum (justo Dei iudicio fulmine tactum) secutus fuerat, successit Anno 364. Valentianus Imp. qui Valentem fratrem allegit; eique Oriente attributo, sibi Occidentem retinuit: Mamertinum Præfectum Prætorio, Italiæ, Africæ & Illyrico, proinde etiam Rhætiis, præfecit. Variæ, per ea tempora, Barbarorum gentes, veluti



72 PALLADIS RHAETICAE  
classico excitæ, (ait Marcellinus) proximi-  
mis præruptis quæque limitibus, se  
Romanis superfudêre provinciis: &  
Allemanni Gallias Rhætiasque simul  
populabantur. Anno verò postero,  
acriùs eorum exarsere iræ; quòd eo-  
rum Legati ab Imperatore non solita  
munera retulerint. Hujus causa Vrsa-  
cius, Officiorum Magister, homo as-  
per, impotens & iracundus, verbo-  
rum insuper contumelias addiderat.  
Quas injurias gens, bello innutrita, ar-  
mis vindicare statuit; Gallico Rhæti-  
coque bello decreto. Quomodo expedi-  
tio in Rhætias ceciderit, nullis, quæ ad  
nostram memoriam duraverint, lite-  
ris consignatum. Gallicæ is fuit exitus;  
ut Barbaros, prædâ & secundis aliquot  
præliis exultantes, demùm Iovianus, E-  
quitum Magister, primò & secundò im-  
paratos, tertio paratos, aggressus, pluri-  
mis occisis, in fugam verteret: Regem  
milites captum, Ducis injussu, patibulo  
suffigerent.

Anno 367. Gratianus, Valentiniani  
filius, Cæsar Augustus à patre appella-  
tus, & Valentinianus, anno sequenti,  
bello Allemannico ingenti apparatu su-  
scepto, Rhenum unâ cum filio traje-  
cit; & regione latè vastatâ, ad Soli-  
cinum, pugnâ difficili, & diù ancipiti,  
victo.

vicloriam consecutus est: qua, si Marcellino fides habenda, universam gentem delere potuit; nisi paucos aliquot, noctis tenebræ, per fugam abstulissent. Imperator verò prudens & cautus, edoctus præteriti temporis experimentis, Barbaris quidem facultatem & vires deesse posse; voluntatem animosque invadendi Romanas provincias superfuturos; neque sperandum, ut iis cohibendis fœderum religio, & jurisjurandi reverentia sufficiat; magna animo concipiens, & utilia, Rhenum omnem, à Rhætiarum exordio, ad usque fretalem Oceanum, magnis molibus communiebat.

Anno 370. Valentianus Burgundiones in Allemannos excivit: inter quos jamdudum, propter confinia, & salis commercium, inimicitia orta: neq; tamen illis, quod pollicitus, auxilio in tempore fuit. Interim Allemannos, gentis antedictæ metu dispersos, aggressus per Rhætias Theodosius, ea tempestate Magister Equitum, pluribus cæsis, quoscunque cepit, ad Italiam jussu Principis misit; ubi fertilibus acceptis, tributarii circumcolunt Padum. Clades ad Nicrum illata creditur. Cùm tamen quotidie adhuc Imperio Romano negotium facerent Allemanni, à partibus

74 PALLADIS RHAETICAE  
Galliae; nec astu, nec vi illos opprimere  
valeret: amicitia & foedere hos sibi jun-  
git. aliquos aulae asciscit suae, & mili-  
taribus muneribus honorat. Cum Ma-  
criano omnium ferocissimo, Anno  
374. pacem init: &, ut omnia tuta red-  
deret, magnum numerum juvenum ad  
militiam conscribit, partim ex Alle-  
mannis ultra-Rhenanis; partim verò  
ex populis Imperio Romano subiectis.  
Hi in cohortes certas distributi, & ad  
tuenda confinia Imperii adsciti, quoti-  
diè se in functione militari exercebant.  
Inter hos, Rhætos fuisse, nemini du-  
bium: cùm auxilia sua promptè contri-  
buerent, & natura bellicosi essent. Extat  
Moguntiaci, in cœmiterio S. Petri, in  
lapide, his temporibus, Inscriptio facta  
militi Rhætorum cohortis, ex familia  
Montanorum nato; qui adhuc virtute  
& eximia nobilitate, in hodierna Rhæ-  
tia, vigent.

ATTIO. LANI. F.  
MONTANVS.  
ANNORVM. XLV.  
MIL. COH. RAITORVM.  
STIP. XIX.  
H. S. E.

Alia hujus familiae monumenta, in ædi-  
bus Peutingerorum, Augustae Vindelico-  
rum, reservantur.

.... ARI.

.... ARINI. MONTANI.  
 EX. 7. VET. POMPEIVS.  
 SALT VINVS. HERES.  
 FACIENDVM. CVRA.  
 EX. \*SS. .... N.

Anno 377. Gratiano cum Valentiniano minore fratre imperante, Lentiensis Allemannicus populus, tractibus Rhætiarum confinis, per fallaces discursus, violato fœdere dudum concepto, colliminia populatione turbavit; fiducia inflatus, quòd Gratianum Valenti patruo, auxilio in Orientem profecturum, intellexisset. Anno enim sequente, Lentiensium & reliquorum pagorum, Rheno per mensem Februarium glacie strato, quadraginta millia in Galliam trajecerunt. Gratianus, collectis copiis, ad Argentariam eos memorabili prælio vicit; interfecto Priario, eorum Rege. Mox Thraciam petiturus, per Rhætiam amplam tendit; & ad Arborem felicem, Brigantini lacus oram, venit. Valens, eo non expectato, cum Gotthis congressus miserè periit.

Anno 379. cum solus impar fulcendis ruinis collabentis regni, & fratris Valentiniani ætas tantis curis minùs idonea esset, Theodosium, cujus inprimis

mis togatæ atque armatæ eminebant virtutes, in Valentis locum substituit. Ipsemet incredibili celeritate, per Illyricum, Venetiam, & insuperabilia Rhætia (ut est apud Aufonium) se in Galliam retulit; Allemannis, pro more turbantibus, obviam iturus. His temporibus Illyrii & Rhætia status pluribus oneribus obrutus fuit: ut patet ex epistolâ Gratiani, Valentiniani & Theodosii Imp. ad Hypatium, Præfectum Prætorio. Sed Deus Opt. Max. temporibus Valentiniani, in propagatione fidei Christianæ, eam respexit: & tunc Episcopatus Curiensis, ut suo loco dicetur, fundatus fuit.

Annus Domini 383. feracissimus fuit, & proximè præteritorum aliquot sterilitatem compensavit, tum alibi, tum præsertim in Rhætiâ: ut ex D. Ambrosio & Solino patet. Sed idem Barbaros allexit: quibus Valentinianus, prudenti Bautonis consilio, Hunnos & Alanos opposuit. Hæ Allemannorum incursiones, fraude cujusdâ Maximi evenire: ut patet ex S. Ambrosii verbis ad eundem, *Tu fecisti incursare Rhætias*, &c.

Theodosius initio anni 395. obiit: & ejus voluntate, Honorius, filius major natus, Occidentem; Arcadius, Orientem regendum accepit: nomine quidem

dem tenuis, ut ait Zosimus; re autem verâ Occidens in Stiliconis, Oriens in Rufini fuit arbitrio. Per ea tempora Stilico, fœdera cum trans Rhenanis Barbaris iâcturus, iter fecit per Rhætiam: uti ex Claudiano ad Honorium cognoscimus.

Hunc tamen inprimis populos lenire feroces;  
Et Rhenum pacare iubes. Volat ille citatis  
Vectus equis, nullaque latus stipante ca-  
terva,  
Aspera nubiferas quâ Rhætia porrigit alpes  
Pergit, & hostiles ( tanta est fiducia ) ripas  
Incomitatus adit.-----

Et paulo post :

-----Iuratur Honorius absens ;  
Implor. tuum supplicem, Alemannia, no-  
men.

Annus verò 400. Gotthorum, Alarico duce, in Italiam irruptione memorabilis, Rhætiae non minùs bellorum motibus infestus fuit. quod Claudianus ostendit de bello Getico :

----Perfidia nacti penetrabile tempus,  
Irrupere Getæ; nostras dum Rhætia vires  
Occupat, atque alio defudant Marte cohor-  
tes.

Consuetos hostes Allemannos provinciam vastasse, credibile est: quibus se Vandali junxere. Inde Claudianus iterum :

Accurrit vicina manus, quam Rhætia nuper  
Vandalicis auctam spoliis defensa probavit.

Stilico

Stilico, Allemannorum motus pacaturus, per Rhætiam rursum proficisci opus habuit. Non pigebit hîc versum ascribere, quibus Claudianus, occasionem nactus, regionis situm eleganter ob oculos posuit: & partem primò, quæ Germaniæ magnæ observatur.

--- Sublimis in Arcton  
Prominet, Hercyniæ confinis Rhætia sylva;  
Quæ se Danubii jactat Rhenique parentem:  
Vtraque Romuleo prætendens flumina regno.

Alteram deinde alpinam, quæ veterem Italiam respicit.

Sed latus, Hesperix quæ Rhætia jungitur  
oræ,  
Præruptis ferit astra jugis, panditque tremendam  
Vix æstate viam: multi ceu Gorgone visa  
Obriguere gelu: multos hausere profundæ  
Valta mole nives: cunque ipsis sæpè juvenis  
Naufraga candenti merguntur plaustra barathro.  
nterduin subitam glacie labente ruinam  
Mons dedit, & tepidis fundamina subruit  
astris,  
Pendenti malefida solo.-----

Anno 402. Alaricus, adversis præliis fatigatus, belli reliquias ex Italia, ultra alpes, in Rhætiam, aut Galliam, transferre cogitavit: ut innuit idem Poëta;

----- Occulto tentabat tramite montis,  
Si quas per scopulos subitas exquirere posset  
In Rhætos Gallosque vias.-----

Verùm Stiliconis consiliis exclusus,  
& in



& in Illyricum, unde venerat, pedem referre coactus, Rhætiam turbine & procellis tempestatibus jam impendentis, liberavit.

Mox diversis Imperatoribus, in diversis locis, nominatis, varii etiam motus fuere. Rhætia autem ebullientibus bellorum moribus, alia & secunda quiete, sub Generido, homine barbaro, & vana Deorum superstitione imbuto, perfruebatur. Hunc Imperator Honorius, ut Zosimus ait, diversarum provinciarum militibus, & Rhætis etiam, qui usque ad alpes in præsidiis erant, ducem præfecit.

Anno 451. Attila, Hunnorum Rex, maximum & apparatissimum in Galliam exercitum duxit. Ex Pannonia movit: sed an per Germaniam magnam, an per Romanas provincias, Noricum & Rhætiam, iter tenuerit, inter auctores parum convenit. Conjectamus autem, Allemanos occasione usos, sub ejus transitu, in Rhætia primo aliquid occupavisse.

Leo, Imperator anno 457 factus, Majoranum, à Martino antea destinatum, ut ex Iornande colligimus, Occidentis Imperatorem dixit. Quoniam autem, Avito à Ricmero abdicare coactus, in Italia interregnum erat: hanc  
suis

80 PALLADIS RHAETICAE  
suis cupiditatibus fenestram Allemanni  
apertam rati, provinciam, cui animo  
semper inhiabant, tacitis dolis aggressi  
sunt. Vnde Sidonius Apollinaris :

-----Conscenderat alpes,  
Rhetorumque jugo per longa silentia ductus,  
Romano exiverat populato trux Aleman-  
nus :

Perque Cani quondam dictos de nomine cam-  
pos,

In praedam centum novies dimiserat hostes.

Sed à Burtone, quem Majoranus, ante  
sumptam purpuram, militum adhuc  
Magister, obviam miserat, repressos, &  
in fugam actos fuisse; ex iisdem versi-  
bus Sidonii ad Majoranum, cogno-  
scimus. Allemannos nihilominus ex  
illo jam tempore, Romanis invitis, in  
Alpium parte resedisse, & pervias illas si-  
bi fecisse, Iornandes indicat. Et sic  
multa, à prima & secunda Rhætia, avul-  
sa fuere.

Anno 476. Odoacer Rugus, Tur-  
cilingorum, Scyrorum, Herulorum-  
que instructus copiis, Momyllum Au-  
gustulum potestate exiit : ipse primus  
Italiæ Rex appellatus. Quo nomine  
Rhætias quoque, quæ Romanis adhuc  
paruerant, rexisse intelligimus. Nam  
Theodoricus Ostrogotthus, Theodo-  
miro ex Amala gente patre, & matre E-  
relieva natus, ejus postmodum successor  
harum etiam possessionem adiit. (Got-  
thorū prima sedes ad Vistulæ ostia fuit.

Patriis

Patriis hi sedibus relictis, primum versus Orientem brumalem, ad Mæotim lacum; inde vero regressi, versus Occidentem brumalem, ad Borysthenem & Pontum, Getarumque illic fines, venerunt, & ibi confederunt: gente earum in duas partes distincta. qui ad Orientem versus Pontum, Ostrogotthi; alteri, in Occidentem ac Germaniam, Visgotthi vocati: utrique postea per Thraciam & Illyrium, in Italiam, Galliam, Hispaniam & Bithyniam, ac conterminas regiones irruerunt.)

Allemani sub eos dies, Rhætici Noricisque populationibus minus saturati, cum Italiæ partem pervasisserunt: à Childerico, Francorum Rege, & Odoacre, sive Rugo, sive Saxonum quondam Regulo, (Gregorio Turonensi teste) victi sunt. Theodoricus autem anno 489. Italiam, Zenonis auspiciis, aggressus, Odoacrem quatuor præliis vicit. Itaque Imperium Italiæ Odoacer cum Theodorico communicat: sed mox, collegæ insidiis oppressus, fatis cessit.

Anno 495. venit Curiam, in Rhætiam primam, Sanctus Fridolinus; qui Regis Scotiæ & Hybernæ filius erat: & diu fidem Christianam ibidem magno auditorum concursu annuntiavit: ædificavitque templum Curiae, in honorem

82 PALLADIS RHAETICAE  
rem S. Hilarii, Episcopi Pictaviensis, apud  
quem vixerat: tandem Seckingam se-  
cessit.

Anno 499. Clodoveus Francus, Al-  
lemannorum Rege cæso, gentem, auxi-  
lio divino, ad Tolbiacum difficili &  
cruenta pugna vicit. Theodorico ta-  
men Allemanni, Rhætiâ incolentes,  
semper parebant: Clodoveo autem,  
qui circa Argentoratum erant. Theo-  
doricus Sueviæ, quæ magna erat Ger-  
mania, & ab Allemannis occupata, Fri-  
diladum quendam (quem secuti, Seve-  
rinus, Oslus & alii) præfecit. Rhætiis  
proprius dux datus. quem, cum pro-  
curatione rei militaris, jurisdictionem  
quoque exercuisse, ex formula Ducatus  
Rhætiarum, quæ apud Cassiodorum  
legitur, comprehendimus. Extat etiam  
Theodorici ad Servatum, Rhætiarum  
Ducem, epistola.

Anno 527. Iustinianus, ille juris,  
quo hodie utimur, conditor, Iustino  
avunculo successit: & per nobilissimos  
duces, Bellisarium, natione Germanum,  
& Narsetem Eunuchum, Gotthos tan-  
dem vicit.

LIBER



## LIBER TERTIVS.

**D**V M bellum inter Iustinianum Imp. & Theodatum Ostrogothorum Regem, propter malam hujus administrationem, exardesceret: Imperator, per nuntios & literas, Francorum Regem pro auxiliis sollicitat. Idem magnis promissis, & pace inita, Theodatus facit. cui in bello & regno Vitiges succedit: qui Francos iterum, concessa illis ea parte Gallia, quæ est inter Italiam & Rhodanum, allicit. Hi porro, ad omnem prolatandi Imperij occasionem parati, adsunt: ac Theodebertus, Theoderici filius, Clodovei Magni nepos, Francorum Rex, Anno 549. Italiam ingenti cum exercitu petit. Ita, hoc rerum statu, Rhætia etiam Francico Imperio subiecta fuit.

Nomen hoc FRANCORVM primo aliquæ nationes, quæ à proxima sede Allemannorum, inter Rhenum & Albim, ad Oceanum usque habitabant, assumsere: postea se late adeo diffundere: Rhætiam Ducatui Allemanniæ annexere; &, instar cæterorum ejus membrorum, rexere. Dux nempe præficiebatur: quem sequebatur Præses: sub quo Comites; qui eo tempore Iudices tan-

84 PALLADIS RHAETICAE  
tum, ob venerandam ætatem & aspe-  
ctum; (*Grauvén.*) à canitie dicti, ad  
beneplacitum Principis erant; non au-  
tem hæreditario jure invicem succede-  
bant.

Ex Rhætiæ Inalpinæ Præsidibus pri-  
mis, quos Francorum Reges dedere, in  
monumentis & antiquitatibus Curien-  
sis Ecclesiæ invenitur, Victor, vir Illu-  
stris, ex antiqua nobilitate Hetrusca  
oriundus: cujus, Curia in Ecclesia Mo-  
nasterij S. Lucij, prope magnum altare,  
marmoreo in lapide, Latinis literis ele-  
gantibus, sed barbarè, ut ea ferebant  
tempora, hoc legitur Epitaphium.

HIC SUB ISTA LAPIDE  
MARMOREA  
QUEM VECTOR VER IN  
LUSTER PRESES  
ORDINABIT VENIRE  
DE VENOSTES  
HIC REQUIESCIT DOMINUS.

Aliud eidem à Pronepotibus, Victo-  
re scilicet Episcopo Curienti, & lactato  
Præside Rhætiæ, positum legitur Epita-  
phium, prope scalam, quæ in chorum  
Ecclesiæ S. Lucij ducit.

HIC

HIC SUB ISTA LABI  
DEM MARMOREA  
QUEM VECTOR  
VER ILLUSTRER PRESES  
ORDINABIT VENIRE  
DE TRIENTO  
HIC REQUIESCIT  
CLARISSIMUS  
PROAVUS  
DOMINI VECTORIS

---

E P I

ET DOMINI IACTADI.

In nomine filij & successoris variant Auctores. alij Iactatum; nos autem, in monumentis Episcopatus Curiensis, Vigilium reperimus, qui Comes Brigantinus, & Rhætiae Curiensis Praeses fuit. Sed & in hujus posteritate iidem Auctores discrepant. nos, eadem auctoritate, quam diximus, fulti, tres filios, & filiam unam, Castomiam nomine, invenimus. Filiorum maximus natus, Pascalis dictus, Comes Brigantij fuit: & Episcopatum Curiensem adeptus, decimus quartus in ordine reperitur. Vxorem habuit Asopejam, natam ex familia Comitum ab Alta-Rhætia; cujus



familiæ hæreditas, maximam partem, ad eam devoluta fuit. & inde potentia Episcoporum & liberorum crevit. Hæc eadem etiam, propter functionem Episcopalem mariti, Episcopia vocata fuit: unde factum, ut viri etiam graves & eruditi, decepti in nomine proprio & officij, diversas fuisse putarint.

Genuit autem ex ea filium unum, Victorem secundum, qui patri in Episcopatu Curiensi successit; & monasterium nobilium scæminarum, Cacias nominatum, in Valle Domestica situm, ut suo loco dicemus, anno 760 fundavit: filias item duas; Vespulam, quæ prima Abbatissa fuit ejusdem monasterij; & alteram, Conventualem ibidem, Vrsicinam dictam.

Secundus filius Vigilij Præsidis fuit, Paulus Comes Brigantinus: tertius vero, Zacco, Rhætiæ Curiensis Præsès; cui jam perperam Episcopiam uxorem tribuunt. Habuit is filium lactatum, Rhætiæ Curiensis Præsidem: qui ex uxore Salvia procreavit Vigilium II. Comitem Brigantij, & decimum sextum Episcopum Curiensem; atque Victorem III. Præsidem Rhætiæ Curiensis.

Ita duo hi fratres Rhætiam totam, in temporalibus & spiritualibus, regebant, quorû regimine, Othomajerus, ex familia

familia Amanfo, natione Suevus, in Collegio Curienſi educatus, & diſcipulus Vigiliſ Episcopſ, primus Abbas Sancti Galli factus, ( Monachi enim S. Galli, à Valtramo Comite, & Regum Francorum in Duregia Præfecto, Abbatem ſibi dari experierant. hic ergo à Vigilio Episcopſo, Othomajerum conſanguineum impetravit; & ad Pipinum, Caroli Martelli filium, miſit: qui eum, ex patris ſententia, Abbatem creavit. Abinde Monachi regulam S. Benedicti profeſſi ſunt) & poſtea, anno 854, in Sanctorum numerum relatſ fuit.

Victor autem Præſes, cum uxore nobiliſſima Theuſida, quatuor filios habuit: Iactatum I I, Brigantij Comitem; Zacconem I I, Rhætia Curienſis Præſidem; Tellonem, decimum ſeptimum Episcopum Curienſem; & Vigilium Tribunum, qui poſt mortem fratrum, ſub Marte Francorum Equitum Magiſtro, Præſidem egit.

Sic extincta fuit, morte horum quatuor fratrum, familia; quæ ad tempora Caroli Magni duraverat: eorumque propinqui & conſanguinei, ad gubernationem Reipubl. promoti; qui poſtea, longo temporis ſucceſſu Magiſtratum geſſerunt: Comites videlicet ab Alta Rhætia. Amaliſ, Montfortij, Bri-

88 PALLADIS RHAETICAE  
gantii, Sarunetii, Verdenbergici, Toc-  
kenburgici; Barones Rhetii, Bellmontii,  
Vatii, Saxenses de flumine; & alii infini-  
ti, præcipuæ nobilitatis Rheticæ.

Consistorium, sive iudicii provincia-  
lis locus, (*Landtgericht*) Ranckuillæ in-  
Ektionibus erat. Præsidis inunus obi-  
bant, Comites Montfortii, sexdecim ex  
Comitum, Baronum, & Nobilium præ-  
cipuorum familiis Rheticæ, assessores  
erant.

Tempore Clodovei Magni, Franco-  
rum Regis, Sanctus Fridolinus, (ut ejus  
Legenda habet) sub Baldeberto Præside,  
jus & hæreditatem, sibi ab Vrsio reli-  
ctam, contra Landolphum Glaronæ  
Dominum, fratrem Vrsi, qui eam sibi  
vindicabat, obtinuit. Vrsus enim, con-  
tinuis S. Fridolini precibus excitatus, è  
sepulchro prodiens, testimonium veri-  
tati præbuit.

Supradictis Præsidibus Episcopatum  
Curientem, cum Præfectura Rheticæ  
regentibus: multa in temporalibus, præ-  
sertim ea, quæ nunc Fœderis Domus  
Dei sunt, (unde Cathedrales dicti sunt)  
eidem Episcopatui, liberalitate Præsi-  
dum, & ipsorum Franciæ Regum mu-  
nere, cessere. atque hinc insigne eorun-  
dem, Capricornum, successores Episco-  
pi retinuerunt.

Sed

Sed ad Reges Francorum redeamus. Theodeberto successit filius Theodebaldus. hic Gotthis, confœderatis suis, contra Narsetem Eunuchum, Cæsaris Ducem, Leutherem & Buccellinum fratres, Allemanniæ Duces, auxilio misit: in quorum exercitu etiam Rhæti, utpote in eorum Ducatu existentes, fuere. Pugna, utriusque Ducis morte, infelicer cessit: & Gotthi tandem, post octodecenne continuum bellum, victi sunt. Theodebaldo, absque liberis extincto, successere patrui magni, Clodovei scilicet Magni filii; Childebertus, & Clotharius: quibus sublati, ad Sigisbertum, Clotharii filium, Ducatus Allemanniæ cum cæteris venit. Sub hujus imperio, anno 568. Longobardi, ex Pannonia, (unde ex antiqua sede, quæ intra Albim & Oram amnes erat, non ita pridem se effuderant) à Narsete, quem Imperator Iustinus, cum uxore Sophia, ut eunuchum, irrisoria licentia spreverant, accersiti, per Istriam, Duce Alboino, Italiam invadunt: Mediolanumque, Bergomum, Comum, & alia vicina Rhætiæ loca, occupant.

Anno 582. Saxones, qui cum Longobardis in Italiam irruperant, patriam aliqui per Rhætiam repetunt, & plurima damna inferunt; hospites, dum

90 PALLADIS RHAETICAE  
aurichalcum pro auro puro expendunt,  
defraudantes.

Anno 586. Childebertus, Sigisberti  
filius, Francorum Rex, Longobardos,  
instinctu Imperatoris Mauriti, in Ita-  
lia aggreditur. sed muneribus à Gotthis  
corruptus, re infecta redit.

Sequente anno, iterum instigatus,  
exercitum contra eos movet: ubi Alle-  
manni, & sub eis Rhæti, castra ipsius  
sequuntur. Sed propter dissensiones in-  
ter Francos & Allemannos natas, uti  
antè, discessum fuit.

Interim Autharis, Longobardorum  
Rex, Insulam Comacinam in lacu La-  
rio, (ubi multi adhuc Imperatori ad-  
hærebant; qui, duce Francileone, cum  
pretiosioribus suis mobilibus eò se con-  
tulerant) obsidet: &, post semestris spa-  
tium, eam deditione cepit.

Sic quoque anno 602. Agilulphus,  
hujus successor, Oloniam, in finibus  
Vallis Telinæ, cepit.

Imperator Mauriti, iratus, ad ter-  
tiam expeditionem Childericum incitat:  
qui prælio ab Authare vincitur. Vindi-  
ctæ igitur cupidus, etiam quartam ten-  
tat. Sed pacem tandem cum Agilulpho  
init, anno 591. quæ ad tempora usque  
Pipini, Caroli Magni patris, duravit.

Bellis Longobardicis durantibus, à  
morte

morte nempe Clotharii, Francorum Regis, ad hæc usque tempora; Allemannia, Suevia & Rhætia, præfuit Leutfri-  
 dus. cui, perfido in Dominum facto, suffectus fuit Vncelinus, anno 590.

Anno 614. temporibus Heraclii Imperatoris, & Theodeberti Francorum Regis, initium sumpsit Monasterium Disertinum, in Rhætia situm, à Sancto Sigisberto, Sancti Columbani discipulo; uti fusius suo loco indicabimus.

Anno 616. dissidentibus inter se Theodeberto Rege nostro, & fratre ipsius Theodorico, Childeberti filiis: Allemanni cum Rhætis domino suo, cum auxiliaribus copiis, præstò sunt: Vrsamque flumen superantes, & in minorem Burgundiam penetrantes, ibidem, ad montem Iuraflum, incolas, qui se sub ducibus Cambeleno & Herpino opposuerant, fundunt, totamque regionem depopulantur.

Anno 618. Clotharius 2. Franciæ regnum adeptus, Paterque Patriæ vocatus, Allemannis & Rhætis Graffrathum, virum prudentissimum, Ducem dat.

Idem Clotharius, coadjutorem & successorem habet filium Dagobertum, Magnum dictum: sub quo Rege, & antea, Allemannia & Rhætia Dux fuit Sigisbertus, Regii sanguinis Princeps.

Huic

Huic Dagobertus literas mittit, ex Isenburg, anno 630. datas: ut strenuo militi, Othoni à Præpositis, nobilissimo sanguine ex Fabia gente patritia oriundo, regioque duci contra Arioaldum Longobardorum Regem, Castrum altum Viceprani in Breuvalia, in Alpibus Curiensibus, cum suis juribus & pertinentiis, atque decimas, à Iulio monte, usque ad oppidum Oscellam (*Metiolam*) lacus Larii, restituat. Ex hac nobilissima familia, multi adhuc, præsertim in prædicta Prægallia, virtutibus antiquis florent.

Sub eodem Rege Dagoberto, Allemannia, Suevia & Rhætia, præfuit Dux Conzo. In hujus præsentia, Iohannes, vir pius, ex Rhætia Curiensi, Episcopus Constantiensis factus est: quem honorem S. Gallus respuens, hunc suum discipulum promovit.

Variis de hinc dissensionibus inter successores Dagoberti natis, occasio Magistro Palatii, Pipino Crasso, data est, posteris suis viam ad regnum sternendi. Allemannia igitur, Rhætiaque Dux factus fuit ejus agnatus, Martinus.

Anno 670. regnante Childeberto, Hunni multas regiones, & inter has Rhætiam quoque, usque ad Disertinum monasterium, miserè ferro & igne depopulati:



lati; ibique tandem à collecto Rhætico exercitu fusi fuerunt.

Anno 697. Pipinus contra Gottofridum, Allemanniæ & Rhætiæ Ducem, sibi adversantem, bellum movit: ejusque exercitus duces, Otovinum & Arionoldum, vicit. secundo, eundem Gottofridum rebellantem Ducatū spoliavit, Arnholdo in ejus locum successo.

Pipino successit Carolus Martellus filius, Palatii Magister: Arnholdum verò Ducem secutus est Luitfridus, Gottofridi nominati filius.

Anno 723. Carolus Saxones domuit: annoque sequente, Allemannos, Suevos & Rhætos, ad obedientiam redegit. Ast horum dux Luitfridus, se Bavaris, libertatis ergò, contra Carolum, associat: qui proinde in eos arma, anno 725, movet; & prope nemus Ferlenforst, Luitfridum vincit & fugat; ejusque locum in Ducatu Bertholdo dat.

Anno 726. Carolus Martellus, jam Galliæ supremus Princeps atque Dux salutatus, monasterium apud Fabarias in Rhætiâ fundavit; consilio & precibus Sancti Pyramini ex Gallia oriundi, Abbatis Richenoviæ; qui etiam in novo monasterio primus Abbas est factus. Monachi Ordinis sunt Sancti Benedicti.

Locus celebris factus est, propter saluberrimas thermas, ibidem propè, in vasto ac deformi horribilique aspectu antro, Friderici II. Imperatoris tempore, ab aucupe quodam (*der Vogler*) dicto, ex familia Alto-Balconorum nato, dum corvorum sylvestrium nidos indagaret, repertas. Has egregiè descripsit Theophrastus Paracelsus Medicus: & postea carminibus illustrarunt, Carolus Pascalius, Regis Francorum apud Rhatos Legatus; & Iohannes Gulerus à VVeineck, Eques Auratus.

Anno 730. Luitfridus Dux noster, Carolo reconciliatus, fortem & fidelem operam cum suis, in bello contra Eudonem, Aquitaniæ Ducem, qui Saracenos sibi associaverat, navavit. Luitfridi filii & successores fuere, Theobaldus, & Vartilo, aliis Odilo dictus.

Carolum Martellum sequuntur filii; Pipinus, cognomento Brevis; & Carolomannus, cui Allemannia obtigerat. Hic, abdicata administratione, Monachus factus, Pipino omnia sua renuntiavit. Ille, favore Papæ Zachariæ II. & ignavia Childerici, ultimi Francorum Regis ex stirpe Merovæa, sceptrum & nomen regium quoque adipiscitur.

Anno 754. Pipinus, instinctu Stephani II. Pontificis, magno cum exercitu,

(in quo etiam Allemanni & Rhæti, sub Duce suo Marsilio, erant) contra Aistulphum, Longobardorum Regem, movet: Papiæ ipsum obsidet, & ad pacem cogit. quæ à Longobardo violata, anno sequente iterum contra eum proficiscitur; plurimisque Italici oppidis ei ademptis: quæ Papæ postea donavit; inde Christianissimi titulo decoratus.

A Pipino etiam Castrum in Rhætia nostra Alpina, Trimontium altum, conditum fuit: quo postea Franci commodè usi sunt.

Pipino successit Carolus, ob gestorum gloriam Magnus dictus: cui, secundis nuptiis, Heldegardis, Hiltebrandi (qui filius Marsilii erat) Allemanniæ & Rhætici Ducis filia, conjuncta fuit. Nostris hic populis, in diversis bellis, usus est: contra Desiderium Longobardorum Regem, Saxones item, Bavaros, Saracenos, Aquitanos, Sorabos, Hunnos, Avaros. His in bellis, Geroldus à Puffonia, Caroli Magni affinis, (filius enim erat Hiltebrandi, Ducis nostri) Consiliarius & Vexillarius, cum suis Suevis & Rhætis, ita se gessit: ut posthac in bellis Imperii primam aciem ducere valerent.

Sed ad Episcopos, & Præsides Rhætici nostræ Alpinae, reflectamus. Carolus,

96 PALLADIS RHÆTICÆ  
lus, post obitum Thellonis, Episcopi  
Curienfis, ( qui incidit in annum Do-  
mini 784. ) Constantium, Episcopum  
Curienfem, toti Rhætiae suo nomine  
Præfidem, cum aliis magnis privilegiis,  
dedit: uti ex instrumento patet, dato x.  
Cal. Iunii, anno, Christo propitio,  
xvii. regni inlustris Caroli Francorum  
Regis, Indictione 11. in Civitate Anti-  
fiodorensi.

Anno 801. Carolus, ad instantiam  
Leonis 3. Pont. Max. Romam profici-  
scitur, magno exercitu stipatus; in quo-  
rum numero erant Suevi & Rhæti: ibi-  
demque in Vaticano, Imp. Romanus à  
Papa, omnium cum applausu, coro-  
natur.

Anno 806. Regna sua inter filios  
tres distribuit. Pipino Rhætia Curienfis,  
inter alia, obtingit: quo, quarto post  
anno, mortuo, Carolus ipse eandem  
iterum administrat.

Eodem anno 806, regnante Pipino,  
initium sumpsit monasterium nobi-  
lium sceminarum, ad Schennis, in ca-  
stris Rhæticis situm, fundatum ab Hun-  
frido, Comite Rhætiae & Istriae. Con-  
stantium Episcopum, secutus est Remi-  
gius, Præses & Episcopus 2.

Anno 813. sub hujus regimine, misit  
Carolus M. Volpharium, Episcopum  
Rhemens-

Rhemensem, in Rhætiam Curientem;  
ut negotia quædam Imperatoris curaret.

Anno sequente, Carolus, gloria satur, Aquisgrani fatiis cessit: quem in Imperio & Rhætiae dominatu, secutus est Ludovicus filius, Pius dictus. Hic, Rhætorum auxiliis usus est, anno 820. & sequente, contra Lindevitum, Pannoniæ inferioris Regem: quem etiam domuit.

In Episcopatu Curienti, Victor II, post Remigium sedet: cui diuturnum dissidium fuit cum Roderico, Comite à Langaro; cujus fines, circa Curiam, à Langaro flumine, ad Rhenum & Crispaltam montem, ab utraque Rheni ripa, se porrigebant. Misit ergo Ludovicus Imp. Beroldum Episcopum Argentinensem, & Gottfridum Abbatem Gregorianæ Vallis, cum Ruggero Comite: quorum auctoritate factum est, ut Rodericus, quæ eripuisset, Victori restitueret. quâ de re instrumentum existat, Dat. v i i i Kalend. August. Anno propitio Christo 825. Imperij xii. Domini N. Ludovici, Indictione iii. Actum Straszburg.

Eodem tempore moritur Victor: cui successus Verendarius, Ludovico charissimus. Hujus temporibus, anno nempe 829. Rhæti, Helvetij, & vicini Alpini  
G populi,

98 PALLADIS RHAETICAE  
populi, duce Guidone Pusterlâ, Marchione Lombardię à Ludovico Pio creato, fidelem operam Gregorio IV. Papę, & urbi Romanę, navavêre contra Saracenos: qui jam, captâ Siciliâ, Latium petierant; Vaticanum, & templum Divi Petri, Romę ceperant, & spoliaverant: Urbemque oppugnare volebant. sed, audito ex Cisalpinâ Galliâ copiarum auxiliarum adventu, prædâ onusti retrocessêre. Ludovicus propterea Alpinos illos immunitatibus donavit.

Verendarius, noster Episcopus, interim Episcopatu, & Præfecturâ, à filiis Ludovici Imp. Lothario, Ludovico & Pipino, privatur: dum patrem illi, ob nimia dona, in Carolum filium, ex secundo matrimonio genitum, collata, capiunt. Liber autem factus Imperator, Verendarium restituit; ipsique omnia privilegia in Rhætiâ, item de parochiâ & bonis Selestadij in Alsatiâ, & aliis, confirmat: sub dato v 1 Idus Januarij, anno propitio Christo 834. Imperij xxii. Domini N. Ludovici, Indiēt. xiv. Aquisgrani.

Temporibus Ludovici Imp. & Verendarij, anno circiter 838. regnabat in Rhætiâ, infra Langarum & Brigantij, Adelbertus, filius Hunfridi, Comitæ Rhætię & Istrię: quem Ludovicus prius, anno



anno 822. ad Pascalem II. Pontificem Max. legatum miserat. Contra hunc Adelbertum, aulicus quidam, Rapertus nomine, tantum adulatione sua apud Imperatorem credulum potuit: ut Imperator eidem Comitatum Rhætiæ, neglecto Adelberto, concederet; quem ille etiam armis Imperatoriis expulit. Pulsus Histriam petit; & à fratre Burchardo, ibidem Comite, auxilia obtinet: Rhætiamque cum exercitu repetit. Ad pugnam cum deventum esset, quæ ad pagum Cicers commissâ, Rapertus cum suis superatus, & in fugâ ab equo lethalliter læsus fuit; quem Adelbertus mortuum, Lindaviæ, in cœnobio, sepeliri curavit.

Ludovico Pio, in Imperio, anno 940 successit Lotharius: quem pater etiam coadjutorem jam antè assumpserat. Hic Episcopo nostro Verendario, vestigalia in Curia civitate confirmavit; & in suam tutelam eum suscepit: ut habet instrumentum, datum xii Kal. Februarij, anno Christo propitio 840. xv Imperij N: Lotharij Pij Imperatoris in Italia, Indiſt. iv. Actum in Grundulphi-villâ, palatio regio.

Lothario Imp. negotium faceſſebant duo fratres ipsius, Ludovicus Baviaræ, & Carolus Aquitanæ Rex, ob inæqua-



lem regnorum divisionem. Ludovicus, afflicto sibi Francis, Saxonibus, Hassis, & Sclavis, per Sueviam in Galliam tendit. quibus opposuerat Lotharius exercitum in Rhætiâ; ne ille se cum Carolo conjungere posset. Sed à Ludovico, viribus magis potente, prope lacum Brigantinum, anno 841. die 10 mensis Maji, fugatur: ac prædictorum Dux, Comes Adelbertus, Rhætiæ Præses, cum multis aliis, interficitur. Tandem Lotharius, 26 Junij, anni dicti, cum fratribus, in Campis Altißiodorensibus, in Ducatu Burgundiæ, congregitur; & 100000. utrinque cæsis, vincitur. Viribus tandè omnes tres exhausti, pacem anno 843. ineunt, divisionemq; instituunt: qua Ludovico Rhætiâ nostra, inter alia, obigit. Rhætiæ ergo Præsidem ille dedit Adelrychum, Comitis Adelberti nominati filium; Berchimairo autem, Ducatus Sueviæ gubernatio concessa: qui eam postea sponte, Carolo, Ludovici Regis filio minori, cessit.

Anno 869. Ludovicus Rex bellum,  
contra Vandalos & Slavos, Imperij  
Germanici hostes & vastatores, decer-  
nit: sed morbo præpeditus, Ratisbonæ,  
filiis tribus negotium cōmittit. Carolus  
ergo, cum suis Rhætis & Suevis, contra  
Moravos & Slavos profectus, ipsos,  
cum

cum duce suo Ratissao, vicit; civitates illorum incendit; & mœnia diruit.

Post fata Verendarij, factus fuit Episcopus Curiensis, & Rhætiae Rector, Essä, seu Hesso. huic Ludovicus, Rex Franciæ Orientalis, privilegia quædam dedit; & arbitrium patris sui, Imperatoris Ludovici, inter Episcopum & Comitem Rodericum, confirmavit, sub dato 2 Idus Iulij, Anno Christo propitio 849. Reg. III. Ludovici Regis, Indiët. XII. Et Anno 857. alia eidem ampliora insuper privilegia concessit.

Anno 873. Ludovicus Rex, Forchemiæ, regna inter filios dividit: ubi Carolo Suevia & Rhætia, inter alia, obtrigit.

Anno 875. mortuo Ludovico Imperatore, Lotharij filio, Ludovicus noster, & Carolus Calvus, fratres, ac demortui Ludovici patrui, uterque imperium, ambit. Ludovicus filios, Carolomannū, per Bavariam & Athesis regionem; Carolum vero, per Sueviam & Rhætiam, cum exercitu in Italiam mittit: ipse, cum filio Ludovico, Francos Occidentales petit; ut fratrem Carolum ex Italia revocaret. Imperium Romanum tandem, per mortem Ludovici supervenientem, penes Carolum Calvum remansit.

Sequitur in ordine Rotharius Episco-

102 PALLADIS RHAETICAE  
pus: qui cum Carolo Crasso, Rege Francorum, tunc Ludovici Germanici filio, bona, quæ Episcopatus in Alsatiâ habuit, permutavit; receptis, quæ in Valle Drusiana, & dominio de Flumine, possidebat Lutardus, Episcopus Vercellensis. Exstant literæ, datæ 11. Non. Ianuarii, Anno Christo propitio 881. v. Regni Caroli, Regis Francorum. Actum in Regensæ civitate.

Eodem anno 881. Carolus Crassus, Francorum Rex, extincto fratre Carolomanno, magno cum exercitu, (inter quos Suevi & Rhæti erant) per Rhætiâ, Alpes nempe Iulias, una cum uxore Richarda, Italiam petit, & ejus regnum sibi subjicit: eodemque anno, in demortui Ludovici III, Balbi locum, ad Imperium Romæ evehitur. Edicto hic publico cavit: ut tempora & anni, à nativitate Iesu Christi (non autem ab imperio Imperatorum & Regum, sicuti hætenus consuetum erat) numerarentur. Ducatum Sueviæ, post Imperium adeptum, Richario & Rudolpho, Comitibus magni nominis in Burgundia, concessit.

Demum Dietholphus, Episcopus Curienfis, & Rhetiæ Præses fit. Is, cum Salomone, Episcopo Constantiensi, & Abbate S. Galli, yeteres Rhætiæ antiquæ

quæ & Helvetiæ, videlicet pagorum Rhingoviæ & Durgoviæ, limites restituerunt: præsentē Vlderico à Buchorn, Comite Lentiensium, (cum quo Abbas, ob aliqua loca in Rhingovia, dissidebat) multaque nobilitate, ex Durgovia, Rhætia, & Lintgovia. cujus rei superest monumentum evidens. eodem quippe juramento & Comitatus diviserunt, terminum inter Rhingovve & Durgovve asserentes de Schvartzenecka; ubi aquæ adhuc ad nos vergunt, usque ad Manen, in medium gurgitem Rheni; & inde usque ad lacum Potamicum. qui termini adhuc hodie observantur. Acta sunt in illo loco, ubi Rhenus in lacum influit Potamicum, 111 Kal. Septembris, Anno incarnationis Domini 890. Indict. vii. regnante Rege nostro Arnolpho gloriosissimo.

Cum Guido, Dux Spoletanus, Berengarium Regem Italiæ depulisset: Berengarius ad Imperatorem Arnolphum recurrit. Hic ergo, anno 893. maximo cum exercitu, per Alpes Rhæticas & Tridentum, Italiam petit: multa oppida capit: magnumque terrorem incurrit. sed revocatur insolentia Rudolphi, Burgundionum Regis; qui etiam se in tutissima loca receperat.

Anno autem sequente 895. precibus

Formosi Pontificis victus, (qui à Sergianis adversariis ferè oppressus jacebat) Italiam repetit cū exercitu, in quo Suevos & Rhætos plurimos habebat. tandem Romam capit: & ibi coronatur.

Hoc anno, Concilium Triburiense habitum fuit ab Arnolpho: cui Thietolphus, Episcopus Curiensis, interfuit.

Temporibus Arnolphi Imperatoris, Allemanniæ & Rhætiæ Dux fuit Burkardus, Rycharii filius. cui, tumultuariè in comitiis occiso, successerunt Erchingerus & Bertholdus fratres.

Extincta autem, in Arnolpho & filio Ludovico, Carolinorum in Germania prosapia, quæ per annos 372. duraverat; Imperiique rebus inclinantibus: ultimus ex Episcopis Curiensibus, Rhætiæ, uti Præses, Dietholphus, rexit. Posthac vero Episcopi tantum ea, quæ Domus Dei nomen habent, aliquamdiu tenuère: cætera Duces, Comites, Barones, & Nobiles, rexère.

Anno 912. Conradus, Franciæ Orientalis Dux, fit Romanus Imperator: à quo, eodem anno, confirmationem privilegiorum suorum, Episcopus Curiensis Dietholphus impetrat.

Imperatori se opponunt Duces nostri, Erchingerus & Bertholdus: qui tandem, propter vim illatam Salomoni Episcopo

Episcopo Constantiensi, post longam incarcerationem, anno 917. decollantur.

Anno interim 916. tempore captivitatis eorum, Ducatus Sueviæ, qui sub Clodoveis & Carolinis dura servitute pressus erat, Romano Imperio adjunctus, & in feudum concessus fuit Burcardo II. nobili Suevò, ex familia Comitum à Buchorn. qui Burckardus, paulò post, Rhæticiam provinciam renunciavit Hulderico, suo ex filio nepoti. Huldericus verò eandem, anno 922. renunciavit Bertholdo, consanguineo Episcopi nostri Curiensis Valdonis, Dietholphi successoris: qui anno 921. Vormatiæ, ab Henrico I. in præsentia Rodolphi Burgundiorum Regis, & Comitis Hulderici, privilegiorum suorum confirmationem recepit.

Rudolpho Regi Burgundo, cum ultra præscriptos terminos, versus Allemaniæ Ducatum, evagari vellet, Anno 919. occurrit Burckardus, cum Suevis & Rhætis suis, prope Vitodurum: eumque pugna memorabili superavit, & represit: pace dein cum eo inita, filiam Bertham in matrimonium dedit. Atque ita Rudolphus, consilio Suevorum & Rhetorum, Italiæ regnum adeptus est.

Burcardo paulò post in Italià per insidias occiso, Henricus Imperator,

litate Rhætica interfuerint, præmiaque retulerint.

Othoni etiam I. Henrici filio, & in Imperio successori, Suevi & Rhæti fidelem operam navavere, contra Eberhardum Comitem Palatinum, & Giselferrum sororium Othonis, Imperium affectantes: qui anno 940. victi & cæsi fuere.

Eodem anno, Episcopo nostro Valdoni Imperator, ad instantiam Hermannici Ducis nostri, aliqua privilegia & dona liberaliter concessit: ac Disertinensi etiam Cœnobio multa, ob damna à Saracenis accepta, compensationis ergò (uti fufius postea dicetur) benignè largitus est.

Anno 948. Hermannus, Dux noster, Lindaviam civitatem incendit; & Castrum Brigantinum, jussu Imperatoris Othonis, cepit: opera suorum Suevorum & Rhætorum usus. Hermannus iste filiam unicam, Itam, ex uxore suscepit: quam Lutholpho, Duci Saxonie, Imperatoris filio, in matrimonium collocavit.

His temporibus, Valdo successorem habuit Hartpertum, Imperatori Othoni gratum, & familiarem. à quo ille plurima privilegia & dona, septem diversis annis, accepit.

Anno



Anno 951. Imperator Otho, instin-  
 ctu Adelheidæ, Lotharii Regis Italiæ  
 viduæ, cum instructissimis copiis, (in  
 quibus etiam Suevi & Rhæti, sub duce  
 Lutholpho erant) Italiam petit; sibi sub-  
 jicit: Adelheidamq; uxorem ducit. Qua-  
 re filius Lutholphus offensus, patri, cum  
 patruo Henrico, Bavariæ Duce, bellum  
 parat. Suevi autem & Rhæti nostri,  
 suasu Sancti Hulderici Episcopi Augu-  
 stani, & Hartperti Curienfis, contra  
 Imperatorem pugnare volebant. Impe-  
 rator, filio iratus, Sueviam & Rhætiam  
 Burckardo, Comiti ab Helffenstein, re-  
 gendam dat.

Anno 955. idem Imperator Otho, cum  
 auxiliarib<sup>9</sup> copiis Burckardi Ducis nostri,  
 in Campis ad Lycum, Vngaros undique  
 palantes feliciter reprimat, ac superat.

Anno sequenti, eorundem opera uti-  
 tur Lutholphus Dux, jam patri Impera-  
 tori reconciliatus.

Post fata ejusdem, Sueviæ & Rhætiæ  
 Ducatum adeptus est Burckardus ter-  
 tius, Burckardi secundi filius, & Her-  
 manni Ducis nostri privignus.

Anno 958. vixit Victor, ex Rhætiæ  
 Comitum familia oriundus, Conven-  
 tualis Sancti Galli, vir doctus, qui invidiæ  
 morsu malè tractatus fuit à Thietone,  
 Abbate Sancti Galli; uti & frater ejus à  
 Cralocho,

Cralocho, ibidem Decano, & in Abbatia successore. Victori adhærebat Enzelinus, Præpositus ad Fabarias. Hac eorum discordia motus Hartpertus, Episcopus noster Curienfis, Abbatiam ad Fabarias Episcopatu suo, à quo Salomonis Episcopi Constantiensis tempore abstracta erat, restitui petit. Enzelinus, rerum non ignarus, eam pro se ab Imperatore obtinet. Episcopo nostro, plura querenti, & jam senio confecto, Curtis regalis, in civitate Curia, tollitur; & Luitholpho, Canonico Imperatoris, unà cum Victore Archiepiscopo, regenda datur.

Anno 960. Suevi & Rhetini nostri, cum Othone, Italiam, contra Berengarium, petunt: ubi, anno sequente, Otho à Iohanne XII. Pontifice coronatur.

Hartperto successit in Episcopatu Hilibaldi: qui ab Imperatore Othone multa privilegia, Constantiæ, anno 973. accepit.

Eodem anno moritur Burckardus Dux noster: cui successus est Otho, Luitholphi filius, Imperatoris nepos.

Anno 976. Otho II. Imperator, Hilibaldi, Episcopo Curienfi, privilegia sua confirmavit: & eidem Curtem regalem, à Luitholpho detentam, restituit.

Anno 980, Imperator, intercessionem  
Theopha,

110 PALLADIS RHAETICAE  
Theophaniæ Imperatricis, Othonis Ducis  
Allemanniæ, Hildibaldi Episcopi  
Vormatiensis, & Gisalhargii Episcopi  
Mersburgensis, Episcopo nostro Hilti-  
baldo, telonium de ponte Clavennæ,  
cum suis juribus, dedit.

Eodem anno, Imperator Italiam adiit;  
& Othonem Ducem nostrum, Ducatu  
Bavariæ etiam honoratum, cum suis  
Suevis & Rhætis, secum habuit. Otho-  
nem secutus est Conradus sextus, Alle-  
manniæ Dux.

Anno 995. in urbe Quindelburg,  
(vulgò *Quetzelburg*) Otho III. Impera-  
tor, intercessione Mathildæ Abbatis-  
sæ Quendelburgensis, & Imperatoris soror-  
is Adelheidæ, Valdoni Episcopo Cu-  
riensi, jurisdictionem in castro Cla-  
vennæ & extra, cum omnibus juribus  
& immunitatibus, quibus eis gavissus est  
Comes Anuzo, ita ut hæc Episcopatus  
propria sint, benigne donavit.

In locum Conradi mortui, Ducis  
Allemanniæ, ab Imperatore promotus  
fuit Hermannus II.

Otho Romam profectus, ad Grego-  
rium 5. Papam, agnatum suum, in co-  
mitatu suo Ducem nostrum Herman-  
num, cum ipsius subditis, habuit: ex  
quibus aliqui, fulmine tacti, periere. Hic  
Imperator, primus Electores septem  
instituit:

instituit: &, ut Imperium penes Germanos maneret, firmiter sanxit.

Othonis successor fuit Henricus II. Dux Bavarix, ex sanguine Saxonico. cui se Hermannus Dux noster opponebat: sed viribus impar, anno 1003. eidem reconciliatus est.

Anno 1004. Imperator Henricus, Sueviam & Rhætiā, post fata Hermannī Ducis, filio ipsius adhuc minorenni, sub tutela matris, concessit. Nomen illi idem, quod patri fuit.

Anno 1005. Episcopus Curienfis Huldéricus, suorum privilegiorum confirmationem, in oppido Eristein, obtinuit: id quod duobus antecessoribus, Urbano & Ruperto, denegatum fuerat.

Anno 1012. Hermānus juvenis mortem obiit: successorem habens Comitem Ernestum, hujus nominis primum, & sororium Hermannī præmortui. cui anno 1015. successit filius Ernestus II.

Anno 1024. Imperator Valli Prægalix (quam Comitatum vocat) omnia sua privilegia confirmavit: & in tutelā Imperii recepit, eique insinuavit: Liberæ denique conditionis homines vocavit.

Henricus II. successorem habuit Conradum, Salicum dictum: cui se noster Dux Ernestus, in vana competentia, opposuit. Imperator, intercessione uxoris

112 PALLADIS RHAETICAE  
ris Gisela, anno 1030. repudiato Erne-  
sto, Ducatum Sueviae Ernesti fratri,  
Duci Hermanno, concessit.

Eodem anno, Imperator Hartmanno  
de Planterra, Episcopo Curiensi, privile-  
gia sua, atque donationem de telonio  
& jurisdictione Castri Clavennae, con-  
firmavit. Actum in Megelendorff. Sep-  
tennio post, alia privilegia eidem imper-  
tiit, in civitate Ulma.

Hujus Episcopi temporibus, Anno  
1032. ante & post, florebat in Rhætia  
Marquartus, Comes infra Langarum:  
in cujus jurisdictione Monasteria, ad Fa-  
barias & Schennis, erant. Et successit  
Eberhardus, qui anno 1040. ibidem  
vigit.

Clavennae, eodem temporis cursu,  
erat in flore Rudolphus: cujus sub regi-  
mine, bona Vilhelmi & Rutgari fratrum,  
in eodem tractu, ob quaedam delicta ab  
eis commissa, Canonicis Curiensibus, ab  
Imperatore, intercessione Imperatricis  
Gisele, donantur. Actum Beneventi,  
8. Junii, 1038. Quod idem Imperator  
paulo post, per literas Nonantulae datas,  
denuo confirmavit:

Eodem anno, in Italia, Tridenti, peste  
correptus obiit Dux noster Hermannus.  
Ducatus inde filio Imperatoris, Henri-  
co, in Imperio successor, concessus.

Anno

Anno 1040. Thietmarus, Episcopus Curiensis, privilegiorum confirmationem ab Imperatore Henrico 3. impetravit, & Ulmæ recepit.

Anno 1045. Imperator Henricus III. Othoni Palatino à Vuitlispach, Ducatum Sueviæ concessit. cui, anno 1048. successit Otho Marchio Schueinfurti.

Anno 1050. Nattæ, 11. Iulii, plurima privilegia Episcopatus Curiensi Imperator Henricus concessit: interque alia, jus venationis & incidui, à Valle Versanna (*Fraxinea*) usque ad flumen Langarum, ab utraque Rheni ripa, in Comitatu Othonis, Rudolphi, & Eginonis; filiorumque Othonis, Eginonis, Humberti, & Adelberonis: & inde, à sinistro Rheni latere, usque ad Camingam amnem: cum consensu Berchtilonis Abbatis ad Fabarias, & ejus advocati Vernheri.

Eodem anno, idem Imperator, Episcopo Curiensi Diethmarso, in honorem Dei, pro redemptione animæ suæ, & benemeritis Episcopi, donavit alia jura venationis, nemoris & incidui, in Comitatu Eberhardi. Termini erant: Vgonis montis summitas, ad aquam Argam usque, quæ inter Brugum & Quadra-bitam (loca Comitatus Verdenbergici) fluit.

Anno 1053. Leoni IX. natione Germano, Pontifici Max. Imperator auxiliarem manum, contra Normannos, præstitit. Suevorum tunc & Rhætorum dux militaris erat, Vernerius; qui se in pugna, in Apulia cōmissa, optimè, adversa licet fortuna, gessit.

Anno 1055. patri Henrico successit filius, Henricus 4. septennis, sub cura matris Agnetis: cujus imperium diuturnum quidem, nempe 50. annorum; sed valdè turbulentum fuit.

Anno eodem, Othoni à Schueinfurt, Duci Allemanniæ, successit Rodolphus à Rheinfelden, Imperatoris sororius: frustrato Bertholdo à Zeringen. cui Ducatus ab Henrico 3. annulo super ea re tradito, promissus fuerat.

Anno 1070. Thietmaro, Curiensi Episcopo, successit Henricus: qui privilegiorum confirmationem ab Imperatore nunquam obtinuit: propterea quòd Papæ, contra Imperatorem, faveret.

Anno 1075. Suevi & Rhæti nostri, sub Duce Rodolpho, se strenuè gessere in pugna ad Unstratum flumen, contra Saxones; victoriamque retulere.

Anno 1076. à Gregorio VII. Pontifice, Imperator fulmine tangitur & excommunicatur: quæ magnarum seditionum ubique, etiam in Rhætia, causa fuit.



sa fuit. Dux noster Rudolphus, affinem suum dereliquit; atque etiam Episcopus Curiensis.

Anno 1077. Papa Rodolpho, Duci nostro, coronam cum hac inscriptione mittit:

*Petra dedit Petro; Petrus diadema Rodolpho.*

Anno 1079. tempore veris, Velfho I V. Dux Bavarie superioris, Rudolphi partes defendens, magno collecto exercitu, in Rhætiam superiorem irrumpit: ferro & igne obvia quæque, præsertim quæ filii Hathonis, seu Othonis Comitum, tenebant, devastat: eosdemque Othonis filios invitos, utpote Imperatori Henrico fideles, ad sua vota trahit. tandem victor, superatis angustiis viarum, & insidiis structis, ex regione alpestri, secundum Oenum, relicto in ostio strictissimo montis Venusti (*Vestmenza*) præsidio, salvus ad suos redit.

Eodem anno, Vldericus 3. Abbas Sancti Galli, cum auxiliaribus copiis fratris sui Lutholphi, Carinthie Ducis, qui Henrico Imperatori addictus erat, Brigantium oppidum occupavit, & combussit: Marquartum etiam Comitem ibi cepit.

Episcopatus Curiensis annum unum vacavit: quem deinde per Simoniam, fa-

116 PALLADIS RHAETICAE  
vire Velphonis, assecutus est Nortper-  
tus Bavarus.

Imperator, Ducatum Allemanniæ  
Rodolpho adimit, & Friderico ab Ho-  
chenstauffen, cum filia Agnete, dat. Hic  
autem, vivo Rodolpho, dominium Al-  
lemanniæ plenè assequi non potuit; sed  
post ejus mortem demùm: quæ incidit  
in annum 1080. quando in prælio ma-  
ximo, Volsæ, ad Ellestramum flumen,  
non procul ab urbe Mersburgo, com-  
misso, Rodolphus ab Henrico victus, &  
in ipso conflictu dextra manus ei am-  
putata fuit. Profugientibus tum in ur-  
bem Mersburgum omnibus; Rodolpho,  
in lecto decumbenti, circumstantibus  
Episcopis, manus allata est. quâ ille visa,  
*Heu, inquit, Domini mei Episcopi! hæc  
manus est, qua Domino meo Henrico Cæ-  
sari fidem confirmavi. ipsi nunc vos ex-  
pendite, quam piè mihi consuleritis, ut  
ab eo deficerem.* atque ita gemebundus  
expiravit.

Bertholdus II. à Zeringen, & Velpho  
Dux Bavarus, multa ab eodem Ducatu  
avulsere. unde factum, ut Hochenstauf-  
fiani plerumque titulo Ducum Sueviæ  
tantùm usi sint. Rhætia tamen nostra  
penes ipsos mansit.

Anno 1080. Fridericus Dux noster,  
Velphonem Bavarum, & cæteros, Hoch-  
stetii,

stetii, memorabili prælio vicit: atque ita damna, Rhætis & aliis Imperatori fidelibus illata, ultus est.

Anno 1104. Imperator Henricus IV. Vdalricum Episcopum Curiensem constituit: eumque, cum aliis Episcopis, Romam, ad Pascalem 2. pro coronatione Henrico filio suo obrinenda, misit. Episcopus autem se Papæ, contra Imperatorem, associavit.

Anno 1105. Friderico, in Ducatu Sueviæ & Rhætiæ, filius Fridericus monachus successit.

Anno 1108. Rudolphus Comes à Brigantia, in Rhætia Curiensi, infeliciter cum Hartmanno Comite à Kirchberg, prope Idungesheim, pugnavit.

Anno 1114. Vido, Episcopus Curiensis, privilegiorum confirmationem, Basileæ, ab Imperatore Henrico 5. recepit.

Anno 1120. Mediolanenses, cum suo Episcopo, Iordano à Clivio, bellum vicinis Comensibus movere, propter mortem, à dictis Comensibus, Landulpho à Carchano, ab Henrico IV. Imperatore, per Simoniacas artes, Episcopo Comensi constituto, illatam. Voltureni, partes tunc Comensium secuti sunt: ubi virtus singularis Adelrani Quadrii emicuit. Mediolanenses undique præ-

dantes, Anno 1124. pecora, cum ingenti ac varia præda, in Volturena coëgerunt, & aliquot villas incenderunt. Collecti autem apud Berbennum rustici, & cum Mediolanensibus pugnantes, acie victi sunt: supra 30. interfectis; cæteris verò captis. Bellum tandem, postquam septennium integrum durasset, compositum fuit.

Anno 1126. Lotharius Saxo, Imperator ab Honorio Papa salutatur. Huic se Fridericus Dux noster, cum fratre Conrado, quippe ex sanguine Imperatorio, secundum genealogiam maternam, grogeniti, opposuerunt. Lotharius igitur, ut rerum potiretur, filiam Henrico Bavaro in matrimonium collocat. Bavarus autem, ut Friderici vires in Rhætia imminueret, sororem suam Volphildam, Rudolpho Comiti Brigantino in Rhætia, elocat. Inde natus est Hugo 3. Palatinus Tubingæ, Comes Brigantiæ & Rhætiæ: qui duos filios habuit; Rudolphum, & Henricum. Atq; ita Rhætia scissâ in diversas partes fuit.

Anno 1129. Conradus Suevus, Imperium prætendens, per Rhætiâ Alpinam, Italiam petit: interim rebus ipsius in Germania jacturam patientibus. Anno 1134. Imperium Lothario renuntiat. quod tandem,  
post

post hujus mortem , iterum assequitur.

Anno 1130. & sequentibus , in Rhætia magnæ authoritatis erat Comes Hugo à Verdenberg : cujus in instrumentis crebra est mentio.

Anno 1139. Conrado à Bybrech, Episcopo Curienti, Imperator Conradus privilegia confirmat.

Anno 1140. Fridericus monoculus , duobus præliis , ad cœnobium Ehrenheimium & Einhoffium, prope Vinspergam , Velphonem & Henricum Bavaros , fratri Conrado Imperatori adversantes , auxilio suorum Suevorum, Helvetiorum & Rhætorum , vicit & fugavit.

Anno 1146. Friderico monoculo successit filius Fridericus, in Ducatu Sueviæ & Rhætiæ ; post Imperium adeptum, Barbarossa dictus. Hic, eodem anno, Palæstinam petiit : & in exercitu suo multos Rhætos & Suevos habuit.

Anno 1152. quo Imperium assecutus est Fridericus ; dissensiones , inter Ardetionem Episcopum Comensem, & Clavennates, per Episcopum Conradum Augustanum , ex Imperatorio decreto, pacantur.

Anno 1153. Imperator Fridericus, Suiccardum ab Aspero monte Rhætum,

Consiliarium suum, ad Mediolanenses misit: ut eos à vi & insolentia, quibus Laudenses persequabantur, dehortarentur. sed literæ Imperatoris conculcatæ fuere: & ipse Suiccardus, ex eorum manibus, vix se eripuit. Iratus Imperator, Italiam petit; eosque domat: septies eo exercitu moto, semper Suevos & Rhatos à latere habuit.

Anno 1164. Hugo Palatinus Tubingæ, Comes Brigantia & Rætia, bellum gessit cum Velphone juniore Bava-ro. Victoria penes Hugonem fuit: quem Fridericus, Conradi Imperatoris filius, jam Sueviæ Dux creatus, adjuvabat. Hugo vero post, jussu Friderici Imperatoris, se coram Velphone, ob illata damna, humiliare coactus, cum, in genua coram ipso tertio procidens, veniam efflagitasset: nulla hic benignitate illum respicere voluit; sed per sesquiannum in carceribus, in castro Neuuenburg, penes pagum Vatum. Inferius, in Rætia detinuit. Velphone autem juniore, Romæ, peste extincto, liberatus ille fuit.

Anno 1170. in civitate Menga, Fridericus Imperator, Eginonem, Episcopum Curientem, Principem vocat: eodemque tempore, filio suo Friderico, Duci Sueviæ, Advocatiam Episcopa-



scopatus Curiensis concedit; quam prius Rodolphus Comes de Brigantia, & post illum Rudolphus à Pfullendorff, habuerant.

Anno 1176. Iohannes, Comes à Monreforti, ex Palæstina rediens in Cyprum venit: ibique Famagustæ sepultus, postea miraculis claruit.

Anno 1179. Suevi & Rhæti, sub Duce suo Friderico, cum Friderici Imperatoris exercitu, Palestinam secundo petunt. Ibi Imperator, in Comagena flumine suffocatus, periit. cui filius Henricus 6. in Imperio successus fuit.

Anno 1190. Sueviæ Dux factus est Conradus, Imperatoris frater.

Anno 1194. Henricus Siciliam armis, à Tancredo Pseudorege, recuperavit: filiumque Tancredi Vilhelmum, castratum, cum multis aliis, quos oculis privari iussit, in castrum Amisium, Rhætiæ Curiensis, perpetuis carceribus destinatos, misit.

Anno 1196. Suevia & Rhætia fame oppressæ jacebant. Inde versus:

*Maxima tres annos pressit fames hic Alemannos.*

Eodem anno, Philippus, Imperatoris frater, Sueviæ Dux factus est: qui postea ad imperium promotus, Bertholdo



tholdo Zeringensi Sueviā cēssit. His temporibus, Bormienses Rhæti, cum Clavennatibus & Pefclaviensibus, in multis, Episcopatu Curienti, ex tenore jurium Episcopaliū, parebant. Comensibus, quibus à Mediolanensibus illi assignati erant, hoc non ferentibus, ancipiti Marte diū pugnatum est: donec tandem, post decennale bellum, Comensibus illi cessere.

Anno 1209. ab Imperatore Otthone 4. regalia sua recepit Reinherius, Episcopus Curientis: qui cum imperatore, eodem anno, Romam ad coronationem profectus est. Ducatus Sueviæ tunc, Friderico Rogerio, Henrici 6. imperatoris filio, cēssit.

Tempore Lotharii, belligerati sunt inter se, maxima cum sanguinis effusione, Vernherus Comes à Kyburg, Episcopus Constantiensis, & Vldaricus Baro ab Alto Saxo, propter Reineckum castrum in Rheguscis: quod tandem ab imperatore occupatum, neutri obtigit.

Anno 1212. Fridericus secundus, ex Siciliā Germaniam petens, per Rhætiam iter habuit: aliis viis, ab Othone imperatore excommunicato, tunc occupatis. Illum Arnoldus de Amacia, Episcopus Curientis, Abbas Sancti Galli, & Henri-

Henricus Baro ab Alto Saxo, Constantiam usque sunt comitati.

Anno sequente, idem Episcopo nostro privilegia confirmavit.

Anno 1220. Comenses, bello Episcopatu Curiensi illato, Solium in Prægalia comburunt.

Sequente anno, iidem Comenses Hartvigum, filium Egeni, cujus maxima auctoritas in Vennonibus erat, bello petunt: subsequutis mox pacis conditionibus.

Anno 1228. imperator Fridericus, Bertholdo, Episcopo Curiensi, confirmationem privilegiorum impertit. Idemque facit Vlderico Comiti à Kyburg, in Episcopatu successori.

Anno 1239. & 1249. Volcardo à Neuenburg, Episcopo Curiensi, eadem privilegia concedit. Episcopus hic, Castra, Guardavalle in Engadina superiore, & Fridnou ad pagum Cicers, construï jussit: Castrum vero de Flumine, apud Sarunetes, recuperavit.

Anno 1252. Conradus 4. Friderici 2. filius Romanorum Rex, Henrico Comiti à Monteforti, Episcopo Curiensi, Regalia benignè concessit.

Mortuo Conrado, imperium per 16. annos nullum certum caput habuit. Et in ejus filio Conradino, familia

124 PALLADIS RHAETICAE  
milia Hochenstauffiana, Ducum Suevię,  
extincta fuit. Proinde ulteriore Du-  
cum nominatione posthac supersede-  
bimus.

In Rhætiâ tunc Episcopus Curiensis,  
Abbas Disertinus, cum aliis Comiti-  
bus, Baronibus, Nobilibus, & Com-  
munitatibus, Rempubl. liberè admini-  
strabant: Imperio tamen Romano de-  
bitum honorẽ exhibere non renuentes.

Anno circiter 1262. Rhæti nostri,  
Duce Marquarto Barone à Vatio, Eli-  
sabethæ ab Homberg, viduæ Comitis  
Rudolphi à Rapertisvilâ, auxilio venêre:  
quam gravidam ( postea namque fi-  
lium, patri cognominem, peperit )  
Bertholdus, Abbas Sancti Galli, prætex-  
tu dominii ad se devoluti, expellere  
volebat. Pugnatũ fuit in terminis Hel-  
vetiorum: ubi exercitus Abbatis à Ba-  
rone ( cui etiam Glaronenses & Suitii  
aderant ) profligatus fuit. multi tũ in  
aquis perierunt.

Hoc perturbato rerum statu, Henri-  
cus, Episcopus Curiensis, optimè se ges-  
sit: Aspermontum & Rhætium amplũ,  
castra, Episcopatui acquisivit: alia duo  
Fürstnou in Valle Domesticâ, & Herren-  
berg in Comitatu Verdenbergensi, ex-  
struxit.

Anno 1255. Longobardos idem, in  
Rhæ.

Rhætiam nostram irruentes, ad pagum Amedes, fudit & repressit.

Quum patritii & populus Mediolanensis inter se diù multumque altercati essent: anno 1264. Philippus Turrianus, populi dux, intercessione Alphonfi Comensis, apud Hugonem Fycum, Prætorum Clavennæ, obtinuit; ut hic Prægallos, ducibus, Papone à Castromuro, & Berthramo Previdâ, excitaret. Hi igitur aliquot castra Nobilium, in Comitatu Clavennæ, diruere: & anno 1268. Alpes hostium spoliavere, armenta que abduxere: Nobilibus Clavennensibus & Pluriensibus vicissim castrum, Castromurum dictum, occupantibus. Tandem, anno 1272. intercessione Othonis Vice-Comitis, Archiepiscopi Mediolanensis, & Henrici Curiensis Episcopi, bellum hoc, quod octennium duraverat, compositum fuit.

Hoc tempore, civitas Velcuriensis, cui Comes à Monteforti præerat, à Bertholdo Abbate Sancti Galli, & Hugone Comite à Verdenberg, obsidetur.

Anno 1272. Conradus Baro à Bel-lomonte, Episcopus Curiensis, privilegiorum confirmationem à Rudolpho Habsburgensi Comite, Rege Romanorum electo, obtinuit. Idem, castrum Fürstenburg, in Vennonibus, exstruxit:

struxit: atque dominium de Flumine, ab oppignoratione redemptum, Episcopatu restituit.

Anno 1278. in exercitu Rodolphi Regis, cōtra Ottocarum Regem Bohemiæ, Rhæti, sub Comitibus, Menhardo Tirolensi, & Hugone Tuberiensi in Vennonibus, cum laude militaverunt.

Anno 1288. prælium commissum fuit in planitie, ad vicum Balcha, inter Fredericum Comitem à Monteforti, Episcopum Curiensem, & Comites Verdenbergicos: quorum Comitatum Episcopus hostiliter invaserat; Comites contra, jussu Regis Romanorum, Vilhelmu Abbatem sancti Galli, Episcopi fratrem, Abbatia expulerant. Episcopus tunc vincitur, & cum Henrico Brüssnang, Domino de Griessenberg, capitur. cumque se, tædio carceris, post biennalem captivitatem, ex castro Verdenbergico, confutis linteaminibus, demittere pararet: iisdem ruptis, ex gravi lapsu moritur. Ejus in locum, anno 1290. Bertholdus electus fuit. Caspar Bruschius hîc Vladericum quendam intertextit: quo authore, nescio.

Anno 1291. Hugo, Comes Tuberii in Vennonibus, ad instantiam Menradiz. Comitissæ Tirolis, copias suas, quas in Rhætis & vicinis collegerat, contra Ibanum

Ibanum Vngarum, Comitem Guntien-  
sem, Austriam deprædantem, duxit: sed  
prece & precio ab hoste corruptus, re  
infecta rediit.

Anno 1292. pugnatum fuit ad Vito-  
durum, inter Tigurinos ( duce Eglino  
Comite à Tockenbourg ) & Hugonem  
Comitem à Verdenberg, Alberti Au-  
striaci ducem, qui multos Rhætos se-  
cum habebat. Tigurini, pridie, nempe  
12. Aprilis, victores existentes, postridie,  
deceptri stratagemate militari, (commu-  
tatis vexillis hostilium, ac si Episcopi  
Constantiensis & Abbatis Sancti Galli  
homines essent, qui Tigurinis subsidio  
venirent ) succumbunt.

Anno eodem, Vittani, qui jam rerum  
Comi potiebantur, auxilio Advocati à  
Matio Voltureni, Volturenæ ingre-  
diuntur; castra ac loca quædam Capi-  
taneorum Mediolanensium, hostium  
suorum, deprædaturi. Capitanei con-  
trà, Nobiles ab Aquâ, & Petrum Qua-  
drium, habebant: qui Comensibus vi-  
riliter obstiterunt. Pugnâ commissâ,  
devicti Comenses in fugam conversi  
sunt: qui subsequentes nihilominus ho-  
stes, ad lacum usque, pugnando susti-  
nentes, quoquo modo licuit, in tutum  
se receperunt.

Anno 1294. Episcopus Bertholdus,  
domi.



128 PALLADIS RHAETICAE  
dominium de Flumine, cum suis pertinentiis, Nobili Vlderico à Flumine, pro quo multi ex prima nobilitate Rhætici fidejusserant, oppignoravit.

Post mortem Rodolphi, anno 1291. Imperium ad Adolphum, Nassoviarum Comitem, delatum est. Huic opposuit se Albertus, filius Rodolphi. Devenitur ergo ad pugnam, prope Spiram: ubi Adolphus, anno 1298. victus occiditur. Albertus multos ex Rhætici nobilitate secum tunchabuit.

Anno 1300. Bormienses Episcopatu Curiensi, cui antea jam subjecti fuerant, iterum se dedunt. Comenses eos proscribunt, & commerciis interdiciunt. quibus Bormienses tamen parum movebantur: ut qui, sine illorum ope & communicatione, bene agere possent.

Bertholdo successit, anno 1305. Syfridus de Flumine, in Episcopatu Curiensi. quo anno Vittani, Comenses, Castrum Cosium (quod erat Vicedominorum, partes Ruscanorum sequentium) solo equavêre.

Anno 1309. eorundem Vitannorum duces, Tignaca Paravicinus, Prætor Comi, & Advocatus à Matio, Castrum Clavennæ frustra obsident: quod paulo post tamen, intercessione Romerii Layizzarii, Cureoni Fontanellæ,  
&



& Isaaci à Sancto Benedicto, pro certa pecuniæ summa, Vittanis deditur.

Quum Imperium, post mortem Henrici VII. duobus, Ludovico Bavaro, & Friderico Austriaco, per diversa suffragia, electis, variè dilaceraretur: à partibus Bavari, inter alios, Helvetii tunc Vranii, Suitii & Subsylvani, erant. Austriacum Papa, cum Ecclesiasticis, tuebatur. Abbas itaque ad Eremitas, cum Henrico Comite à Monteforti, qui Rhetos nobiles in exercitu ducebat, fratrem Friderici Leopoldum excitant; ut cum maxima Nobilium caterva, dictos Helvetios incautos opprimeret. Hi tamen præmoniti, ad ostium strictissimum, Morgartum dictum, hostibus obviam facti, anno 1315. die 16. Novembris, Nobilitatem ex improvise adoriuntur, cædunt & fugant. ex quibus Abbas & Comes Montfortius, primi auctores, inter primos etiam fuga salutem quaesiverunt.

Anno 1321. pugnatum fuit ad Hospitalale, apud Vrsellanos Lepontios; ut patris annales, cæteris tamen circumstantiis omissis, produnt: sed proculdubio inter factiosum Abbatem Disertinum, & Helvetios, Bavaro adhærentes.

Anno 1322. propter easdem factiones Bavari & Austriaci, bellum exardescit,  
I inter

130 PALLADIS RHAETICAE  
inter Rudolphum Comitem à Monteforti, Episcopum Constantiensem, & Curienfis Episcopatus (cui Syfridus praeerat) Vicarium, Austriaco addictum; atque Iohannem Donatum Baronem à Vatio, Bavari partes tuentem. Montfortius validum exercitum, ex omni sua jurisdictione, Turegia, Tigurino pago, & Rhætia Episcopatu subjecta, sub auspiciis fratris sui Henrici, contraxerat. Vati-  
us, in Rhætia potens, Helvetios etiam tres pagos sibi adjunxerat: cujus copias Baro à Rhætio, consanguineus illius, ducebat. cum igitur se diu depopulationibus mutuis vexassent: tandem ad praelia aperta ventum est. Primus pugnae locus fuit in plano, intra Alvinovum & Filisurum: ubi Montfortii succubere. multi, in proxima montana perfugientes, inter saxa, nives, rupesque, regionis ignari, periere. plurimi capti, & à Vatio blande initio excepti, fame postea, frigore, & carcerum squalore confecti, inter ululatus (quos homo tyrannicus, Vati-  
us, cantum avium suarum interpretabatur) vitam finire.

His ipsis diebus, Episcopales, per Engadinam superiorem, Davasianos, qui Vatianae ditionis erant, bello & praeda petunt. Incolae exiguo numero, (multi enim

enim apud Vatiensem erant ) in Valle Dismaa, duce Luca Gulero, viro intrepido, illis occurrunt, ac forti animo hostes repellunt & fugant; multis desideratis. Locus pugnae adhuc hodiè nomen, Pratum belli, retinet: & loricae, aliaque hujusmodi arma, quandoque ibi effodiuntur.

Anno 1323. duo competitores Imperii, Ludovicus & Fridericus, ad pugnam deveniunt, inter Donspergum & Muldorffum, non procul ab Oetinga urbe. Leopoldus, Friderici frater, magnum exercitum ex Suevis, Helvetiis ac Rhætis, fratri adducebat: qui aliquamdiu, in devastanda ditione Guilielmi, Comitis à Monteforti, Bavaro adhærentis, tardans, prælio interesse non potuit. Bavarus, post duodecim horarum pugnam, victoriam obtinuit: Friderico competitore, & fratre ejus Henrico, captis.

Anno 1327. Ludovicus Imperator, Italiam petens, Galeatium Vice-Comitem Mediolani, cum duobus fratribus & filio, carceribus mancipat. Locumtenentem & Gubernatorem Imperii, Gulielmum Comitem à Monteforti, compensationis ergo, ibi constituit: qui per biennium, cum præsidio Germanico & Rhætico, Reipublicæ, usque

132 PALLADIS RHAETICAE  
ad liberationem Galeatii, feliciter  
præfuit.

Anno 1333. Abbas Disertinus, admo-  
dum inquietus, junctis sibi Actuatiis  
suis, aliisque Rhætis, infelicitè cum  
Vrsellanis, qui ab Helvetiis propinquis  
adjuvabantur, congregitur: 500. ex Ab-  
batis exercitu cæsis; Duce verò & Præ-  
fecto illorum capto: qui lytro 1000. li-  
brarum postea redemptus fuit.

Eodem anno 1333. Episcopatum Cu-  
riensem adeptus Vldericus Schuldtheis  
de Lenzburg, S. Scripturæ Magister, re-  
galia & privilegia ab Imperatore Ludo-  
vico recepit: quibus antecessores tres  
proximi, Rudolphus à Monteforti,  
(Imperatori quidem tandem reconciliatus,  
sub Papæ verò excommunicatione mortuus)  
Hermannus Baro ab Eschenbach, & Iohannes,  
Auditor Rotæ in Aula Romana, propterea quod Pa-  
pæ adhærerent, frustrati fuerant.

Anno 1337. Episcopus Vldericus, Al-  
berto & Othoni fratribus Archiducibus,  
Castrum Marfilinium, in Rhætia situm,  
in feudum concedit.

Anno 1339. Carolus 4. Imperator,  
Episcopo Vldérico, Præfecturam Imperii  
Curiensis civitatis, pro 360. marcis ar-  
genti, oppignoravit.

Idem Episcopus, per emptionem  
Castrum

Castra duo, Rietberg & Iuvalta, in Valle Domestica sita, sibi acquisivit.

Anno 1346. Episcopus Vlde-ricus, cum suis, apud Athefinos, à Ludovico Romano, Ludovici I V. Imperatoris filio, superatus prèlio fuit, & cum multa Nobilitate captus: mox tamen, victoris benignitate, liberatus.

Anno 1348. in civitate Pragâ, Vlde-ricus Episcopus, à novo electo Imperatore Carolo I V. privilegiorum confirmationem, & castrum Montani in Venonibus, obtinuit.

Anno sequente, mandatum idem Imperator dat, ut Clavennenses, cum tota jurisdictione, Episcopatus Curiensi par-eant: omniaque antecessorum suorum Imperatorum privilegia, super eâ re da-te, confirmat. telonium item à Langaro flumine ad Luverum amnem usque in Prægallia, benigne concedit.

Anno circiter 1350. Vlde-ricus Comes ab Amaciâ, Advocatus Episcopatus Curiensis, bellum (contra voluntatem ta-men Episcopi & Canonorum) cum Vicecomitibus Mediolani, Volturenam tenentibus, gerit: itaque Bormium, Pesclavium, & Comitatum Clavennæ, Episcopatus amittit.

Eodem anno 1350. prosperiorè fortuna, Grisæi Rhæti, Comitem quendam

134 PALLADIS RHAETIGAE  
Sutientem, in ipsorum regionem cum  
exercitu irruentem, in Valle Aetuariâ,  
domum prædâ onustum revertentem,  
fundunt, & sua recuperant.

Anno 1351. Albertus, Archidux Au-  
striæ, Tigurum primo obsedit: in cujus  
exercitu Vladericus, Episcopus Curiensis,  
erat.

Eodem anno, prælium ad Tatuillam  
contigit: quo Austriaci, sub Duce Io-  
hanne ab Ellerbach ( qui multos Athe-  
sinos, Vennones, & Rhætos nobiles,  
penes se habebat ) à Tigurinis victi  
sunt.

Anno sequente, Valtherus à Stadio-  
no, nobilis Rhætus, & Austriacorum  
Præfectus Gueschæ, Glaronam domi-  
nio Austriaco adjecturus, cum multis  
cæsus fuit.

Eodem anno 1352. die 12 mensis Maji,  
congressi sunt hostiliter in Montanâ,  
( loco alpestri supra Ilantium oppidum )  
Rodolphus Comes Montfortius, & Vl-  
dericus-Valtherus Baro à Bellomonte,  
qui victoriam tunc reportavit; Mont-  
fortio cum multis capto, & aliquot præ-  
cipuæ Nobilitatis, Curia, in peristyllo  
Cœnobii Sancti Nicolai, ubi etiamnum  
illorum arma cernuntur, sepultis.

Anno 1355. in Episcopatu Curiensi,  
Vladerico successit Petrus de Bohe-  
miâ:



miâ: cui privilegia Carolus 4. confirmavit Norinbergæ, anno 1360. Biennio post, castrum Trimontium Episcopatui insinuatum fuit.

Anno 1362. Rodolphus Comes à Verdenberg, Mediolano domum rediens, & Collaterali Ducis Mediolani Comitatus, intra Clavennam & Plurium, à duobus latronibus, duarum sagittarum ictu, interficitur. Ex Pluriensi Communitate 12. Mediolanum propterea citati, nomine Communitatis, carceribus mancipantur: qui tandem, recognitâ, ejusdemque Communitatis innocentiam compertâ, post longam carcerationem, sunt liberati.

Anno 1366. Petrus, Episcopus Curiensis, Rodolpho, Alberto, & Leopoldo, Ducibus Austriæ, feuda sua in Comitatu Tirolis, ( qui triennio ante, à Margaritâ, unicâ Comitatus hærede, ad ipsos devenerat ) & aliis locis, concedit.

Petro successus fuit Fridericus à Menzingen, Leopoldi Archiducis Austriæ Cancellarius: qui à Carolo IV Imperatore privilegiorum confirmationem recepit, anno 1372.

Anno 1376. Leopoldus, Archidux Austriæ. Castrum & Comitatum Velcurii, à Rodolpho juniore, Rodolphi



136 PALLADIS RHAETICAE  
IV. filio, Comite Montefortio, pro  
36000 florenis, emit.

Idem Leopoldus, eodem tempore, ab  
Alberto Comite à Verdenberg, oppi-  
dum & castrum Pludonense, itemque  
Sargans & Heilgenberg, cum suis perti-  
nentiis, acquisivit.

Anno 1377. Episcopatum Curiensem  
adeptus est Iohannes, Alberti Archidu-  
cis Austriae Cancellarius: & eodem an-  
no, à Carolo IV. Imperatore, privile-  
gia recepit.

Anno 1386. conflictus memorabilis  
fuit ad Sempachium: ubi Lucernates,  
Vranii, Suicii, & Subsylvani Helvetii,  
Leopoldum III. Austriae Archiducem,  
cum multa Nobilitate, interfecere: in  
quibus fuere ex Rhætiae antiquae tractu  
multi; praesertim 35. Vennones, & Vl-  
dericus atque Egolfus ab Amisio. Ita  
humilitas Rusticorum, superbiam No-  
bilitum depressit.

Eodem anno, Vescha (*Vesennium*)  
oppidum ab Helvetiis ex manu Austria-  
corum ereptum fuit: ibique Helvetii  
victores praesidium posuerunt. ex quo  
180. anno 1488. festo Matthiae, ab incol-  
lis & Austriacis, proditoriè interfectis,  
ceteri iterum in verba Austriacorum,  
praesente Iohanne Comite à Verden-  
berg, Sarunetum Domino, juravere.  
statim.

statimque pugna ad Navaliam secuta est: quâ Austriaci succubuere, & Velscha recepta fuit.

Anno 1387. Iacobus à Plantâ, Vice-dominium in Tomiliascâ, Vlderico Bruno, Rhætii Domino, vendidit.

Anno 1388. Episcopatum Curientem adeptus est Hartmannus, Comes à Verdenberg & Sarunegans, Eques Teutonicus: qui, anno 1396. castra Eremusium & Gryphensteinium, quæ Comites ab Amaciâ, ut beneficiarii & feudatarii, tenuerant, Episcopatui recuperavit. Cum Vlderico, Barone Rhætiae, propter venationem in monte Amedes prærogativam, atque decimas Caziæ in vicino monte, diu contendit. sed tandem, per Legatos urbium, Tiguri & Velcurii, tanquam sequestros, reconciliati fuerunt.

Infelici etiam bello Episcopus, causa fratrum suorum, Comitum à Verdenberg, cum Leopoldo Austriae Archiduce, propter dominium Rheineck & confinia, implicitus fuit.

Anno 1405. Abbatiscellani, sub Duce Rodolpho Comite à Monteforti, cum Abbate Sancti Galli, Cunone à Stauffen, & Austriacis ejus adiutoribus, feliciter belligerantur, plus 60. urbibus & castellis captis.

Eodem anno, castra duo, Alto-saxum, (Baronum hujus familiae antiquissima sedes) & Forsteccum ejusdem dominii, Abbatiscellani & Sancto Gallenses comburunt: quorum posterius adhuc in cineribus jacet. Idem bellum biennio post renovatum: quo Rhegusci, Rhaetiae antiquae populi, multa damna passi sunt.

Anno 1407. die 8 Novembris, Abbatiscellani & Sancto Gallenses Brigantium obsedere. Obsidio autem, anno sequente, 13 Januarii, re infecta, soluta fuit.

Anno 1408. dum Franchinus Rusca Como praeslet: Dieteganus Curiensis, magnae auctoritatis vir, infcio Episcopo, Castrum Clavennae, per insidias, septem militibus in saxosis illis locis delitescantibus, & ad id instructis, capit. sed auxilio & commeatu illi destituti, mox ad deditionem rediguntur.

Anno 1412. Baro Huldericus à Rhætio, cum fratribus, & auxilio Friderici Comitis à Tockenbourg, sui consanguinei, Episcopum Hartmannum, non sine gravi damno civium, in urbe Curiensi obsedit: re tandem, cum jactura Episcopatus, composita.

Anno 1414. cum Fridericus, Archidux Austriae, Papam Iohannem XXIII. clam

clam ex Concilio Constantiensi abdu-  
xisset; proindeque ab Imperatore Sigis-  
mundo proscriptus esset: Hartmannus  
Episcopus, damna à Leopoldo, Frideri-  
ci fratre, accepta ulturus, una cum  
civitate Lindavia, Velcuriam, quæ Fri-  
derico addicta erat, bello petere conten-  
dit. Episcopus autem, cum fratre Hu-  
gone, à Præfecto Friderici, qui ex Co-  
mitibus à Stülingen erat, in oppido ipso  
capitur; & vix post novimestre libera-  
tur.

Anno 1417. Iohannes Abundius,  
Naso dictus, Episcopus Curiensis ele-  
ctus, Constantiam ad Concilium, quod  
triennio antè cœperat, proficiscitur; &  
ad finem Concilii permanet.

Hoc ipso anno, Fridericus, Comes à  
Tokenburg, oppidum & castrum Vel-  
curiæ, sibi ab Ernesto Austriæ Archi-  
duce oppignorat, vi capit. Rhæto-  
rum multi, ejus jurisdictioni subjecti,  
tum aderant.

Eodem anno, in Rhætia & circum-  
vicinis regionibus, primo conspecti sunt  
Nubiani. Cingaros & Ægyptios alii vo-  
cant; quasi ex Zeugitana, Africa nempe  
propria, (illi patriam Ægyptum mino-  
rem commentum sunt) oriundi essent.  
gens atra & lacero vestitu erat: etsi ar-  
gentum & gemmas penes se haberet.

Hi,

Hi, absoluto tempore exilii, quod sibi ob abnegatam à Majoribus suis religionem Christianam, poenitentiae loco impositum esse dicebant, domum sunt reversi. In eorum locum successit manipulus furum, praestigiatorum & latronum; quos nostro etiamnum tempore circumvagari videmus.

Anno 1422. Iohannes, Comes Mi-sauci, pecuniae summam, jure sibi à Philippo Mariâ. Mediolani Duce, debitam, efflagitat. Duci, petitionem spernenti, Comes Biltionam astu surripit. sed inferior viribus, captum oppidum, cum juribus suis, Vraniis & Subsylvanis (quos sibi conciliaverat) vendit. Hi mox etiam Suitios admittunt: varia fortuna postmodum, cum Francisco Carmagnola, Angelo Pusterla, Ducis capitaneis, pugnantes. Biltiona tandem Helvetiis remansit.

Eodem anno, dissidium magnum fuit, inter Episcopum Abundium, & Civitatem Curientem, propter electionem Magistratus, & alias quoque causas. Cives, castrum Marsoila, sedem Episcopi, vi occupant, & spoliunt. Controversiae tandem, octodecim articulis comprehensae, per tredecim electos iudices, quorum quatuor Tigurini, (propter jus Civitatis, quod Episcopus & Civitas Tiguri

Tiguri habebat) reliqui Cathedrales erant, amilæ componuntur.

Anno 1427. Fridericus Comes à Tockenbourg, ultimus hujus familiæ, Abbatiscellanos, ob dissidium de reditibus, aliisque sibi ab eis præstandis, injuriam item Abbati Sancti Galli illatam, bello aggressus, bis, Gosslovix primo, deinde ad Honeck, trium dierum intervallo, feliciter cum illis conflixit. In exercitu suo, Rhætorum suæ ditionis justum numerum habebat: quibus Henricus à Sigberg, nobilis Rhætus, præerat.

Anno 1434. Veneti, cum Philippo-Mariâ Vicecomite belligerantes, ducibus Georgio Cornario & Daniele Veturio, Volturenam occuparunt. Cornarius eam, cum præsidio trium millium, tenebat. factio enim Gibellina, Philippo fidissima, ibi prævalebat. Nicolaus ergo Picininus, Philippi Dux primarius, auxilio factionis suæ, hostes aggredi cogitat: ac sexta, quæ secuta est, die, post irruptionem Venetorum, supra Soricum, ubi lacus angustior est, ponte fabricato, utramque ripam jungit; & exercitum in Vallem, nihil tale Venetis metuentibus, traducit. Cornarius, qua fluit Abdua, quæ per vallem ipsam in Larium effertur, fossâ manu facta,



142 PALLADIS RHAETICAE  
facta, & per transversum deducta, co-  
pias concluderat. At Picininus, juncto  
Iohanne Rusca, Francini filio, fluvium  
& fossam, junctis ratibus, superat: mox-  
que, commisso prælio, haud tenui ac-  
cepta clade, repellitur. Postero igitur die  
paratior venit; ductu in primis factio-  
rum, quorum caput fuit Stephanus  
Quadrius Pontensis: qui, magna indi-  
genarum manu, desuper in hostes in-  
cubuit. Picininus enim, in primo con-  
flictu, regionem jam cōtemplatus erat:  
mores etiam Cornarii, in discrimen  
præcipites, simul & exercitus victoris  
insolescentis temeritatem, per explora-  
tores Clavennenses (quorum Duces,  
Antonius Nasalis & Antonius Brochus  
erant) intellexerat. Ergo prælio vix tu-  
multuariè commisso, Picininus dissipato  
hostes in fugam vertit. statim enim  
Stephanus Quadrius, & pagani, undi-  
que supervenerant. Capti sunt, Corna-  
rius ipse, Thaddæus Estensis, Cæsar Mar-  
tinengus, Italianus Forojulianus, Ba-  
ptista Capitius, Antonius Martinascus.  
celeberrimi ductores. Ex reliquis hosti-  
bus, vix 300 Equites, per saltus, evasere.  
Exstat ibi sacellum, Divæ Dominicæ di-  
catum: quod Philippus reditu & sacer-  
dote ornavit, in memoriam victoriæ  
eo in loco, de Venetis partæ; haud  
pro-



procul à pago, qui Dalebium nuncupatur.

Anno 1437. civitas Curiensis & multi ex fœderibus Rhæticiis, auxilia confœderatis suis Sarunetibus, contra Henricum Comitem Verdenbergicum & Sarunetum, adjutum ab Austriacis, præstant: castraque Nidenberg & Freudenberg destruunt. Causa belli erat; quod Comes, Sarunetes à Tigurinis, quibus jure civitatis juncti erant, avulsos vellet.

Anno 1438. Sarunetibus, cum suis confœderatis Rhætis, quotidianas depopulationes ab Austriacis, (qui Comitem Henricum à Verdenberg, Dominum Sarunetum, adjuvabant: ad quem, post fata Friderici, ultimi Comitis à Tockenbourg, ita conniventibus Austriacis, persoluta oppignoratione, dominium redierat) ac præsertim pecudum abactiones, patientibus: Sarunetes, qui secum Rhætos vicinos aliquot habebant, ita ut illorum 800. essent, interpesta nocte, ad oppidum & castrum Verdenbergicum accedunt. His obviam veniunt 300. ex oppido: quorum decem cæsi sunt. Sarunetes igitur victores domum, cum opima præda, redeunt.

Anno 1440. Suitii & Glaronenses,  
cum

144 PALLADIS RHAETICAE  
cum auxilio incolarum Castrorum  
Rhæticorum, (exercitus erat ex 1000.  
conflatus) summo silentio Vallissta-  
dium veniunt, illudque capiunt. inde  
progressi, oppidum Sarunetum intrant.  
quò ad eos venit Comes Henricus Ver-  
denbergicus, cum Dominis ab Alto-  
Saxo, à Brandis, & à Tetrango, aliquas  
copias ducentibus, quas ad Rhenum  
collegerant. Hi omnes tantum ope-  
rati sunt: ut, ad instantiam Suiensium,  
Sarunetes Comiti fidem juraverint.  
Tanta celeritate ista peracta fuere, ut  
nec Tigurini, nec Rhæti, Sarunetum  
confœderati, hæc scire potuerint. At-  
que ita Sarunetum cum Rhætis fœdus  
expiravit.

Eodem anno. Fridericus à Rechberg,  
Episcopus Curiensis, à Friderico III.  
Imperatore, privilegiorum suorum  
confirmationem recepit.

Anno 1444. Albertus Dux Austriæ,  
(qui se Tiguris conjunxerat) Sarunetum  
oppidum, castrum, & ditionem, cepit:  
Comitemque Henricum fide sibi ob-  
strinxit, & ab Helvetiis segregavit. An-  
no verò sequente, Suienses & Glaro-  
nenses, cum auxilio Abbatiscellano-  
rum & aliorum, oppidum Sarunetum  
recepêrunt; castro frustra tentato, &  
sexaginta, ex Helvetiis desideratis, re-  
gioni

gioni autem, in discessu, tributum imposuere.

Hoc ipso anno, Sarunetes, damna accepta ulturi, in Vallē Duriæ, ad Sanctum Iohannem (Monasterium ibi & Abbātia est, à Nobilibus de Sancto Iohanne fundatum : postea à Comitibus Tockenburgicis, tanquam patronis, ditatum : ordinis hodie Sancti Benedicti) irruptionem faciunt ; 20. homines occidunt ; magnamque prædam ex armentis abigunt.

Eodem anno 1444. Henricus Baro ab Hevven, Episcopus Curienſis, privilegia sua, à Friderico 111. Imperatore, accepit.

Anno 1446. veteri Tigurino bello, multi ex Rhætis nostris, sex veteribus pagis Helvetiis, in pugna ad pagum Ragatium, in Rucantiorum finibus, auxilio fuere. Copiæ Ducum Austriacorum incautæ ab Helvetiis tunc obrutæ : multi cæsi : reliqui fugientes, in Rheno flumine submersi.

Anno 1447. cum, post mortem Philippi Mariæ Vicecomitis Mediolani, publice libertas promulgata fuisset ; idē Clavennenses & Plurienses fecere. Iohannem Balbianum Comitem, non aliorum ; sed Civitatis nomine, præesse voluerunt. Interim etiam cæteros

146 PALLADIS RHÆTICÆ  
Magistratus liberè ex suis eligunt: Castroq; Clavennæ Præfectum ex suis imponunt. Balbianus, rebus parum fidens, Investituram ab Imperatore secreto accipit: & mox, asscitis sibi decem militibus, qui sub scala prope Castrum latitabant, intempesta nocte, fores Castri pulsant; Sfortianos se persequi simulans. Præfecto, rerum ignaro, aperiente, Iohannes cum suis intrat; & Præfectum excludit.

Anno 1454. successor Henrici Baronis ab Hevven, Episc. Curienfis, Leonhardus privilegiorum quoq; confirmationem, à Friderico I I I. Imperatore, habuit.

Anno 1460. Ortliebus, Baro à Brandis, Episcopus Curienfis, ab eodem Friderico I I I. Imperatore, confirmationem obtinuit.

Anno 1474. per Rhætiam Christianus, Rex Daniæ, Romam tendens, iter fecit.

Anno 1475. mutuo bello se vexabant Episcopi, Genevensis & Sedunensis. Pugnatum fuit ad oppidum Sedunum: ubi Episcopus Sedunensis, cum auxiliari manu Bernensium, Solodurensium, & Rhætorum, Genevensem vicit, & profligavit.

Cum variæ dissensiones, inter Sigismundum Archiducem Austriæ, & ejus  
ante-

antecessores. ut Comites Tirolis, cum Episcopatu Curiensi, exarsissent; quæ tamen, confœderatorum Rhætorum intercessione, anno 1465. dum propter castrum Teraspum etiam minus inter eos conveniret, sopitæ videbantur: Sigismundus, seu potius Castellani ipsius Schlandersbergensis & Enudriensis, anno 1475. copias contra Ortliebûm Baronem à Brandis, Episcopum Curiensem, ducunt; Castrumque Eremusium, in inferiori Engadina, comburunt. Mox anno sequente, ulterius grassari volentes, ab Engadinis, in ipsa Engadina inferiore, quos paratos ibi inveniebant, funduntur. Hoc in conflictu, singularis virtus Gebhardi Gulielmi, Engadinorum ducis, apparuit: qui singulari certamine cum Iohanne Martino, Tyrolensium Antesignano, congressus, victor evasit; & Vexillum Civitatis Hallensis, in Valle Oenana sitæ, in medios hostes se præcipitans, scidit: sicque gloriose occubuit.

Cætera, quæ gens fortissima Rhætorum, sive pro patria libertate tuenda, sive auxiliari manu pro Principibus confœderatis, gessere, sequentibus libris, suo quæque loco & ordine, recensentur.

## LIBER IV.

**D**EVENIMVS ad alia bella, & minacis Martis opera. Duo autem præcipua nobis quàm brevissimè dicenda sunt: Suevicum nempe, (quod Cæsariani Helveticum vocabant) idque ea tantum ex parte, qua nostrorum confœderatorum Rhætorum copiæ præsentis fuere; cum Maximiliano primo Imp. seu potius impetuosis ejus & inquietis Consiliariis & Ducibus, gestum: alterum cum Io. Iacobo Medico Mediolanensi, castrorum Mussii & Leuci Larii lacus dominium sibi vendicanti: utrumque autem felicibus auspiciis finitum.

Vt autem rem aliquantulo altius repetam. Serenissima Domus Austriaca, adversus Helveticos & eorum socios, tum ob Gubernatorum suorum aliquos, propter sævam & inauditam exercitam tyrannidem, expulsos ac interfectos; tum ob adversa prælia diversa, cum domini non exigua amissione; (in quorum uno, Leopoldus III. Maximiliani proavus, ad Sempachium; in alio, ad Nancejum, Carolus Burgundiæ Dux, Maximiliani socer, ceciderant) odio, si minus aperto, veterano tamen & intestino, diù laboraverat.

Magna-

Magnanimum ergo huncce Principem, Maximilianum; insolens parasitorum & thraſonum turba quotidie ad vindictam (ut aiebant) excitare nō deſinebat. Hujus ergo pater, Fridericus III. Imp. cū effeciſſet; ut aliquot Principes, Civitates, & ex prima Nobilitate Romani Imperii plurimi, fœdus ad certum tempus inirent: (quod Magnum fœdus Suevicum dicebatur: cujuſque finis & ſcopus eſſe debebat, ut quidem prætendebant, latrociniorum & depredationum, quæ tum admodum frequentes erant in Imperio, extirpatio; ſed non minus ad libertatem Helvetiorum opprimendam ſpectabat) hoc nondum ad finem perductum, Maximilianus patre deſuncto, continuavit, eique præſuit.

Interim Sigismundus, Archidux Austriae, cui cum Helvetiis fœdus hæreditarium erat, omnia ſua dominia, anno 1490. (annuo, viciffim & Principe digno, accepto ſtipendio) Maximiliano, ceu adoptato hæredi, renuntiavit. Quæ renuntiatio ideò præcipuè facta videbatur: ne ipſe Helvetiis & ſociis, jam oppreſſioni deſtinatis, opem, ex vigore fœderis hæreditarii, ferre teneretur.

Paulò poſt Maximilianus Helvetios, Lindaviam, Imperii oppidum, ad ſe voca-



150 PALLADIS RHAETICAE  
cat: deque fœdere Suevico ineundo, &  
Camera Imperialis, quæ Spiræ est, con-  
stitutionibus, ut se subjiciant. Quibus  
petitionibus, ne avitæ libertati suæ de-  
rogarent, assentire illi recusant. Aliam  
ergo viam, spe hac frustratus, ingredi-  
tur: & de fœdere hæreditario secum, uti  
Archiduce Austriæ, & Sigismundi suc-  
cessore, renovando, ipsos compellat.  
Sed & hoc ipsi; quod in præjudicium  
suum renuntiatio illa Sigismundo, an-  
no 1496 præmortuū, facta, jamque  
ipsi à fœdere liberi essent; constanter  
renuunt.

Accedit ultimum; quod bello tan-  
dem principium dedit. Inter Austriæ  
Principes, & alios, qui Comitatum Ti-  
rolis antè possederant, atque inter Cu-  
riensem Episcopatum, ejusque Cathe-  
drales Rhætos, de confinibus, minera-  
libus fodinis, teloniis, & aliis ad juris-  
dictionem pertinentibus, diversa dissi-  
dia fuerant: adeò ut quondam Episcopi  
Curienses, cum suis hominibus, adver-  
sus Ludovicum, Romanum nomina-  
tum, ex familia Brandeburgica, mari-  
tum Margaritæ, Comitissæ Tirolis;  
itemque adversus Fridericum quintum  
hujus nominis, & Sigismundum ejus  
filium, (uti suo loco enarravimus) aper-  
ta bella gesserint. Hæc tum iterum re-  
pullula-

pullulabant: dum novis & inassuetis oneribus atque pedagiis Cathedrales gravabantur.

Res quidem inter Cæsarem, & Henricum ab Heuven, Episcopum Curiensem, ejusque Cathedrales, post multa, ad judicium Thomæ, Episcopi Constantiensis, (nominatis utrinque suis assessoribus) delata fuit: verum hic, causa indecisa, fatis cessit. Subrogatur in ipsius locum Fridericus, Episcopus Augustanus. Et optimus quidem Imperator negotii finem (efflagitante parte adversa) ipse videre cupiebat: Curia tamen ipsius Oenipontana tacite tardabat, & obstabat. Interim angariæ adversus Cathedrales crescebant: & Legati ipsorum, Oenipontum missi, ut decisionem causæ (cum Cæsaris eadem esset voluntas) sollicitarent, à Curialibus responsum ferebant ambiguum; quasi qui Mandati Cæsarei essent ignari. Cum itaque animus adversariorum ad bellum inclinaturn viderent Cathedrales: vicinis Helvetiis septem pagorum veterum, (quorum cum aliquibus jam antè fœderis conditiones nonnullæ erant) die Luciæ festo, 13. Decembris, 1498. in Comitibus Tiguri celebratis (prout Grisiæ superiore anno, nempe 1497. in festo Joann. Bapt. fecerant) perpetuo

152 PALLADIS RHÆTICAE  
fœderis vinculo sese conjungere ; mu-  
tuumq; auxilium, inter alias conditio-  
nes, contra omnem vim & injuriam,  
firmiter promiseré.

De hoc fœdere certiores redditi Tiro-  
lenſes, fœdus & ipſi Suevicum ingre-  
diuntur ; ſibiſque de armis, aliisque ad  
bellum neceſſariis, provident: ſicque in  
Vallem Venuſtam, (olim *Vennones* di-  
cebantur) Rhætis Engadinis finitimam,  
cum exercitu veniunt ; ac Monaste-  
rium Montis D. Mariæ, præſidio mi-  
litari, & machinis bellicis, muniunt.  
Cujus rei primordia, contumelioſis ver-  
bis hinc & inde ſparſis, magis magisque  
accreta, exacerbabantur.

Dies rebus componendis, ad Cam-  
pum D. Petri (hodie *Velcuriam* vocant)  
indictus fuit : ubi cantilena admodum  
famola, in contemptum fœderis Rhæ-  
torum cum Helvetiis initi, publicè de-  
cantabatur: quam Magiſtratus poſt tri-  
dum demum edicto inhibuit. Fiunt  
tamen induciæ, ad medium uſque Qua-  
drageſimæ: ita, ut interim controver-  
ſiæ, amica judiciali diſceptatione, di-  
rimerentur. Ad has condiciones, non  
niſi fraude præmeditata, Cæſaris Cu-  
riales conſcenderant. Fecialem enim

Engad. Rhætorum, Ioannem Veibel de Tami-  
ni, qui ad Engadinos & Monasterii  
Vallis

Engad. Engad.

Engad. Engad.

Vallis incolas, per montem Arulam, cum induciarum literis mittebatur, captivum per triduum detinent: quo interim per suum, qui dies noctesque festinabat, miles in Valle Venuſta, de voluntate ipſorum certior fieret, & irruptionem in Vallem Monasterii faceret, ſub prætextu capiendi & muniendi Monasterii Monialium dictæ Vallis, cujus advocatiam ſibi Cæſar adſcribebat. Res autem ſecus ceſſit. Engadini enim & Monasterienſes vigilantiores, Cæſarianos opprimunt; octodecim ex eis, in dicto Monasterio, interficiunt; idque præſidio muniunt. Atque hæc belli fax fuit. Hoc irritum rerum ſucceſſu, Curiales magis commoti, majorem militum numerum conſcribunt: partemque Vallis Monasterii depopulantur, pulſi inde à Rhætis, in proximis locis, Tuberii, Damalii, & Laudi cum militari manu confident.

De his omnibus, Epiſcopus, & cæteri confœderati Rhæti, per crebros nuntios admoniti, mittunt Legatos: qui partem adverſam, ad ſervandas inducias Velcurii factas, commoneſciant. Sed illa aure ſurda omnia prætermittit. Tandem, habito conſilio Curia, 15. Jan. à confœderatorum Rhætorum Legatis, & Epiſcopo ac Collegio Curienſi,

K 5      auxilia

154 PALLADIS RHAETICAE  
auxilia (invito etiam Episcopo, qui bellum dissuadebat) Cathedralibus mittenda concluduntur. Executio prompta est: Grisæi adsunt; Episcopus ipse arma induere, & cum exercitu proficisci cogitur. Hinc miræ contra ipsum murmuraciones: ita ut ad tuendam vitam, satellitio sibi, ab Henrico Ammano, civitatis Curiensis Capitano, dato, opus esset. Clam itaque & intempesta nocte, cum in Vallem Monasterii venisset, se ab exercitu subducere studet, ac versus montem Braulium tendit: sed à suis fautoribus, benignis verbis, revocatur.

Interim in Valle Scarla (est inter Engadinos & Vallem Monasterii sita; minis olim metallorum celebris) velitatio fit. Vallis à ducentis Cæsarianis militibus munita detinebatur: qui prædas eò deportabant. Hi semel palantes Engadinam invadere tentant: quos sexaginta Engadini viriliter excipiunt; in fugam agunt, & illorum undecim (inter quos Ioannes Donna Anna, Engadinus transfuga, & eorum dux, antea Castrì Terraspi Præfectus) interficiunt: nullo ex Engadinis cæso; sed his præpinguem prædam recuperantibus.

Vranii Helvetii, de irruptione Cæsarianorum in Vallem Monasterii, ab Abbate  
Diserti.

Disertinensi statim commoniti; 600. selectis, ductore Henrico Vollebio, Curiam usque, auxilio veniunt. Reliqui Helvetii, 2. Febr. ad fines suos undique præsidiales copias; cæteraque ad bellum necessaria, mittunt.

Dum miles Rhæticus in Valle Monasterii est, Cæsarianis proximus: Curienfis & Constantienfis Episcopi, de rebus inter Imperatorem & Confœderatos sedandis, agunt. Fit compositio, utrique parti tolerabilis: qua ab armis discedere iussum. Confœderati Rhæti domum ex Valle Monasterii revertuntur. Cæsariani, pacis non usque adeò studiosi, Laudo discedentes, tres domos Cathedralium incendunt, & 400. præsidarios, in oppido Glorii, in confinibus relinquunt.

Vranii, à Curienfibus humaniter tractati, de pace certiores facti, ad suos reverti volunt: & versus Sarunetes pergunt. Lucernates autem, Suitii, Vndervaldii, & Tugieneses, secus sinistram Rheni ripam, ad Scalam montem, patrios lares repetentes, à præsidariis Cæsarianis, in castro Guttenberg, quod trans Rhenum cōspectu est, contumeliis & tormentis bellicis petuntur. Illi igitur de his statim Vranios suos, apud Sarunetes, commonent: qui illico  
cum

156 PALLADIS RHAETICAE  
cum Sarunetibus, ad ipsos convolant,  
& eodem modo à Guttenbergicis ex-  
cipiuntur. Vtrique in pago Annatio, ca-  
stra simul ponunt.

Nefanda verò Cæsariani milites ja-  
ctabant: blasphemī in Deum, in bea-  
tissimam virginem Mariam, ac Sanctos;  
(ita ut animus singula referre totus hor-  
reat) & contumeliosi in confœderatos  
Helvetios & Rhætos, quasi quorum  
exanimem & mortuum ante aliquot  
annos unum magis, quam nunc decem  
vivos extimuerint. in mutua propina-  
tione vini, singulo haustu decem quis-  
que Confœderatos interficiebat: imò  
Regi Romanorum, ad delendos Con-  
fœderatos, (mulgendis vaccis tantum  
aptos) sufficere solos ædituos suæ ditio-  
nis, qui sono campanarum eos fugent,  
quidam proxeneta Austriacus, in con-  
ventu Glorii jactabat. Cui Conradus  
à Marmore Rhætus argutè respondit:  
Confœderatos eisdem solos pastores Al-  
pium cum pedis suis opposituros.

Tota belligerandi ars jam penes solos  
Cæsarianos erat: quam etiam contra  
superos execratissimis verbis proru-  
bant. Confœderatis enim se veterem  
Deum, & Mariam apud Eremitas, cum  
garrulis & orgyalibus eorum preca-  
tiunculis, relinquere velle, ajebant: se  
vicissim



vicissim Iuncker Iesum (verbo *Iuncker* nobiles compellari solent) in auxilium vocaturos, blasphemabant: tam vastos præterea in Confœderatorum regionibus fumos excitaturos; ut Sanctus Petrus, Cœli Ianitor, portas aperire minimè sit ausurus; Deumque summæ insidentem iridi, præ sæviante æstu, pedes ad se trahere oporteat.

Flagrante bello, vitulum, Beneduri in Estionibus, baptizaverunt; illumque *Amman Rudi* (Ministraleum Rudolphum) vocaverant: sic abominandis picturis & dictæriis (Confœderatorum cum bestiis commixtionem mentientes) impietatem suam aperiebant. Confœderati verò, postea loco potiti, & iusta ira commoti, illum combusserunt.

Die 6. Febr. sexcenti ex Cæsarianis Rhenum tranant; Rheguscos depopulari volentes. Hi ab Helvetiis fortiter repelluntur. Mox Tigurini & Glaronenses, suis Asmatii auxilio veniunt.

Curiales interea Oenipontani, ab Engadinis & Vallis-Monasteriensibus, iuramentum fidelitatis, connivente & assentiente Episcopo, expetebant: ita enim in compositione, per nominatos duos Episcopos facta, stabilitum fuisse affirmabant. quod tamen in transumpto & exem-

158 PALLADIS RHAETICAE  
exemplari literarum, Rhætis dato, (quod  
penes se Henr. Ammanus, Curiensium  
ductor habebat) minimè apparebat: sic  
ergo blanditiis aliqui Cathedrales, sub  
Gasa Venæ, (locus situs est inter Tubériū  
& Glorium; ita, quod ibi metalla purga-  
rentur, dictus) ab Episcopo & Cæsaria-  
nis inducti, illud præstitere. Major pars  
autem, cum cæteris Vallis-Monasterien-  
sibus & Engadinis, viriliter recusavit.  
Nona ergo die post compositionem fa-  
ctam, Athesini Cæsariani irati, Monaste-  
rium Virginum, unde antea pulsi fue-  
rant, vi occupant, ignique consumunt:  
Abbatissam, Emeritam Plantam, cum  
tribus aliis monialibus abducunt.

Hæc cum viderent confœderati Rhæ-  
ti; finibus suis de præsidiis providere  
volentes, ad Clivum S. Lucii, (locus  
ita dictus, quod illac quondam D. Lu-  
cius, cum in Rhætiam superiorem, con-  
vertendi populi ad Christianam fidem,  
iret, transcenderit) ubi transitus ad-  
modum strictus, & ad arcendas ir-  
ruptiones Cæsarei exercitus commo-  
dus; aliquot milites, sub duce Scho-  
nouglio, apud Ciceronianos Ministrale,  
ponunt.

Ludovicus autem, è familia Brandi-  
fia natus, Vallis Dulcis Dominus, &  
Cæsaris dux, cum aliis nobilibus, ex pro-  
pinquis

pinquis locis. militem, Velcurii congregandum, conscribit. Multi tum erant ex Valle-Drusiana, qui servitutis nomine Brandisio obstricti erant: cum quibus potiundæ Rhætiæ; præsertim Lupini oppidi, quod parebat ipsius fratri Sigismundo, recta ad S. Lucii Clivum tendit. Præsidarios Rhætorum, cum loco cedere non vellent, ferè omnes, una cum eorum Duce Schonouglio, cædit: & Lupinum (quorundam civium perfidia adjutus) statim cum castro, eadem die, quæ erat 10. Febr. occupat. Posterâ die Malansiani & Genienses, in ejus verba jurare coacti sunt. In oppido rebus suis non admodum fissus, 400 præsidarios, ex Valle-Drusianis & Brigantinis, ibi relinquit: ipse, cum Rhætos ex castri specula adventantes videret; una cum uxore fratris, & aliquot nobilibus, assumpta potiore supellectile, ad Vallem-Dulcem secedit. Clivo S. Lucii prius, equestri & pedestri militari manu, providerat.

Fama, de capto Majævillæ dominio, statim ad vicinos Rhætigojos & Curien-  
ses perlata; Rhætos omnes in arma vocat: qui Helvetiis, confœderatis suis, omnia veloci cursu nuntiant. Tumultuariè interim ad loca capta festinant: consilio prius ad ædem D. Volgangi,  
in

in nemore, ( non procul ab oppido  
Lupino ) cum Helvetiis inito ; cujus  
summa: ut Rhæti eo vespere ad Clivum  
S. Lucii se conferrent, & diei sequentis  
summo mane, hostes incautos ibidem  
aggrederentur ; Helvetii vero superato  
Rheno, Cæsarianos in vico Balzares ex-  
ciperent.

Rhæti, pro executione consilii, ad  
locum destinatum veniunt: hostes jam  
cœnatuos, nullisque positis stationa-  
riis, inopinatos, ( rati præveniendum  
tempori potius statuto, quam talem oc-  
casionem negligendam: insuper ad vin-  
dicandam cædem suorum præsidario-  
rum, quorum sanguinis vestigia adhuc  
cernebant, cupidi ) summo cum impe-  
tu, & alacri animo, adoriuntur: eos in  
fugam agunt: aliquot illorum truci-  
dant. Hic, ex Cæsarianis unus saucius,  
& in ipso ferè mortis articulo constitu-  
tus; cum Rhætos insectantes videret;  
à subsannationibus adhuc abstinere non  
potuit: mugitumque tauri instar edidit.  
Ex Rhætis igitur miles quidam accur-  
rit, eique genitalia abscindit; dicens:  
hoc modo in patria nostra tauros mu-  
gientes castrare solemus.

Mox, cum ad fontem S. Catharinæ  
( locus in ipsis finibus est ) devenissent;  
aliud militum manipulum inveniunt.

Acie

Acie itaque instructâ , eundem adoriuntur ; & ex eo 600. cædunt. Inter hos Vlmensis Civitatis Signifer inventus fuit , qui vexillum dentibus prehensum mordicus retinens , multis confossus vulneribus, dimittere noluerat. Reliqui fugantur, & aliis Cæsarianis adventantibus timorem & fugam communicant. Illos Rhæti , superato hostium vallo , ibidem structo , ad vicum Balzares, & ulteriùs ad nemus Trisiense usque persequuntur. Opaco autem noctis præpediti , in eodem vico Balzares domum incendunt, ad se mutuò dignoscendum: cœnamque ibidem , more militari, satis lautam , ab hostibus paratam , ipsi sumunt. In hoc prælio , ex Rhætis octo tantùm cecidère. Inter alios gloriosè se gessere , Hercules à Capaulo , Lombarenus de Lombareno, & Ioannes Frantius Ilantinus.

Helvetii, audito fragore machinarum bellicarum , ex castro Gутtenberg ( cui præerat Vldericus à Ramshaug) adversus Rhætos exoneratarum, eisdem mille auxilios mittunt. Sed cùm illos , qui hostem insecuti erant , non invenirent: instructâ acie , per totam noctem in armis, penes dictum castrum, manent ; atque Cæsarianorum manipulus, è prælio profugus, prope ipsos : utrique ita quie-

162 PALLADIS RHAETICAE  
ti, ut neuter alterius proximam stationem animadverteret.

Sequente die, quæ erat Martis, 12. Feb. Helvetii totis viribus, vadato Rheno (hostium copiis frustra eos impedire conantibus) ad pagum Treisam contendunt. Rhæti, è loco pernoctationis suæ (ubi Sexamienses sex, cum presbytero, omnes vino obruti, & in longam diem usque stertentes, ab hostibus occiduntur; presbytero captivo factò) prorumpentes Helvetiis suppetias ferunt, & ita prælium Treisæ crevit. Ex equestri & pedestri Cæsarianorum numero, 350. occubuerunt: ex victoribus ne unus quidem. Reliqui hostium per montem Treisensem fugati, in manus mille illorum Helvetiorum, Rhætis auxilio missorum, incidere: de quibus plurimi occisi. E 600. qui in templum confugerant, 200. Vallis Drusiani erant: ad quos servandos, tota Vallis Drusiana, cum incolis Treisæ, fidelitatem Helvetiis & Rhætis jurant: quam tamen mox, defectione sua ad Cæsarianos, iterum violarunt.

His peractis, eadem die, Vallem Dulcem, ubi Castrum Ludovici Brandisii erat, petunt Helvetii & Rhæti. Illo, de se dedendo, cum ducibus tractante: castrum interim à gregariis militibus (ut quidam scribunt) occupatur, spoliatur, & comburi-

buritur : ubi in cellâ vinariâ tredecim  
 combibones, ignis obliti, fumo tandem  
 pereunt. Ipse Brandisius, cum fratre Vol-  
 gango, captivus factus ; mox Rapersvil-  
 lam ablegatur. 13. Febr. Rhæti, ita sua-  
 dentibus sociis, ad obsidendum oppidū  
 Lupinum remigrant : cumque vi rem-  
 gerere vellent, obsessi gratiam implo-  
 rantes, se dedunt. Sigismundus & Do-  
 ricus Brandisii, ante dictorum fratres,  
 in castro ibidem inventi, Curiam ad fra-  
 trem eorum, Præpositum Collegii Cu-  
 riensis, captivi deducuntur : Præsidarii  
 & ipsi Curiam mittuntur. Mox tamen,  
 lytro persoluto, liberati illi fuerunt.  
 Quatuor ( inter hos Ioan. Volfius Ort,  
 & Vldericus ab Ecclesia ) ex civibus Lu-  
 pinianis, proditionis, uti supra memo-  
 ravimus, accusati, decollantur : Castrum  
 Lupini, ut etiam Aspermontum, supra  
 Gennensium situm, more bellico cap-  
 tum, & à Schlandersbergiis tunc deten-  
 tum, devastantur.

Post hæc statim, 16. Febr. ex Griseis &  
 Cathedralibus aliqui, Davosium missi,  
 quæcunque eo in fœdere ad Austriacos  
 pertinebant, sibi vindicant : castrum-  
 que Castrense, in Valle Rhæticonæ, occu-  
 pant.

Die 20. Febr. Helvetii Ranckvillæ ca-  
 stra ponebant : Cæsarianis, quorum



164 PALLADIS RHAETICAE  
numerus circiter 10000. erat , Hardâ  
( locus est non procul ab oppido Brigā-  
tino ) castrametantibus. Cumque utrin-  
que se levibus velitationibus stationarii  
milites, ad Hochstam S. Ioannis (locus  
eminens sic vocatur) tentarent; & Cæ-  
sariani Hardam usque fugarentur : ibi  
totus hostium exercitus inventus fuit  
paratus. Helvetiorum cohortes omnes  
interim à suis velitatoribus admoniti,  
convolant undique , & cum hostibus  
pugnam summis viribus ineunt : quo-  
rum 5000. occidunt; omnibusque eo-  
rum suppellestilibus ac impedimentis  
bellicis potiuntur.

Victores, à prælio in pago Hardâ cō-  
morantes, in supremâ contignatione  
ædium quarundam , ubi Rapersvillani  
hospitabantur , inveniebant simplicem  
Suevum ex pugna profugum, & ibi lati-  
cantem; is in conspectum militū produ-  
ctus, & in genua procidens , veniam his  
verbis petebat : O chara & proba ora  
vaccina , ( *Küemüller* : ita Helvetios ad-  
versarii per contemptum vocabant )  
miseremini mei miseri ! Hi verò iram  
cum risu & minis miscentes , ecur eo-  
rum gratiam ita contumeliose implo-  
ret, rogitant : ipse illachrymans , Deum  
& sacra testatur , se alio eos nomine a-  
pud suos nunquam audivisse nomina-

tos,

tos, nec de alio scire. Atque ita, simplicitati ejus indulgentes; ipsum in pace dimisere.

Eàdem 20. die, Henricus, Episcopus Curienſis, Caſtrum Fürſtenburgum, ubi à tempore tractatæ pacis commoratus fuerat, blandis & largis deceptus promiſſis, Cæſarianis contra Cathedrales ſuos tradit: inanis ipſe Oenipontum ablegatur: tandemque in miſeria (digna proditionis pœna) diem ſuum Argentorati claudit. Hoſtes caſtrum, ablata ſupelleſtili, comburunt. His moti Rhæti, cætera Episcopatus caſtra occupant, & communiunt: Belloſortum (die 4. Martii) & Strasbergum (die 6.) Auſtriaco- rum arces, in fœdere decem- Iuriſdictio- num ſitas, reliqua duo fœdera capiunt, & igni ſacrant.

Die 9. Martii, Rhæti, duce prædicto Henrico Ammano, per Engadinam inferiorem, Oenotrium (vicus amplius in confinibus eſt) petunt, occupant, & ſpoliant: ex hoſtibus 6. occidunt. Rhætorum tunc duo deſiderati ſunt.

Poſterâ verò die, Cæſariani parati, eos ex inopinato, & vino obrutos, adoriuntur, & loco cedere cogunt: multis priùs domibus igne abſumptis. Singu- laris tum virtus fuit, Herculis Pauli Cu- rienſis; qui in ipſo incendio, Cæſaria-

166 PALLADIS RHAETICAE  
nis vexillum , cui Aquila rubea coro-  
nata pro insigni erat, eripuit, & ad suos  
detulit.

Die 24. Mart. pugnatum fuit ad lo-  
cum Sylva fratrum dictum, non pro-  
cul ab urbe Basileâ. Cæsarianorum  
sub duce Friderico Caplero, 8000. erant:  
ex quibus 600. cæsi. Ex mille autem Hel-  
vetiis victoribus, unus cum gloriâ mor-  
uus est.

Die 25. hostium ingens numerus ad  
15000. Rheno superato , in Rheguscis  
multa loca , ad Abbatem S. Galli perti-  
nentia ; duos item vicos, Vlderici Baro-  
nis ab Alto Saxo, Helvetiorum fauto-  
ris ; & Cambsum , quod Suitensium &  
Glaronensium ditionis est , spoliant &  
comburunt : atque ex Helvetiis , qui in-  
cauti oberrabant, 75. occidunt. Sed con-  
currentibus undique Helvetiis ex locis  
præsidariis, hostes loco cedunt, 150. ex  
eis desideratis. In tumultuario hoc præ-  
lio, Ioan. Valus Glaronensis, à suis com-  
militonibus casu aberrans, & à 20. equi-  
tibus hostibus circumventus, nactus lo-  
cum defensioni aptum, strenuè se hastâ  
prælonga defendit; eorumque tres equo  
dejecit. Heroicum factum miratus Ioan.  
Nicolaus à Brandis, eum humanis verbis  
compellat, ut se ( promissa prius salute )  
cedat : quo facto, Velcuriam ductus,  
ab om.

ab omnibus singulari cum laudis admiratione conspectus fuit. Post etiam liberè dimissus, testimonium hujus facti publicum ab hostibus in scriptis obtinuit.

Crebræ interim inter Helvetios & Cæsarianos, in loco Suaderloch, (nemus est non procul ab urbe Constantia, quæ ipsa etiam Suevico fœderi se conjunxerat) ubi Helvetii præsidia sua habebāt: itemque apud Rheguscos, in Valle Leimiā, & aliis in locis, velitationes erant. Tandem, undecima Aprilis, in dicto loco Suaderloch, ad prælium apertum deventum est. Cæsarianis notum erat, quod 7000. Helvetiorum in Rheguscis essent. Volfius ergo Comes à Fürstenberg, Cæsarianus dux, ex urbe Constantia & Richenovia, 8000. suorum colligit: Ermatingen, Tribeltingen & Mannebach summo mane occupat. Ex prædiariis Helveticis, quorum 400. erant, 73. incautos trucidat: cæteros fugat. Classicum inter proxima Helvetiorum præsidia canitur: quorum ad 1500. congregati, hostes prædā onustos, & Constantiam repetentes, inopinatos, ex proximo nemore, sub vesperam adoriuntur: 2500. circiter occidunt. Multi in proximo lacu & Rheno suffocati; & ita eodem die victi & victores extiterūt.

Vnum solum ex suis Helvetii, in hoc ultimo conflictu, amisere: præda tota recuperata fuit. Helvetii & Rhæti in Valle-Dulci castrametati erant, & cum desiderio copias hostium, quæ in Valle-Drusianâ constructo fortissimo vallo delitescabant, expectabant: ut nempe castro Guttenberg, à Rhætis in eum finem obsessio, suppetias ferrent. Sed, cum nemo prorumpere vellet: 20 hujus mensis, instructa acie, Vallem-Drusianam, ut hostes retrò aggeres opprimerent, petunt. Cujus rei conscii hostes, classico dato circumvicinum populum undique ad aggeres suos, & Frauentiâ, retrò aggeres suos, convocât. Parti exercitus Helvetici, mons altissimus, Lanza-gast dictus, superandus erat: id quod Henricus Vollebius, Vranus Dux, cum 2000. selectis, feliciter præstitit. Hi Præsidarios ibidem, quorum 1500. minarum fossiores, præ cæteris celebres erant, & chalybea cohors ob fortitudinem vocabantur, audacter aggrediuntur, & cædunt; ita ut 200. tantum elapsi sint: qui in manus reliqui exercitus Helvetici incidentes, trucidantur. Aggeres nullo labore occupantur: ubi Cæsariani reliqui, in duas acies distributi, eadem virtute ab Helvetiis, (qui se, dum hostium tormenta bellica exonerabantur, humi

pro-

prostraverant) funduntur: fugitivi verò in Rhætos, ad sarcinas & impedimenta bellica custodienda ordinatos, incidunt. Sic igitur ab utraque parte pressi, plurimi in illum flumen se præcipitant; quos cùm cives Velcuriani à longinquo advehî aquâ viderent, rati Helvetios submersos esse, signum lætitiæ, campanarum omnium sono, excitant: alii propius eos conspicientes, & pro suis agnoscen-tes, in luctum & funebrem sonum campanæ pulsantur.

Ex hostibus circiter 3000. extra aquâ occisi sunt. Inter hos, strenuè se defendens, occubuit Ioannes Nanus à Nænzinga. Mille circiter aqua suffocati. Prædam ingentem victores adepti sunt; & ex suis undecim tantum amiserunt: inter quos fuit, nunquam satis laudatus & fortissimus Vir, Henricus Vollebîus Vranus; qui cum Vlderico, Barone ab Alto Saxo, præ cæteris gloriæ coronam meruit.

Oenotrio, ut antè monuimus, à Rhætis relicto: præsidia castris, Remusienfi & Ardetiano, ac aliis, imponuntur: quæ ramen paulatim, cùm ab hoste, alibi occupato, non premerentur, dilabuntur. Tirolenses autem, adventu Cæsaris ex Menapiis, (qui hodiè Geldrii) ad proximos Harüdes, (qui nunc Brisgoji)

170 PALLADIS RHAETICAE  
exhilarati, animosos magis se ostentant:  
ut qui copias etiam ingentes in prom-  
ptu haberent. Conscripserant enim, ul-  
tra ordinariam totius regionis Athesi-  
nae militiam, mille & quingentos Lanci-  
feros: ita ut totus numerus ad 15000.  
se extenderet. Hos in Vallem Venustā,  
Laudum usque deducunt: ibique propè  
in Casa Venæ, intra Laudum & Tube-  
rium, vallum fortissimum, ex lignis cō-  
tignatis, & terra expletis, ab uno montis  
pede ad alterum tendens, ( sic ut tran-  
situs clausus esset ) construunt. Engadi-  
nam inferiorem ad Pontem altum us-  
que, occupant: resistentes incolas occi-  
dunt, vicos decem deprædantur & in-  
cendunt: captivos ( quorum multi e-  
rant ) triduanâ inediâ templis inclusos  
vexant: iisdem, ut cæteris locis parce-  
rent, contributio pecuniaria imponi-  
tur: quam cum in promptu pendere  
non valerent; ex primariis regionis ob-  
sides triginta tres secum, donec promiss-  
a summa persoluta esset, Meranum de-  
ducunt. Populus in verba Cæsaris, præ-  
eunte Ioanne Schulero Davosiano, Im-  
peratoris in castro Castrensi prius Præ-  
fecto, & nunc inter præcipuos duce uno  
jurare cogitur.

Ex Engadinis inferioribus multi, ad  
superiores transfugerant: qui cum aliis  
Rhetis



Rhætis auxiliariis, Cæsarianos in monte Valderâ ( qui inter Zernetianos & Vallis-Monasterienses est ) 11. Maii, levi prælio aggrediebantur : 27. ex hostibus interfectis ; septem verò ex Rhætis, desideratis. ob densitatem nemoris, à prælio aperto utraque pars abstinere cogebatur.

Reliqui interim confœderati Rhæti, fata suorum miserati, ( Vallem enim Monasterii, hostes, copiis ingentibus & aggeribus suis confisi, iterum igne vastaverant ) cum quatuor millibus selectis, ipso die Pentecostes, Engadinam inferiorem petunt : posteraque die in Vallem Monasterii deveniunt. Horum adventus ab hostibus, irrisoria potius, quàm militari provisione, excipiebatur. Ampullas enim & sesquipedalia verba, more consueto, projiciebant : non solum Confœderatis, sed universo orbi, retro vallum suum securè insultantes. Vnus tamen Ioannes Nicolaus à Brandis, (cujus antè mentionem fecimus) Cæsarianorum Cataphractorum dux, ipso Pentecostes festo, suas ipsemet inungebat ocreas ; cæteris mirabundis, deque violato festo increpantibus, respondens : Si Rhæti Grifones, ut fama constans est, adventant : ( horum enim virtutem indomitam ad Clivum S. Lucij, ubi

cii, ubi in festis Bacchanalibus sanguineam choream cum nostris duxere, & alibi quoque cognovi) qui cras ocreas suas inunget, illi axungiam & ocreas ipse, quibus per vitæ curriculum usus sit ultrò contribuam. Atque ita fuga maturata salutem suam, reliquis admonitis, quæsiuit.

Die Martis proximâ, sub noctem, à Rhetis, de aggrediendo hoste, consilium capitur. Seliguntur, pro executione ejus, ex toto exercitu aliquot; qui cum magna parte Engadinensium, & Vallis Monasteriensium, quibus omnium locorum anfractus ibi notierant, montis altissimi, Schlingæ dicti, crepidinem ea nocte superent; & hostes, retrò memorata valla sua, à tergo aggrediantur. Monte ipso tandem, magno labore, superato: (opacum enim cœlum erat: ita ut aliqui errantes Scholium, in Engadinam inferiorem, pervenerint) focis, prout conclusum erat, stabulo incenso, & expanso velo candido, signum dant. Per descensum Montis, hostes, invocato Nomine divino, die Mercurii, 22. Maii, viriliter aggrediuntur. Equitatum primo, sibi obviam factum, ad peditatum usque, in tres acies divisum, fugant: ubi equites cedentes, sequē cum primo peditatus manipulo conjungen-

jungentes, fortiter pugnabant. Ex Rhæ-  
tis non pauci, præsertim tormentis bel-  
licis petiti, occubere. Sed tandem &  
illi fugantur. Secunda verò peditatus  
acies, à nostris etiam sternitur & dissi-  
patur : ambigua tamen adhuc Martis  
alea ; adeò ut reliquus exercitus crebris  
nuntiis, qui arma sanguine madida o-  
stentabant, sollicitaretur. Statim ergo  
omnes, in tres manipulos divisi, quo-  
rum etiam aliqui per flumen Rha-  
mum, lumbotenus festinabant, ( an-  
tea, uti quidam ajebant, à Theodo-  
rico Freulero Glaronensi, castri Beren-  
burg Præfecto, quacunque tandem in-  
tentione, præpediti ) animo intrepidi,  
præsto sunt ; ac post duram pugnam, su-  
peratis aggeribus & propugnaculis, ho-  
stes in fugam agunt. Horum alii, Glo-  
rium versus ; ( quos illi per oppidum  
ipsum, & ultrà, persequiebantur ) alii ad  
pontem Laudensem ( quem hostes, per  
insidias, ut Rhætos præcipites darent,  
abscissis ferè subliciis, in damnum pro-  
prium construxerant ) contendebant ;  
plurimis ibi, in Rhamo flumine præter-  
fluente, suffocatis : alii, per descensum  
Montis, iter versus Oenotrium sume-  
bant ; qui omnes propè, aut aquâ sub-  
mersi, aut confossi sunt. Ex hostibus  
tunc, præter numerum in aquâ submerso-  
rum

174 PALLADIS RHAETICAE  
rum incertū, ad 6000. occubuerunt: Rhetorum verò Grisonum ad 250. cecidere. Pugnae præcipuus locus fuit in campo Casæ Venæ; non procul à Campis Malii: unde postea nomen retinuit. Prædam ingentem, omnis generis apparatus bellici, nacti sunt Rhæti: vexillum item Tirolense, & septem alia signa militaria.

Magna quidem omnium fortitudo tunc apparuit: ast heroicam laudem, præ cæteris, meruere, Conradus à Marmore, Grallator dictus; Dominus Rhætii, cum duobus filiis, Rudolfo & Ioanne; Benedictus à Fontana; Suprasa-  
xiensis; ( qui strenuè vallum hostile superavit: cumque ab interiore sui parte caderetur; unâ manu ilia saucia tenens, & altera defendens, inclamasse fertur: O macti virtute, socii estote; nec mei unici hominis casum moramini: hodiè enim, aut victores patriam, & foedera vestra libera servare poteritis; aut victi perpetuum jugum etiam posteris relinquetis: ) Lombarenus item de Lombareno, Gulielmus Ringius, Iacobus à Monte, Iacobus & Thomas Plantæ, Petrus Gulerus Davosianus, decem jurisdictionum foederis dux præcipuus. Bombardarii etiam duo; alter Galus, à Ioanne Iacobo Triyultio, cum qua-  
tuor

tuor colubrinis bellicis, missus; alter Rhætus, Vldericus Stubenvollius; in machinis displodendis strenui fuere. Durā autem sortem subivere obsides illi triginta tres Engadini. Cæsariani enim, ex prælio profugi, & toti exacerbati, Meranum venientes, obsides illos sibi dari petunt: secus, vim & incendium oppido minitantur. Eos igitur inermes, & qui nihil aliud, nisi arma sibi ad fortiter occumbendum dari, efflagitabant, (ex quibus Ianus Simon Barbleta Lavinienſis, & Balthasar Claudebulius Susiensis ereptis ex manibus hostiū bipennibus, diu se defendere) in frustra, manibus pedibusque abscissis, partiuntur.

Victores Rhæti, nonnullos in Venonibus pagos depopulantur, incendio (par pari referentes) absumunt. Et quisque, nullo post se militari relicto præsidio, præda onustus, (ubi multæ Engadinæ mulieres maritos & victoriam secutæ erant) domum repetit.

Cæsar interea, qui Friburgi Brisgoiorum erat, de infelicibus suorum præliis certior factus, Velcuriam venit. inde Vallem Drusianam, cum collecto exercitu, cujus major pars equites erant, petit. hinc Engadinā, 8. mensis Iunii, invadit.

Omnia loca, ad fontem Merulam usque, (qui in medio superioris Engadinæ

est) milites igne devastant. Incolarum aliqui, Zutienſes putà & Scanſienſes, viſa hoſtium ſævitia, proprios pagos, deſoſſis in terram prius bonis magis precioſis mobilibus, ipſi incendunt: & per montem Albulam, Curiam verſus reſugiunt. Dux Equitatus erat Ioannes Comes à Sonneberg: qui etiam auxilia, à Ludovico Moro, Mediolani Duce, Cæſari miſſa, excepit: hæc vero per Lavinium & Caſannam montem, Maratius Lavinienſis, faber ferrarius, homo ſurdus, ad Cæſarianum exercitum perduxit.

Ioannes Schuolerus Davoſianus, Cæſarianarum copiarum ductor, ad Rhætigoios opprimendos, deſtinatus erat: verùm ad confinia ubi ventum eſt, militi edicit: ſe quidem eum in Rhætigoi-  
iam, quam cernerent, ducturum; cæterùm de reſeſſu ſibi quiſque ipſe conſuleret. Sic gravius onus, refleſtere gradum, quàm deſcendere, quiſque ſecum reputans, ad ſuos in Vallem Drufianam revertuntur. Apud Cœnobianos tamen Rhætigoios, quidam incolæ, Cæſari faventes, & cum deſiderio militis adventum exſpectantes, apparatus lautum, de more regionis, pro excipiendo milite, inſtituerant. Quidam ex eis, cum nullum aliud ſignum militare,  
ad



ad declarandum animum suum, haberet; uxoris vestem rubram dissecuit, reseram inde Austriacam sibi texens. Hic proinde, sedatis rebus hujus belli, ab Imperatore, hominis studium admirante, liberaliter tractatus fuit.

Rhæti, de his inopinatis Cæsarianorum irruptionibus per Engadinos certiores facti, socios undique de auxiliis interpellant; & extemplo Engadinam petunt. Cæsariani, eorum adventum & conspectum non sustinentes, celeri gradu recedunt. Adsunt Helvetii, Tigurini, Vranii & Glaronenses; ac per montem Albulam, ad Rhætorum exercitum Malî, veniunt. cæteri, Davosium usque: ubi per festum D. Ioannis Baptistæ, parochialis Ecclesiæ patroni, commorantur. Mox rumor inter eos spargitur: Cæsarem, relictis Vennonibus, per montem Arulam, cum exercitu suo alio discessisse; & ab alia parte irruptionem parare. Proinde, portiore suffragiorum voto, iter eo fleant. Rhæti interim Vennonum regionem deprædantur, ad castrum. Bellum usque, ubi aggeres Cæsarianorum erant. tum in velitatione semel viginti sex Engadini; ex hostibus vero longe plures, occubuere. His perterriti Meraenses, cum circumvicinis pagis ma-



178 PALLADIS RHAETICAE  
gnam pecuniæ summam, qua se à depopulationibus servarent, offerunt. Helvetii vero, qui Malii castrametati erant, de sociorum deliberatione, Cæsarisque profectio-  
ne certiores facti, ulterius progredi, incerto ipsorum magistratu, recusant. atque ita re infecta discessum fuit.

Cæsariani, de Rhætorum & Helvetiorum profectio-  
ne ad Vennonem plenè informati, copiis ingentibus undique collectis, per Clivum S. Lucii, (eo usque enim exploratores suos miserant) Rhætiam occupare sibi imaginantur. Sed classico per Rhætiam & Sarunetum ditionem dato, Helvetii, qui patriam repetentes, Vallenstadium usque jam pervenerant, confestim revertuntur: quorum adventu hostes perterriti, pedem reflectunt: à Confœderatis tamen, ultra præsidium ordinarium, 600. alii milites, in Clivo S. Lucii relinquuntur.

Hoc flagrante bello, multæ prædæ pecuariæ, à Cæsarianis, ex Engadina, Rhætigoia, nempe ex Castrensum & Acerensium montibus, & convallium alpe Silvapina, Valle S. Antonii, ac Sturvia, ditionis Majorvillanæ, aliisque locis confœderatæ Rhætiae, sunt abactæ: aliquot etiam homines interfecti, alii captivi abducti. Rhæti quoque vicissim,

vicissim, præsertim Engadini, mutua deprædatione, gnaviter hostes vicinos sunt ulsi.

Ludovicus Maurus, Mediolani Dux, res Cæsaris minus prosperum sortiri effectum cernens, pacem, per Legatum suum, Galeatium Vicecomitem, sollicitat. Idem, Rex Galliæ, Ludovicus XII. per Legatum suum, Episcopum Castellæ, alio fine, tentat; Confoederatis prius ex vigore foederis, bellicis tormentis, cum apparatu necessario Solodurum usque, subsidio transmissis. Imperator autem, vano Astrologorum iudicio, seductus, victoriam certam de Helvetiis sibi promittit, proindeque pacis studio minus tenetur.

Dum hæc ita tractantur: Præsidarii Cæsariani 500. qui Pfuntii in Valle Oenanâ erant, 18. Iulii, per Samnorum, (vallis hæc ad Engadinam inferiorem pertinet) ad Celinum vicum deveniunt. Populus tunc exsequiis mortui cujusdam intererat: in ædibus mortui anus quædam, Lupa vocata, prope ollas, ad parentalia paranda, relicta erat. hæc ab exploratore hostium, de tanto apparatu interrogata, respondet: Pro adventante Rhætorum ac Helvetiorum exercitu parari; & interim elata voce suos è templo evocans. Hi ergo

180 PALLADIS RHAETICAE  
arreptis crucibus, quibus pro vexillis utebantur, hostes intrepide adoriuntur; & ex eis per nemus dicti vici fugatis, 47. occidunt. Hostium multi, de proxima rupe, se præcipites dabant; ita ut ultra centum ex illis occubuerint: aliqui etiam captivi detecti: ex victoribus autem nullus desideratus fuit.

Ejuscemodi argutum responsum, paulo post, Cæsarianis exploratoribus dedit etiam alia mulier, in pago Cernetii. Cum enim ignes in montanis, pro more regionis ad arcendam pruina, ne segetibus obesset, excitati essent: Helvetiorum & Rhætorum exercitum, Davosio, per montem Flolam adventare illa dicebat; hosque fumos excitare: speculatores igitur ad suos reversi, eos à proposito opprimendæ regionis deteruere.

Quotidianæ etiam Helvetiorum cum Cæsarianis erant velitationes, & excursions in Latobrigos, Tulingos, Sequanos. Et hostes vicissim, Helvetiorum fines infestare non cessabant.

Tandem, ad castrum Dornaccum, quod Solodurenſis ditionis est, 22. Julii, ad prælium apertum est deventum. Cæsariani, duce primario Comite Henrico à Furstenberg, (qui penes se Burgundos equites, à Philippo, Imperatoris Maximiliani

miliani filio, cum quatuor millibus Geldris selectissimis, millos habebat, adeò ut totius exercitus numerus ad 15000. ascenderet ) castrum Dornaccum obsidebant. Helvetii, ad solvendam obsidionem, prompti adsunt, & hostes incautos obruunt. Admonitus namque ab aliquibus Comes, ne ita secure in camisiis & crepidis milites obambulare sineret, utque stationes vigilum consue- tas institueret; Helvetiis in aliis locis, præsertim Suaderloch, laborandum esse, respondebat; nec instar nivis ubique decidere: qui timeret, lorica induere jube- bat. Multi initio, inter suos rixam exortam rati, ad pacem conclamant: mox verò, ubi hostem adesse vident, strenuè se defendunt; Geldrii præsertim, & equites Burgundi. Supervenientibus verò Lucernatibus, & Tugianis, locum Cæsariani dedere; ex quibus ultra 3000. una cum exercitus duce, cæsi. Helvetiorum etiam plus quam centum tunc occubere.

Hoc ex octo præliis campestribus (post illa, ad Clivum S. Lucii, Treisæ, Hardæ, ad sylvam fratrum, in nemore Suaderloch, Frastentii, in campis Casæ venæ seu Malii ) ultimum fuit: quæ omnia intra quinque fere mensium spatium gesta sunt. Singularis Confœderatorum

pietas, mutuus amor & fides, cum summa celeritate & vigilantia conjuncta, tam gloriosam victoriam paravit. Cæsarianorum in illis ultra 25000. cecidere; Confœderatorum non ultra 800. desiderati. Pacem igitur, majori studio, quam unquam antea, Mediolani Ducis Legatus promovet. Cæsar quoque adversitate fortunæ territus, ad eam inclinat: nec ipsi victores ab ea alieni sunt. Tandem Basileæ, (habitis prius Comitibus Lucernæ, Scaphusii, & alibi) 22. Sept. pax utrique parti acceptabilis, præsentibus partium Oratoribus & Deputatis, concluditur.

EXPLICITI È BELLO SVEVICO, qua brevitate fieri potest, alterum quoque, cum Io. Iacobo Medicæo, arcis Mussii Præfecto, gestum, enarrabimus. Iste, Bernhardini, civis Mediolanensis, & Medicinam ac Chirurgiam exercentis, filius fuit; & inde Medichinus dictus, quanquam moderni aliqui scriptores, ejus familiam, à Medicæorum Florentinorum domo, quorum aliqui factionibus pulsi Mediolanum devenerint, deducant. Ab ineunte ætate, militarem ille spirabat animum: proindeque ad interficiendum Hectorem Vice-Comitem, Monsignorinum dictum, facili negotio conductus, una nocte, facinus illud perfecit.

fecit. Cædis autor credebatur Hieronymus Moronus: qui, compensationis ergò, ad Præfecturam Mussii, à Blasio Mallacrida detentam, Medicum promovit: (Castrum hoc à Io. Iacobo Trivultio initium habuit: in cujus signominiam, Anno 1500. excisum, Anno 1508. eorundem impensa, qui diruendum curaverant, restitutum fuit.) Mira autem astutia Medicus, in castro hoc adipiscendo & retinendo, est usus. Cæsaris enim & Sfortiadum partes primo secutus; cum Franciscus, Galliarum Rex, qui totis viribus Papiam tunc oppugnabat, in exercitu suo sex mille Rhætos haberet: hosce ut Regi subtraheret, consilio cum Cæsarianis habito, socium sibi assumit Gerardum, Comitem de Arco, quondam Comiti Præfectum: quem, collecto aliquo milite, ad locum Pizium dictum, non procul à Malaguarda (Comitatus Clavennæ pago) subsistere iubet; viginti duobus selectis, duce Francisco Matto Cremonense, præmissis.

Anno 1525. 8. Ian. ad oppidum & castrum Clavennæ noctu deveniunt, & in locis illis saxosis latitant: donec Commissarius Rhætorum, Volfius Sylvester, astu, ut ferebatur, quorundam incolarum ad cœnam evocatus, (alii scribunt, Commissarium, cum filio manu ducto.

ad equile accedere voluisse; simulque tres proditores simulasse ipsi reducere captivum facinorosum, qui paucis ante diebus è carceribus ei aufugisset; eoque nomine illum eis obviam ivisse) ad castrum rediturus, in manus ipsorum incidit; quem illi captum ante portam Castrì deducunt; & mortem, admotis jugulo pugionibus, interminantur; nisi claves per familiam, quæ ex solis fœminis in arce erat, ipsi tradi curaret. Ille fortiter restitisse fertur; & familiam, ne claves dejicerent, sæpius inclamasse. Vxor autem & filiæ, vitæ mariti & patris timentes, eas tandem tradunt. Castrò hoc stratagemate capto; urbem quoque non magno labore adipiscuntur: cui Franciscus Mattus, absente Mediceo; castrò verò, Capitaneus Bologna, imperant.

Hoc felici rerum successu, Triumplinus populos, (Rhætorum ibidem Commissario, Conrado Planta Cernetensi, viro strenuo, in patria ægrotante, & ejus vices obeuntibus filiis adolescentibus, Ioanne & Contado; qui vix Tyranni manus per Montungum, Misauicum versus, effugere) in suam potestatem redigunt. Audacioresque facti, ponte super Lario, ubi angustior is est, structo, Volturenæ expeditionem statuunt.



tuunt. Alebii aliquot Vallis incolas fundunt: vicum capiunt & diripiunt. Mox cum equitatu ulterius progressi, cum obvium haberent Vallis Gubernatorem, Ioannem Traversium, (celerrimo cursu, è castro Furstenburg, quo se Reip. causa contulerat, cum de capto oppido & castro Clavennæ certior factus esset, in Volturenam reversum) cum aliquot Rhætis confœderatis, cæteris Volturenatibus; non procul à pago Talamona, (Morbenium jam captum erat) equites illos retro agunt, & ex tota valle fugant: Morbenium oppidum recipiunt; & quo valent modo, ad reliquorum Rhætorum adventum communiunt.

Rhæti confœderati, classico dato, undique convolant: Commissarium Castaneti, in pago Prægalliæ inventum, Plurium deducunt: eumque per furorem, non quod proditionis convictus; sed quod rei privatæ potius, quam boni publici, studiosus, non duos famulos, (uti præceptum illi erat; & ipse salarium proinde exigebat) alterumque ex eis non semper in castro habuisset; decollari faciunt. Oppidum statim obsident: urgentque ab una parte Prægallienses, cum sociis, qui per Septimum montem venerant.

Hos oratione proluxa, ad impetum

M 5 facien.

186 PALLADIS RHAETICAE  
faciendum sub vesperam, pluvioso ad-  
modum cœlo, excitat Gubertus Castro-  
murus Scholaſticus Prægallus. Sed in  
ipſo conflictu, ad hoſtes, ubi frater ejus  
Pauletus erat, tranſit. Griæos verò,  
qui Betti, ab altero urbis latere, erant;  
cum ſe ad Cathedrales conferre vellent;  
700. Hiſpani Præſidiarii adoriuntur:  
quos illi viriliter cædunt, & fugant; par-  
temque oppidi Ultra-Mairani occupant:  
(ubi fortiter pugnando cecidit Hila-  
rius, Ammanus Sexamienſis) hoſtes ad  
ripam uſque Metiolam Larii lacus in-  
ſequuntur, & multos trucidant: ibique  
etiam alios adventantes, & de navibus  
descendentes, pari animoſitate exci-  
piunt, & occidunt: multi in lacu & Mai-  
ra fluvio ſubmerſi: adeò ut numerus in-  
terfectorum ultra 800. excreverit. Multi  
præterea capti, è quibus ſattor quidam  
Clavennenſis, arcis proditor, ſuſpenſus  
fuit. Hoſtium quoque ſuppelleſtilibus,  
& vexillis militaribus, potiti ſunt Rhæti.  
ex quibus pauci deſiderati. Dies confi-  
ctus, fuit 21. Januarii.

Rhæti interim, ſuaſu præcipuè Fer-  
dinandi Archiducis Austriæ, & Impe-  
ratoris fratris, (qui, Legatis propterea  
ad eos miſſis, magnam erga ipſos bene-  
volentiam præ ſe ferebat) ſuos milites.  
Ticino, è caſtris Galliarum Regis, revocant:  
qui

qui etiam paulo post, liberaliter, dato trium mensium stipendio, à Rege dimissi fuerunt.

Militiæ autem Duces in Valletelina, Clavennam se conferunt; de obsidione oppidi & arcis deliberantes. Hac arrepta occasione, Comes de Arco, cum 1500. militibus, quorum multi Neapolitani erant; Vallem (ubi milites, ducibus destituti, secure per vicos hinc inde exspatiabantur) denuo invadere statuit: lacui dominatus, viam prope præsciderat: ita ut duces, per montem Berninam, in Vallemtelinam redire cogerentur.

Die ergo 2. Febr. hostium adventu & descensu ex navibus, jam cognito; omnes, sacris peractis, & cibo refecti, à Morbenio & Trahona, (ubi Decem-Iurisdictionum fœderis exercitus erat; & eorum dux primarius, Ioannes Gulerus Davosianus) ad pontem Mantelli conveniunt: ad cuius præsidium, 60. hastatos relinquunt: reliqui ad vicum Dubinum, ab hostibus jam munitum, rapidè, confertimque currunt: in hostes impingunt; quos clivo quodam, post quem latebant, veluti vallo tectos, & acie instructa paratos, inveniunt, eosque intrepide adoriuntur. Illi nostrorum impetum, post displosa tormenta, non diù sustinere; timoreque percussi, terga dare

dare cœperunt, & effusa fuga ad lacum pervenerūt; ubi à nostris, eos insequen-  
tibus, partim cæsi, partim Abdua flu-  
mine obruti sunt: pars per pontem, Ab-  
dua impositum, cum Comite de Arco,  
evasit, Comumque petiit. Præter sub-  
mersos in aquis, ultra 500. in campis  
mortui inventi: ex Rhetis quatuor tan-  
tum desiderati. Tribus hi signis mili-  
taribus potiti sunt. Strenue inter alios  
pugnavit Bartholomæus Salicæus Son-  
drii & Berbenni Archipresbyter: qui  
bipenni armata undecim hostium in-  
terfecisse dicitur.

Rhæti autem, qui prope Clavennam  
erant, oppido toti recuperando intenti,  
conveniunt cum Francisco Matto Cre-  
monensi, Civitatis duce, qui morbum  
simulans (invito Medicæo) urbem de-  
dit. Induciæ interim trimestres cum  
hoste fiunt: & arcis Clavennæ obsidio  
admodum lente procedit; multis ex ob-  
sidentibus domum profectis.

Durantibus his induciis, Rhæti Le-  
gationem Oenipontum, ad Archidu-  
cem Ferdinandum, mittunt; deque  
omnibus eum edocent: & cum, ejus  
præsertim suasu, suos Ticino revoca-  
verint; sibi castrum Clavennæ cum  
Triumpilinis restitui, obnixè petunt.  
Ille, cum Legatis Ducis Mediolani, in-  
ducias,

ducias, quæ Calend. Majis exspirabant, in quatuor alios menses, ad 14. Mensis Septemb. prorogat. Comitia Davosi indicuntur: & ad Mediolani Ducem, pro ratificatione prorogationis, Legati mittuntur.

Diu multumque interim de pace tractant cum Rhætis, Ennius Philonardus, Episcopus Verulanus, & Scipio Vitellianus, Ducis Mediolani Legatus: qui proinde in Rhætiam venientes, omnium restitutionem firmiter promittebant; modo Legatos illi ad Ducem Mediolani destinant. Nostri, verbis ipsorum fidem habentes, sex Legatos eo mittunt. Hos Gabriel, frater Io. Iacobi Medicæi, (qui morbum simulabat) comitatur. Re autem infecta, cum ad suos reverti vellet; prope castrum Mussium, à paratis satellitibus Medicæi, omnes (præter Ægidium à Monte, Præsidem fœderis Grisæi, qui Misaucum petierat) capiuntur; & catenis vincti ad eum adducuntur. De fide non servata conquerentes, contumeliis excipiuntur. Ille, nullam se eis fidem servare teneri dicebat: quotidieque illis suspendium, nisi Rhætis suis significant, ut castrum Clavennæ cibari permitterent, minitabatur. Durius autem, præ cæteris, cippo constructos, tractabat Ioan. Traversium Engadinum,

190 PALLADIS RHAETICAE  
dinum, & Iacobum à Castromuro Tur-  
rianum, Prægallum: quod uterque mi-  
litia dux fuisset. Ex decem iurisdiction-  
um fœdere, erat Casper Hossang Da-  
vosianus.

Eadem ipsa die, qua Legati capti fue-  
re, Bologna, Castri Clavennæ Præfectus,  
per colloquium cum Petro Simone Tra-  
versio, Rhætici Præsidii Præfecto, se  
castrum inopia pressum dedere velle si-  
mulat: sed insidiis interim structis, ho-  
stes Traversium sauciant, & cum socio  
capiunt.

Præsidarii ergo nostri, adverso suo-  
rum casu magis inflammati, obsidio-  
nem, tormentis alijs bellicis, Misauco-  
adductis, urgent. Medicæus vero, col-  
lecto exercitu ad 1500. Dalebium petit.

Rhætorum multi Trahonæ, ut dixi-  
mus, castrametati erant: quos ille ex  
inopinato opprimere instituit. Sed ma-  
gnanimo & forti gradu illi obviam ve-  
niunt: adeo ut, si aliquantulo velocius  
incessissent, ipsum in fronte aciei con-  
stitutum cepissent. Fuga itaque cum suis  
salutem ille quæsiit; non paucis eorum  
desideratis.

Eodem tempore, Marcus Grassus (ex  
consilio cum Medicæo composito; quo  
Rhætos utrinque conclusos obruerent)  
Vallem Bitti, per Vallem Saxeam, cum

500. scloppetariis, ingreditur. Nostri cum ad vicum Saccum excipiunt, & fugant. Idem postea reversus, & eminus nostros de monte scloppetis petens, ex tota valle pellitur. Interea, per Vallem Madre, (è conspectu oppidi Berbenni, trans Abduam) Io. Baptista della Campana Volturenus, perfidus in Dominos suos, hostem in Vallem telinam adducere studebat: transitus autem ipsi à Bergomatibus, Venetæ ditionis, quibus illa confinis est, inhibitus fuit, Rhætique ab eis statim certiores redditi, rebus suis providere.

Arx Clavennæ tandem, post diversos imperus, (aliqui 150. scribunt) com-  
meatu & viribus destituta, à Bologna Præfecto, qui libere cum præsidio dimissus fuit, deditur; & cum castro Misaucci, aliisque in Valletelina, funditus destruitur. Strenuam cum aliis ducibus operam, in hac obsidione, navarunt, Rudolphus à Marmore; Georgius de Georgiis Spelucensis, (quem Ioannes Traversius, in Vallistelinæ gubernatione, successorem habuit) & Petrus Simon Traversius.

Helvetiorum autem duo Legati, in tres alios menses inducias faciunt: & cum Rhætorum Legatis, ad castrum Mussi, pro liberandis captivis; qui in  
sextum



192 PALLADIS RHAETICAE  
sextum mensem jam detinebantur, pro-  
fecti, lytrum aureorum 11000. promit-  
tunt; & 5000. ex pròptè numerant. Indu-  
cię hinc per 6. alios menses producuntur.

Brevi post pax, mediante Claudio  
Duce Guisio, initur: qui omnes Italiae  
Principes & milites, contra Carolum  
Caesarem, qui Regem Galliae captivum  
detinebat, ad foedus & unionem soli-  
citabat.

Gallorum partes jam Medicus se-  
quebatur: & infelicitè copias Rhæto-  
rum & Helvetiorum; uti suo loco ex-  
plicabimus; ad Carathum, contra Cæ-  
sarianos duxit. Mox autem Cæsari re-  
conciliatus, ejusque favore confusus,  
Duci Mediolani, Francisco Secundo, mo-  
lestus esse cœpit: neque ejus imperium  
ulterius agnoscit. Torus fere lacus, à  
Nessio sursum, ipsi cessit: & Leucum ad-  
ditum est. Inde se Marchionem Muslii,  
& Leuci Comitem, vocabat: & præ-  
terea quotidie locum aliquem vici-  
num, homo inquietus, depopulabatur;  
omnesque occasiones dilatandi fines  
suos quærebat.

Volturenam, ob viciniratem & amœ-  
nitatem, mente fixam semper tenebat:  
utque ea potiretur, fieri commode pos-  
se putabat, per promotionem fratris  
sui, Io. Angeli ( qui postea Papa factus,  
& Pius,

& Pius 4. vocatus fuit) ad Episcopatum Curientem : jamque annuo stipendio, Paulo Episcopo, pro renunciatione, promisso, connivente etiam Abbate S. Lucii, rem astute, pro more suo, aggressus erat : sed hæc irrita, detectis consiliis, cessare.

Franciscus, Mediolani Ducatui à Cæsare plene restitutus, cum sibi ab alio imminente periculo nihil amplius timeret ; Hispanica præsidia, ex castro Mediolani & Comi, aliisque locis, dimisit. Medicæus itaque, ex cohortibus Laurentii, filii Ioannis Emanuelis, Hispani, Comi & Castri Mediolani Præfecti, ad 900. veteranos, exiguo stipendio conducit: spem magnam opimæ in Vallistelina adipiscendæ prædæ, sibi addens. Loca Larii lacus, Vallistelinæ & Clavenæ proxima, quæ tenebat, communicabat: fama sparsa, ac si hæc jussu Ducis Mediolani gereret. Ad quod credendum Rhæti animum inducere non potuerunt : ac proinde Martinum Bovolinum, Misauiciensem Iuris peritum, & Vicarius munere apud Volturenos functum, ad Ducem mittunt. Hic domum ad suos reversurus, à quatuor prædonibus, à Medicæo conductis, prope castrum Mussii, in dumetis, cum filio unico comite, occiditur.

Spem autem victoriæ illi addebant fautores, quos nonnullos in Valletelina habebat. Inter alios autem proditorie se gessit frater quidam Dionysius, Ordinis Prædicatorum, in cœnobio Morbenii: qui postea, cum duobus Rhætis, Gaudentio Surasto Casatiensi Prægallo, & Ioanne Andrea Suprasaxiensi, tertioque extero, de Larii lacus accolis, ex familia Rätiorum, proditoris sociis, in arboribus à Rhætorum exercitu, suspensi fuere.

Proditorum istorum ope adjutus, Morbenium, anno 1531. die Sabbathi, 12. Mart. noctu cum copiis suis conductis occupat: oppidum communit; fratre Gabriele ibidem, duce Præsidii, relicto. Rhæti confœderati, classico undique dato, tumultuarie accurrunt; & Volturenos, Sondrii congregatos, qui ulteriorem Vallis deprædationem, cum Gubernatore Vallis, impedire conabantur, secum assumunt: ad loca cæpta festinant: prope pontem S. Petri, (sub oppido Berbenni) in equites aliquot levis armaturæ, ex hostibus, incidunt; quos viriliter fugant, & cédunt: ac præsto congregatis signis, nullo ordine servato, contra ducum suorum voluntatem, (qui hostem, commeatu destitutum, brevi ad voluntariam deditio-

nem

nem cogendum esse, suadebant) oppidum Morbenium oppugnant. Verum impetus isti, ut qui absque præcipuis bellicis instrumentis, ad oppugnationem requisitis, fierent, prorsus irriti fuere. Multi ergo ex Rhætico exercitu scloppetis, trabibus & lapidibus obruti, periere. Inter quos fuerunt Ioannes à Marmore, Rhætii Dominus, Suevico bello ante clarissimus; Dieteganus Salicæus, animo & corpore magnus; & Martinus Traversius. Sauciati etiam plurimi: ex quibus fuere, Rudolphus Salicæus de Promontorio, Pregallus; Paulus Buolius Davosianus; & Franciscus Albertus Bormienfis, Eques auratus. Ex hostibus vero pauci desiderati.

Confœderatos hinc suos Helvetios nostri de auxiliis interpellant: qui (exceptis Quinque Pagicis, contra Medicæum belligerare recusantibus) ipsis Calendis April. præsto sunt. Medicæus 3000. Lanciferos, sibi à sororio suo, Volfo. Theodorico ab Alt. Emps, promissos & conductos, expectabat: hi tamen à Tirolensibus, ex tenore fœderis hæreditarii, & à Christophoro Madrutio, Episcopo & Cardinale Tridentino, transitu prohibentur.

Cognito Helvetiorum adventu, & impedimento suis dato; comitatu insu-

per destituti, & majori vi ac dexteritate  
 pressi, obsessique Morbenii, post 35. à  
 capto oppido diem, de elabendo & fu-  
 giendo cogitant: eruptionem proinde  
 simulant profusam, & pugnam mini-  
 tantur ingentem. Incolas & canes, ne  
 ploratu & latratu eorum proderentur,  
 cellis vinariis & intimis penetralibus  
 includunt: & è loco prope montem,  
 ubi nulla fugæ erat suspicio, ideoque  
 negligentius à nostris observabatur, no-  
 ctu dilabi conantur. Nostri tamen, à  
 Stationariis suis admoniti, eos inse-  
 quuntur; multosque illorum occidunt:  
 alii lacu merguntur; alii per montem  
 Colici; alii per naves ad hoc paratas, ef-  
 fugiunt: qui Grabedonam delati, locum  
 comuniunt.

Marcus Grassus (cujus ante mentio-  
 nem injecimus) duabus navibus in supe-  
 riorem lacus partem delatus, catena ob-  
 ducta intercluditur, & cum suis capi-  
 tur. Hic à belli ducibus, præstito jura-  
 mento de hoste non adeundo, dimis-  
 sus; à gregariis quibusdam militibus, du-  
 cum promissa, tanquam se insciis facta,  
 improbantibus, Sondrii iterum in vin-  
 cula conjicitur, ac Morbenium versus  
 ducitur. Constitutis ex illorum numero  
 iudicibus, ad patibulum, ut insignis la-  
 tro, condemnatus, suspenditur: con-  
 clamanti-

clamantibus & crucem commendantibus incolis; præsertim mulieribus. de prædationibus quippe in ipsas immanissimus ipse fuerat, ac violator pacis in Legatis Rhætorum, quos catenis vinciri curaverat.

Rhæti, Helvetiorum adventu exhilarati, (ex quibus Tigurini, Glaronenses, Toggenburgii & Turgovii, per Clavennam, recta ad Rhætorum exercitum appulerant: cæteri per Vallem Misfaucinam, aliquantulo tardius venientes, ad alteram lacus ripam, Menasii castrametati erant) & à primis illorum adjuvi, aggeres hostium ad ripam lacus destruunt. Mox etiam, machinis bellicis, mira dexteritate & industria Herculis, filii Rodolphi à Salis Prægalli, juvenis intrepidi, & postea Rhæticarum copiarum, sub auspiciis Galliae Regis Francisci, summi ducis, adductis, Datio primum, Turri & loco munito, quo prædas suas hostes deportabant, potiuntur. Oppidum postea Grabedonam, à 600. Hispanis, & 300. Neapolitanis detentum, hostibus dilapsis, occupant: eodemque modo cum Monsonito & Dongo agunt; ubi adventantes Confœderatos hostis exspectare noluit. Obsidio dehinc castris Mussii deliberatur. Rhæti, cum primis Helvetiis, Adunci,

198 PALLADIS RHAETICAE  
sub castro Mussii; cæteri Menasii, ut  
diximus, ex altera lacus parte, 27. April.  
castra habebant.

Franciscus, Dux Mediolanî, rem se-  
rio à Confœderatis geri videns, Titum  
Indicianum, Secretarium suum, in ca-  
stra ad eos mittit; operamque suam illis  
offert. Missis ergo utrinque cum aucto-  
ritate Legatis, conditiones, 7. Maij, 13.  
articulis comprehensas, de hoste pel-  
lendo, ac mutuo auxilio ineunt. Sum-  
ma erat; Vt sincera & mutua amicitia  
inter eos vigeret & perseveraret: com-  
meatus & commercia libera essent: Dux  
Franciscus, misso exercitu suo, castri  
obsidionem urgeret; nec ab oppugna-  
tione prius, quam captum illud esset,  
cessaret: occupatum funditus, uti &  
turrim Oloniæ, destrueret; neque un-  
quam illud reædificaretur: omnibus  
prætensionibus super Volturena, Comi-  
tatu Clavennæ & Bormio, exemplo  
fratris Maximiliani, in perpetuum re-  
nuntiaret. Helvetii, (quibus dux missus  
erat, Henricus Rhonius Tigurinus) &  
Rhæti, 2000. milites, ad bellum finien-  
dum, darent: quorum 1200. stipendia  
Dux Mediolani penderet: reliquos con-  
fœderati Helvetii & Rhæti alerent. Lo-  
ca, quæ occuparentur, Duci cederent:  
pro expensis, Dux Helvetiis & Rhætis,  
30000.



30000. florenos aureos, tribus proximis, post finitum bellum, annis, persolvendos, promitteret.

Dux ergo ut executioni negotium mandaret, se ad bellum, navale & terrestre, præparat: exercitus sui duce, Francisco Cribello, Mediolanense, creato. Neque res suas interim negligit Medicæus: classem enim 22. navium habens, loca vicina omnia depopulatur; prædæque Mussium & Leucum defert. Ducalis exercitus, primo castrum Domusellam occupat: inde ad oppugnationem arcis Mongutii, Alexander Gonzaga, Ducis Capitaneus, à Bentivolo Comi Præfecto mittitur: cuius primus impetus irritus fuit, 80. suorum desideratis. Ast Præsidarii tandem, rerum penuria coacti, noctu aufugiunt, arcemque vacuam relinquunt. Tum Ludovicus Vistarinus, contra Medicæum cum classe emissus, apud Menasium, prope Helvetios castra ponit. Hostis, loco cedens Mandelli se continet, illudque communit: inde ad opprimendum Vistarinum, magno impetu Menasium delatus, cum in paratos incideret, cum ignominia secedere cogitur. Turris Nessii à Ducalibus recipitur.

Medicæus, rebus suis diffidens, Cæsarem & Ferdinandum, Romanorum

Regem, ut pacem inter Ducem & ipsum constitueret, obnixè rogat. Caesar Ducem compellat: qui, ob conditiones cum belli sociis initas, se excusat. Regem etiam Galliae compellaverat Medicus, castra sua, Mussium & Leucum, illi offerens. Sed neque hic contra Confederatos suos aliquid tentare voluit.

Arcem Mussii, (ut ante diximus) Rheti & Helvetii oppugnare decreverant; & magno proin impendio machinas tormentarias, in montis cacumen, quod arci imminet, pertraxerant, eamque pilis ferreis petere cœperant. Sed de die in diem auxilia Ducis expectantes, remissius obsidionem urgent. Hanc occasionem arripit Medicus; & ope aliquorum fautorum suorum, patriæ proditorum, negligentia item supina Georgii Vestiarii, Vigilum Præfecti, filius, nostros conscenso culmine incautos adoritur & fugat: machinas per montis præcipitia deturbat: victoriamque persequens, Bellasio Varena & Bellano, Ducalibus per intervalla profligatis, potitur, ac vicos diripit. Mandello mox discedens, Leucum cum omni exercitu se confert.

Vitarinus, ne Medica classis in superiore lacus partem grassari posset, apud Mandel-

Mandellum castra locat. Vtraque pars segnius bellum prosequitur. Medicæus enim classem in portum deducit; partemque nautarum dimittit. Idem etiam Dux facit. Qua re perspecta, hostis reparata classe, Mussium denuo cum suis petit; & aliquot obvia loca occupat.

Gonzaga ad obsidendum Leucum destinatus erat: qui cum ibi negligenter se haberet, eruptionem Medicæus facit; eoque capto, omnes ipsius milites dissipat: machinas bellicas in fossas dejicit.

Qua re intellecta, Ludovicus Vistarinus, summo mane Mandello adveniens, milites dissipatos recolligit: machinas erigit: pontibusque Abduæ receptis, obsidionem renovat. Medicæus obsessus, à Cæsare, militiæ duce, 400 Neapolitanos adductos Leucum introducit: horum auxilio, Ducalem cohortem, sub Accursio Laudensi, apud Malgrate (vicum ab altera parte lacus situm) agentem, noctu, à proditoribus adjutus, profligat: Accursium cum aliis occidit.

Hæc resciscens Dux Mediolani, Hieronymum Cribellum, Clanatum cum copiis, ad tuendum agrum Comensem, mittit. Hostes cum classe per lacum interea prædantur: quæ ubi è conspectu

Mandelli venit, à Vistarino tormentis petitur: ubi inter alios Gabriel, Ioan. Iacobi Medicæi frater, cadit. Paucis post diebus, Alovissus Borserius Comensis, Medicæi intimus, Mussio Leucum cum classe proficiscens, à Vistarino supra Mandellum obruitur, & scloppeto tra-jicitur: naves quoque ipsius capiuntur.

Medicæus his duobus fidis Achatibus privatus, animo abjecto, condiciones acceptabiles offert. Ita pax, mediantibus Augustino, Episcopo Vercellensi, Marino Caracciolo Legato Cæsareo, Io. Angelo, Medicæi fratre, ac duobus militiæ ducibus, uno Rhæto, altero Helvetio, concluditur. Ditionem ille omnem dimittit, recepta aliquanta pecuniæ summa, & suppellectili sua retenta: sibi quoque & commilitonibus rapinarum & flagitiorum impunitate impetrata; ipse in agrum Vercellensem, qui domini Sabaudici est, concedit.

In decimum usque mensem, bellum hoc, perfidia & negligentia quorundam, protractum fuit. Castrum vero Mussii, in executione promissionis factæ, statim funditus destruitur.

## LIBER QUINTVS.

**D**ITius opinione, in his duobus bellis enarrâdis sum commoratus. Nunc ergo, quam maxime succincte, & chronologice tantû, recensere animus est, quibus in bellis nostri confœderati Rheti, Principibus sibi fœdere & amicitia junctis, auxiliares manus præbuerint, ac stipendia, cû sociis suis Helvetiis, plerunque demeruerint.

In bello igitur Burgundico, (ut inde exordiar) anno 1476. contra potentissimum Carolum Burgundiæ Ducem, &c. Pugnacem dictum, ab Helvetiis & eorum belli sociis gesto, Rhætorum nostrorum multi, sub auspiciis Confœderatorum, militavêre, & liberaliter tractati, in patriam sunt reversi.

Anno sequenti 1477. cum Ludovicus XI, Galliæ Rex, Helveticæ & Rhæticiæ gentis confœderatus, Ducatu Burgundiæ potiretur, illius milite & auxiliis in ea expeditione usus est. Burgundi, suo Duce cæso, propria & ultronea voluntate, imo supplices, Helvetiis se dedere volebant. Verum hi, nescio quo sinceritatis aut simplicitatis numine tacti, Galliæ Regem, jura quædam prætendentem, adjuvare maluerunt.

Anno

Anno 1480. idem Ludovicus cohortes Helveticas & Rheticas conscribit: cui 7000. praesto sunt: quos in campis Catalaunicis Galliae, quam humaniter & liberaliter exceptos, cum pro hac vice opera eorum ulterius non indigeret, ad patriam remittit.

Anno 1488. Sigismundus Archidux Austriae, contra Venetos bello implicatus, milites ex Rhætis, praesertim Decem jurisdictionum foedere, penes se habuit: quorum eximia fortitudo, in praelio Rovereti ad Athesim habito, exinde apparuit; quod victoriam insignem ab hostibus reportarunt.

Anno eodem, à Carolo octavo, Galliae Rege, bellum contra Franciscum, Britanniae citerioris Ducem, gerente, ex confederatis Helvetiis & Rhætis 8000. conducti fuerunt: qui strenue se in praelio ad fanum S. Albini gesserunt, victoresque exstiterunt.

Anno 1494. hic idem Carolus, Regno Neapolitano, aliisque dominiis in Italia, potiturus, selectissimam turbam, ex praedictis suis Confederatis secum duxit. Quorum tria millia, sub Antonio Bassæo, Ballivo Divionensi, Genuae; tria item millia in regno Neapolitano, reliquit. Hi viriliter se gerentes, sub Duce de Obigny, Calabriae Gubernatore,

bernatore, à Ferdinandi Regis Neapolitani exercitu., quem Confalvus Magnus Capitaneus ducebat, victoriam ad Seminaram, prope mare, obtinuerunt: iidem etiam, sub auspiciis Domini de Persi, Gallici Ducis, Comitem de Matallona, Ferdinandi Regis ducem, ad lacum Pizzolum vicêrunt. Alii, quos secum Neapoli reducebat, anno 1495. 6. Iulii in conflictu illo gravi ad Forno-vzum, prope flumen Tarrum, de Confœderatis Italiæ, qui Carolum transitu prohibere conabantur, summanflaudem, personam Regis tutando, viasque cum aliis audacter aperiendo, reportarunt.

Eodem tempore, Ludovicus Aureliæ Dux, à Confœderatis Italiæ in oppido Astensi obsessus, confœderatos Helvetios & Rhætos secum habuit: ultra quos Rex Carolus, ab eodem Ballivo Divionensi, 10000. viros conduxit. Sed mox, pace inita, Novaria, Ludovico Duci Mediolani; Astum, Ludovico Duci Aureliæ, cedit.

Eodem anno 1495. Ferdinandus, Rex Arragoniæ & Castiliæ, cum exercitu suo, (ut Carolum diverteret) Parpenianum usque venit; & in Galliam Narbonensem excurrit. Huic Comes Foixus, se cum 3000. Confœderatis, opponit:



206 PALLADIS RHAETICAE  
opponit: quorum Dux Henricus Volle-  
bius Vranius fuit.

Anno 1496. Carolo, Italiam ite-  
rum ingredi volente; Ludovicus Mau-  
rus, Dux Mediolani, Imperatorem  
Maximilianum, & Papam Alexandrum,  
in auxilium, contra illum vocat: qui,  
sub prætextu, ac si contra Vrsinos iis  
opus haberet, 4000. Confœderatos  
conscribit.

Anno 1497. Carolus, Galliarum Rex,  
Ioann. Iacobum Trivultium, cum ex-  
ercitu, in quo quatuor millia Confœ-  
derati erant, Genuam & Savonam us-  
que mittit: cumque ipse etiam ad iter  
in Italiam se pararet, morte præve-  
nitur.

In turbis & bellis illis, quibus Duca-  
tus Mediolani à Gallis occupatus fuit,  
varia Helvetiorum & Rhetorum, quip-  
pe in diversa studiis, fortuna  
erat. Vtrique, & Gallo & Sfortiadæ do-  
mum, fœdere illi iuncti erant. eorum  
opem utraque pars efflagitabat: quam  
etiam ex vigore fœderum (quæ tamen  
recte considerata invicem non erant  
contraria) contributebant.

Anno 1499. Galliarum Rex Ludovicus,  
Confœderatos suos Helvetios & Rhetos,  
de milite interpellat. Galeatius Vi-  
cecomes, Ducis Mediolani Legatus, in-  
tercedit:

tercedit: & ne illi contra Ducem suum Regi servirent, instanter petit; imo ipse auxilium efflagitat.

Gallus tamen, 12000. Helvetios, etsi eis (jam enim Ducatum Mediolani occupaverat) non admodum indigeret, tantum ut à servitio Ducis ipsos abstraheret; per Legatum suum Antonium Bassium, Ballivum Divionensem dictum, conducit: quorum ope, quod reliquum erat in Valletelina, præcipue oppidum Tiranum, in cujus castro 500 Lanciferi, à Ludovico Duce relictæ erant, occupat. Helvetii tamen, malè quoad stipendia tractati, domum mox revertuntur: quorum 2000. cum quibus Rhæti etiam concurrebant, Cæsari Borgia, Duci Valentino, Alexandri Sexti Pontificis filio, in occupanda provincia Flaminia, inserviunt.

Anno 1500. 17. Jan. Galeatius Vice-Comes, Ducis Legatus, Curiam Rhætorum venit; & ex Rhætia, atque etiam Helvetia, præsertim ex iis, quibus stipendia à Ballivo non erant persoluta, 5000. (contra severa tamen magistratus edicta) conscribit: horumque & Cæsarianorum ope, in recuperanda majore Ducatus parte, utitur.

Ballivus interim Confœderatos, ex tenore fœderis, de milite sollicitat. Imperator

208 PALLADIS RHAETICAE  
perator Maximilianus, & Ludovicus,  
Mediolani Dux, omnibus modis ob-  
stant: sed frustra. Militem Gallus ob-  
tinet; ac potente collectâ manu, per  
Veragros, in Vercellensem agrum ad  
Regem suum venit: qui etiam illos 2000  
Duci Valentino concessos, ad se revocat.

Dux Ludovicus Novariæ, ubi penes  
se Confœderatos illos 5000. habebat,  
obsidetur. Confœderatis à Rege liber  
abitus, ex urbe conceditur. In horum  
agmine Dux Ludovicus, Helvetico ha-  
bitu & bipenni armata, instar gregarii  
militis incedens, effugere parat: sed à  
Petro Turmanno, simplici milite, cui  
à latere ibat, (ex composito tamen, ut  
fama erat, quorundam ducum) pro-  
ditur; & cum aliis in Gallias captivus  
abducitur: ubi in carceribus diem  
suum obit.

Eodem anno 1500. ex confœderatis  
Helvetiis & Rhætis aliquot, à Florentina  
Republica, contra Pisanos conducti,  
magna cum laude militarunt.

Anno 1501. duo millia circiter ex  
Helvetiis, quibus aliquot Rhæti milites  
se conjunxerant, stipendia sibi in bello  
Neapolitano retenta, à Rege Galliarum ef-  
flagitant; & obligationes super eâ re  
sibi in scriptis datas ostendunt. Sed diu  
vana spe retenti, ex Bilitona crum-  
pentes,

pentes, Lugani Gallos obruunt; & ob-  
vios quosque occidunt. Horum aliqui  
in castrum se recipiunt: quod tamen &  
ipsum mox deditur. Eodem modo etiã  
Lucarno potiuntur. Illis copias suas Tri-  
vultius opponit: qui à magistratu revo-  
cati, Biktionam p̄sque noctu recedunt:  
& montibus Lario imminentibus supe-  
raris, ex Adunci & Grabedonæ regioni-  
bus pecora abigunt. Porletiam quoque  
depopulantur, & Corlatium incendunt.  
Verùm res tandem, iudicibus constitu-  
tis, decisa fuit.

Anno 1503. Ludovicus, Galliæ Rex,  
recuperando regno Neapolitano inten-  
tus, 1400. ex Confœderatis (invito ta-  
men Magistratu, inter quem & Regem,  
ob Biktionam ab Vraniis, auctore Am-  
mano Beroltingero Vranio, anno 1500.  
receptam, dissidium erat) conducit. Ho-  
rum sub duce Nemoursio, cum Gallico  
peditatu, Cirignolæ in Apuliã, sub ve-  
speram, 17. Apr. cum hostem in castris,  
curribus munitis nimis audacter aggres-  
si, & ab equitatu Neapolim versus refu-  
gente, derelicti essent, ad 500. cædun-  
tur: reliquis ferè omnibus captivis fa-  
ctis; quorum aliqui à Lanciferis vendi-  
ti, & ad triremes condemnati; alii mi-  
tius tractati. Rex de adverso prælio per-  
Legatos summopere conqueritur; &

210 PALLADIS RHAETICAE  
militem à Confederatis efflagitat: qui  
suos, utpote inobedientes, dignas luisse  
se pœnas, respondent, neque ullam ve-  
niam aliis concedere volunt: sicque Le-  
gatos discedere jubent. Hi tamen, pe-  
cuniis post se relictis, quater mille clan-  
culum conducunt; qui prælio infelici,  
ad flumen Garilianum postea interfue-  
runt, mille quingentis illorum deside-  
ratis.

Eodem anno 1503. cum Ludovicus  
Rex comneatum ex Italiâ Biltionam  
deferri prohiberet, & cuique licitum  
esset, eos, qui fines Regis attingerent,  
impunè occidere: assiduis incolarum  
& Vraniorum, qui dominium ibi habe-  
bant, querimoniis, moti Helvetii, ex  
duodecim pagis (soli Abbatiscellani non  
aderant) magno cum exercitu suis auxi-  
lio veniunt: castrum Locarni obsident:  
hostiumque copias profligant; quæ cum  
festinatione naves turmatim conscen-  
dentes, naufragium faciebant. A Castel-  
lano Io. Iacobi Trivultii, qui in castro  
Misauçi erat, bombardas maiores jam  
antè petierant: quo recusante; Misau-  
cum vicum (cum castro potiri non va-  
lerent) devastant. Pacem mox cum Re-  
ge, prætentioni suæ super Biltiona re-  
nunciante, ineunt.

Anno 1504. Imperator Maximilianus  
Bohe-

Bohemos (qui Ruperto, Philippi Electoris, & Comitum Palatini filio, hæreditatem soceri sui Georgii, Ducis Bavarie, adituro, contra Albertum & consortes, Bavarie Duces, quos Maximilianus tuebatur, auxilio venerant) ad Ratisbonam urbem, notabili prælio vicit. Ejus in exercitu multi Rhati, præsertim ex fœdere decem Iurisdictionum, erant: quorum dux Ioannes Schuolerus Davosianus, jussu Imperatoris, exercitui gratias egit, eumque pro militiae more collaudavit.

Anno 1507. Ludovicus Gallie rex, in occupanda urbe Genuâ, Confœderatorum copias secum habuit.

Anno 1508. Maximilianus Romanorum Rex, Romam, accipiendæ coronæ imperialis, petiturus, in exercitu suo 2000. Rhatos habuit: quorum dux primarius Conradus à Plantâ, Zutienfis Engadinus fuit. Verùm illi cùm ad Ripam lacus Benaci venissent, nec stipendia eis persolverentur, mox domum sunt reversi.

Anno 1509. cùm plerique omnes Europæ Monarchæ, fœdere Cameriaci factò, contra Venetos moverent; Confœderati etiam aliqui Gallo serviebant: qui in memorabili illâ, ad Rivoltam in Glerâ Abduanâ, contra Venetos, pu-



gnâ, fortem operam navantes, à Gallo liberaliter dimissi sunt.

Anno 1510. post fœdus inter Iulium II. Pontificem Max. & confœderatos Helveticos & Rhætos, opera Matthæi Schineri, Cardinalis & Episcopi Sedunensis, initum, 6000. ex istis (contra Alfonso, Ferrariæ Ducem, ut ille agebat) in Italiam educuntur: sed eorum opera Gallos Mediolano pellere conabatur. Galli, dolo cognito, se muniunt. Confœderatorum exercitus, absque jussu magistratus, & præter tenorem fœderis, ulterius progredi recusat: moxque à superioribus suis revocatus, nullis receptis stipendiis, domum revertitur.

Anno 1512. Multi ex Confœderatis, Pontifici Max. ob non soluta stipendia, irati, Gallicas partes sequuntur; prælioque ingenti ad Ravennam, ipso die Paschatis, interfunt: & cum Gallis de victoriâ gaudentibus, optima præda onusti, domum redeunt.

Eodem anno, 20000. Confœderati, auspiciis summi Pontificis, in Italiam veniunt: & cum Venetis, qui Papæ jam reconciliati erant, conjuncti, Cremonâ & Ticino urbibus, primo impetu captis, Gallos toto Mediolanensi Ducatu eiciunt; sic, ut præter arcem Mediolani,  
nihil



nihil illis reliquum manserit. Helvetii, Cisalpinas provincias, Luganum, Locarnum, Mendrisium & Vallem Madiam; Rhæti, Volturenæ, Comitatum Clavennæ & Bormium, Pontificis assu, recuperant.

Anno 1513. 6. Jun. 4000. Confœderati non expectato auxilio Vlderici Baronis ab Alto Saxo, & aliorum 8000. Confœderatorum, Gallicum exercitum, ex prima nobilitate & selecta turba conflatum, (sub ducibus Ludovico Trimolio, & Io. Iacobo Trivultio, contra Maximilianum, Mediolani Ducem, cui Cōfœderati ex fœdere inserviebant) ad Novariam, ingenti prælio superant: hostium circiter 8000. occisis; gloria perpetuâ cum præda opima, exinde reportata. Confœderatorum 1800. tunc cecidere; plerique tormentis bellicis, contra quæ audacter currebant, petiti. Præceteris, virtus & consilium Iacobi Mortini, ex Valle Lepontina oriundi Helvetii, & gloriosa ipsius mors, celebratur.

Eodem anno, Maximiliano Imperatori in obsidenda urbe Divione in Burgundiâ, Confœderati cum exercitu præstò fuere.

Anno 1515. 13. Sept. pugna cruenta ad Melignanum (non procul ab urbe

214 PALLADIS RHÆTICAE  
Mediolani, ad S. Donatum, major conflictus erat) inter Franciscum Galliarum Regem, & confœderatos Helvetios ac Rhætios, Maximilianum Mediolani Ducem tutantes, exstitit: biduo pugnando consumpto. Confœderati pridie victores, postridie superveniente in Regis auxilium Venetorum exercitu, non tam victi, quam destituti qui latera tegeret, equitatu, nusquam interruptis Ordinibus, tormentis etiam bellicis conservatis, & faucibus secum assumptis, loco cessere, 5000. suorum desideratis: & frustra expectato, Cæsaris Maximiliani, cum summi Pontificis promisso auxilio, domum tandem rediere. Ita Mediolanum, & cætera Insubriae loca, in Gallorum potestatem venerunt. Ex Rhætis, inter alios, strenuè pugnando, tunc occubere, Rudolphus à Salis, Longus ob proceritatem vocatus, & longa militia clarus; Lucius item Gugelberg à Moos, Consul Curienfis, qui anno 1499. in bello Suevico, pro patria multa prudenter gesserat.

Anno 1516. Cæsar Maximilianus Mediolanum recuperare tentans, per juga Rhætica ac Volturenæ iter instituit. Helvetiorum tunc quidem & Rhætorum copias, magno numero secum habuit: sed cum exercitui Confœderatorum

rum

ram minus fideret, & nervo etiam belli destitueretur, re infecta ad suos rediit.

Anno 1511. Leo Decimus, Pontifex Roman. odio Gallorum, Franciscum II. Sfortiam, Ludovici filium, Mediolanensi Ducatui restituere conatus, astutia Cardinalis Sedunensis, Confœderatos de milite interpellat, eo ad oppidorum, Parmæ, Placentiæ & Rhegii, custodiam se usurum simulans: (contra Gallum enim, ne pacem perpetuam, anno 1516. initam violarent, magistratus militem denegabant) eum tamen in Italiam perductum, occupando Ducatui Mediolanensi destinat: (aliis extra fines ditionis Papæ proficisci constanter recusantibus) Gallos expellit: Franciscum Ducem restituit: & voti compos factus, præ nimia lætitiâ moritur.

Anno 1522. Gallus, cum Confœderatorum copiis, recuperationem amissorum tentat. Sed hi infelicitè, sub duce Lautrechio, contra Prosperum Columnam, summum hostium ducem, ad Biccocam, in Ducatu Mediolani pagum pugnant, & spe superandorum hostilium aggerum frustrati, loco cedere coguntur. Multi tunc ex ordinum ductoribus, globis ferreis læsi, occubuerunt.

Anno 1523. Gouffierius, Galliæ Ad-

216 PALLADIS RHAETICAE  
miralium, & exercitus ductor, magnas  
copias in Insubriam ducit. Rhætorum  
5000. duce Dietegano à Salis, ad Fridericum  
Gonzagam Pozzulum, Gallicum  
ducem, qui Laudæ Pompejæ residebat,  
per Begomatum ditionem, tendentes, à  
Ioanne Mediceo, Cosmi, Magni Hetrur-  
riæ Ducis patre, continuis velitationi-  
bus defatigantur; & viis undique occu-  
patis domum redire coguntur.

Anno 1524. Franciscus, Galliarum Rex,  
infelici successu & reditu Admiralli in  
Galliam commotus, ipsemet bellum maxi-  
mo cum exercitu, in Insubria restaurat.  
In eo, ordinum ductore eodem Diete-  
gano, 6000. Rhætos habet: qui tamen  
mox à magistratu, propter inopinam  
Castri Clavennensis, à Io. Iacobo Medi-  
ceo occupationem, stipendiis à Rege  
persolutis, domum revocantur. Apud  
Regem tamen aliquot Rhæti perman-  
sere: e quibus Florius Taccius & Ioan-  
nes Sceccius fortiter ad Ticinum, an-  
no millesimo quingentesimo vigesimo  
quinto 24. Febr. pugnantes (Rege ipso  
etiam capto) occubuerunt. Petrus etiam  
de Zuno, de Ardetio dictus, cum aliis ibi  
captus fuit.

Anno 1525. Pontifex Max. & Veneta  
Resp. ex tenore foederis cum Gallo initi,  
Helvetiorum & Rhætorum copias con-  
scri-

scribunt : quibus Octavius Sfortia & Io. Iacobus Medicæus duces dati. Hi cum in statum Mediolani pervenissent, mox iterum dimissi fuere.

Anno 1526. auspiciis Confœderatorum Regni Galli, Helvetiorum & Rhætorum cohortes Florentiam usque proficiscuntur : ut Clementi VII. summo Pont. contra Cæsarianos & Columnenses, auxilio essent.

Anno 1527. Io. Iacobus Medicæus, Principum Confœderatorum Gallia & Italiae partibus addictus, ex Rhætis, quibus Dieteganus à Salis præfectus erat ; & Vraniis Helvetiis , milite collecto, ducatum Mediolani petit. Antonius de Levâ, Hispanus , Cæsarianorum ductor, Mediolano egressus , incautos , summo mane, ad Carathum, prope flumen Lambrum , obruit & profligat. Medicæus tunc primus in fuga fuit.

Anno 1528. Lautrechius Gallorum primarius dux Neapolim cum Confœderatis infelicitèr obsidet : ipso duce, & maiore parte exercitus peste absumptis.

Anno 1531. Rhæti Tigurini auxilia mittunt : quæ ubi in regionem , quæ à castris Rhæticiis nomen habet, pervenissent : Quinque Pagici Helvetii , certiores de adventu Rhætorum facti , eos hoc stratagemate militari tardant. Ve-

218 PALLADIS RHAETICAE  
stem nempe fecialis Tigurini, ad Capellas interfecti, unum ex suis induunt; additis insuper literis, quasi à Tigurinis scriptis, quibus eis pro auxiliis gratias agerent; ac ne ulteriùs progredierentur, monerent, cum de pace tractetur; quæ mox etiam secuta fuit.

Anno 1536. Confœderati, Regi Galliæ inservituri, Avenionum petunt: ibique summam Regis benevolentiam experiuntur.

Anno eodem, cohortes aliquot Rhæticæ, in Ducatum Mediolani, Carolo Cæsari servituræ, proficiscuntur. sed mox à Magistratu revocati, multi ex intenso frigore in nivibus, cum montem Aviculam ( Adulæ membrum ) superare vel-  
lent, periere.

Anno 1543. Rex Galliæ cum Confœderatorum copiis, ( Rhæticorum ordinum ductores erant, Antonius & Hercules à Salis ) instante hyeme, suis in oppido Landresii obsessis, renitentibus Cæsarianis, commeatum & recentem militem, pro voluntate, immittit: inque Galliam, paucis desideratis, incolumis revertitur.

Anno 1544. strenuam operam Confœderati Galliæ Regi, copias ducente Francisco Angujano Borbonio, regii sanguinis Principe, contra Cæsarianos  
(quo.

( quorum ductor Alfonsus Davalus, Marchio Vasti erat ) in memorabili illâ pugna ad Cerisulam, apud Subalpinos, navarunt. Carignianum tunc deditioe receptum fuit.

Eodem anno, ad impediendum irarum Cæsarem, totis viribus Parisios per Campaniam petentem, 20000. Confœderati Regi Galliæ promptè inserviunt: paulò post pace inter Cæsarem & Galliæ Regem initâ.

Anno 1545. Galliæ Rex, ingenti cum exercitu, terrestri itinere, ( cum Anglica classis maris oram legeret ) Bologniam, superiore anno ab Anglis ereptam, petit; duodecim cohortes Rhæticas, duce Antonio à Salis, secum ducens; cumque urbis capiendæ ob frigus intentum spes non esset; propugnaculum fortissimum, ad excursions Anglorum prohibendas, erigit. Sed mox anno sequente pacis conditionibus, urbs Gallo restituenda obligatur.

Anno 1553. Rex Galliæ cum Confœderatorum exercitu, Cæsaris irruptiones in Picardiam avertit.

Anno 1554. Rhætorum 3000. ductore Antonio à Salis, in Italia, Henrico II. Galliæ Regi militant: qui Senenses in libertate asserta cōservare cupiebat. His Papa Iulius III. Imperator Carolus, &  
Cos.



Cosmus Dux Hetruriæ, copias suas sub Io. Iacobo Medicæo, belli duce, opponunt. Venitur ad prælium, i. Aug. intra Marcianum, Lucinianum & Folianum, in Valliculâ, ubi fossa erat, quæ aquam pluvialem colligebat, & in proximum flumen Chianam deferebat, nostro exercitui summo impedimento: 3000. Rhetici in quorum acie Furcovallius, celebris Gallicæ militiæ dux, pugnabat; illique post fugam equitum, Petrus Strozzius, Florentinus, exul, & Gallici exercitus dux, virtutem eorum admiratus immiscebat) unâ cum Aquitanis, fortiter hosti jam fugam cogitanti, resistere. Destituti autem tormentis bellicis maioribus, (quæ Folianum & Lucinianum versus præmiserant) & auxiliari equitatu peditatuque Italico, qui fugam statim ab initio pugnæ, (ex composito, ut credebatur, cum hoste) arripuerat; victi sunt. Ex Rhætis ductoribus, & primis militibus occubere ferè omnes. Antonius à Salis, ordinum primarius dux, Iacobus à Saxo, & Martinus Belinus, exorto pridie inter Rhætorum & Italorum gregarios milites tumultu, cum se interponere vellent, ab Italis scloppetis displotis sauciati, sequente nocte moriuntur. In prælio ipso, ex ducibus cecidere, Martinus à Capaulo, proceritate, qua  
omnes

omnes sympatriotas superabat, maxime conspicuus; Ambrosius à Monte; Bartholomæus Iacobus Stampa; Volgan-  
 gus Salettus; Ioannes Gulerus, Ioannis  
 senioris filius; Io. Iacobus Finerius; &  
 Ioannes, Lucii filius, Gugelbergius à  
 Moofs. Ex præcipuis militibus, Iacobus  
 à Schovenstein; Gaudentius & Fortu-  
 natus à Planta; Martinus Cramerus;  
 Ioannes Schegius; Rudolphus Matthias,  
 longà militià clarus; Florius Spreche-  
 rus; Ambrosius Lieta; Bartholomæus  
 Iegenus; Ioannes Muntschius Bergu-  
 niensis; Antonius Trojanus Rout-  
 schius; Adamus Grassius Cernetiensis;  
 alii multi capti; & à Medicæo, dato  
 insuper viatico, domum liberi remissi  
 sunt.

Anno 1555. Gallorum exercitus, Con-  
 fœderatorum auxilio, Vlpianum in Pe-  
 demontio expugnat.

Anno 1557. Galliæ Rex, per Franci-  
 scum, Ducem Guisium, qui Confœde-  
 ratos in exercitu suo habebat, Paulo  
 IV. Pontif. contra Hispanos, quos Al-  
 bæ dux ducebat, in Italia belligeranti,  
 suppetias mittit.

Anno 1558. idem Galliæ Rex, auxilio  
 Confœderatorum ( in quibus Rhati-  
 carum cohortum Chiliarcha, Rudol-  
 phus à Schovenstein erat ) ante 211. an-  
 nos

222 PALLADIS RHAETICAE  
nos amissam urbem Caletum, ab Anglis  
recuperat.

Anno 1562. Confœderati, Carolo IX.  
Galliæ Regi, auxilio profecti, in prælio  
ad Plovillam, vicum apud Druydas, ita  
viriliter se gessere, ut etiam ab hostibus  
constantiae & fortitudinis bellicae lau-  
dem meriti fuerint. Gallicus quidem at-  
que Germanicus Protestantium equita-  
tus, magna tunc vi in Confœderatorum  
phalangem impressionem fecit; & ple-  
rosque ex primariis Centurionibus con-  
cidit; hi nihilominus tertiâ vice  
aciem suam restaurarunt, & ordines  
conservarunt.

Anno 1567. à Carolo, Galliæ Rege, ite-  
rum vocati, eumque tutati sunt: prælio-  
que ad S. Dionysium, prope Lutetiam,  
commisso; biennio postea in Gallia per-  
severarunt, & Regis signa sunt secuti.

Anno 1569. ad Bassacum & Montcon-  
tuum pugnatum fuit: ubi Regius exer-  
citus victoriam reportavit.

Anno 1574. prope Diam, Delphina-  
tus oppidum, Helvetiorum & Rhæto-  
rum aliquot cohortes, Regis Galliæ par-  
tes secuti, à Domino de Monbruno,  
Protestantium ibi duce, ex inopinato,  
loco angusto, opprimuntur, ac cæ-  
duntur.

Anno 1585. Rex Galliæ, Henricus III.  
Con.

Confœderatorum copiis, contra Henricum II. Navarræ Regem in Aquitaniâ usus est.

Anno 1587. auspiciis Henrici II. Navarræ Regis 15000 Helvetiorum & Rhetorum Evangelicorum, sub Clarevantio Gallo, militare cupientes, morbis & insidiis pleriq; absumpti sunt; neque ad exercitum Navarræ pervenire potuerunt: reliquis, impetrato à Galliæ Rege libero transitu, in patriam reversis.

Anno 1588. Henricus III. Galliæ Rex, insidiis Ligæ, (ita Unionem rebelles subditi, contra regium sanguinem initam, vocabant) Parisiis fermè oppressus, anno sequente exercitum ex Confœderatis conscribit. Rhæticarum tùm cohortium dux primarius erat Rudolphus à Schovenstein: in cuius demortui locum successit Hartmannus ab Hartmannis; Eques auratus.

Rege autè à Monacho nefariè perempto, ad Coronam Galliæ legitimè vocatus fuit Henricus Borbonius, Navarræ Rex, qui Henrico tertio, contra Ligam, auxilio priùs venerat: posthac Quartus huius nominis dicendus. Hic animo intrepido rem & regnum est aggressus: annoque 1590. sequente, memorabili prælio cum exercitu suo, in quo nostri Confœderati erant, hostes suos, quos Carolus Lotha-

Lotharingus, Dux Maynius, magno numero ducebat ad Iurium, prope fanum Druydum, feliciter vicit, & plurima oppida recepit.

Anno 1593. idem Gallie & Navarre Rex, ad compescendos in totum rebelles Ligistas, & Hispanos ex Gallia expellendos, Confœderatorum copias novas conduxit.

Anno 1600. pugnatum fuit in Flandria, intra Neoportum & Ostendam: ubi Confœderatorum cohortes aliquot sub auspiciis Principis Mauriti, Comitibus à Nassau, & Ordinum unitarum provinciarum Belgicarum summi ducis, contra Albertum, Austriæ Archiducem, militarunt; & à Principe Mauritio victore laudem præmiaque reportarunt: inter quos Christianus Iuonius à Sontio Rhætus, in medio hostium interfectorum, tredecim vulneribus faucibus repletus, & sanitati restitutus, cohorti postea præfectus, in defensione Ostendæ, triennio post, strenuè pugnando occubuit.

Anno 1610. Henricus I V. Gallie & Navarræ Rex, Magnus digno cognomine dictus, Confœderatorum copias iterum in Galliam evocat: quo nefariè & proditoriè (heu facinus!) per Franciscum Ravilliacum occiso, illæ in Ducatum Iuliacensem, favore Brandenburgici & Neuburgici Principum, mit-

tuntur:

tuntur: Iuliaque urbs cum reliquo toto Ducatu capitur.

Anno 1614. Ludovicus 13. Galliarum & Navarræ Rex, Henrici Magni filius, cum matre Regina Maria Regente, exercitum ex Confederatis in Galliam conscribit: Rege mox; annum 14. ingressio, majorenni ab Ordinibus declarato, renique habenas moderante.

Anno sequente, Rex idem, iisdem copiis usus est ad sedandas turbas, à quibusdam Regni Principibus excitate.

Anno 1615. bello inter Venetos & Sengianos, Liburniarum populos (vulgo Vscoci dicuntur) sub Ferdinandi, Archiducis Austriae & Carinthiae, tutela degentes; magis magisque exardescente, multi ex Rhætica & Helvetica juventute (etiam contra severa Magistratus edicta) Venetorum partes sequuntur: quorum aliqui Hesperiae urbibus, quæ ditionis sunt Venetorum, præsidio dati; alii ulterius profecti. Veneti interim Rhætos de renovando fœdere sollicitant; quo successu, tempus docebit.

Multi præterea ex Rhætis nostris, præsertim Nobilibus, auspiciis Caroli V. Ferdinandi, Maximiliani II. Rudolphi II. Romanorum Imperatorum, & aliorum Principum in Germania, Italia, Vngaria, & aliis locis summa cum lau-

226 PALLADIS RHAETICAE  
de militarunt; atque etiam Ordinum  
ductores aliqui fuerunt, & secretioribus  
consiliis adhibiti. Quoniam autem illi  
non integras Rhæticas cohortes, sed  
plerunque Germanicas, duxere: ne aliis  
famam præripere velle videar; ulterio-  
re narratione nunc supersedebo.

---

L I B E R V I.

**F**œDERIBVS, & inde de-  
pendentibus, utpote generali  
& particulari justitiæ admini-  
strandæ rationi, conventuum  
publicorum (ubi res forenses subdito-  
rum etiam tractantur) aliarumque con-  
stitutionum & judiciorum formæ &  
modo, liber hic dicatus est. Fœderum  
autem, uniuscujusque inter se, vel unius  
cum alterutro, aut omnium trium si-  
mul, ut etiam cum vicinis Helvetiis,  
ad omnem æternitatem initorum, ar-  
gumentum summarium (quoniam  
omnia articulatim enarrare institutum  
nostrum non fert) hoc est: Ut omnis  
pietas, justitia, synceritas & fraternus  
amor, inter eos perpetuo regnet; ad  
tuendam libertatem communem, iura  
item & privilegia, generalia & specia-  
lia. Confœderati sibi auxilio & consilio  
mutuo sint; omnemque vim & inju-  
riam



riam unitis viribus repellant. Commeatus & commerciorum exercitium liberum & absque impedimento inter eos vigeat. Controversiæ ex æquo, & certa juris, ac in fœderibus præscripta forma, (prout latius infra dicetur) inter eos decidentur.

Hæc itaque nunc præcipua, successivo & strictissimo ordine enarrabimus.

Grisæi ergo, ut in ejusdem fœderis descriptione fufius diximus, ex primis fuere, qui se per Dominia & Communitates conjunxerunt:

Anno 1424. medio mensis Martii, Troni, celebre illorum fœdus scriptis exaratum est.

Cathedrales aliquæ Communitates, circa Annum 1400. & postea 1419. se certa formulâ invicem obstrinxerunt.

Anno 1425. llantii aliquæ communitates ex Cathedralibus, nempe Supraxum, Vatum, Aversa, Bivium, Bergunnium, Furstenovum, Grisæo fœderi se jungunt.

Anno 1428. Fridericus Comes à Tockenbourg, qui Decem-Iurisdictiones tenebat, se ad viginti annos, cum Engadinensibus inferioribus, à Ponte alto ad vallem Tasnam, & claro Conrado Planta Cernetiensi, fœdere obligavit.

Decem-Iurisdictionum homines sub

228 PALLADIS RHAETICAE  
Vatienſibus & Toggenburgiis, uniti  
vixere. Extincto autem Friderico, Co-  
mite Toggenburgi, hujus proſapiæ ul-  
timo, cum hæreditas ejus varie diſtrahi  
videretur, Anno 1436. die Veneris ante  
feſtum corporis Domini, fœdus perpe-  
tuum inivere.

Subſequenter Decem-Juriſdiſtiones  
cum Cathedralibus, Anno 1450. Curia,  
& paulo poſt cum Grifæis, Anno 1471.  
die Iovis ante feſtum Conceptionis D.  
Virginis, menſe Martio, ſe junxere: de  
quibus omnibus ſuæ fœderales extant  
literæ.

Eodem anno 1471. omnia tria fœde-  
ra indiſſolubili nodo, diplomate ſuper  
ea re conſeſto, in perpetuum ſe colliga-  
vere, in loco Bellfortenſis juriſdiſtione-  
nis, Vatzeroſo dicto.

Anno 1524. in feſto divi Matthæi, &  
Anno 1544. fœdus illud juratum am-  
pliori forma comprehenſum, ac ſingu-  
lis duodecim annis ut renovetur, præ-  
ceptum eſt.

Episcopis porro Curienſibus, & Ca-  
thedralibus, ac Grifæis, cum aliquibus  
Helvetiorum pagis, uti confinibus, an-  
tiquæ conventiones fuere. Sic etiam De-  
cem-Juriſdiſtiones, cum Sarunetibus  
vicinis, à longo tempore, pacta conven-  
tionalia habuere.

Anno

Anno 1282. Fridericus, è Comitum Montifortium familia, Episcopus Curienfis, fœdus cum Petro Episcopo Sedunensi iniit.

Anno 1400. Ioannes, Abbas Desertinensis, cum Capitulo & Communitatibus Abbatia; Vldericus Brunus, Baro Rhætii, cum filiis, Ioanne, Henrico & Vldericò; Albertus à Saxo; Ioannes & Donatus fratres, Barones Misauçi, Leguntinæ Vallis & Foveæ, pro se, & suis hominibus; & homines de Valle Rheni; cum Ministrâle; & hominibus de Glarona, perpetuum fœdus sanciunt.

Anno 1402. pax & unio fit, inter Episcopum Hartmannum, & ejus Cathedralis, ex una; & Glarõnam, Suitiam, homines de Agria & Entlibuoch, ex altera parte.

Paulo post, Anno 1407. cum eisdem Glaronensibus & Vraniis, pacta prius inita, Grisei ampliando confirmant.

Anno 1419. Ioannes Abundius, Nasodictus, Episcopus Curienfis, cum Capitulo suo, fœdus & Civitatis jus apud Tigurinos, per quinquaginta & unum annos, iniit.

Anno 1437. post mortem Friderici, Comitissæ à Tockéburg, Sarunetes fœdus cum civitate Curienfi, & multis Communitatibus ex tribus fœderibus, fecerunt.

Anno 1497. in festo Ioannis Baptistæ, Tiguri, cum septem veteribus Helvetiæ pagis, Tiguro, Lucerna, Vrania, Suitia, Vndervaldia, Tugio, & Glarona, se fœdus Griseum jungit perpetuo.

Anno 1498. Tiguri in festo Luciæ, fœdus Cathedrale cum iisdem septem pagis, & iisdem fere, uti priores, conditionibus, perpetuum fœdus init: & abinde Rhæti omnes à toto fœdere Helvetico, Confœderatorum nomine appellati, & mutuo amore & auxilio se invicem amplexi sunt.

Anno 1590. Decem Iurisdictionum fœdus, cum Tigurinis & Glaronensibus, (uti cætera duo fœdera iuncta erant) amplo fœdere, in perpetuum se jungit.

Anno 1600. tria Rhætorum fœdera, cum vicinis Valesianis, perpetuum fœdus, decimo quinto quoque anno renovandum, feriunt.

Anno 1602. cum Amplissima urbe Berna, iidem æternum fœdus pangunt.

Fœdera vero, & pacis conditiones, quas Rhæti nostri cum Principibus habent, sequentis sunt tenoris.

Inimicitia, contentiones & dissidia, si quæ fuerint, per pacis vigorem radicibus extirpantur. Amicitia sincera & non simulata initur. In hostibus arcen-  
dis

dis & petendis auxilia mutua, & certus militum numerus, promittitur. Stipendia & pensiones certæ à Principibus penduntur. Commeatus & mercimonia tuta & libera sunt. Controversiæ jure & judicio (cujus certa forma traditur) disceptantur. Et hæc generaliora sunt.

Anno 1478. Helvetiorum fœdus, Sixtus quartus, Pontifex Maximus, ambiit & obtinuit; ac Rhætorum amicitiam magni fecit. Successores ejus, ad Iulium secundum in eadem perseverarunt.

Hic denuo Anno 1510. opera Matthæi Schineri, Cardinalis & Episcopi Sedunensis, cum Helvetiis & Rhætis, ad certum tempus, fœdus iniit; & eorum, uti suo loco diximus, opera usus est: quapropter eos titulo Defensorum Ecclesiæ ornavit, & vexilla nova Rhætis tria donavit; Vniuersæ autem genti Helveticæ & Rhæticiæ, duo majora vexilla, pileum, (libertatis signum) ac gladium, dono dedit.

Cum successore, Leone decimo, fœdus continuatū fuit; quo extincto, cum reliquis in Pontificatu successoribus, nulla Rhætorum fœdera extant.

Gallorum Regum primus fuit Carolus septimus, qui se Helvetiis junxit, Parisiis, Anno 1453, 4. April.

Anno 1463. 27. Novembr. Abbeville, hanc sanctionem confirmavit filius ejus, Ludovicus undecimus, patris in regno successor.

Hic Anno 1444. Helvetiorum virtutem, cum adhuc Delphinus esset, in memorabili prælio, prope Basileam, expertus erat: quorum opera, ad resistendam Carolo Burgundiæ Duci, etiam usus est.

Anno 1474. cum eis, eorumque sociis, articulos fœderis ampliores iniit: qui cum omnibus ejus successoribus hætenus continuati sunt.

Anno 1484. cum Carolo filio, & successore, renovatum est hoc fœdus.

Anno 1499. cum Ludovico XII. idem ad decennium initum est.

Anno 1508. 24. Junii, idem Rex cum Rhatibus illud Cremonæ renovavit.

Anno 1516. Friburgi, . prid. Calend. Decembris, Franciscus primus, Ludovici gener, & in regno successor, Pacis perpetuæ (ut vocant) cum Helvetiis & sociis conditiones & pacta iniit.

Anno 1521. 7. Maji, Lucernæ, Helvetii ( Tigurinis exceptis ) ut & fœdus Griseum, cum Francisco, Galliarum Rege, fœdus iniere.

Anno vero 1523. 5. Februarii, Curia Rhetorum, fœdus Cathedrale & Decem.

cem. Iurisdictionum, in illud etiam ingressi sunt. Tunc Rex Galliarum omni prætentioni, quam super Triumphalinos habebat, renuntiavit: inter alia, 3000. Francicas libras cuilibet fœderi, 2000. videlicet ex vigore pacis perpetuæ, & 1000. ex fœdere inito, Abbati Disertino 100. aureos, quotannis pendit, & ita successores quoque continuarunt.

Anno 1549. Henricus II. Francisci filius, illud renovavit. Huic cum duobus ante annis, initio nempe regni sui, filia nata esset; Helvetiorum & Rhætorum Legatos, sponsores pro ea in sacro baptismo habere voluit, eosque summo amore & liberalitate complexus est.

Anno 1564. Carolus nonus, & Anno 1582. Henricus tertius, Henrici secundi filii, & Reges Galliarum, uti etiam postea, Anno 1602. Henricus quartus, Galliarum & Navarræ Rex, (qui Delphinum filium, & successorem, eidem simul inclusit) illud renovarunt.

Inter serenissimam Domum Austriacam, Comitatus Tirolensis possessionem, & Episcopum Curientem, ejusque Cathedralis, ut diversa dissidia; sic multæ contra pacis condiciones fuere: quarum sequentes sunt præcipuæ.

Anno 1471. inter Sigismundum Ar-  
P 5 chidu-



234 PALLADIS RHAETICAE  
chiducem Austriae, & Ortliebum Baronem à Brandis, Episcopum Curientem, & Cathedrales, pacta, quæ non diu durare, sunt inita.

Anno 1499. Basileæ, 22 Septembris, post Suevicum bellum, inter Cæsarem Maximilianum, Helvetios ac Rhætos, eorumque socios, pax, per Galeatium Vice-Comitem, Ludovici Mariæ Sfortiæ, Mediolani Ducis, Legatum, constituta fuit.

Anno 1500. idem Cæsar, fœdus hæreditarium, ad viginti annos, cum Paulo Episcopo Curienti, & tribus Rhætiæ fœderibus, percussit.

Anno 1518. 15. Decembris, illud fœdus nondum finitum, ad perpetuum optimus Imperator & Princeps renovavit: quo, ex dominiis serenissimæ Austriacæ domus, Comitatus Tirolensis, & quatuor dominia cis montem Arulam, nempe Velcurianum, Brigantinum, Hocheneck, & Pludomense; ex altera parte, Episcopus Curientis, & Rhætium fœderum, cum suis ditionibus, comprehenduntur. Inter alia pacta, etiam hoc est: quod cuilibet fœderi ducentos florenos Rhenenses quotannis dat. Hoc inter serenissimos Austriae Duces & Rhætos, hætenus inviolabiliter observatum fuit.

Anno.

Anno 1534. 23. Ianuarii, cum quædam dissensiones, inter Domum Austriacam, ceu Comites Tirolis, & Rhætos aliquos, ortæ essent, illæ amice, cum Ferdinando Romanorum Rege, Tirolis Comite, decisæ fuere.

Posseßoribus Status Mediolani, ab antiquo cum aliquibus Communitatibus fœderis Grisæi & Cathedralibus, tanquam vicinis, certæ capitulationes (uti vocant) fuere. Primo cum Vice-Comitibus: postea, Anno 1466. cum Galeatio Maria Sfortia Duce, & subsequenter cum ejus filio, Ioanne Galeatio Maria, & Matre Bona, cæterisque ex familia Sfortiade succeßoribus. Vnde Maximilianus & Franciscus secundus, Ludovici filii, ab Helvetiis & Rhætis, Ducatui bis sunt restituti.

Anno 1531. 7. Maji, cum Francisco secundo Sfortia, Rhæti & Helvetii, de amicitia mutua colenda, & Ioanne Iacobo Medicæo Mussii Castellano, repellendo, (uti suo loco fusiùs diximus) certa pacta & conditiones iniverunt.

Inter serenissimam Rempublicam Venetam & Rhætiam semper, tum propter vicinitatem, & Reipublicæ affinitatem; tum etiam quod Rhæti eorum auspiciis aliquando militaverint, sincera amicitia viguit: proinde etiam certæ

236 PALLADIS RHÆTICAE  
certæ conventiones inter eas sunt tra-  
ctatæ.

Anno 1579. mense Augusto, in Vene-  
tiarum Civitate, certæ capitulationes,  
propter bannitos, & propter commer-  
cia, ac mercatorum nostrorum, qui eo  
armenta ducebant, à teloniis exemptio-  
nem, sancitæ sunt.

Anno 1582. consimiles propter libe-  
ram armorum in dominio Veneto ge-  
standorum licentiam, & telonium in  
Domo Germanica Venetiis cum certa  
moderatione à nostris solvendum, ini-  
tæ fuere.

Anno vero 1603. mense Augusto, in  
Comitiis publicis Davosii fœdus ad de-  
cennium cum Venetis pactum fuit: quo,  
præter alia, Veneti, cuilibet Rhætorum  
fœderi, quotannis 1200. coronatos Ve-  
netos, & tribus fœderibus communiter  
sexaginta scloppeta, quas muscetas vo-  
cant, contribuerunt.

Anno 1616. hoc fœdus renovandum  
conditionibus amplioribus tractatur.

Fœdera paucis absolvimus: proximū  
nunc est, ut iustitiæ administrandę for-  
mam stricto etiam calamo tradamus.

In capitalibus seu criminalibus ergo,  
hunc ordinem servari videmus: ut per-  
sona detenta, (ad cujus capturam &  
inquisitionem, nonnisi legitimis præce-  
dentibus

dentibus indiciis proceditur) postquam totus processus, tam in examine de plano, quam rigido & quæstionali, secundum facti exigentiam est finitus, (id quod brevi temporis spatio plerumque fit) publicè universo populo, custodia adhibita, proponatur; & ibidem à Fiscalibus, coram confessu judicum, sub dio congregato, (qui constans ex peritioribus jurisdictionis illius, numerum tricenarium nunquam excedit) actio, cum succincta totius processus offensivi enarratione, per unum ex jus-dicentium numero, ad hoc delectum, instituatur. Reo Curatores postulati, ut vocant, dantur: qui una cum consanguineis rei, si qui sunt, Advocatum seu Procuratorem ex eodem confessu sibi assumunt: per quem dein defensiones accusati proponuntur. Mature itaque processu toto, offensivo & defensivo, cum suis circumstantiis perpenso, secundum resultantia, juraque patria & Cæsarea, fertur judicium; quod executioni mandatur. subinde etiam rigor in casibus favorabilibus, pro intercessione & deprecatione, prout ubivis locorum est consuetum, contemperatur.

In Civilibus, judicium in omnibus ferme locis ex Præside, & quatuordecim Assessõribus constat. Matrimonialia,



238 PALLADIS RHAETICAE  
lia, pauciores in plerisque locis assessores  
(quales in toto fœdere Decem-jurisdic-  
tionum, in qualibet jurisdictione, sep-  
tem cum Præside sunt) dirimere solent:  
Parochos tamen, uti juris Ecclesiastici  
peritos, plerumque consulunt.

Habet præterea quælibet jurisdictio  
suum Scribam, Apparitorem, Quaesto-  
rem & Aedilem. succincte pariter &  
summarie proceditur.

Audita utraque parte in voce, per  
Procuratores suos, ex Assessorum nu-  
mero sumptos; scripturis simul & testi-  
bus, si qui sint, cæterisque partium juri-  
bus, quæ fieri potest, diligentia ponde-  
ratis, ad sententiam descenditur, ita ut  
fere semper eodem die, si pars utraq; pa-  
rata accedat, (unus enim vel alter pro-  
bationis & defensionis terminus nemi-  
ni negatur) principium & finis liti detur.

Atque ut trina fœdera & quodlibet  
eorum seorsim, certas suas habent con-  
stitutiones: sic una fere quæque Com-  
munitas seu jurisdictio, sua habet scrip-  
tis comprehensa statuta: quæ in admi-  
nistrandis rebus suis diligenter observat.  
Verum non multum illa inter se diffe-  
runt: & ad eundem scopum, salutem  
nempe populi, tendunt.

Cæterum æquas consuetudines, usu  
approbatas, pro legibus recipiunt; &  
mira

mira dexteritate (etsi literis non omnes sint exculti) sua ferunt judicia. Personarum & munerum acceptatio est nulla.

Appellationes in fœdere Grifæo, quolibet festo D. Georgii, Troni (uti suo loco memoravimus) à Deputatis audiuntur. In Cathedrali, extra jurisdictionem magnam, raræ sunt appellationes: si quæ tamen sint; plerumque ad proximam jurisdictionem deferuntur.

In fœdere Decem-Jurisdictionû sunt nullæ; (exceptis Majævillanis; ut suo loco dicemus: ) solentque subinde aliqua graviora ad fœdus pro consultatione deferri. Si tamen nova reperiantur & resultent jura, ita ut actio redintegrari possit, in integrum partes, per totam Rhætiam, restituantur. Sic litium dispendia, & mala inde provenientia, vitantur. Cuilibet enim jus-dicenti, plerumque quarta pars aurei, pro symbolo solvendo, per integrum diem, (quo plures feruntur sententiæ) loco mercedis contingere solet: sicque vera amicitia conservatur.

Quod si cōtroversia aliqua inter tria fœdera oriatur: ex quolibet fœdere tres aut quatuor judices deliguntur, hi soluti juramento, quo suo fœderi obstricti sunt, causam vel amice componunt; vel ex æquo & bono dijudicant: Si paria fuerint

240 PALLADIS RHAETICAE  
fuerint suffragia: Arbiter, communi-  
bus trium fœderum suffragiis, eligitur. Sin vero inter duo fœdera lis oritur: ad tertium fœdus eam deferunt: quod iudicium utrique parti æquum constituit, litemque dirimit. Si denique duo fœdera contra tertium in iudicio procedere velint: sex iudices plerumque ex parte aëtrice, nempe duobus fœderibus, secernuntur; & ex tertio fœdere reo, totidem nominantur, qui si votorum paritate causam dirimere non valeant, trium fœderum suffragiis Arbiter deligitur.

Dato etiam casu, quod Cōventus seu Communitas aliqua controversiam habeat cum ipsis fœderibus, vel cū uno tantum: tres, quatuorve ex singulis fœderibus, aut eo cum quo res est, nominantur. Et in his enarratis, iudices etiam à juramento, quo fœderibus obstricti sunt, relaxationem habent.

Vbi vero diversorum fœderum Cōventus seu Communitates inter se contendūt: Senatus trium fœderum, ex cæteris neutralibus Cōmunitatibus iudices constituit. Sin duæ jurisdictiones ejusdē fœderis, controversiam aliquam habeant, iudicio proximæ Communitatis in eodem fœdere utuntur, partisque reæ est, eam ex duabus proximis eligere.

Contro-



Controversiæ vero, si quæ inter nostrum populum Rhæticum, & confœderatos Helvetios, oriuntur, amicabili & æquo judicio, tribus plerunque ab utraque parte constitutis iudicibus, (quibus discrepantibus, septimus à parte rea, ex æstheticis ditione, nominatur) disceptantur.

Nec dissimilia sunt iudicia, quibus lites, si quæ nascuntur cum Christianissimis Galliarum Regibus, Serenissimis Austriæ Principibus, Comitibus Tirolis, & aliis confœderatis Principibus, dirimuntur; ubi non armis & Marte; sed egregia juris forma, decertatur.

Apud omnes autem generalis juris regula, ut actor in litibus particularibus rei forum sequatur, trita & recepta est.

Aggredimur jam etiam Comitiorum & Conventuum publicorum formam, quibus ea, quæ ad totius gentis Rempublicam pertinent, (qualia sunt de pace & bello, de fœderibus, de legationibus, de legibus & edictis patriæ) tractantur: & horum conventuum primus Illantii; (quod oppidum fœderis Grisei est) secundus Curia: tertius rursus Illantii; quartus iterum Curia; & quintus Davosii, celebratur.

Verum singulis annis (ex tenore Reformationis, Anno 1613. institutz) in festo

festis Ioannis Baptistæ, generalia Comititia, [*Bundtstag*] recipiendis rationibus ab Officialibus Præfecturarum (quibus etiam biennio quoque novis electis, in publicis Comititiis, iuramentum, de legitime & iuste administrando officio, deque observatione decretorum & statutorum, ac fideli ratione reddenda, deferitur) subditorumque gravaminibus & appellationibus audiendis, aliisque rebus publicis, pro re nata, cognoscendis, habentur.

Gravamina à Causidicis, qui illuc magno numero confluunt, coram Senatu proponuntur: & ab Oratoribus ex æquo & bono, secundum statuta subditis lata, & optima recepta jura ac consuetudines, feliciter, & prompte deciduntur. Ex hisce Comititiis, ut & biennialibus, tertium quodque Davosii celebratur; Dominiis enim acquisitis & acquirendis, cum eorum juribus, accessoriis & emolumentis, tria fœdera, æquis portionibus (ex tenore literarum fœderis) fruuntur.

His & superius enumeratis Comititiis, ex Grisæo, viginti octo; ex Cathedrali, viginti quatuor; ex Decem-Iurisdictionum fœdere, quindecim legati, seu Oratores, una cum Cancellario & Apparitore cujusque fœderis, conveniunt.

Præses

Præses illius fœderis, ubi conventus celebratur, postquam confidere omnes; salutatis aliis, & de se ex more pauca præfatus, exponit quid proximo conventu legati in recessibus deliberandum acceperint: sique aliæ senatus habendi causæ sint, eas similiter succincte proponit. Ordine postea ab eodem Præsidente rogati, singuli senatores seu legati, non proprio arbitrato, sed mandato suæ quisque Communitatis seu jurisdictionis, sententiam, scriptis plerumque comprehensam, (*Instructionem* vocant) dicunt, & ad eandem acta referunt. Atque eo, quod major Senatus pars decreverit, reliqui tenentur. Extrema autem provocatio, est à Senatu ad Communitates. Ac tum causæ in singulis Communitatibus proponuntur: quarum sententiæ, in scriptis relatæ, colliguntur.

Frequentiora autem sunt Subcomitia (*Beytag* vulgo dicta.) Hi conventus plerumque Curia celebrantur: ibique præcipui tantum Magistratus, Præsides seu Capita (ut vocant) trium Fœderum, conveniunt, subinde etiam, pro gravitate rerum tractandarum, alii ex singulis Fœderibus convocantur; qui tamen plenam statuendi potestatem non habent. Proposita enim & acta, recessibus comprehensa, si cujus momenti

244 PALLADIS RHAETICAE  
sint, ad Communitates fœderum separa-  
ratim referuntur: quodque major harum  
pars statuerit, ratum est. Hæc juris  
pacisque studia sunt.

Ad disciplinam militarem, omnes  
sponte, & naturali quodam armorum  
studio, à pueritia se assuefaciunt. Ma-  
gistratus, singulis bienniis, populum  
armatum lustrare solet: ac quælibet ju-  
risdictio, suum militiæ Ducem, Vexilla-  
rium, & reliquos officiales, habet.

Legibus omnes arma habere jubentur: quæ, pro facultatum ratione, sibi  
comparare, & domi conservare coguntur. In tractandis scloppetis, singulis  
fere festis diebus, propositis etiam præ-  
miis se exercent publice. Armorum genera eadem, quæ Helvetii habere solent.  
Plerique lorica induti, hastam fraxi-  
neam prælongam; alii scloppeta majora [*muschettas*] gestant. Pauci nunc bipennes seu halabardas, aut hastas tantum, & scloppeta minora, [*archibufos* vocant] portare volunt: & hi caput tamen galea muniunt. Lateri prælongum & latum enssem singuli accingunt. Tesseriis albis cuncti, uti etiam galea ejusdem coloris, plumis exornata, conspicui comparent. Vexilla cruce alba rectangula insigniunt: hæc enim omnium Helvetiorum est militare signum: Tympanis



panis & tibiis utuntur: pulsus & sonus cum Helvetiis idem est. Phalangē suam etiam Helvetiorum more, si commoditas loci ferat, instituunt: & equitatui cum densatis hastis, ad formam Erinacei, optime se resistere posse, in præliis experti sunt.

Leges militares ( quas *Ordinantiam* vocant ) bonas, & æquas habent: & ad harum observationem, per sacramentum militare obstringuntur. Earum summa est: ut DEVM timeant & colant, neque ejus sanctum Nomen in vanum sumāt: ab omni blasphemia abstineant; ebrietatem, fornicationem, & aleam, vitent: Patriæ communis libertatem, Leges, & commodum, ad extremum usque halitum, defendant, & promoveant: Ducibus, & Officialibus militiæ, debitam obedientiam præstent: nullam seditionem excitent: castra, signa, & stationem, nullus absque venia, deferat: nec alter alterum ulla injuria, verbi, aut facti lacescere; aut vetera odia, si quæ sint, renovare, audeat: exortas rixas, quisque pro viribus, vinculo pacis interposito, separet, ac dirimat: lites, si quæ oriantur, judices deputati decendant: nec cuiquam prædandi causa, ex acie excdereliceat; donec hostes prorsus profligati fuerint: postea vero, ubi prædan-

246 PALLADIS RHÆTICAE  
di potestas facta est à Ducibus, quicquid  
partum fuerit, id omne in publicum  
conferatur, & viritim distribuatur: de-  
nique, Ecclesiis, locis sacris, personis  
Ecclesiasticis, mulieribus gravidis, virgi-  
nibus, senibus, infantibus, annonam &  
arma subministrantibus, molendinis,  
pistrinis, aratrijs, vitibus, segetibus, &  
arboribus frugiferis, omnes parcant.

Superfunt nobis Rhæticae Reipubli-  
cæ Constitutiones, quæ secundum inci-  
dentes & urgentes casus sancitæ fuere,  
Laconico stylo adumbrandæ.

Anno ergo 1500. REX Gallia Ludov-  
vicus, & Ludovicus Sfortia Mediolani  
Dux, dissidentes, & super Mediolani  
Ducatu pugnantes, Pensionarios suos  
(uti etiam Imperator Maximilianus pri-  
mus) semper in Rhætia aliquos habe-  
bant. Proinde ad cōservandam liberta-  
tem Rhætiae intactam; assiduis quoque  
B. Nicolai Eremitæ, apud Subsylvanos  
Helvetios, adhortantibus, ad quem fre-  
quens ex Rhætia concursus erat, moti  
communi omnium voto, sanctio con-  
stitutata fuit: ne cuiquam Rhæto, cujus-  
cunque generis, gradus aut conditionis,  
liceret, sub gravissima pœna infamiae, &  
arbitraria, ulterius iudicibus deligen-  
dis, ab ullo Principe extero, munera &  
pensiones (ita enim stipendia Principum  
pum

pum vocant) accipere, Constitutio hæc, Literarum Pensionalium nomen retinuit.

Anno 1524. Dominica Quasimodogeniti, certi articuli, propter absentes, & Curtisanos, (ut vocantur) ne eis præbendas possidere liceret; itemque propter decimas sunt constituti.

Anno 1526. die 13. Ianuarii, celebris disputatio Hantii habita fuit, inter Evangelicos Reformatos, & Catholicos cum Missa, in qua articuli controversi argute tractati. Ab Evangelicorum parte primas tenebat Iohannes Comander, cum Philippo Salutio. ab altera parte aderat Theodorus Schlegel, vir acutus, Abbas D. Lucii, & Vicarius Episcopi, cum D. Bartholomæo à Castromuro, Protonotario Apostolico, multisque aliis Canonicis & sacerdotibus. Post illam septem sacerdotes missifici Reformati se addixere. Aliæ, (nempe Anno 1538. Susii, in Engadina inferiori; Anno 1595. & 1596. Tirani, in Vallerelina) etiam in negotio religionis, habitæ sunt in Rhætia disputationes; quas hoc libello, cum typis exaratae sint, tractare supersedeo.

Eodem anno 1526. in festo Ioannis Baptistæ, certi articuli, numero viginti, inviolabiliter observandi, fuere sanciti.



Summa eorum est: Ne Episcopus Curiensis, aut quisquam alius Ecclesiastici ordinis, civilem Magistratum, & Præfectum seu Ministralem, Conventui & iudicio alicui præponat; sed populus, suos Magistratus, propriis suffragiis creet: Nec Ministri & officiales Episcopi, quamdiu illi serviunt, Comitibus & Senatui Rhæticiæ intersint: Ministros Ecclesiarum singulæ parochiæ sibi deligere, ab officio removere, & eis stipendia solvere possint.

Decumas minores nullas posthac solvit Rhætia: majores, ubi jus exigendi est, non in agro; sed collectis vino & frugibus domi; & quidem decimam quintam tantum, alibi etiam minus, secundum conventiones, pendunt.

Anno 1530. die Lunæ ante festum Purificationis Mariæ: cum tria fœdera Rhæticiæ, graves expensas & jacturam rerum, cum internecione multorum fortium virorum, in oppugnatione civitatis Clavennensis, præsertim autem obsidione Castri ibidem, & bello Dubinensi, à Ioanne Iacobo Medicæo, & ejus socio, Comite Gerardo de Arco, anno 1525. passa fuissent; Episcopus vero, cui antea quarti cujusque Volturenæ Capitanei & Gubernatoris electio compete-  
bat, nec militem, nec commeatum, aut quic-

quicquam de suo contribuisset: ad certa pacta (quæ sub sigillo Ioannis Ebli, Landtammani apud Glaronenses, descripta sunt) deventum fuit: ut nempe Episcopus jus suum, quod in Volturena, Comitatu Clavennæ, & Bormio, haberet, tribus fœderibus libere renunciaret. Vicissim illi, certam pecuniæ summam, nempe quolibet anno 1000. libras imperiales illi darent. Hodie itaque, singulis bienniis, ex telonio Clavennensi, ipsi 573. florenos & 6. baccenos, pendunt.

Constitutionum transgressoribus semper suæ erant pœnæ; & proinde certa ordinata judicia: quæ deinde, furore populi, subinde plusquam Radamanthea fuere.

Anno 1529. Theodorus Schlegel, Davosio oriundus, Abbas D. Lucii, in civitate Curiensi, à trium fœderum iudicibus, processu longo instituto, morti adjudicatus fuit, & capite mulctatus. Criminationis summa erat: Quod Ioanni Angelo Mediceo (qui postea Pontificatum Romanum adeptus fuit, & Pius quartus vocatus; frater Ioannis Iacobi, Mussii Castellani) favorem, opera & consilium, in adipiscendo Episcopatu Curiensi, promiserit: à qua civitate sedem suam Paulus Zieglerus, Episcopus

250 PALLADIS RHAETICAE  
Curienſis, ob articulos ante triennium  
ſancitos Epiſcopatui præjudiciales, ira-  
tus, Furſtenburgum tranſtulerat. Ioan-  
nes igitur Angelus, prætextu comitan-  
di ſororem ſuam, quæ Volſio Theodo-  
rico ab Alto Amiſio tum nupſerat, Cu-  
riam aut Furſtenburgum, in lectica, tan-  
quam valetudinarius, deferendus erat,  
Epiſcopo vero Paulo, conditio alia di-  
gna obtingere debebat. Abbatis autem  
detentione, omnia detecta & præpedita  
fuere. Gubernator etiam Valliſtelinæ,  
Georgius Belinus Davoſianus, Abbatis  
conſobrinus, qui conſpirationis etiam  
ſocius putabatur, Zuzium, in Engadi-  
nam ſuperiorem, captivus ductus, &  
rigide examinatus eſt, innocentia ve-  
ro ejus deprehenſa, liber iterum dimiſ-  
ſus fuit.

Anno milleſimo quingēteſimo qua-  
drageſimo ſecundo, Curia, aliqui Pen-  
ſionarii, & Regis Gallia ſtipendiarii, à  
judicibus ibidem congregatis mulctati  
fuere, & ad tempus acceſſu Senatus  
Rhætici, privati.

Sic etiam anno 1550. Davoſii, fæde-  
ris Decem-jurisdictionū homines con-  
venere. Penſionarios Coronæ Chriſtia-  
niſſimæ graviter mulctare. Tumul-  
tuarius admodum proceſſus erat. Sa-  
viebat populi pars maxime adverſus  
Ioannem

Ioannem Gulerum, Davosianorum Præfidentem, & Valentinum à Vazerino, alias Vallistelinæ Gubernatorem: quasi qui fœderis Gallici, cum Henrico secundo Rege renovati, articulos aliter populo proposuissent, ac Tabulæ ipsæ Confœderationis haberent. Tandem, re tota cognita, intercessione Helvetiorum & Vlderici Philippi Baronis ab Alto-Saxo, integritas horum & aliorum, pecuniaria multa affectorum, perspecta, ipsique pristinis dignitatibus restituti fuere.

Hoc ipso anno, die 23. Februarii, iudicio fœderis Decem. Iurisdictionum, reliquis duobus fœderibus inter se de præcedentia certantibus, ea Grisiæ adjudicata fuit.

Anno 1561. inter alias leges, llantii in Comitibus latas, Ordo Iesuitarum (quorum aliqui, Ponti, in Valletelina, virtute Legati cujusdam, sibi ab Antonio Quadrio Equite relictæ, sedem figere volebant) proscriptus fuit.

Anno 1565. Fortuna Radamanthæorum iudiciorum excepit Rodolphum à Salicibus, (postea Sacri Romani Imperii Baronem factum; ornamentum Helveticæ & Rhætici nobilitatis, in armata, & togata militia, splendidissimū) ac alios munerum & pensionum à Principibus exteris acceptarum accusatos. Iudicii



252 PALLADIS RHAETICAE  
dicii locus Zuzii erat, in Engadina superiori; hi enim cum inferioribus Engadinis, hoc præcipue iudicium exercebant.

Militiæ Ducis Rudolphi Salicæi, præcipua criminatio erat: quod Venetorum Reipublicæ subreptitiis trium fœderum diplomatibus, militem promississet. Misere istortus, purgatisque tandem suppositis indiciis, expensarum per solutione, dimissus fuit. Gallici etiam Pensionarii multati, & omnia in expensas sunt conversa.

Eodem anno post fata Thomæ Plantæ, Episcopi Curiensis, discordia nata est in electione successoris. Beatus à Porta Davosianus, potioribus Canonico- rum suffragiis eligitur. Bartholomæus à Salis Prægallus, jam tertio Episcopatum ambiens, aliquot Canonico- rum vota habet; & simul à Communitatibus fœderis Cathedralis expetitur. Res diu multumque acerbè disputata, tandem consensu partium, ad Pontificis Max. iudicium defertur: qui pro Beato pronuntiavit. Rhætorum deinde legati eos, anno 1568. amicabili decisione, ad concordiam deduxere.

Cum in adipiscendis officiis, tam in patria & Iurisdictionibus Rhæticis, quam apud subditos, mira vafrities introducta esset; ita ut præhensionibus, quæ per  
[crebras

crebras comestationes, & pecuniæ ac aliorum munerum distributiones, fiebant, (*præcticas* illi vocant) pleraque pessimo usu administrarétur; anno 1551. die 24. Ianuarii, severum edictum super ea re à tribus fœderibus, publicatum fuit: uti etiam, ne quis seditiones in Communitatibus excitaret: sed cum hæc temporis progressu negligerentur: Anno 1570. die 25. Octobris, in publicis Comitibus Davosii, eadem, majori studio, & comminatione pœnæ, inhibita fuere: Ne cuiquam, cujuscunque gradus & conditionis esset, liceret, directe nec indirecte, per se aut alios, in ambiendo aliquo Officio, sive Ministralis aut Oratoris, sive Præfecturæ apud subditos, vel cujuscunq; alterius nominis, prece pretiove ullo modo uti; idque ille juramento post promotionem suam, confirmare valeret.

Anno 1572. Status Rhætiæ nostræ admodum turbatus fuit. Conradus à Planta, I. V. Doctor, Decanus & Canonicus Curiensis, filius Ioannis à Planta, I. V. Doctoris, & Rhætii Domini, homo ambitiosus, habito consilio cum Vincentio Quadrio, Equite Pontensi, Voltureno, & aliis: à summo Pontifice, Pio quinto, Anno 1570. Breve Apostolicum, fruendi redditibus Ecclesiæ

D. Vr.

D. Vrsulæ, in Volturena Tili, sitæ, ob-  
tinuerat: qui reditus, consensu Senatus  
Rhætici, ab aliquibus Nobilibus ex fa-  
milia Guicciarda exigebantur. Mox, ad  
majorem corroborationem, eo ipso an-  
no 1570. prid. Kal. Martii, mittitur ab  
eodem Pontifice Bulla: qua; Motu (ut  
sonabant verba) proprio, non ad alicu-  
jus instantiam, (ad Nobilem virum Io-  
annem Plantam, quem Syndicum &  
Procuratorem suum, Epistolæ ante mis-  
sæ mentionem faciens, constituebat) ut  
omnia bona in Rhætia, Clavenna, &  
Volturena, ad Abbantias & Præpositu-  
ras pertinentia, & à personis inhabili-  
bus decupata, possit recuperare, eaque  
etiam propriis filiis concedere; judices  
vult esse, Episcopum Curientem & Co-  
mensem, pro placito Syndici: Præter-  
ea injungit Patriarchæ Alexandrino &  
Constantiensi ac Basiliensi Episcopis, fa-  
ciant præmissa ab omnibus, quos illa  
concernant, inviolabiliter observari; re-  
belles & contradictores, per censuras,  
sententias & pœnas, aliaque opportuna  
juris & facti remedia, appellatione post-  
posita, compescendo: invocato etiam  
ab hoc, si opus fuerit, auxilio brachii  
secularis.

Cum rumor ergo, de Brevi Aposto-  
lico & Bulla, increbresceret: Papa lite-  
ras



ras duas mitiores, primas mense Majo, posteriores decimo quinto mensis Septembris, exaratas, mittit: in quibus nulla mentio beneficiorum, in Rhætia dominante sitorum; sed tantum in Volturena & Clavenna; speciatim, Sanctæ Ursulæ Tiliæ & Sanctæ Margaritæ Truxivii, in Volturena, quæ à Monachis ordinis Humiliatorum possessa fuerant. Interim Anno 1571 Conradus, Decanus & Canonicus, possessionem Divæ Ursulæ Tiliæ adiit.

Res in Subcomitiis agitur: ubi Dominus Rhætii, Bullam cum literis Papalibus supra nominatis, trium fœderum Præsilibus consignat. Disceptatur, an Conrado Domini Rhætii filio, an vero Guicciardis, Præpositura Tiliæ relinquenda esset; Denique rem Communitatibus proponendam esse statuitur. Mox, tumultuante populo, æmulorumque turba conclamante, signa Rhætiae militaria Curiae convolant. Rhætii Dominus, captivus Curiam ductus, ibidem custoditur: filius Conradus & alii, fuga salutem quærunt. In magno plebis furore, iudicium constituitur: &, postquam ille rigidissimo torturæ examine diu cruciatus esset, prævalentibus suffragiis, morti adjudicatur: quam capitæ amputatione, mense Martio, Anno

1572. intrepide adiit: vir sane, qui se in functionibus suis, in Senatu, & legationibus Rhæticiis ac Volturenensibus, (ubi Vicarius, & secundo Capitaneus ac Gubernator fuit) magna cum laude gessit. Multi proscribuntur, & bonis plurimi mulctantur.

Necdum horum tumultuum finis. Anno enim sequente 1573. Thusciæ, oppido foederis Grisci, à congregatis iudicibus trium foederum, electi Officiales Præfecturarum apud subditos, quod muneribus & precio eas adepti essent, mulctati fuere; majorque pars iis privata. Aliquot etiam ex Rhætis, & subditis, in exilium misere: multos non exigua pecuniæ summa condemnare.

Helvetii confœderati, his & superioribus tumultibus, per Legatos suos, strenuam & fidelem operam, in componendis & conciliandis animis, navare. Tandem eorum opera, hoc eodem anno, defervente jam populi furore, Curia in Triclinio Episcopatus, iudicium aliud, ex trium foederum assessoribus, constitutum: ubi aliqui ex iudicibus Thusciæ ante congregatis, ob excessus, & proprii lucri studium, castigati; plerique, Curia & Thusciæ, ante, ut memoravimus, proscripti & mulctati,

multati, auditis illorum defensionibus & personalibus comparitionibus, patriæ, & pristinis honoribus ac dignitatibus restituti fuere.

Vt tumultus & furiosus concursus popularis imposterum evitarentur, suavis etiam Helvetiorum, sanctio constituta fuit, hoc ipso 1573. anno, trium fœderum sigillis (unde *Tabula Trium sigillorum vocata*) communita: Nempe, ut posthac non armorum terrore; sed placida juris forma, omnia deciderentur. Si quis ergo in jurisdictione contra avitam libertatem patriæ aliquid commisisse, aut molitus esse, aut quovis modo hujusmodi crimine contaminatus, deprehensus fuerit, ab ejus jurisdictionis hominibus judicio præfatis, meritas pœnas recipiat. Si oscitantia jurisdictionis pateat: fœdus, cui illa annumerata, rem, juris servata forma, aggrediatur: & hoc languente, trina tunc fœdera, ne malum crescat, inultumque maneat, auctoritate sua suprema, provideant. Si aliquis vero alterum injuria, proditæ patriæ libertatis, (frequentissima hæc tumultuantium cantilena est) aut alio quovis modo insimulaverit; & in probatione defecerit: ex lege Talionis reus ipse fiat.

Anno 1575. magni motus intra Engadinos

258 PALLADIS RHAETICAE  
dinos superiores, qui infra & supra fontem Merulam sunt, propter jurisdictionalia, aliaque inde dependentia, excrevere; ita ut fere ad arma devenissent: tandem vero Legati Gallici in Rhætia, Helvetiorum, & trium foederum intercessione, & juridica decisione, controversiæ decisæ fuerunt.

Publicam novem annorum quietem in Rhætia denuo turbant machinationes Rinaldi Testoni Mediolanensis mercatoris; sed ejus, qui foro cesserat. Hic, cum junctis sibi duobus aliis ejusdem farinae sociis, Ioanne Ambrosio Rubiata, & Carolo Balcono, à Cardinale Carolo Borromæo, Archiepiscopo Mediolani, & postea à Papa Paulo quinto, anno 1610. mense Novembri, canonizato, (ut fama constans erat) adjuti, connivente & assentiente Ducatus Mediolani Governatore, D. Carolo Taleavia de Aragona, Duce Terræ novæ &c. militem, qua possunt tecta silentii arte, conscribere incipiunt; & præsertim subditos ad defectionem, & conspirationem, si quos possint, sollicitate satagunt: cujus causa Gleram, in Triumpilinis Lacus Larii, veniens dictus Ioannes Ambrosius Rubiata, casu ibidem invento Andrea Morono Sondriense, homine plebejo, alioqui satis arguto, illi institutum suum aperit;

aperit; & de Volturenensibus aliquibus, conspirationis sociis, gloriatur. Hic magno quodam gaudio, propter religionis scilicet Catholicæ propagationē, se effusum simulat: & suo, & aliorum Sondriensium amicorum suorum nomine, tractatui subscribit. Mox amicis suis Sondrium scribit; ut rem totam Vallistelinæ Capitaneo, Rudolpho à Schavvenstein aperiant: ad quem, ne suspicionem Rubiatæ moveret, ipse scribere non audebat. Hinc benigne à Rubiata, cum plurimis pollicitationibus, dimissus, Ioannem Enderlinum Morbenii, & Ioachimum à lochberg Trahonæ, Prætores, ipsumque etiam Capitaneum, adit, ac rem totam aperit, qui veloci calamo Dominis suis omnia significant. Statim subditi aliqui, de quibus Rubiata sermones habuerat, Vincentius Maria Quadrius, Vallis Cancellarius, Fabius Quadrius, ambo Pontenses, & Ioannes Baptista Torellus de Villa, una cum ipso Morono, capiuntur. Torellus, quem Moronus cum Rubiata collocutū fuisse assererat, maioribus proinde indiciis aggravatus, mense Ianuario, Curiae constituto iudicio, acriter torquetur. In eadem civitate etiam custodiæ mandantur, Nicolaus Venosta Grosiensis, Præpositus Curienfis, & Vin-

260 PALLADIS RHAETICAE  
centius Quadrius, ibidem Canonicus,  
Cancellarii Vallis filius, qui etiam eodem  
tempore tortus fuit. Hi omnes tamen  
absoluto processu, ordineque iudicii ser-  
vato, indicia purgavere: nec infidelita-  
tis aut criminis læsæ Majestatis ullo mo-  
do rei inventi, absoluti fuere.

Mense Novembri, Anno 1584. Car-  
dinalis moritur. Illi nihilominus, Cardi-  
nalitæ pecuniæ nervis, ad extirpan-  
dam (uti vocabant) hæresin, in Italiæ  
finibus, destinatæ, aliquatenus corro-  
borati, in proposito suo pergunt. Pro-  
positum autem erat: Vallemtelinam,  
cum Comitatu Clavennæ deprædari; &  
si valerent, occupare, omniaque ad Ro-  
manæ sedis obedientiam pertrahere.  
Res vero aliquamdiu dilata fuit: quod  
non satis inter Gubernatorem, & Car-  
dinalem adhuc vita fruentem, de sum-  
mo militiæ Duce exercitui proponendo,  
conveniret: quem uterque ex suis ha-  
bere volebat.

Mox, anno 1585. mense Febuario,  
milites aliquot confinibus Vallistelinæ  
appropinquare incipiunt. Insidiis ita-  
que plane detectis; Rhæti undique ad  
Clavennam & Volturenam, sub signis  
suis militaribus, convolant. Fœdus Gri-  
sæum, Gaudentium à Casa nova, fœde-  
ris Præsidem; Cathedrale, Ioannem  
Paye-

Paverium, civitatis Curienſis Præto-  
 rem & Capitaneum; Decem-Jurisdictionum,  
 Florium Sprecherum, Equitem auri-  
 tum, Davoſianæ regionis Capitaneum,  
 patrem meum; ſummos belli duces ele-  
 gerant. Gubernator Mediolani ſe no-  
 ſtris Legatis excuſat: Rinaldum Teſto-  
 num cum ſociis, alio etiam prætextu,  
 cum res minus proſpere ceſſiſſet, pro-  
 ſcribit: diligens interim perquiſitio, ju-  
 dicibus à Rhætis ad hoc delegatis, de  
 conſpiratione aut colluſione apud ſub-  
 ditos ſuos, inſtituta fuit, & certi articuli,  
 quos Clavennates vocant, ab exercitu,  
 circa Reipub. adminiſtrationem, maxi-  
 me Valliſtelinæ, (ut qui officium habuiſ-  
 ſet, eo in poſterum abſtineret) conditi.

Incepta à Teſtono & ſociis perficere  
 tentat, anno 1591. Comes Scipio Gam-  
 bera, Brixienſis, patria patruelis ob e-  
 dem exul; ſpe magnorum præmiorum,  
 Gubernationis nempe ipſius Vallis adi-  
 piſcendæ, allectus. Hic in Volturena ſe  
 continens, quotidianis literis ſolicita-  
 bat, & ſolicitabatur ab Sfondrato, &  
 aliis Cardinalibus, & Romanæ Eccle-  
 ſiæ devotis Inquiſitoribus; qualis erat  
 ille à Monte Sancto. Tractatus, mox  
 exſequutioni mandandus, miro modo  
 Volturenæ Officialibus, Ioanni Plan-  
 ta, Rhætii Domino, & Vallis Gu-



bernatori; Herculi à Salicibus, Tirani Prætori, in cujus jurisdictione Comes degebat, quique proinde primus in cognoscendis insidiis fuit; & Antonio à Sonvig, ejusdem Vallis Vicario; & malefactorum judici, (omnibus tribus postmodum, Anno 1603. auratæ militiæ Equitibus creatis) innotescit. Capitur primo Ioannes Maria Lazonus Tirannensis, conspirationis socius, & quo pro suo secretario utebatur Comes: mox ipse Comes custodiæ datûr: afficitisque trium Fœderum Præsîdibus, aliisque ad hoc deputatis, morti adjudicantur. Comes ipse, gratia facta, mense Augusto Tirani decollatus; alter vero, in quatuor partes dissectus fuit.

Anno 1603. ultima Ianuarii, Curia, Reformatio Status Reipublicæ (qui, propter enormes præhensiones, corruptiones & Prædicas, admodum corruptus erat; præsertim in ambiendis Præfecturis apud subditos) anno priore corrupta, fuit continuata; Summa rei est: ut, quemadmodum ante sancitum fuerat, omnis corruptela, in electione cujusque officii, Legationis, aut quocunque alio nomine dici posset, sub gravissima pœna, vitaretur: Ex officiis & Præfecturis apud subditos, æqua distributione, cuique Communitati ex quolibet

bet fœdere, legitima sua portio, obtin-  
geret; servata tamen, in Cathedrali, ea  
distributione, prout inter eos jamdu-  
dum conventum esset: Electio officia-  
lium non, ut ante, à Senatu trium Fœ-  
derum, in Comitibus publicis, quovis  
biennio celebratis, fieret; sed ab ejus ju-  
risdictionis hominibus & populo, cui  
secundum distributionem institutam  
competeret: selectis nempe quatuor ex  
jurisdictione aptioribus, qui provectio-  
ris essent ætatis, annum nempe vicesi-  
mum quintum excessissent; inter quos  
forte deinde certaretur, ita ut, super  
quem ea ceciderit, officialis fiat. Qui  
semel officio functus fuerit apud subdi-  
tos, in posterum non amplius admit-  
tatur. Salarium quoque Officialium  
triplo auctum fuit. Comitibus posthac  
(ut alibi etiam innuimus) singulis an-  
nis celebrentur: & Syndicatorum, qui  
ad subditos singulis bienniis antea mit-  
tebantur, vices subeant Legati trium  
Fœderum, in iisdemque Comitibus: qui  
diligentem administrationis rationem  
ab Officialibus exigant. Et alia præte-  
rea; quæ hic recensere nimis longum  
foret. Ut autem hæc observentur: Cen-  
sores eligantur, qui transgressores pro  
meritis castigant, Ad puniendos maxi-  
me excessus Officialium, (uti consue-

264 PALLADIS RHÆTICÆ  
tum est subinde, post leges latas, ad sum-  
ptuum compensationem) Iudices trium  
Fœderum conveniant. Sic variam ibi  
censuram variis subjere.

Eodem anno 1603. D. Petrus Henri-  
quez Azevedo, Comes Fontium, pro  
Rege Hispaniæ Ducatus Mediolani Gu-  
bernator, & Capitaneus generalis in  
Italia, Rhæticiæ nostræ genti (quæ se  
aliis quidem fœdere, suo autem Regi  
hactenus jungere nunquam voluit) in-  
fensus, in ipsis confiniis Volturenæ,  
(neglectis pactis inter Franciscum se-  
cundum, Mediolani Ducem, & Rhæ-  
tos, anno 1531. initis, quibus cautum,  
ut Turris Oloniæ, cum Castro Mussi,  
destruerentur; nec unquam in illis con-  
finiis, in æternum aliud quicquam ho-  
stile erigeretur) loco eminenti, *Mon-  
teccio* proinde dicto, & quo Ioannes Ia-  
cobus Medicæus, Volturenam infe-  
stans, commode usus fuerat, cum pro-  
pe Turrim Oloniæ sit, (ubi etiam mu-  
nimentum minus, *Forticellum* dictum,  
fabricari hoc tempore idem Comes  
Fontium curavit, quo naves transeun-  
tes ad consignationem urgerentur) Ca-  
strum (propugnaculum ipse vocabat,) *Fuentes*, nomine suo insignitum, erexit.  
Diversæ propterea Rhætorum & Helve-  
tiorum ad eum legationes missæ, ut ab  
insti-

instituto desisteret, nunquam obtinere poterant. Rhætis se jugum imposuisse, ipse gloriatus est. Nostri vero illud postea, sepulturam Hispanorum, ob aëris intemperiem, qua multitudo plurima prædioriorum absumpta esset, vocavere.

Anno sequenti, omni commercio publico & comiteatu Rhæticiæ genti, cum Ducatu Mediolani, (uti anno 1544. post pugnam ad Cerisulam apud Subalpinos, Marchio Vastii, Gubernator Mediolani, iratus, fecerat, quo Rhætos à Regis Galliæ amicitia avelleret: sed cum hæc parum illi curarent, decretum mox suum revocavit) interdixit: Cum autem neque hac via nostros, ad acceptandas certas capitulationes, quæ tractabantur, pertrahere posset: etiam hoc interdictum, quod Ducatui Mediolani non parum incommodi afferebat, post sex menses iterum sublatum fuit.

Anno vero 1607. cum in confiniis Rhætorum miles undique fere conscriberetur, (motus enim magni inter summum Pontificem & Venetos erant) Rhæti nostri, pro præsidio, sex signa (mille & octingenti hi erant, selecti milites) in subditorum Volturenæ & Clavennæ tractum mittunt. Mox tamē militiæ nervus (pecuniā dico) deficit. Con-

266 PALLADIS RHAETICAE  
foederatorum certæ quidem erant sup-  
petiæ, sed admodum tardæ. Veneti in-  
terim, ex pacto foederis, sex cohortes  
Rhæticas, mille nimirum & octingen-  
tos milites, conscribere volunt. Inde oc-  
casionem nacti, qui Capitulationes cer-  
tas, cum Statu Mediolani Rhætis in-  
eundas, aliquamdiu jam, sed irritò co-  
nato, tentaverant, populi concursu ex-  
citato, extrema quæque moliuntur.

Primi ergo illorum sunt homines, ex  
jurisdictione Bellofortensi; qui nempe  
ab altero Castri Bellofortensis latere,  
Vatium versus, habitant. Hi, anno 1614.  
Davosii, judicio super eis, à foedere De-  
cem-Jurisdictionum, in quo sunt, insti-  
tuto; propterea quod, contra tenorem  
tabularum foederis ipsorum, insciis  
& renuentibus cæteris jurisdictionibus,  
Capitulationes Mediolanenses iniissent;  
à foederis communione suspensi fuere.  
Mox illos sequuntur Coriovantii; sta-  
tim Scanavicenses; inde Quatuor Pa-  
gici. Et sic undique emissis nuntiis, ne-  
cessariam patriæ defensionem præten-  
dentibus, contra adventantes Lotha-  
ringos, à Venetis conductos; (quorum  
tamen nullus hac de re ex patria se mo-  
verat) omnes Rhætiae jurisdictiones,  
præter Misauco, (qui, cum in confi-  
niis Insubriæ essent, Legatos suos ha-  
bebant)

bebant) erectis signis militaribus, armataque manu Curiam convenere. Hi miris modis in Senatum quindecim virorum, quod Concilium secretum vocabatur, non multo ante, pro securiori & secretiori Reipublicæ (quæ ob Fontejum fortalitium, sollicitatasque Mediolanenses Capitulationes, admodum turbabatur) administratione, & quidem consentiente populo, ad tempus, institutum, fuit debacchatū. Hos quindecim, vox populi erat, Principibus confœderatis transitum itinerum, in certa mensura, uti addebant, longitudinis & latitudinis, vendidisse.

Congregato Consilio Curix: potioribus suffragiis, (multis tamē etiam fœdera in omnibus, rata volentibus) statuunt: Principibus cōfœderatis se transitum nullum, per suas regiones, concedere velle, eo quod in propositione articulorum fœderalium, non fuerit plena ejus rei coram populo facta mentio: & proinde hanc fœderum moderationem quandam vocabant: cujus monimentum, una cum aliis non inutilibus constitutionibus, colorem & fucum negotio addentibus, publicis obsignatis literis, posteritati commendaturi essent.

Georgius Belinus à Bello forti, Cæsareꝝ  
Majestatis

268 PALLADIS RHAETICAE  
Majestatis &c. Consiliarius, & Castr  
Castrensis Praefectus, tunc Curiae resi-  
dens, una cum Capitano Casparo Ba-  
selga, apud Suprasaxenses quondam Prae-  
fecto, & aliis nonnullis, custodiri dantur.  
Helvetii interim suos Legatos, ad sedan-  
dos animos, & res amice componen-  
das, mittunt; sed nihil efficiunt: imo fu-  
ria agitati aliqui, contumeliosis verbis  
eos incessere non verecundantur. Iudi-  
cium statim (uti moris semper fuit) in-  
stituitur, & satellitio magno stipatur:  
caeteri domum redeunt.

Ioannem Gulerum à Veineck, Equi-  
tem Auratum, & Praesidiariorum in Val-  
letelina & Clavenna Archistrategum,  
(quo juris fundamento, illos met igno-  
rare puto) cum bonorum publicatione,  
perpetuo proscribunt. Sic & alios quam  
plurimos Rhaetiae magnates, qui cum  
Gulero, populi furori cedentes, ad vicia-  
nos Helvetios se contulerant, tumultu-  
osissimo processu, maxima pecuniae  
summa condemnant, honoribusque (ut  
ajebant) & dignitatibus privant.

Supererant adhuc (uti diximus) mul-  
ti boni viri, quibus illa foederibus dero-  
gans sanctio, & inauditus hic proceden-  
di modus, displicebat. horum animos  
erigebat adventus aliorum generosorum,  
ex praesidio Vallistelinæ & Clavennæ:  
qui



qui illa tamen loca, honesto præsidio, & vallis constructis, munita reliquerant. Itaque communicatis consiliis, erectisq; iterum vexillis forti & intrepida manu Curiam repetunt: Literas illas Moderationis fœderum & aliorum, in frustra discissas, abolent: Constitutiones alias honestas, & fœderum confirmatorias, erigunt.

Georgius Belinus à Belloforti, & Caspar Baselga, adhuc custoditi, gravi torture examini & quæstioni subjiuntur: mox etiam præcipue ob pecunias & munera à Ministris Hispaniæ Regis accepta, morti, per capitis obtruncationem, adjudicantur. Tumultuaria admodum erat exsecutio: quam tamen illi intrepide & pie adiere.

Alius etiam iudicii locus, oppidum Ilantium nominatur. Otiosi interim Curia, præter morem, erant iudices veteres, cum suo satellitio. Quid igitur fit? Davosii jam mense Iulio celebrabantur ordinaria Comitia, rationibus ab Officialibus exigendis, & subditorum appellationibus & gravaminibus audiendis, destinata. Mittunt ergo illi, ex satellitibus suis, circiter quadraginta: qui (ut aliquid, quod agerent, haberent) Franciscum Paravicinum Volturenū captivum faciunt. Davosiani vero, cum  
iudicii

270 PALLADIS RHAETICAE  
iudicii locus, pluribus Communitatum  
suffragiis, denuo, in his ipsis Comitibus,  
Mantii nominatus esset, & Curiae con-  
gregatis potestas ulterius procedendi sub-  
lata; Helvetios etiam, ut amicabiles cō-  
positores, (salvis semper privilegiis &  
juribus patriae libertatis) audire vellent:  
eundem captivum eis, & arma, dum se-  
curi in hospitio comessantur, Duce Io-  
anne Sprecherō, fratre meo, Vicariatus  
munere apud Volturenos modo functo,  
viro intrepido, eripiunt; ipsumque, do-  
nec ulterius in Communitatibus delibe-  
raretur, custodiunt: vicinis iurisdictioni-  
bus, ipsi & iudicio Curiae, facti sui cau-  
sam, amico scripto indicant. Vacua au-  
tem, totaque irata hæc turba, Curiam  
diversis itineribus, ubique populum,  
dira quæque contra Davosianos evo-  
mens, concitando, redit: mox ulturi,  
ut aiebant, injuriam. Iudices cum custo-  
dibus suis, asscitis etiam multis ex civi-  
bus Curiensibus, Quatuor Pagicis, &  
toto Decem-Iurisdictionū fœdere, (præ-  
terquam ex dominio Majevillano; unde  
quadraginta tantum, defervescente jam  
tumultu, bono & sedato animo adven-  
tabant) Davosium, sub noctem, arma-  
ta manu veniunt. Davosiani, classico  
& signo per totam suam iurisdictionem  
dato, subito excitati, in curia sua, loco  
pro

pro more regionis ample, & ad resistendum apto, trabibus & saxis undiq; comportatis, quo valent modo, se communiunt: turri etiam templi, & aliis contiguis curiæ ædibus, scloppetarios aliquot imponunt.

Postero die à prandio (cum animi vino magis incaluisse) cōsiliū ineunt: mox ad curiam veniunt, & literas Curiae ultimo conceptas, Confirmatorias nempe fœderum, quarum exemplar, quod erat fœderis Decem-Iurisdictionū, penes alias scripturas Davosii, de consuetudine & jure, asservabatur, una cum aliis rebus, & privilegiis, quorum custodia ad illos minimè spectabat, ingenti excito clamore, & minis, expetunt. Davosiani literas ex curia, per Cancellarium suum, eis prælegere consentiunt. Vix jam lectio cœpta erat: cum totis viribus, & summo armorum impetu, fores curiæ infringere tentant. Davosiani intrepide vim repellere parant. Singulari autem dexteritate & fortitudine, Capitanei Florii Sprecheri, Equitis aurati, Davosianorum tunc Præsidis, parentis mei colendi, atque etiam D. Præsidis, Salomonis Buolii, (quos illi omnes, etsi exacerbatissimis animis essent, propter canitiem & sinceritatem, venerabantur) res aliquantulū sedata fuit, &

272 PALLADIS RHAETICAE  
ab armis discessum. Re infecta ergo (Davosiani enim ipsi captivum Curiam deduxerunt) domum illi remeant.

Mox in plerisque locis, alii iudicantes à Communitatibus, loco priorum, eliguntur: armata & sevens custodum cohors tollitur. Isti ergo, Ilantii congregati, & potiore populi voto, Curiae per tumultum condemnatos, & absentes à patriis laribus, in integrum restituit; ac de novo, libero accessu omnibus per fidem publicam dato, audiunt. Tum Gulerus, cum aliis præclaris viris, qui populi furori prius cesserant, pristinis honoribus ac dignitatibus sunt restituti: quos nihilosecius, ad ingentes expensas dissolvendas, non exiguam pecuniae summam contribuere oportuit.

Alii, (sive Communitates, sive privati essent) qui, contra potiora trium Foederum vota, Capitulationes Mediolanenses inierant, haud parvo expensarum discrimine mulctati fuere: aliqui in exilium acti: aliqui honoribus & dignitatibus privati; quibus tamen successu temporis, venia & indulgentia data est. Atque ita seditio, cum præterlabente anno, detumescit.

Historiam hanc Rhæticam, septē annorum proximorum, sequentibus versiculis comprehensam, apponere libet:

Fœderi



Foederi junguntur: confurgunt moenia: frustra  
 Tentatur cum Fonte reconciliatio: miles  
 Praesidio Valli datur. Expetiere cohortes  
 Rhæteas Veneri. Hinc Hispanica factio signa  
 Excitat; & coeunt furiosa mente coloni.  
 Belinus capitur: franguntur foedera. vexat  
 Hinc censura patres. Fugere malique bonique  
 Rustica turba redit. tunc vires fracta resumunt  
 Foedera. cum socio medius cadit ense Belinus.  
 Rhætia tota fremit: Magnatibus ultima quæq;  
 Intentat vulgus. Mutatur mox locus & mens:  
 Iusque datum est alibi. Redeuntque bonique  
 malique:  
 Mulctanturque simul, magno haud discrimine,  
 cuncti.  
 Plebs luit impensas, pretiumque ob stulta re-  
 portat  
 Facta suum. Inficiare, malum hoc generale  
 fuisse?

## Numerale Distichon.

ConsVrgVnt VeXILLA, trVCe & Ca-  
Dit ense BeLinVs:

Diff Vgl Vnt proceres: Rhatla tota f Vrlt.

Aliud.

*RVſICatVrbafVrlt: Magnates Rhaetia  
pellit.*

EXpos<sup>us</sup> Vltq<sup>ue</sup> ensI tVnC CoLLa BeLI-  
nVs aVaro.

## Anno

DeMentia RVSTICA.

Anno 1612. in Comitibus publicis Curiae habitis, Ordo Iesuitarum, qui in partibus Volturenæ & Clavennæ nidum fingere volebant, (uti jam ante, anno 1561. constitutum, & anno 1600. reiteratum fuerat) in perpetuum proscriptus est; citra ullam libertatis religionis Catho-

274 PALLADIS RHAETICAE  
licæ, cum Miſſæ exercitio, derogatio-  
nem: tantum ne ſtatus politicus turba-  
retur. Et mihi quidē, tunc optionis mu-  
nere apud ſubditos Tranſalpinos fun-  
genti, una cum Officialibus Rhætis ibi-  
dem, provincia executionis data fuit.

---

L I B E R S E P T I M V S.

**C**VM Pontificatum Martinus  
Quintus, Imperium Roma-  
num Sigismundus Auguſtus,  
& Episcopatum Curienſem,  
Ioannes Abundius Naſo, regerent: fœ-  
dus Griſæum initium ſuum ſumpſit. In  
regione ejuſdem Fœderis, rerum tunc  
potiebantur Petrus Pulſtingerus, Abbas  
Diſertinenſis; Ioannes Henricus & Vl-  
dericus Bruni, Barones à Rhætio; Ioan-  
nes à Sacco, natus Comes Miſauci; Hu-  
go, Rudolphus, & Henricus, Comites à  
Verdenberg.

ſtatus plebis ſubjeſtiſſimæ calamito-  
ſus & miſerandus erat. Domini plerique  
juvenes, venationibus, aucupiis, & aliis  
libidinofis exercitiis dediti erant. Præfe-  
cti, & Conſiliarii non niſi deglubendo  
gregi ſtudebant, ſi quas ædes, prata, ar-  
menta, aut alia ruſtici haberent, quæ  
præſectis placerent, injuria aut vi eis e-  
ripiebantur: & quod atrociffimum erat  
uxores

uxores in conspectu maritorum, filia in praesentia patrum, funibus alligatorum, violabantur: esum cum suis & gallinis sumere cogebantur. Hæc lamentabilia si ad Dynastas deferrentur: ipsorum alii in eodem luto hærebant; alii surda alioquin aure præteribant. Petulantia autem Præfectorum Henrici Comitis Verdenbergici cæteros anteibat. Nec solum se intra cancellos suæ jurisdictionis quisque continebat: sed etiam prædam ex alterius jurisdictione abigebat. Sic etiam ab Episcopatus Curienfis hominibus multa iniqua perpetrabantur: ut ne quidem ab uno ad alium locum, ob raptos, tutus accessus esset. Nullus enim facile, qui jus proinde diceret aut administraret, inveniebatur.

Profectiores itaque aliqui ex Communitatibus, memores adhuc antiquæ libertatis, & exemplo vicinorum Helvetiorum erecti, aliquoties nocturno tempore, (summopere enim actus eorum observabantur à tyrannis; quorum animus nunquam est tranquillus) in sylva, infra pagum Tronum conveniebant, consilium captantes, de securiore statu adipiscendo, tyrannicoque impetu & violentia per legitimos modos refræmandis. Vnanimis itaque votis delibe-



rant ( ut qui non solum Magistratui, quantumvis improbo, obediendum; sed eundem quoque officii admonendum esse, ex divinis oraculis accepissent ) Dynastas ipsos quemque in sua jurisdictione, per Deputatos, ætate & canitie, grætoque amictu, venerandos, iterum interpellare. Illi, officio diligenter functi, injurias ac vim Præfectorum minutim enarrare; simul etiam, quæ à vicinis nonnullis prædatoribus paterentur, adjungere: obnixè à Dominis perentes, ut his calamitatibus & oppressionibus tyrannicis, uniõne inita, provideant; iudices, certamque juris & justitiæ administrandæ formam constituent, paratum vicissim animum suum, ad mutuum auxilium, libere aperientes.

Abbas itaque Disertinensis, vir pietate, doctrina & probitate conspicuus, & ibidem ex bona familia natus, ( quæ etiam antehac vim & injustitiã passã erat ) libens annuit; negotium promovet, ac juvenibus Baronibus Rhætii, sibi à tumultu timentibus, persuadet. His interea cum Episcopatu Curiensi varia dissidia fuerant, ut etiam ad apertum bellum ( uti libro tertio diximus ) res devenerit: quæ nec dum sopita erat.

Ioannes, Misauri Comes, etsi Philippo Mariz, Mediolani Duci reconciliatus  
videre-

videretur, eumq; in fœdere exciperet: tamēn nec ab eo, nec ab Helvetiis, quibus Biltionam vendiderat, firmā sibi amicitiam promittere poterat: Episcopo Curiensi autem, & Henrico Verdenbergico, infensissimus erat. Subditi insuper à Castellanis pressi, constantissime instabant. Misauicinam autem Vallem ille sibi reservabat, horum ope refrœnandam: quæ postea anno 1496. sub Ioan. Iacobo Trivultio, in fœdus etiam recepta fuit.

Hugoni Comiti Verdenbergensi, cum agnato Henrico, nōn usque bene conveniebat, proinde & ipse licet invitus, votis subditorum annuit. Henricus autem, Comes Verdenbergæ, nihil nisi vindictam & minas spirans, & ab Episcopo Curiensi, aliisque libertatis avitæ inimicis, instigatus, fœdus & omnem animorum conjunctionem respuit; imo durius adhuc subditos tractat.

Medio itaque mense Martio, Anno 1424. Troni, sub arbore Tilia, ubi sacellum Sanctæ Annæ est, in nomine Sanctæ & Individuæ Trinitatis, fœdus perpetuum, decennio quoque renovandum, sancitum, ac decem articulis comprehensum est. quorum præcipui sunt: Ut mutuus & individuus amor, auxilium, liberumque commercium vi-geat; itinera à prædatoribus tuta

278 PALLADIS RHAETICAE  
reddantur; uniuscujusque jurium & privilegiorum publica, privataque defensio ineatur; nemo, nisi communi consilio, in fœdus recipiatur; æqua manubiarum, justo bello acquisitarum, divisio fiat; formaque juris, in controversiis decidendis, certa præscribatur. Locus Congregationum ordinariarum fœderis, Tronum statuitur.

Fœdus hoc ingressi sunt; prædictus Petrus Pultingerus, Abbas Disertinensis, cum Disertinensi & Vortienſi jurisdictione; Ioannes Henricus & Vldericus Brunii, fratres, Domini à Rhætio, cum suis jurisdictionibus, Rhætienſi, Superſaxenſi, Struſſavia & Tenna; Comes Ioannes à Sacco, natus è Misauco, & ejus jurisdictiones, Ilantium nempe oppidum, & Fovea tota, Vallis Leguntina, Vallis Sancti Petri, & Flemium; Hugo Comes à Verdenberg, & ejus jurisdictiones, Trimontium altum, cum Taminio, Leuvenberg, & Schlevenio; Liberi de Laaxio, qui sub Rodolpho, Ioannis filio, Comite à Verdenberg, erant; ex Henrici Verdenbergici Comitſ jurisdictionibus, domino non consentiente, Minſtralis & Communitas in Valle Rheni Sexamnio, Thuſciensſi, Montana & Cepinensſi jurisdictione; omnes pro se ipsis, & hæredibus, ac successoribus suis.

Abbas

Abbas reservavit in fœdere, Vranios, Suitios, & Subfylvanos Helvetios: Domini à Rhætio, & Ioannes Misauçi Comes, Dominum Mediolani, & quæ suum honorem & juramenta concernerent, ante hoc fœdus præstita.

Henricus Verdenbergicus interim, auxilio Episcopi Curienfis & aliorum, à Pontifice Romano, & Imperatore Sigismundo, excommunicatione, ac proscriptionem contra subditos suos, tanquam rebelles obtinet: quæ duo fulmina, eadem die, populo denuntiantur & intimantur, sed cum neque sic eos detertere atque ab inita unione segregare posset; illique castra ac loca sua, ab ipsius Castellanis derelicta, communiret, cum adjuncto sibi Henrico Barone à Rhætio, (nam Barones etiam fœderis initi, quo ceu fræno aliquo cohibiti, pro libitu grassari in subditos non possent, pernituerat) de opprimendo populo conjurat; nomine conjurationi huic, Nigraliga, (testeras enim nigri coloris habebant) indito.

Anno itaque 1450. Comes Henricus Sexamnienses opprimere statuit; apud quos munitissimum castrum Berenburg erat: missò, ex Comitatu Sarunetum, Ioanne à Rechberg, duce suo, cum instructissimis copiis, per montem Gongelium.

280 PALLADIS RHAETICAE  
gelium. Hæ nocturno tempore , per  
Tamminium & Rhætienſem , Monta-  
namque jurisdictionem ſummo ſilentio  
tranſeunt. Baro Rhætii Henricus , om-  
nium conſcius ; ſubditis ſuis dicit ; ut  
ne ſi quid ſtrepitus audirent , proinde  
moverentur : ſe enim , cum aliquibus  
Nobilibus , venationi indulgere velle.  
Cum ſic jam in Sexamniensẽ tractum  
veniſſent : vias ubique , in ſtriſtiſſimis  
oſtiis , Viamalæ , & alibi , obſident ; ne  
quis auxilio Sexamniensibus eſſe poſſet.  
inde ſe ad caſtrum Berenburg conſerunt ;  
inſidiisſque ſtructis illud occupare ten-  
tant. ſed in actu ipſo produntur , & ſta-  
tim ad arma undique conclamatur.

Sexamniensẽs Confœderatis , celerri-  
mo curſu , per Stuſſaviam , ubi iter aper-  
tum erat , nuntium mittunt : hi , per  
eandẽ viam , cæteris omnibus præ-  
cluſis , intrepida manu adſunt ; & con-  
junctis viribus , Rechenbergicum exer-  
citus trepidantem cædunt , & fugant :  
è quo multi verſus Vallem Rheni ſalu-  
rem quærunt ; ibique ab incolis truci-  
dantur. Berenburgum itaque illi & iti-  
nera liberant , & ſtatim recta via Rhæ-  
rium tendunt : Henricum doli conſcium  
ex improvifo capiunt ; & Valendaun-  
um deducunt : jamque communi judi-  
cio , uti ſœdiſragum & proditorem , ca-  
pitis

pitis damnant. Carnificem, ab eo veniam petentem, vicissim captivus (cum præpinguis esset) orat, ut uno ictu sibi caput amputet. Ille agilitatem suam ostentâs, gladio semistriâto capillum, lenioris halitu, in illum impellit & dissecat: Baro totus horrens & oscitans, à servo suo salutare consilium accipit: ut nempe militibus, in mortis solatium, prandium parari jubeat, Cerere & Baccho maxime ditatum, id quod statim executioni mādatur. Exhilaratus jam militum animus erat: cum interim ille familiaris, de mensa in mensam, illos benignis verbis interpellat; & culpam Baronis juvenili furore agitati, qua ratione potest, excusat; ac pro illius redemptione sollicitat. Animi leonum, naturam agnorum (quam multis vinum tribuit) induunt; & vocibus elatis, vitam Baroni condonant; qui coram eis semimortuus adductus, & in genua prolapsus, supplices gratias agit: fœdamque illam & atram conjurationem abnegat ac deestatur.

Henricus Verdenbergicus, spe omni ex sinistro eventu frustratus, fatis mox cedit. Hujus ergo filius Georgius, postmodum jura sua, in Thusciensi, Montana, Cepinensi, Sexamniensi, & Vatiensi superiore jurisdictione,

Episcopo Curiensi, vendit: Vallem-Rhe-  
nanam & Stussaviam (hanc à Dominis  
Rhætii acquisiverat) Ioanni Iacobo Tri-  
vultio cedit: ipse tantummodò Orten-  
steinum retinet.

Correcto ita per fœdus Reipublicæ sta-  
tu; juris publici administrandi forma  
certa, communi consensu sancitur, &  
articulis quibusdam comprehenditur.  
Inde nomen, Literæ Articulorum (*Ar-  
tikelbrief.*) Caput & Præses fœderis,  
quem iudicem Provinciale ( *Land-  
richter* ) vocant, eligitur. Hujus autem  
electio hodierno tempore ita fit. In festo  
Georgii, Oratores totius fœderis, trigin-  
ta nempe duo (computato etiam Ab-  
bate Disertino, Domino Rhætii, & ele-  
cto, quem illi Caput vocant, quique  
nomine Communitatum, Comitibus  
de Misauco initi fœderis tempore pa-  
rentium, comparet) Troni congregan-  
tur: iudice Provinciali superioris anni  
his adjuncto. Primo anno Abbas Di-  
sertinensis, ex jurisdictione Disertina,  
tres plerumque, raro plures, nominat.  
Altero anno, Dominus Rhætii, ex juris-  
dictionibus, Rhætiensi, Vortiensî, & Su-  
prasaxiensî, totidem eodem modo no-  
minat. Tertio vero, jurisdictiones ipsæ,  
Leguntina, Fovensîs, & Fleniana, certo  
inter se ordine, ut Fleniani quintam  
partem;



partem; cæteræ duæ æqualem portionem habeant, Vnum eligunt, qui loco Comitum à Misauco, (quibus Episcopus Curienſis ſucceſſerat; à quo tamen illæ pecunia ſe redemere (ut prædicti ſuis annis fecerant, ex dictis iurisdictionibus aliquem nominet. Et hi ſunt tres antiqui Dominatus, ex quorum iurisdictionibus iudices Provinciales eſſe oportet. His ita ſuo loco & ordine propoſitis, ſuffragia Oratorum à iudice Provinciali ſuperioris anni, colliguntur, & potioribus agitur. Quod ſi quis ex Oratoribus congregatis nominatur, ſuffragari prohibetur. Paribus autem votis exiſtentibus Præſes concludit. Magiſtratus Præſidis annuus eſt. Ab eiſdem Legatis, deinde Cancellarius, & Apparitor fœderis eligi ſolent; appellationeſque totius fœderis audiuntur; ac controverſiæ dirimuntur.

Fœderis totius Conventus magni octo ſunt: Iurisdictiones autem minores viginti duæ; tot enim Miniſtrales numerantur. Ordinem in Comitibus publicis trium fœderum, quoad præminentiam, hunc ſervant: Diſertinum, Vallis Leguntina, Fovea, Flemium, Vurtium, Rhætiū, Superſaxum fœderis Grifæi, Laaxium Vallis-Rheni, Sexamnum, Thuſcia, Montana, Sclevenium, altum Trinum ſeu

284 PALLADIS RHAETICAE  
seu Trimontium, Taminium, Vallis Sancti Petri, Stusslavia, Cepina, Tenna, Misfaucum, Rogoretum, & Calanca.

Nos jam, situs ratione, singulas brevissime describemus.

Disertinum, à Cœnobio ibidem, in deserto loco fundatum, nomen adeptum est: de cujus principio & fundatione hæc accepimus.

Temporibus Dagoberti, Francorum Regis, Columbanus, vir pientissimus, natione (ut creditur) Hybernus. Christianæ fidei propagandæ, Hyberniam cum multis discipulis reliquit; & in Burgundia, postquam diu in Gallia commoratus fuisset, monasterium Luxovium fundavit. Relicto ibidem Eustasio discipulo pro Abbate, in Helvetiam venit: ubi Sanctum Gallum discipulum quoque reliquit; Postea, per Rhetiam, in Italiam profectus, & ab Agilulpho Longobardorum Rege adiutus, Cœnobium Bobii fundavit. In Leontis autem, apud Vrsellanos, Anno 614. reliquit discipulum Sigisbertum, solitariae vitæ deditum. Ab Vrsellanis superato monte Crispalta, ad Aetuaris venit: ibique in loco sylvestri, & maxime tunc opaco, proinde Disertina dicto, cellulam sibi quoquo modo parat. Mox à populo circumvicino,  
ob vi-

Ob vitæ sanctimoniam visitatur; & sectatores atque discipulos alios nactus est: inter quos conspicuus erat Placidus, eis in regionibus clara familia natus, vir fortis, & vitiorum acerrimus reprehensor.

Erat Rhetiae tunc Praeses, Victor Comes, homo tyrannicus, iniustitiae, libidini, omnique vitiorum generi deditus. hunc Placidus, tanquam alter Baptista Herodem, ad poenitentiam vocabat. mortem itaque ei minatur tyrannus. cuius iram ut effugeret Placidus; iter ad Sanctum Sigisbertum Praeceptorem parat: sed à satellitibus Victoris captus, decollatur. Caput, (uti Sanctus Gaudentius Casatii in Pragallia) velo mulieris sibi obviam factae involutum, ad Sigisbertum, truncus ipse, (ut antiquitates Monasterii tradunt) defert; ibique humatur: ubi templum in ejus honorem erectum, & à multis Imperatoribus ac Principibus, etiam Tellone Episcopo Curienti, praedicti Victoris tyranni filio, (quum Victor, post facinus in Placidum perpetratum, de Ponte in Rhenum decidens, misere, justo Dei judicio, periisset) ditatum fuit.

Abbatia est Ordinis Sancti Benedicti; cujus primus Abbas Sanctus Sigisbertus, uti fundator, numeratur. Reliquorum catalogum, prout habere potuimus,

286 PALLADIS RHAETICAE  
 mus, ( multa enim monumenta hujus  
 Cœnobii, igne absumpta periere ) nudè  
 ascribemus. Adelgundus seu Adelgor-  
 tus: Vldaricus, anno 1048. Valtherus,  
 1140. Hugo, 1180. Albertus, 1207. Ru-  
 dolhus à Rychenstein, 1283. Doricus  
 Baro ab Attinghausen, 1304. Iacobus à  
 Buchorn, 1314. Conradus; Vilhelmus,  
 1321. Martinus à Saxo; Ioannes, 1371.  
 Conradus, 1393. Petrus à Pultinga, 1404.  
 Nicolaus à Marmore, 1456. Ioannes à  
 Schneck, 1472. Ioannes Brugger, 1497.  
 Andreas de Falera, 1510. Martinus Vinck-  
 ler, 1526. Iosias Kreien de Raseino, 1535.  
 Leonhardus Fierer, 1536. Paulus Nico-  
 laus, 1551. Christianus à Castelberg, 1567.  
 Nicolaus Dironus de Trono, 1584. Iaco-  
 bus Bundius de summo Vico, 1593. Se-  
 bastianus à Castelberg, de Disertino,  
 1614.

Inter alia vetera privilegia hujus Cœ-  
 nobii legitur Instrumentum: in quo,  
 Anno 940. Otho primus Imperator,  
 donavit monasterio Disertinensi in Æ-  
 tuatiis, Villam Pfaffinghoven, in Ducatu  
 Allemanniæ, & in Comitatu Hattonis  
 Comititis, cum decimis & juribus omni-  
 bus ad illam pertinentibus: item Curté  
 Amedes, in provincia Rhætiæ Curiensis,  
 in Comitatu Adelberti Comititis, cum  
 suis juribus & pertinentiis.

Abbas

Abbas privilegia sua, in electione Iudicis Provincialis, uti diximus, atque etiam in jurisdictionibus Disertinensi & Vortien- si, ut audiemus, retinet: præterea jus cu- dendæ monetæ habet. Apud proximos Vrsellanos certis juribus & immunitati- bus utitur. Ministralis ibidem electus, Abbatem accedere; ab eo officii exer- cendi jus recipere; & in signum ejus- dem, Abbati chirothecas albas offerre, tenetur.

Vrsellani, anno 1410. perpetuo juris municipalis vinculo, cum Vraniis se cō- junxere; cœnobio Disertinensi jura sua reservantes.

Jurisdicção in quatuor (ut vocant) Curtes dividi solet:

1. Disertinum; ubi Cœnobium, quò viculi spectant: Sanctus Ioannes, Sen- gium, Saxum, Brulsum: ubi castrum ejusdem nominis, & in proximo eodem tractu Castrum Rigiſum, fuit.

2. Vallis Ætuatia: ab Ætuatiis popu- lis, hujus regionis antiquissimis incolis, (quorum Strabo lib. 4. meminit; & qui postea corruptè Tuverasci dicti sunt) nomen habet. Fuit ibi Castrum Pult- menga, & Viciniæ, Sylva, Sanctus Iaco- bus, S. Vigilius, Cumanilsum, & Cimun- tium, (*summum montis*) ubi Rheni an- terioris nobilissimi fluminis, in monte Crispalta,

Crispalta, origo est, prope summas alpes, sive montem Gotthardum & Vrsariam; quam ab altero latere Bicornus, seu Furca mons claudit; assurgente in medio supra omnes Gotthardo. Ex Bicornio Rhodanus oritur; & ex Grimselio, Bicorni parte, Arula, quæ mediam Helvetiam secat. Et sane inter triû horum clarissimorum fluminum fontes, vix 20000. passuum intervallum est. Inter Arulam, Rhenumque ex capite Gotthardi, Vrsæ scaturigo est: & ex opposito, Italiam versus, Ticini. Atque ita hæc quinque flumina, pentagoni in modum, ad diversas Mundi plagas diffunduntur. In Valle Ætuatia, multa crystallæ effodiuntur: & ibidem in sylva, Seisa vocata, signa salis in lapidibus apparent, qui facile excoquuntur.

3. Brigelia parœcia, cum Darpagauso, Danisio, & Vallis Medela. Huc spectant viculi: Curallia & Platta. Trita hic via est, per Lucumonem montem, (hic nomen accepit à Lucumone Thusco, qui cum Rhæto in hæc advenit loca) sive S. Barnabæ, ut hodie vocât, in proximam Vallem Pleniam, seu Breuniam. Ex eodẽ monte, qui Adulcæ membrum est, Rheno tertium fontem, quem mediû vocant, aliqui assignant: qui se, prope pontem Disertinum, cum anteriori jungit.

4. Tronum; locus ob congregationes fœderis celebris. Ibi prope Castrorum Crestatiæ & Fryberg rudera cernuntur. Illi annumerantur hi pagi: Summus vicus, ( ubi castrum Alcum-Balconum fuit ) Cingiacum, ( *Rinckenberg* ) (ubi castrum ejusdem nominis & aliud, Birsellum dictum, stetit: eodem loco fodinæ etiam argenti & cupri feraces sunt ) Compallium, Tironum, & Daruella.

Senatus major, Disertini ex 40. viris, & insuper Ministrali constat. hi etiam cum conventualibus, ad electionem Abbatis concurrunt: & Criminales causas administrant. In civilibus & matrimonialibus, quindecim ex his jus dicunt: in matrimonialibus tamen, ( uti per totam Rhætiam ) suos Ecclesiasticos consulere solent. Dimidia mulctarum pars Abbati cedit: altera Communitati, per jus ab Hugone Comite à Verdenberg acquisitum; qui emptionis contractus, à Ruperto Romanorum Imperatore, Heidelbergæ, Anno 1408. approbatus & confirmatus fuit: detractis semper prius expensis judiciariis.

Secundum conventum magnum, ratione situs, Vurtium, Suprasaxum, & Laaxium, constituunt.

Vurtiû ( *Valtenburg* ) ad sinistram Rheni  
T ripam



290 PALLADIS RHAETICAE  
ripam positum est. Quatuor ejus præci-  
pue Viciniae. 1. Vurtium ipsum ; ubi  
propè in parvo circuitu castra fuere ,  
Mons Sancti Georgii, Vogelsberg, Gruë-  
fels , & Cropfenstein. Supra Vurtium,  
in statione alpestri , Balneum frigidum  
est: cujus aquæ tanta frigiditas, ut nemo  
per sexagesimam horæ partem , in eo  
manere , multi ne quidem ingredi pos-  
sint ; lippientibus & surdis maxime  
conducere dicitur. Via ibi trita , per  
montem , ad vicinos Glaronenses est.  
2. Ruenium , cum Pingiano. 3. Ande-  
stum. 4. Septum, ubi arcis Fridberg ve-  
stigia cernuntur: & Schlans, ubi arx ejus-  
dem nominis fuit.

Abbas Disertinensis , præminentias, ex  
commutatione cum Baronibus Rhætii,  
quibus jura sua in Pago Amedes cessit,  
adeptus est. In electione Ministralis, Ab-  
bas quatuor ex consilio proponit , ex  
quibus populus unum seligit. Crimina-  
lia à 25. (quatuor enim adjunctos à pro-  
ximis Disertinensibus habent ) admini-  
strantur.

Civilium & Matrimonialium judiciū,  
tredecim exercent. Multæ detractis  
expensis , Abbati cedunt : expensas , si  
bona personæ , contra quam criminali-  
ter proceditur, deficient, ipse Abbas sol-  
vere tenetur: ita in Rhætia, ubi Domi-  
nus

nus aliquis præminentias habet, recepti juris est.) Quæ festalia, incidua & pascua aliaque hujusmodi concernunt, à Communitate (ut in aliis locis) imponuntur & exiguntur. Certas etiam conditiones & pacta, anno 1479. Ioannes Abbas cum Communitate iniit; quæ utrinque observantur.

Supersaxum, (*Vbersax*) in montis frigidiore tractu jacet: ædes etiam hinc inde diffusæ. Quatuor Vicinias habet, à ratione situs templi nominatas: 1. Exterior; ubi castrum Moreck dirutum. 2. Interior; ubi excisæ arces, Saxenstein, & Heidenberg. 3. Superior, seu Montana: & 4. Majoris villa seu Inferior. Hic castri Schuarzenstein rudera cernuntur.

Rhætii Dominus, ex tribus à populo propositis, unum Ministerialem nominat. In Civilibus & Matrimonialibus, ultra Præsidem, quatuordecim judicant. In Criminalibus, ad hos ex Rhætienfi jurisdictione, duos adjunctos sumunt. Multæ, detractis expensis, Domini Rhætienfis sunt.

Sequuntur illæ jurisdictiones, quæ tempore initi fœderis, sub Ioanne à Sacco, Misauici Comite, fuere: nempe Vallis Leguntina, Ilantium, cum Foveâ, & Flemmium. Hæ primitus sub Baronû à Bello

192 PALLADIS RHAETICAE  
monte dominio vixere. Inde hæredita-  
tio jure ad Misauicos sunt devolutæ. ex  
his, Ioannes Petrus, Henrico ab Heu-  
ven, Episcopo Curiensi, affini suo, jura  
sua pro 4000. florenis vendidit. Ab E-  
piscopatu autem illæ se anno 1538. per-  
solutis 1800. florenis, redemere.

Vallis Leguntina, ad dextram Rheni  
partem sita est. Conventum magnum,  
cum Valle Sancti Petri constituit. Octo  
Vicinas habet, in interiori Vallis parte  
incipientes: ubi ex monte, Adularum  
Alpiû membro, amnis Glennerus pro-  
rumpit, qui se prope Ilantium oppidum  
Rheno miscet. 1. Frainû cum Curtibus.  
2. Lombarenuin; ubi arx munita fuit.  
3. Fientium, & Supracastrum, ubi ejusdẽ  
etiam nominis arx fuit. 4. Villa; locus  
principalis Vallis. 5. Igels; ubi Blumen-  
thall, & non procul inde Solœrû, castra  
fuere: cû Rumeino & Fetix. 6. Mauris-  
senum, cum Marciaga. 7. Cumbelum,  
Baidenum, (ubi pro febricitantibus ad-  
modû salubria balnea sunt) & Camon-  
tium. 8. Tersnaus, Fuortum, & Duvinû.  
In principio Vallis, arx Castelberg stetit.

Politix hæc forma est:

In Matrimonialibus & Civilibus, Mi-  
nistralis & octodecim assessores sunt. In  
Criminalibus, ad hos, septem aliis ex  
eadem Valle assumptis, duos item ex  
Valle

Valle Sancti Petri, tres è jurisdictione in Fovea, & totidem à Flemianis, adjunctos habent.

Vallis Sancti Petri (*Vals*) quatuor Vicinias habet: 1. Ad Ecclesiam: ubi balneæ celebres sunt, febri maxime medentes. 2. Campus. 3. Fale. 4. Leiser. Civilia Ministerialis, cum duodecim assessoribus, dirimit. In Matrimonialibus, ad hos, duos adjunctos assumunt è Leguntinis. Criminalia, in Valle Leguntina, dicuntur.

Iurisdictio, seu Conventus magnus, Fovea est, (propter rotundam & cavam illius loci planitiem ita vocata) cum Schleuvenio & Tenna. Fovea Vicinias octo cum dimidia habet. 1. Est Ilantium, inter oppida supremum, ad Rhenum situm, ubi comitia publica trium fœderum, suo ordine, celebrari solent. Freqüentes etiam fœderis Grisei, uti & jurisdictionis Foveanæ, conventus omnes ibi habentur. Anno 1484. miserum in modum, & irreparabili rerum jactura, conflagravit: à quo tempore, portæ & mœnia collapsa, in cineribus, jacent. Habent Ilantiani in levioribus quibusdam rebus suam tribunal: ) *Burgergricht*) cæterum, cum reliquis Viciniis jurisdictionis, res publicas administrant. Ad oppidum pertinent, Flondum

294 PALLADIS RHAETICAE  
& Strada. Castra in circuitu proximo  
fuere, Leuvenstein, Grueneck, & Bru-  
neck. 2. Valendaunum, ubi castrum  
eiusdem nominis fuit: cui certæ annu-  
merantur Curtes. 3. Castrisium: ubi  
castrum huius nominis, & aliud Engel-  
berg dictum fuere. 4. Segaunum: ubi ca-  
str. i Schydberg ruinæ cernuntur. 5. Fa-  
lera. 6. Ruscheinum: ubi castrum Fron-  
spergerat: ex quo nobilissimi milites  
à Fronsperg originem ducunt. 7. La-  
dirum & Schnaus. 8. Rigeinum, (ubi  
arx Montalta in ruinis jacet) Lu-  
vium & Pitasium. ibi propè arx Ama-  
tia fuit.

Matrimoniales & Civiles causæ à Mi-  
nistræle & octodecim Assessoribus ad-  
ministrantur. In Criminalibus, ad di-  
ctum numerum, tres ex Valle Legun-  
tina, totidemque è Flemianis adjun-  
ctos assumunt. Tribunalis locus in op-  
pido Illantii est.

Schleuvenium pagus est, cum adjun-  
ctis aliquot ædibus, in proximo cir-  
cuitu sitis: à lævo Rheni latere, non  
procul ab Illantio distans. Dominium  
ejus in diversas manus pervenit. Pri-  
mos Barones à Vatio invenimus. in-  
de ad Comites de Verdenberg devolu-  
tum est. Postea ad Ægidium à Monte  
pervenit: cui filius Gaudentius successit.  
hunc

hunc sequutus est Christophorus à Capaulo, ejusque filius Ioannes, & gener Rodolphus Planta, Iacobus Ninguarda, Gallus à Monte; cujus hodiè filius Guilielmus præest. Castra in eo circuitu, præter Leuvenberg, ubi Dominus residet, fuere Spilberg & Vildenberg. Populus ibi tres nominat: ex quibus Dominus unum Ministralem seligit. Civilia, Ministerialis cum quatuordecim dirimit. In Matrimonialibus & Criminalibus è proximis Laaxensibus tres plerunque, aut plures etiam, pro gravitate rei, adjunctos assumunt. Muliæ, præter expensas, Domino cedunt.

Tenna, locus in altissimo monte est, maxime sylvestris ac angustus. Ministralem ibi libere eligunt: qui deinde à Domino Rhætii juramentum, in castro Rhætienfi, recipit. Ministerialis cum duodecim assessoribus, Civilem & Matrimoniale jurisdictionem exercet. In Criminalibus, tres adjunctos è Rhætienfibus assumunt. Muliæ, detractis de jure detrahendis, Rhætii Domini sunt.

Laaxium, situm est à sinistra Rheni parte; sed aliquantulo altius, in monte. Castrum Langenberg ibi fuit. Huic adjungitur Savicinum; quod in secunda



Rheni ora situm est, in planitie conca-  
 va, Fovea dicta, non procul à Castrisio.  
 Incolæ olim sub Baronibus à Vatio, de-  
 inde sub Verdenbergicis Comitibus vi-  
 xere, ( unde nomen etiam Comitatus  
 jurisdictio adepta est ) qui aliquas ibi  
 Dominii præminentias, sed parvi mo-  
 menti habebant. Liberi enim de Laa-  
 xio semper vocabantur. Anno 1414.  
 die Sabbathi post festum Iacobi, Ro-  
 dolphus, Ioannis filius, Comes à Ver-  
 denberg & Sargans, omne jus & præ-  
 tensionem suam, quã habuit in Comita-  
 tu & Dominio de Laax, honestis viris  
 ejusdem jurisdictionis, pretio 300. Du-  
 catorum aureorum vendidit; ex quo  
 liberam juris administrandi formam  
 illi habent. Laaxium duas jurisdictionis  
 partes, & Sevicinum tertiam constituit.  
 In Civilibus & Matrimonialibus, Mi-  
 nistralis cum duodecim assessoribus  
 judicat: in Criminalibus, è proximis  
 Selevenianis, tres adjunctos, aut etiam  
 plures, pro gravitate rei, asseciscunt.

Et hæ quatuor jurisdictiones seu Con-  
 ventus magni, supra sylvam, quæ Laa-  
 xium & Flemium separat, sita sunt: pro-  
 inde Suprasylvani dicuntur.

Flemium, quod cum proximis Alto-  
 Trinianis seu Trimontanis, Taminien-  
 sibus, & Rhætienensibus, jurisdictionem seu  
 Con-



Conventum magnum constituit, ad lævam Rhēni oram situm est: ubi castrum nobilissimorum Baronum à Bellomonte fuit. Ad pagum certæ villæ, Fitatiæ dictæ, pertinent. In Matrimonialibus & Civilibus, tredecim assessores cum Ministrale judicant. In Criminalibus tres ex valle Leguntina, totidemque ex jurisdictione in Fovea, assumunt.

Dominium de Alto Trino seu Trimontio unum ex antiquissimis est. Castrum enim hujus nominis, tempore Regis Pipini, Caroli Magni patris, ab ejus Præsidibus exstructum erat. Proprii deinde hujusce nominis Nobiles fuere: quorum familia extincta, ad Episcopatum Curiensem dominium venit; inde ad Barones à Vatio; hinc ad Comites Verdenbergicos; & ab his, ad familiam Baronum ab Heuven. Defuncto autem Alberto Arbogasto, Volphgangu Comes à Leuvenstein, illius è sorore nepos, in derelicto dominio successit. Iure pignoris, illud aliquamdiu Eglinus & Ioannes Villius possedere. Martinus item Sægerus, & ejus heredes, Martinus Florinus, ac Petrus Crammerus. Deinde Ioannes Planta, I. V. Doctor, Rhætii Dominus, illud tenuit: cui successit gener Bartholomæus Stampa, Rhætii Dominus. Tandem &

298 PALLADIS RHÆTICAE  
directum dominium, & pignoris jus,  
Rudolphus de Schouvenstein ab Ehren-  
fels, Eques Auratus, cui vidua Bartholo-  
mæi Stampæ nupserat, acquisivit.

Alto-Triniani, qui in Dominio ex  
tribus partibus duas constituebant, an-  
no 1616. pro 7000. aureis, se in liberta-  
tem vindicavere; proinde Magistratum  
suum libere eligunt. Fuit etiam prope  
Trinum arx Bovisia; quæ nunc cum ca-  
stro Alto-Trino in ruinis est. Ministra-  
lis, cum duodecim assessoribus, Matri-  
monialia & Civilia tractat. In Crimina-  
libus, è proximis Taminianis & Rhæ-  
tiensibus, adjunctos pro rei gravitate as-  
sumunt.

Taminium, ubi prope in planitie  
Pons teloni est, & arx Richenou, quæ  
prope confluentiam anterioris & poste-  
rioris Rheni stetit. Ex illa jurisdictio-  
ne, iter, per montem Gongelium, ad  
Fabarianos, in Comitatu Sarunetum,  
est. Ministralis electio ita fit. Primo an-  
no, Dominus tres nominat: ex quibus  
populus unum sibi Ministralem assci-  
scit. altero anno, vice versa, populus no-  
minat, è quibus Dominus eligit. Civiles  
& Matrimoniales causas, cum duode-  
cim assessoribus Ministralis judicat. In  
Criminalibus ad hos, è proximis Tri-  
nianis & Rhætiensibus, adjunctos ha-  
bent,

bent. Multæ, persolutis expensis, Domini sunt.

Rhætienſe Dominium, Barones primum ejus familiæ habuit: ad familiam deinde Brunorum delatum. Ex his ultimus, Vlſdericus Brunus, Baro Rhætii, anno 1459. extremum diem obiit: hæreditatem adeuntibus, Iodoco-Nicolao Comite à Zollern, & uno ex Liberis Baronibus à Lympurg; qui Zollerenti poſtea jus ſuum ceſſit.

Anno 1490. Iſtel Fridericus, Iodoci Nicolai filius, conſenſu Fratrum, Dominium de Rhætio & monte Sancti Georgii, cum pacto tamen luendi, Conrado à Marmore de Novodegeno, pro 7000. florenorum precio, vendidit. Maximilianus inde Imperator, à dicto Iſtel Friderico, Cubiculario ſuo, directum jus retentum, ſeu gratiam luendi, coëmit. Anno itaque 1549. Ferdinandus Imperator Maximiliani ex filio nepos, dominia à Ioanne-Georgio à Marmore, persolutis 7000. florenis, redemit: quæ deinde, pignoris jure, 14000. florenis datis, Ioanni Plantæ, I. V. Doctori, à Ferdinando conceſſa fuere. Huic anno 1573. ſucceſſit gener, Bartholomæus Stampa. Quo deſuncto, anno 1580. ad Ioannem Plantam juniorem, Equitem Auratum, Ioannis filiū, pervenere. Poſt cujus fata,  
anno

300 PALLADIS RHAETICAE  
anno 1615. Bartholomæus Planta filius  
illa possidet.

Rhætienſis juridiſtionis , quatuor  
præcipuæ Viciniæ ſunt. 1. Rhætium : ubi  
caſtrum ejus nominis eſt, à RhetoThu-  
ſcorum Duce nomen trahens, quo Do-  
minus reſidet. 2. Bonadulcium : ubi  
arx Vackenou fuit, cum Seulems. 3. A-  
mades : quod , caſtrum eiſdem nomi-  
nis , jam dirutum , tulit. 4. Fagonium,  
( *Veldſpberg* ) quod arcem cognomi-  
nem habuit. In Miniſtrale creando ,  
plebs tres nominat : ex quibus Domi-  
nus unum ſeligit ; qui in Civilibus , &  
Matrimonialibus, cum duodecim aſſeſ-  
ſoribus judicat. In Criminalibus, octo-  
decim ex Rhætienſi ditione ſunt, cum  
ſex præterea ex dominio Alto-Triniano.  
Conjudicem, ( *Beyrichter* ) unum ex Su-  
praſaxenſibus Griſæis , alterum à Ten-  
na, habent. Multæ, præter expenſas ju-  
diciarias, Domino cedunt ; qui decimas  
præterea in Rhætienſi juridiſtione ( præ-  
terquam in pago Amedes ; cujus incolæ  
ſe redemere ) habet.

Vallem Domæſticam ( *Tomiliaſcam* )  
ingredimur. Quæ vero ad lævam Rhe-  
ni oram ſita eſt, ad Fœdus Griſæum per-  
tinet.

Thuſciæ itaq; juridiſtio, cum Mon-  
tana, Cepina , & Stuſſavia, Conventum  
magnum

magnum statuunt. Hæ antiquitus sub Baronum à Vatio dominio fuerunt. ab his, jure hæreditatis, per Catharinam, Donati à Vatio, ultimi huius stemmatis filiam, ad Rodolphum Verdenbergæ Comitem, cum aliis pervenere. Georgius, & uxor eius Barbara à Sonnenberg, intervenu ipsius Curatoris Henrici à Brandis, Iurisdictiones hæc, (excepta Stussavia, quæ ad Rhatii Dominos jam pervenerat; indeque iterum in Georgii Verdenbergici manu fuerat; & ab eo Ioanni Iacobo Trivultio vendita (Ortliebo Episcopo, & Collegio Curiensi, ac Cathedralibus, vendidit, anno 1475. in festo Sancti Bartholomæi, pro 3000. florenorum pretio: in quorum potestate etiamnum hodierno tempore sunt.

Iurisdicção Thusciensis in plano, quatuor Vicinias habet: 1. Thuscia: quam Thusci, à Gallis Sennonibus pulsæ, condidere, eique amissæ patriæ nomen indidere. Pagum alluit torrens Nolla, ex proxima Valle prorumpens. In proximo monticulo, Roncalea est: Castrum, Superius-Tagstein, in rupibus fuit. 2. Mazejnium: ubi arx Tagstein inferior fuit. 3. Tartarum. 4. Cacium. Hic Cœnobium nobilium fœminarum fuit.

Pascalis ; Rhætiae Curiensis Comes,  
 & ibidem decimus-quartus Episcopus,  
 ex uxore Æsopœa, Comitissa ab Alta  
 Rhætia, quæ se Antistitam Curiensem  
 scribebat : filium Victorem procreavit :  
 quem, adhuc presbyterum, pater hæ-  
 redem omnium bonorum in Tomilia-  
 sca, & aliis locis ad Rhenum, fecit. Hic  
 idem deinde patri, in Episcopatu Cu-  
 riensi, successit ; & decimus quintus  
 in ordine fuit ; Monasteriumque hoc  
 fundavit : ut habet inscriptio vetus, in  
 choro Ecclesiæ ibidem super ejus tumu-  
 lo, in pariete picta : *Victor Episcopus Cu-  
 riensis, una cum matre sua, fundator hu-  
 jus monasterii, & cum ea Pascalis Epi-  
 scopus Curiensis, genitor & antecessor ejus.*  
 Victoris sorores illud primo ingressæ  
 sunt: Vespula Abbatisa, & Viricina mō-  
 nialis facta.

Sub Episcopatu Thomæ à Planta, Fœ-  
 dus Grisæum, deficientibus fere Con-  
 ventualibus, redditus Monasterii per Cō-  
 munitates suas distribuit; ut Ecclesiis &  
 Scholis suis inservirent.

In Pago Cacio fuit arx, Montera di-  
 cta: habet præterea vicina loca, Summa  
 prata ; ubi arx Schovenstein fuit. Ru-  
 frieu ibi prope castrum, Rhætia ima vo-  
 carum, stetit: itemque Callies.

Magistratus creatio hæc est. Præfectus  
 Episcopi



Episcopi Curienſis, (cujus ſedes in caſtro Furſtenou plerumq; eſt ex tredecim, in Civilibus & Matrimonialibus, juſ dicen- tibus, unum Miniſtralem nominat. In Criminalibus Præſidis munere Præſectus fungitur; pro Conjudicibus habens Miniſtralem Thuſciensem, & Montanum: & ad duodecim illius loci judices, ſex aliis adjunctis è proximis Montanis, at- que tribus ex Cepina aſſcitis. Multæ, de- tractis expenſis, præſecto cedunt. Hæc autem multarum ratio eſt: ut decem libris multato infamia irrogetur; quod ſi quis morti adjudicetur, viginti libræ, ſi bona Rei ferant, Præſecto debentur. Conſiſcatio bonorū alias nulla eſt. Inci- duorum, paſcuorum, feſtorum, & alio- rum hujusmodi multæ, à Communi- tatibus imponuntur & exiguntur.

Juriſdictio montana (*Heinzenberg*) quinque Vicinias habet. 1. Durmeinum. 2. Flerden. 3. Purteinum. 4. Saren. 5. De- linum & pretium: ubi Caſtrum Hein- zenberg erat. Præſectus Episcopi, ex tri- bus à populo propoſitis, Miniſtralem unum nominat. Cæterum in Civilibus, Matrimonialibus, & Criminalibus, ac multæ, eandem rationem, quam Thu- ſcienses in plano ſervant. Adjunctos e- nim ſuos à Thuſciensibus & Cepinenſi- bus aſſumunt.

Cepina,



Cepina, in solitario & sylvestri loco est, supra Thusciam. Aedes, ut in solitudinibus plerisque fit, hinc inde distitas habet: atque in tres census dividi solet, qui ratione situs templi & plateæ nominantur. 1. Vicinia superior. 2. Inferior; ubi Glasum & Maßlugum. 3. Infra templum. Populus tres proponit: inde Præfectus Episcopi unum Ministrale nominat; qui, cum duodecim jus dicentibus, Civilia & Matrimonialia judicat. In Criminalibus, quinque ex Thuscien-sibus, & totidem è Montanis adiunctos habent. Multæ, præter expensas, Præfecto, nomine Episcopi, cedunt.

Stußlavia, retro Cepinam in alto loco sita, ædes etiam ab-invicem distantes habet: quæ Vicinias quatuor constituunt. 1. In Comanna. 2. Salerna. 3. Gunna. 4. Salpenna. Arces dirutæ in eius districtu fuere, Rosenberg, & ad Burgum. Magistratus libere eligitur. In Civilibus & Matrimonialibus, Ministralis cum duodecim sedet: in Criminalibus, adiunctis sibi è Vallis Rhenanis petitis. Multæ, si pœna sanguinis non irrogetur, Cõmunitati cedunt: reliquæ, hæredum Ioan. Iacobi Trivultii sunt; qui ius istud à Georgio Comite à Verdenberg, anno 1493. sibi & posteris suis emit. Hodie Augustinus à Trivultiiis illud possidet.

Descen-

Descendimus in planitiem & per Viā malam, (nomen conveniens rei: strictum enim & periculosum ostium est) Sexamnum ingredimur: quod cum Valle-Rhenana, conventum magnum constituit. Ejus dominium, à Baronibus Vartiensibus ad Comites Verdenbergicos, ut alia, per hæreditatem, devolutum fuit. Georgius à Verdenberg, anno 1456. Sexamnum & Vatum superius, pro 3600. florenis, Leonhardo Episcopo Curiensi vendidit. à quo deinde Sexamienses, anno 1458. pro 3200. florenis se redemere.

In quatuor partes (*Directuras* vocant) dividitur; quarum quælibet suum Ministralem civilem, cum novem Assessioribus, habet, usque ad summam 50. florenorum judicando procedentes. 1. Siles est cum Raseino: ubi castrum Hafselslein fuit. 2. Anderum, cui annumerantur Pignolum, (ubi balneæ bonæ sunt) Berenburg, (cui pago castrum, ibidem in munito loco situm, nunc destructum, nomen dedit) & Ferrara Vallis. Hic ditissimæ minæ argenti, cupri, & plumbi, sunt; quæ à Thoma, Libero Barone ab Ehréfels, Domino in Haldenstein excoluntur: nec procul distant, Spelucam versus ferri etiam fodinæ inveniuntur. Atque hæc loca ad

V      secun-

306 PALLADIS RHAETICAE  
secundam Rheni ripam jacent. A parte  
altera, 3. Danetum est: cui annume-  
rantur, Bazen, Fardinum, (ubi ejusdem  
nominis Castrum erat) item castellum,  
(nomen ab arce diruta Rinckenstein ha-  
bens) Cluginum, & Castellatium. 4. Lo-  
num in monte, cum Mattono & Ver-  
gerstein; quod arcis ibidem destructæ  
nomen fert. muri etiam collapsæ turris  
Oberstein ibi spectantur.

Tota jurisdictio Ministralem habet:  
qui cum duodecim Assessoribus, de Ci-  
vilibus, ultra 50. florenos, ubi sanguinis  
pœna non irrogatur, atque etiam de  
Matrimonialibus judicat. In Crimina-  
libus, Præsides Ministræ regionis, vigin-  
ti jus dicunt.

Proxima est jurisdictio Vallis-Rheni:  
quæ sex Vicinias habet. In ingressu Val-  
lis, 1. Suerum est. 2. Spelucæ: ubi arx  
stetit ejusdem nominis. locus ob tran-  
situm (inde enim ad Clavennates tri-  
tum iter est, per Ursulerum montem,  
Adulæ partem) celebris factus. 3. Me-  
delum. 4. Planura. (*Æbi*) 5. Novena.  
6. Ad Rhenum posteriorem. Ibi enim,  
ex monte Avicula, (*Ocello*) qui pars A-  
dularum alpium, Rheni posterioris ori-  
go est. In loco scaturiginis, quondam  
facellum fuit, Nymphis dicatum; cujus  
adhuc vestigia cernuntur.

Anno

Ann. 1277. in festo Sancti Galli, Valtherus, Nobilis à Vatio, in tutelam suam homines Teutonicos, Sexamnienses & Spelucenses, recepit. Inde in Verdenbergicorum Comitum potestatem devenere. ab his, nempe Georgio, anno 1593. ad Ioannem Iacobum Trivultium transivere: à cuius posteris videlicet Renato Trivultio, anno 1616. numeratis 2500. florenis, judiciali super ea re coram Sexamniensibus, indeque per appellationes coram Fœdere Græco, disceptatione habita, se redemere.

Magistratus suos libere eligunt. Civilia & Matrimonialia, Ministralis, cum iuris dicentibus, administrat. In Capitalibus, viginti-quatuor assessores habet.

Iam montem Aviculam transcendimus, & in Vallem Misaucinam venimus: quam annis Muesæ, ex monte Avicula (quem Sancti Bernhardi montem etiam vocant) prorumpens, præterfluit; indeque se in Ticinum effundit. Regio satis ampla: & quamvis loca multa sterilia habeat; tamen in multis etiam vini, & aliorum domesticorû fructuum ferax est. Dividitur tota Vallis in duos Vicariatus. Superiorem, comprehendentem Squadram unam & dimidiam; (totius enim Vallis quatuor Squadræ, & cujuscumque Squadræ plerumque octo

308 PALLADIS RHAETICAE  
Viciniæ sunt, quæ suos Consules habent)  
& inferiorem, cui reliquæ duæ Squa-  
dræ, cum dimidia annumerantur.

1. Prima Squadra, cum suis Viciniis,  
scu Communitatibus, est: Gabia, Le-  
sum, Cremetum, (ubi prope castrum  
munitissimum, Misaucum, Comitum  
ejus familiæ sedes; quod Valli nomen  
dedit, & anno 1526. jussu Dominorum  
Rhætorum, destructum fuit) Ander-  
fla, Doira.

2. Squadra: Soatia, Cabiolum, Sor-  
tum, Lostalum, (hæc congregationes  
generales Vallis & Centenæ, ut vo-  
cant, habentur. & hucusque Vicariatus  
superior, & Ministerium Ministralis Mi-  
sauci, se extendit) Noranthula, (ubi  
arx Sancti Lucii stetit) Cama, Legia, &  
Vertabium.

3. Squadra: Grunum, (ubi arx Flo-  
rentiana fuit) Rogoretum, (hæc pala-  
tium Comitum erat, à Ioanne Iacobo  
Trivultio sumptuose exornatum) item  
Turris de Bessano, & Turris del'Ava,  
seu de Bogiagno dicta; Sanctus Victor,  
cum Turre eiusdem nominis, ibi Præ-  
positura est, ab Henrico Comite Misau-  
ci instituta. Monticellus in confinibus,  
& quædam Turris rudera ibi spectan-  
tur: Castellatium fuit. Sanctus Iulius,  
Sanctus Fidelis, Toyeda, & Campio-  
num.

num. Ministerium hucusque Ministerialis Rogoreti est.

4. Squadra est: Vallis Calancha; à flumine Calanasca perluente, indeque se Muesæ immiscente, sic dicta. Viciniae sunt; Sancta Maria, (ubi arcis Calanchæ muri collapsi cernuntur) Dascia, Ravagnum, Caprina, Castaneta, Nadrum, Busenum, Arvigum, Landerenca, Sancta Dominica, Caocum, Dabbinum, ad Sablonum, & Vallis bella. Ministerialis Calanchæ civilem jurisdictionem exercet.

Vallis antiquitus Comites habuit: ex quibus Ioannes Petrus, Henrici filius, Anno 1494. dominium suum Ioanni Iacobo Trivultio Mediolanensi vendidit; qui postea cum Valle, anno 1496. fœdus Grisæum ingressus est.

Anno 1549. Vallis se à Francisco Trivultio, viginti quatuor millibus aureis liberavit. Magistratum ergo libera illis electio est: tres Ministeriales in Civilibus sunt: qui Misauçi quatuordecim, Rogoreti decem, & Calanchæ octo Assessores habent. Criminalia judicant triginta, ex tota Valle delecti. In superiore Vicariatu, præsidet Ministerialis Misauçi: in inferiore vero Ministerialis Rogoreti, Matrimonialia, ad Vica-

310 PALLADIS RHÆTICAE  
rium Episcopi Curiensis, in Valle resi-  
dentem deferuntur.

Hujus fœderis Iurisdictiones, Vallis  
Rheni videlicet, Stussavia, Tenna, Su-  
persaxum, Cepina, & Vallis Sancti Petri,  
per antiqua Leponti, Celtica lingua utū-  
tur. apud reliquas Iurisdictiones ( præ-  
ter Vallem Misaucinam, cujus incolæ  
corruptè Italicè loquuntur ) Rhætica,  
seu Romana, uti vocant, in usu est.

---

L I B E R V I I I.



A T H E D R A L E fœdus, ab  
Episcopatu Curiensi, unde no-  
men sumpsit, ordimur.

Hic ex antiquissimis Germa-  
niæ Episcopatibus est. De cujus funda-  
tione, certum nihil hætenus, ex Diplo-  
matibus ejusdem Ecclesiæ Curiensis per-  
quirere potuimus. Arguimus tamen,  
Valentiniani III: Imperatoris tempo-  
re, cum religio Christiana ubique jam  
vigeret, Episcopatum Curiensem, anno  
circiter 440. principium sumpsisse. Cla-  
rum & indubitatum nostro argumento  
testimonium præbet liber primus Con-  
ciliorum, pag. 363. Sub eodem enim  
Valentiniano & Marciano Imperatori-  
bus, Herculano Consule in Occidente,  
& Pontificatum Romanum tenente

LEONE



Leone I. Papa, anno 451. Concilium 4. Chalcedonense habitum fuit: cui interfuit Abundantius, Episcopus Comensis; mentionem faciens Asimonis Episcopi Curiensis, in congregatione ab aliquibus Episcopis Mediolani habita. Ejus subscriptio talis est: *Ego Abundantius, Episcopus Ecclesia Comensis, in omnia superscripta pro me, ac pro absente sancto fratre meo Asimone, Episcopo Ecclesia Curiensis, prima Rhætia, consensi, & subscripsi; anathema dicens eis, qui de incarnationis Dominica sacramento impie senserint.*

Asimoni ergo primum locum tribuimus; reliquorum catalogum, cum rerum gestarum mentio suo quoque loco facta sit, simplicitet apponemus. 2. Punitius. 3. Claudianus. 4. Vrsicinus. 5. Sidonius. 6. Eddo. 7. Valentianus. 8. Paulinus. 9. Theodorus. 10. Verendarius. 11. Constantius. 12. Ruthardus. 13. Baldebertus. 14. Pascalis: qui cum quatuor proximè subsequētibz, ex Comitum Curiensis Rhætiae, ut alibi memoravimus, familia fuit. 15. Victor, Pascalis antecessoris filius. 16. Vigilus, Pascalis Episcopi ex fratre pronepos. 17. Tello, Vigilii Episcopi, antecessoris, ex fratre Victore nepos. 18. Constantius. 19. Remigius, seu Remedius. 20. Victor II.

21. Verendarius. 22. Eſſo, vel Heſſo.  
 23. Rothardus, qui etiam Luutardus.  
 24. Dietholphus. 25. Valdo. 26. Harpertus.  
 27. Hildiboldus. 28. Valdo, 29. Henricus: alii Vldericum: alii Urbanum vocant. 30. Rupertus. 31. Vldericus. 32. Hartmannus. 33. Thietmarus. 34. Henricus secundus. 35. Norpertus ab Hoché-  
 vart. 36. Odalricus. 37. Vido. 38. Conradus primus, Comes à Bybrech. 39. Conradus secundus. 40. Analgotus, seu Adelgottus. 41. Egino, primus Princeps vocatus, ut alibi diximus: hicque ex familia Baronū ab Ehrenfels fuit. 42. Odalricus secundus. hic natus erat Comes à Tagerfeld: cumque simul etiam regeret Abbatiam S. Galli, Episcopatu renuntiavit ex reformatione Alexandri 3. P. P. 43. Bruno ab Ehrenfels, dictus à Schovvenstein. 44. Henricus tertius. 45. Reinherius. 46. Arnoldus, Comes ab Amacia. 47. Henricus quartus, Comes à Rhætia alta. 48. Albertus. 49. Rudolphus, Baro à Guttin-  
 gen, qui etiam Abbas S. Galli fuit. 50. Bertholdus. 51. Vldaricus Comes à Kyburg. 52. Volcardus à Nevvenburg. 53. Henricus Comes à Monteforti. 54. Conradus Baro à Bellomonte. 55. Fridericus Comes à Monteforti, (hic Caspar Bruschius intertextit. 56. Vldericum quendā, cujus alibi mério nulla fit.) 57. Bertholdus.

dus. 58. Syfridus Baro à Flumine. 59. Rudolphus, Comes à Monteforti, antecessoris Vicarius, & Episcopus Constàtiensis. 60. Hermannus Baro ab Eschenbach. 61. Ioannes, Auditor Rotę Romanę. 62. Vlðericus Schulthais à Lenzburg. 63. Petrus de Bohemia. 64. Fridericus à Menzingen. 65. Ioannes. 66. Hartmannus, Comes à Verdenberg. 67. Ioannes Abundius, Naso vocatus. 68. Conradus à Rechenberg. 69. Henricus Baro ab Hevven. 70. Leonardus. 71. Ortlieb Baro à Brandis. Præcedentium Episcoporum plerorumque electionem, & privilegiorum confirmationem, ab Imperatoribus habitam, libro. 3. recensuimus. Sequentium nunc breviter annotabimus. 72. Henricus alrer, Baro ab Hevven; qui anno 1491. à Friderico III. 73. Paulus Ziegler, anno 1503. à Maximiliano I. 74. Lucius Icerius an. 1541. à Carolo V. 75. Thomas Planta, an. 1549. ab eodem Carolo V. 76. Beatus à Porta, an. 1576. à Maximil. II. 77. Petrus Raserius, an. 1582. à Rudolph. II. 78. Ioan. Flugius à Rauch-Aspermonte, an. 1601. itidẽ à Rudolph. II. privilegia recepit.

Amplum Episcoporum, ut suo loco pro occasione enarravimus, fuit dominium; sed paulatim, usque ad hodiernũ statum, imminutũ. Quædã bello amissa fuere: Iurisdictiones & Communitates

314 PALLADIS RHAETICAE  
aliquot pecunia se redemere; quādam  
libertatem, remissione, aut alia juris  
via, obtinere.

In aulæ Episcopalis Curienſis circui-  
tu, ſuam in Civilibus & Criminalibus  
Iuriſdictionem, per Officiales, Episcopus  
adminiſtrat. Caſtro Furſtenburg, in  
Vennonibus, Præfectum imponit: qui  
certas ſuas præminentias, in Iuriſdi-  
ctione Vallis Monasterii, exercet.

In Engading inferiore, partem mul-  
tarum aliquam in Criminalibus etiam  
ſibi vindicat. Caſtrum Eremuſium ibi-  
dem ejus feudum eſt. In valle Domesti-  
ca, Furſtenovix, in Caſtro, ejusdem Præ-  
fectus eſt: qui in Iuriſdictione Thuſcia-  
na, & Montana Transrhenana, ac Ce-  
pina ſœderis Griſæi, & ſuperiore Vatio  
Cathedralis ſœderis, in Civilibus & Cri-  
minalibus, Episcopatus jura retinet. Ex-  
tra etiam hodiernæ noſtræ Rhætiæ ſi-  
tum, feudalìa bona & jura habet exi-  
mia: non ſolum in circuitu Episcopata-  
tus; ſed etiam in Alſatia. Certam pe-  
cuniæ ſummam de redditibus Vallis Te-  
linæ, quæ ex telonio Clavenneniſi, quo-  
libet biennio illi perſolvitur, (uti ſuo  
loco diximus) recipit. Ius & privilegium  
cudendæ monetæ, ut Princeps Imperii,  
habet. Cæterū hoc opusculo ejus privile-  
gia ſingula enarrare, noſtri inſtituti non  
eſt.

Sedes

Sedes eius Episcopalis, est in arce Marsoila, (*Mars in oculis*) quæ politiori structura exulta hodie cernitur; multoties licet igne devastata fuerit. Propè Castrum Spinoila (*Spina in oculis*) in ruinis jacet. Hæc quondam duo munita loca, Præsides Rhætiæ pro sede elegerant: inque arce Marsoila, D. Lucius, uti suo loco enarravimus, martyrium subiit.

In aula Episcopalis circuitu sunt, Præpositura Ecclesiæ Curiensis, & habitationes Canonorum contigua. Opu-  
lenti huic Præposituræ initium & redditus primo contribuit Rudolphus junior, Rudolphi IV. huius nominis, filius, Comes à Monteforti, cum nullos adhuc liberos haberet, anno 1476. Comitatum enim Velcurii, Leopoldo Archiduci Austriæ vendidit: quo liberalius Præposituram hanc donare posset.

Alia turris prope, intra cancellos aulae, stat, Amburg dicta: ubi Canonico-  
rum Triclinium est.

Aulae Episcopali adhæret Cœnobium S. Lucii. Hic primo cellula tantum & oratorium, in honorem D. Lucii, exstructum fuerat: deinde vero, anno circiter 140. à Valentiniano, Episcopo Curiensi incrementum cepit: cuius tumulo in crypta Ecclesiæ S. Lucii, tale marmoreo lapidi inscriptum Epitaphium cernitur.

SCEM. EPCS.

HOC IACET IN TOMOLO QVEM DEFLET  
RETICA TELLUS.

MAXIMA SYMMORVM GLORIA PONTI  
FICVM.

ABIECTIS QVI FUDIT OPES NUDA  
TAQVE VEXIT  
AGMINA CAPTIVIS PRAEMIA LARGA  
FERENS.

EST PIETAS VICINA POLO NEC FU  
NERIS ICTUM

SENTIT OVANS FACTIS QVI PETIT  
ASTRA BONIS.

HIS POLLENS TITULIS VALENTINIA  
NE SACERDOS

CREDERIS A CUNCTIS NON POTU  
ISSE MORI. QVI VIXIT IN HOC SAEC.  
C. ANN. PLS. MN. LXX. DPS. SUB D 75.  
ID. IAN. SEP<sup>S</sup>. PC<sup>S</sup>. BASIU CCS IN DXI.  
PAULINUS NEPOS IPSIUS HAEC  
FIERI ORDINAVIT.

Monachi primi, qui ibi vixere, Ordinis erant D. Benedicti. Anno autem circiter 1140. Conradus Comes à Bybrech, Episcopus Curienſis, (qui multa beneficia, ante adeptum Episcopatum, in Rhætia, apud Rhætigoias ad ædem D. Iacobi. apud Corvanticos, Beneduranos & S. Lucii Præposituram, possidebat) ibidem Ordinem Monachorum, qui admodum

modum indecenter se gesserant, & proinde expulsi fuerant, reformavit: assumptis in ipsorum locum aliis monachis, ex conventu Rockhenburgensi, qui regulam Præmonstratensium observarunt. Anno 1194. Rutgerus Nobilis à Lympach, in præsentia & interventu Imperatoris Henrici VI. Henrico Episcopo Curienti, ad manus & commodum Monachorum Cœnobii S. Lucii Curia, donavit Parochiam suam, Beneduri in Estionibus sitam: & hoc pro executione voti facti. Filium enim unicam, adhuc infantem, tempore messis, apud manipulos aliquot frumenti obdormientem, & accrescente mergitum congerie suffocatum, amiserat. Pater igitur votum facit: quo die filium invenerit, eidem Sancto, cui dies ille saccratus esset, se bona sua donaturum. Die autem festo S. Lucii, filium mortuum invenit: quem proinde in Cœnobio S. Lucii sepeliri curavit, & voto satisfecit. Diu sub Prioribus rectum Monasterium, anno circiter 1350. in Abbatiam conversum fuit.

Anno 1529. Theodorus Schlegel Abbas, ob delicta, è vivis (uti suo loco exposuim⁹) sublatus fuit. Monachis etiam dilabentibus & deficientibus, Monasterium corrui. Pars reddituum Nosocomio



318 PALLADIS RHAETICAE  
mio ibidem, tandem etiam Scholæ Cathedrali, quæ est Curia, in Cœnobio S. Nicolai, dicata. Titulum Abbatia S. Lucii, Parochia Beneduri, in Estionibus, adepta est.

Sed ad fœdus ipsum revertamur. Quædam Communitates, circiter annum 1400. conjunctionis articulos aliquot sanxere. Anno verò 1419. certa forma, cum admodum inquietus & turbatus, ob varium Episcopi Nasonis ingenium, Cathedralium status esset, ut se ab omni injuria & vi tuerentur, sese conjungere. Tandem à Grisæis confirmatæ, firmiori vinculo mutuo, ut in libro Fœderum fusius dictum est, coaluere.

Conventus magni totius fœderis, undecim sunt: Jurisdictiones vero, viginti & una. Ordinem, in Comitibus publicis, & suis, quoad præminentiam, hunc servant: Curia Civitas, Vallis Prægallia, Furstenoviensis jurisdictio in Tomilia-sca, Supra-saxum cum imo Castro, Engadina superior, Ortensteiniana jurisdictio in Tomilia-sca, Engadina inferior, Bergunium, Vatum superius, Quatuor Pagici, seu Viciniæ, quondam Domini de Aspermonte, Pesclavium, Eremusium cum Celino, Bivium, Aversa, & Vallis Monasterii. Singulas, pro ratione situs, & instituti nostri, breviter per-  
curramus. Civi-

Civitas Curia, in amplo, fertili & jucundo agro Corvanti<sup>or</sup>um (qui ex primis Celtis harum regionū incolæ sunt) sita est. A Rheno, ad cujus secundam ripam jacet, & Plessura, civitatē alluente, eius territorium irrigatur. De ipsius incrementis, variaz auctorum sunt coniecturæ. Hoc certum apud me stat, successiva eius fuisse incrementa: & quidem à castris Marsoila & Spinoila, præsidium Rhetiæ sedibus; tum etiam ab arce egregia, quæ in planitie erat, Planterra; [*Imburæ*] (iam centrum Civitatis hoc est, emporio ibidem exstructo: domus etiam Turrata exstat, versus portam inferiorem, ubi illi inde à Planaterra postea habitaverant) quædam sumpsisse. Aucta deinde fuit; quum ibidem in Caninis campis, Imperator Constantinus, anno 455. contra Allemannos Lentien<sup>sis</sup> pagi, hyberna sua haberet; & inde, intra Urbem & Rhenum, adhuc locus est, qui Tumba Equorum insignitur: quod ibidem equi, tempore hybernorum pereuntes, sub terram defossi fuerint.

Antoninus Augustus, qui hisdem temporibus vixit, in suo Itinerario, Curie mentionem facit. A Brigantio enim, Curiam usque 50. milliaria Italica numerat.

Alii,

Alii, Cl. Prolemæum Alexandrinum, qui sub Adriano & Marco Antonino Imperatoribus vixit, eius fecisse mentionem, & sub Ebrodulo comprehendisse, constanter affirmant.

Civitas hæc, gravia damna, ab igne & peste perpessa est. Anno 1350. Monasterium Prædicatorum, ad ædem S. Nicolai, in urbe Curicensi, igne vastatum fuit. Urbs autem, anno 1358. terræmotu concussa. Anno 1361. dimidia civitas igne & peste absumpta. Anno 1383. Castrum Marsoila, cum maxima parte Civitatis, igne consumptum fuit. Sic etiam Vulcanus sequentibus temporibus ibidem sævit: anno videlicet 1479. 1511. 1574. & 1576. Pestem autem perculit maximam, anno 1550. (ubi 1600. mortui.) & 1566.

Anno 1412. obsidione, ab Vlderico Barone Rhætii, uti diximus, pressa fuit.

Hodierno tamen tempore, auxilio divino & industria civium, egregiis ædificiis exornata, spectatur.

Maximus huc populi concursus est, cum propter nundinas ordinarias, quarum 3. (1. Mense Ian. post festum Conversionis Pauli: 2. Septimana proximè sequente Dominicam Trinitatis: 3. Mense Novemb. ipsius Martinalibus) præter hebdomadarios mercatus, annuatim celebran-

celebrantur: tum etiam ob commerciorum copiam. Cathedrale quoque fœdus, cœu in loco principali fœderis, suas hic habet congregationes. Consul Civitatis, totius fœderis Præses est: Cancellarius, Curiensis Archigrammatæus. Præconis munere fungitur unus ex apparitoribus Urbis. Privilegia fœderis ibidem in Archivo conservantur. Comititia etiam publica trium Fœderum, suo ordine, hic habentur. Subcomititia (*Beytag*) in eadem urbe, cœu metropolitano loco, & propter magnâ commoditatem, omnia peraguntur. In Cœnobio S. Nicolai, ubi olim Dominicani erant, nunc trium Fœderum junctim, & Cathedralis, gymnasium est literarium.

Ad Civitatem spectant loca, ad Malesanos, [*Massans*] (ibi enim Leprosorium est) Lauribalneum, (*Lurlibaad*) & Eraſca. Templum S. Hilarii, anno circiter 495. à S. Fridolino in honore Hilarii, Episcopi Pictaviensis, Præceptoris sui, ibidē exstructum fuit. Ecclesiæ & cellulæ contiguæ vestigia adhuc visuntur. Itē S. Antonius: ubi Conventus olim Monialium fuit; cuius rudera adhuc supersunt.

Civitas hæc urbibus Imperii antiquitus annumerata fuit, & egregiis privilegiis dotata: quorum aliqua succincte enarrabimus.



Anno 1464. in urbe Neostadia Austriae, Fridericus III. renovavit Civibus Curiensibus privilegia incendio absumpta; & jus constituendarum tribuum, aliasque immunitates, concessit. Anno 1487. Antverpiæ, Maximilianus Rex, Curiensi Civitati privilegia, à patre Friderico data, confirmavit. Anno 1489. Oeniponti, Fridericus III. Imperator, facultatem Civitati, se à Præfectura Imperii liberandi, concessit: quæ Episcopatu Curiensi, anno 1339. à Carolo IV. Imp. oppignorata fuerat. Anno 1514. declaratio à Senatu Velcuriano, super privilegiis Curiensi Civitati, à Friderico III. & Maximiliano I. datis, facta est. Anno 1521. Brugis in Flandria, confirmationem privilegiorum, à Carolo V. Civitas recepit. Eandem ann. 1558. Viennæ à Ferdinando Imp. obtinuit.

Cum Episcopatu, propter electionem Magistratus, & alias causas, varias lites & controversias habuit: uti ex parte libro 3. diximus. Anno nempe 1422. cum Ioanne Abundio Nasone. Anno 1477. Vuilæ in Turgovia, controversiæ inter Ortliebum Episcopum & Civitatem, per Vldericum Abbatem S. Galli, arbitrum, decisiæ sunt. Anno 1489. aliæ, cum eodem Episcopo natæ dissensiones, per arbitros diremptæ fuere.

Sua quoque privilegia vetera cudentæ monetæ Civitas habet. Ejus autem libera gubernatio, à Friderico 3. Imp. concessa hodierno tempore hæc est. Cives per quinque tribus distributi sunt. Nomina tribuum ab Opificiis vocantur: Sartorum, Sutorum, Fabrorum ferrariorum, Pistorum & Vinitorum. Quælibet tribus duos Tribunos plebis, seu Magistros superiores, (*Ober Zunftmeister*) habet: qui alternis annis officio funguntur. Sunt etiam inferiores Tribuni plebis, (*Vnder Zunftmeister*.) Duo deinde omnium quinque tribuum supremi Magistri (*Oberste Zunftmeister*) eliguntur: & hi alternis annorum vicibus præsunt. Quatuordecim (in quorum numero etiam Tribuum Magistri sunt) ex qualibet tribu ad Consilium magnū, qui confessus septuaginta virorum est, assumuntur: exinde cæteri magistratus creantur. Consilium minus, quindecim viris constat; ex singulis tribubus ternis selectis. Hi Senatores vocantur: & Reipublicæ secretiora ac Matrimonialia quoque administrant. Huic Senatui duo præsunt Consules: quorum annum per vices est imperium. Ad hos quindecim alii, æquali servato per tribus numero, seliguntur; qui causas Criminales dirimunt. Præsident huic judicio,

mons Mastrils dictus, & pons telonii. Castrum supra erat, Frueaus dictum.

2. Igis pagus: cui imminebat castrum Facklastein. In planitie prope est arx Marfilinium, quondam magni nominis: adeo ut eam Archiduces Austriæ in feudum, ab Episcopatu Curienti, uti libro 3. diximus, acciperent.

3. Trimontium, à tribus imminetibus montibus dictum, & pagus est, & castrum supra locatum, nunc destructum. Curiam versus arx fuit Superior-Ruchenberg. Pertinent huc Curtis Episcopatus Curientis, Molinæra, (supra quam Castrum Ruchaspermontium erat) montis vicini incolæ Seyes, Valtanna, Teleinum; itemque pars Vallis Sanæ.

4. Vatum inferius, ad sinistram Rheni partem jacet: ubi propè salubre Balneum est. Arces habuit, quarum vestigia adsunt, Rappenstein, in Vallicula situm, & Nevvenburg ad Rheni ripam. In administratione causarum Civilium, quilibet pagus suo Ministrali, cum duodecim Assessoribus utitur. Criminales vero & Appellationum causas, Ministerialis regionis, (*Landtammann*) cujus sedes Ciceronii est, cum duodecim jus dicentibus ex Quatuorpagicis delectis, dirimit. Idem etiam sex Assessores ex tota jurisdictione

X, habet,



326 PALLADIS RHAETICAE  
habet, qui in Matrimonialibus jus di-  
cunt.

Vallem Domesticam (*Tomiliaſcam*)  
à dextro Rheni latere, ubi Cathedrales  
sunt, ingredimur. Prima ibi, secundum  
regionis situm, jurisdictio Ortensteinia-  
na, nomen habet à Castro, quod prope  
Tomilium adhuc illæsum stat, & una  
cum jurisditione Furſtenoviana proxi-  
ma, magnum conventum efficit. Sex  
autem Vicinæ sunt: i. Tomilium: quo  
ſpectat Duſſium. Ibi prope turris Ne-  
vvenſins (*Cafa Nova*) eſt: item fons ru-  
beus. Non procul inde rudera caſtro-  
rum, Ima-Iuvalta, & Alta-Iuvalta, cer-  
nuntur. ii. Rotelium. iii. Paſcualium:  
prope quod caſtrum eſt dirutum Alten-  
ſins. iv. In proximo monte, Tranſum.  
v. Scheidium. vi. Fœldis. Barones à Va-  
tio olim hîc juſſa dabant: quibus Ver-  
denbergici Comites, ut hæredes, ſucceſ-  
ſere. A Georgio autem, juſ in Barones  
à Valdpurg tranſlatum. Hi Ludovico  
Tſchudio, Patritio Glaronenſi, Equiti  
aurato, vendidere: à quo homines ju-  
riſditionis hujus, anno 1527. ſe pecu-  
nia redemere. Magiſtratus libera electio  
eſt. Miniſtralis, cum duodecim Aſſeſ-  
ſoribus, Civilia & Matrimonialia admi-  
niſtrat. In Criminalibus, ſex adiunctos,  
è jurisditione Furſtenoviana, habent.  
Juris-

Iurisdicção Furstenoviana, nomen habet à Castro Episcopali ejusdem nominis, cum pago adjuncto. Viciniæ quatuor sunt: 1. Furstenovia. 11. Scharansum: ubi turris, ejusdem nominis erat. 111. Silium: in cujus circuitu stant castra, Ehrenfels, Baldenstein. & Campellum. iv. Almenum: cui arx diruta nomen dedit. In eius viciniâ castrum Hafsprung, prope vicum Praduallum, dirutum etiam jacet: stat autem arx Rietberg.

Præfectus (*Landvogt*) cum duodecim ius-dicentibus, de Civilibus & Matrimonialibus, judicat. In Criminalibus, vice versa, ab Ortensteinianis adjunctos habens.

Per angustum ostium, & periculosam viam, Murum (*Schyn*) dictâ, ex Valle Domestica ad Vatienses superiores venimus.

Vatiensis iurisdicção celebris propter sedem nobilissimorum Baronum hujus stemmatis, facta est. Cum Bergunien-sibus, seu dominio de Gryphenstein, magnum facit conventum: & in quatuor Quartas, seu Squadras subdividi potest: 1, Almennum, Zurtenum: quo spectat Nivallum, (ubi castrum munitum ejus nominis fuit, quod Barones de Vatio aliquando inhabitavere) & Soles; qui locus etiam, ab arce ibidem

328 PALLADIS RHAETICAE  
excisa, nomen trahit. 2. Lainum. 3. Mul-  
dainum & Dalum . 4. Sturvisium, &  
Collis seu Motta. Hic uterque poste-  
rior locus, in Civilibus Ministralem ha-  
bet. Appellationes autem ad Vatiensem  
jurisdictionem deferuntur.

Paruit olim jurisdictio hæc naturali-  
bus suis Dominis, Baronibus à Vatio: in-  
de ad Verdenbergicos Comites devolu-  
ta est. Georgius Comes Verdenbergicus,  
anno 1456. Episcopo Curiensi Leonhar-  
do, Sexamnum & Vatum pro 3600.  
floreus vendidit: à quo deinde incolæ  
pecunia ex parte se redemerunt.

Creant illi Ministralem: cui electo ju-  
ramentum Præfectus Episcopi, Furste-  
noviæ defert. In Civilibus, undecim As-  
sessores sunt: in Matrimonialibus, sex-  
decim. In Criminalibus, Præfectus Epi-  
scopi præsidet: sedecim Vatienses jus  
dicunt. Hi quatuor ex Furstenoviana  
jurisdictione, & unum è Parpano, qui  
in territorio Vatiensium habitat, adjun-  
ctos habent. Torturam Furstenoviæ, in  
castro, maleficis inferunt: executio au-  
tem apud Vatienses fit. Multarum mi-  
norum dimidium unum Ministrali; al-  
terum, Communitati; multa vero  
major, Præfecto Episcopi (qui etiam, de-  
ficientibus malefici bonis, expensas sol-  
vit) cedit.

Proxi.

Proximū est dominium de Gryphenstein; quod Nobilium hujus familiæ fuit: inde ad Episcopatum Curiensem venit. Ut feudatarii & beneficiarii id aliquando possederunt Comites ab Amacia. Anno 1396. die 2. Febr. Hartmannus Comes à Verdenberg, Episcopus, illud redemit. Anno 1537. die 16. April. dominium de Gryphenstein se, ab Episcopatus Curienfis subjectione, persolutis 2300. florenis Rhenensibus aureis, liberavit.

Viciniæ hæc sunt: 1. Bergunium, unde ex monte Albulæ, Engadinam superiorem attingente, flumen ejusdem nominis prorumpit; quod se non procul à Castro Baldenstein, Rheno posteriori jungit. 2. Felisurum: ubi castri Gryphenstein rudera, in monte cernuntur. Sunt ibidem multæ minæ argenti, plumbi, cupri & ferri; quæ à Ioanne à Salis, quondam Vallistelinæ Vicario & sociis diligenter excoluntur. 3. Latium. & 4. Stulium. Pertinet etiam ad jurisdictionem Vicinia montis Ionii.

Burgunienfes, Ministralem regionis habent: qui civiles quæstiones, cum sex Assessores dirimit. Sin controversiæ sint extra Bergunium, de servitute prædiorum: Latium Assessores duos & Stulium unum contribuit.

Felisurum, Ministralem quoque habet: qui in Civilibus, ad summam 20 florenorum, cum sex Assessoribus, pronunciare potest: quod si dictam summam controversia excedat; Ministralis Bergunii, cum assessoribus, eo accersitur. Matrimonialia & Criminalia, à Ministrale regionis Berguniensi, & undecim Assessoribus, (6. videlicet Berguniensibus, 2. Felisuranis, 2. Latiensibus, & 1. Stuliano) deciduntur.

Ad hanc Iurisdictionem pertinet Quartus, ut vocatur, de Lantio, Brienzolo, & Vazerolo: qui Cathedrales dicuntur. Etsi autem territorium decem Iurisdictionum foederis sit; & in Civilibus, Matrimonialibus & Criminalibus, eisdem iudicibus illi Cathedrales pareant: quæ tamen functiones militares, creationem Officiorum apud subditos, & Comitiarium Foederum, concernunt; Cathedrales ex dictis pagis suam contingentem partem apud Bergunienses habent.

Vergimus ad Suprasaxum, olim Ministerium in Impedinis, quasi in imo pedis alpium, in antiquitatibus Curienfis dictum: quod cum Imo castro magnum conventum constituit. Regio tota in 5. plebes distributa est: 1. Tinitionum: cujus Antoninus Augustus, in Itinerario, meminit. Turris ibidem Nobilium

bilium à Marmore fuit. Ministrale in Civilibus, cum octo Assessōribus, (ut in omnibus sequentibus locis) habet. Ad hanc plebem pertinet Rovenā, Livizonum: item Surum & Molendinum, (ubi turris Spludatium stetit) cum Valle Fallerā. Et hi suum Civilem Ministrale habent.

2. Savogninum. Inter hunc pagum & Contrum, Turris Petnale in ruinis jacet.

3. Reams (*Rhetia ampla*) castrum huius nominis est. Et hic pagus suum Civilem Ministrale habet. Item Contrū, (quod ex adverso sitū sit) cum Brucinio. Ministralis Civilia administrat.

4. Salucum, Delum, (infra quod Turris Vallaca fuit) & Presantium; prope quod rudera Castri Rauschenberg cernuntur.

5. Imum Castrum: cui arx destructa, & situs, nomen dedit. Eius meminit Antoninus Augustus in Itinerario suo. Quo spectant, Prata, & Alfaseinum; eis Ministralis in Civilibus præst. item Monum, in proximo monte situm: ubi etiam Ministralis civilis est.

Criminalia à Præfecto regionis (*Landtvoigt*) cum 18. Assessōribus judicantur. Multæ, deductis expensis judicialibus, Præfecto cedunt. Matrimonialia, à Præfecto,

332 PALLADIS RHAETICAE  
fecto, & quatuor Assessoribus, digno-  
scuntur.

Bivium, (*Stalla, Stabulum*) ita di-  
ctum quod ibidem duo itinera montes  
scindant: alterum, per Septimum mon-  
tem, in Prægalliam ducens; alterum, per  
Iulium, (uterque enim mons Iuliarum  
alpium pars est) in superiores Engadi-  
nos: cum proxima Iurisdictione Avera-  
sa, & Eremusio, ac Celino, apud Enga-  
dinos inferiores. Conventum magnum  
constituunt. Flumini etiam, ex Septimo  
monte scaturienti, Rheni nomen dant:  
qui se ad Imum Castrum Albula miscet.

Viciniae hic sunt: Bivium cum Nala-  
co, Stabulum vetus, & Marmorea; cui  
vico vicinum Castrum destructum, huius  
nominis, nobilissimae familiae à Marmore  
prima sedes, celebritatem addidit. Mi-  
nistralis, in Civilibus & Matrimoniali-  
bus, cum 12. Ius-dicentibus, pro tribu-  
nali sedet. In Criminalibus, Praefectum  
Suprasaxiensem, cum duobus aliis, ac-  
cersunt. Multae minores, Communi-  
tati; maiores, nempe Criminales, Prae-  
fecto Suprasaxiensi, cedunt.

Aversa, uti & Bivium, in aspero loco  
sita est; parte montis Septimi à Bivio  
segregata. Vicinae sunt septem: 1. Ma-  
drisium. 2. Crottum. 3. Campsupreum.  
4. Platta. 5. Casale. 6. Cresta. 7. Curres.  
Quon-



• Quondam Nobiles à Marmore, tanquam beneficiarii Episcopatus Curienfis, jura ibidem exercebant. Ipsi vero incolæ tandem se liberavere: & hinc Ministralem libere eligunt; qui cum 12. Affefforibus, Civilia, Matrimonialia & Criminalia administrat.

Superato Septimo monte, Prægaliam, quæ in ora Galliæ Cisalpinæ est, ingredimur. alii Præluliam, quod ad pedem Iuliarum alpium jaceat, nominant. Multis Imperatorum privilegiis, præsertim Henrici II. uti suo loco diximus, decorata est; & libera Imperii regio dicta. Conventum magnum sola efficit: qui in duas Civiles Jurisdictiones, Porta (ubi castrum & oppidum Muri erant) terminum statuente, dividitur. Supraportanæ Jurisdictiones septima pars, Casatia vicus est, ad pedem Septimi & Maloii montis jacens; ubi etiam itinera secantur: ob S. Gaudentii corpus, ibi sepultum, quondam celebris. Truncus Gaudentii, caput etiam amputatum ad locum hunc detulisse, uti de S. Placido diximus, narratur. Turris ibidem fuit. Pertinet eo Caprile, & mons Maloii, Iuliarum alpium membrum. Inde, uti ex Septimo monte, Maira fluvius, qui Lario se miscet, scaturit. Suum incolæ in Civilibus Ministralem habent.

Cæteri

contulisse dicuntur; nominaque amissæ patriæ sedis hîc renovasse. Aspera quidem, & frigidus cœlo est; sed amœnitate, & fructuosis pratis, campis, & alpibus felix.

Anno 830. Bertholdus Comes, in Enjatina fuit.

Anno 1139. Dedalricus, Comes de Camertingen, & frater ipsius Adalbertus, cum matre sua, & per voluntatem suorum liberorum cum manu Advocati sui Eberhardi de Sacco, vendiderunt Conrado, Sanctæ Curiensis Ecclesiæ Episcopo, jura sua in Engadina superiore (locis & pagis enumerandis supersedeo) pro 800 marcis argenti, & 60 unciis purissimi auri. Exstat & alia venditio Dedalrici & Conradi, cum sororibus suis, liberorum Dedalrici Comititis superscripti, cum voluntate patris, & patruï Adelberti, & manudiçti Advocati, eidem Episcopo Conrado, eodem tempore facta, aliquorum in Engadina superiore locorum pro 260 marcis argenti. Idem, eodem momento, Episcopatu Curiensi, pro remedio animarum suarum, propria sua bona ad Ponteresinam donaverunt.

Anno 1492. cum Episcopo Henrico ab Hevven, & Capitulo Curiensi, certas conventiones, pro libertate sua iniere.

Anno

Anno 1494. eidem Episcopo, pro exemptione, 900. florenos dederunt: & hinc liberam Reipublicæ administrationem habent.

Tota regio superior, in duas partes, per fontem Merulam, divisa est. Superioris, ut situm illius sequamur, supremi versus Prægallios sunt: 1. Silium, Valisfaiz, & Cryptę albæ. Hic primus Oeni ortus, ex Maloio, (Iuliarum alpium membro) & ex ipso monte Iulio, qui propter excellentiam nomen obtinuit, cernitur. In monte Iulio, columna lapidea quondam fletit, ab Imperatore aliquo aut Rhætiæ Præside erecta: ex tribus frustis consolidata erat: quorum duo ulnæ unius quodque magnitudinis, decidere. Lacum Silientem Oenus, primo efficit: in cujus ora, Castri diruti rudera cernuntur, à Castromuris olim habitari. Silientes suum civilem Ministralem, cum sex Assessoribus, habent: (uti & in cæteris vicis sequentibus) qui more Ministerialis apud proximos Sylvaplanenses, de qualibet summa pecuniaria, & controversia civili, consentientibus partibus, judicare potest.

2. In descensu, pagus Sylva plana est cum Supralaco; qui locus à lacu ibidem nomen habet. Hic Ministerialis Civilis est.

3. Sanctus Mauricius: prope quem acidulæ sunt, à Theophrasto Paracelso summopere celebratæ. Lacum etiam pisciferum habet. Ministerialis Civilis hîc, (uti apud Celerinenses, Pontaresinenses, & Biverenses, qui proprios etiam suos Ministeriales habent) ad summam viginti duorum cum dimidio florenorum, pronunciare, cum Assessoribus potest.

4. Celerina. ubi etiam lacus est.

5. Pontaresina, versus montem Berninam sita. Turris ibidem diruta cernitur: & inde trita via est ad Pescavienses.

6. Samadœnum, quasi *summum Oeni*. Fluvius inde ex monte prorûpens, alteram Oeno scaturiginē dat. Egregius est pagus: ubi Ministerialis Civilis est, qui cum 16 Assessoribus, ex regione collectis, controversias major Civiles, supra fontem Merulam, decedit.

7. Beverum, cum loco ad Augias (*Alles Angies.*) Hîc conventus & congregationes totius Engadinæ superioris habentur.

Infra fontē, venimus 1. ad Pontē: unde per montem Albulam ad Bergunianos iter est. Viciniam cum pago Căpovaſto constituit. Ministerialis Civilis (uti & Scamfienſis) ad summam 15. floren. jus dicit.

2. Maduleinū, cui diruta arx, Guarda vallis dicta, imminet: Ministerialis hujus minima jurisdictio, 3 nēpe tantū flor. est.

3. Zutizium, sedes Ministralis totius regionis est; qui aut ipse, aut locum tenens, ex familia Plantarum desumitur. Sedes enim antiqua est nobilissima familia Plantarum: qui quondam diversis immunitatibus gavisi, quasdam etiamnum retinent. Turris ejusdem nominis ibi est. Pagus ornatus ædificiis, pro more regionis, fultus est. Vicinæ sunt; Dorta, & supra Oenum. Ministralis regionis, civilia in pago peragit: quæ vero graviora sunt, & dictam summam in aliis pagis, infra Merulam excedunt, 16. iudices, quorum 8. à Suprafontanis accersuntur, decidunt.

4. Scamfium: infra quem pagum, olim aggeres exstructi fuerunt, qui nunc diruti sunt. Inde iter per montem Cassannam, in Luvinium, quod Bormiensis ditionis est. Pertinet eo Capella ubi nosocomium est; Cinuscal prope pontem altum, qui Engadinam superiorem ab inferiore dividit; & Susana, unde per Scaletam ad proximos Davosianos via ducit.

Matrimonialia, in loco Augiæ, à Ministrali, & 16. Assessoribus regionis, dijudicantur. Criminalia vero totidem administrant. Si supra fontem Merulam; Samadeni iudicii locus est: si infra; Zuzii tribunal est.

Quilibet pagus deinde suos Covicos habet. Ad electionem Ministralis regionis, Cancellarii & Assessorum Criminalium; uti & ad creationem Officialium, apud subditos, & Oratorum ad Comitia trium Fœderum, sedecim Deputati, in loco Augiæ congregati, conveniunt: quorum quatuor dat Zutziū, cum Madulaino; duos Scamsium; totidemque Campovalsum & Samadenum: Biveru, Celerina, Puntaresina, S. Mauricius, Sylva plana, & Silium, quilibet vicus unum mittunt.

Descendimus in Engadinam inferiorem: qui Conventus magnus, in duas minores jurisdictiones, (quoad Criminalia, monte Fulono, quoad Civilia, Valle Tasna) distinguitur: ita nempe, ut Fatanum, in Criminalibus ad superiores; in Civilibus ad inferiores spectet.

Vicinia superioris Jurisdictionis Civilis, sunt quinque: 1. Gernetium: ubi turris Vildenberg fuit; habitatio nunc Capitanei Rudolphi Plantæ, Equitis auro-rati, & malefactorum ibidem judicis: alia item turris Maurorum familiae; quæ diruta est. Huc spectant, Brailum, & mons Pesfaliarius, (*Puffalora*) cum furno, ubi ferrum coquitur. 2. Susium: ubi in tribus diversis collibus, turrium collapsarum ruinæ cernuntur. 3. Lavinum.



4. Guarda, cum Bosca. 5. Ardetium. castrum hujus nominis, ibidem in ruinis jacet. Hi pagi suum in Civilibus Ministralem, cum 15. Assessoribus habent; & una cum Fetano, ut diximus, judicem in Criminalibus. In matrimonialibus, praesidet Ministralis cum Assessoribus tribus: qui Ecclesiasticos etiam consulere solent.

Inferior jurisdictio, Vicinias quatuor habet in Civilibus: 1. Fetanum: ubi arx Ortueina destructa cernitur. 2. Scolium: ubi Portarum turris fuit; & quondam Monasterium, quod inde Burghusum translatum. Fons etiam acidularum optimus ibi exstat. Pertinet eo Vallis Scarla, ob minas argenti & ferri olim celebris: ubi & Princeps Austriacus, Comes Tirolis, adhuc suum minarum judicem habet. 3. Sentum: ubi Burgus S. Petri, arx munita stetit.

Castrum Tarasum, non procul à Scolio situm est: ubi Castellanus, nomine Principis Austriaci, Comitis Tirolis, residet. Hodierno tempore, Mohri à Liechtenegg, jure pignoris illud tenent, cum vicinia ejusdem nominis. Ibi fons falsus est, à Conrado Gesnero, Medico excellentissimo, & Ioanne Fabricio Montano versibus celebratus. Etsi autem Tarasum in foedere non sit: ta-  
men



men in omni iudicio Civili, Matrimoniali & Criminali, jurisdictioni Scolienfi paret. Ministres Civiles, in hac jurisdictione quatuor sunt: 1. Cathedralium: qui cum 9. Assessores iudicat. 2. Signorix, (Austriacorum nempe) ut vocant: in cuius electione Præfectus Taraspi duo fert suffragia; & iuramentum dat. 3. Abbatix montis Sanctæ Mariæ. 4. Cœnobii Monialium Vallis Monasterii. In Matrimonialibus, præsidet Ministralis Cathedralis cum Assessores duobus Ecclesiasticis, & uno Politico.

Eremusium autem, cum Celino & Samnitio, etsi conventum magnum, cum Bivio & Aversa constituent: in Criminalibus tamen ad hanc jurisdictionem spectant; suam vero Civilem jurisdictionem habent: quibus Ministres præfunt.

Vicinix sunt: Eremusium; cui Castrum, Canities olim dicta, imminet. Episcopatus Curienfis feudum & multa egregia prædia tibi tenet. Hartmannus, Episcopus Curienfis, illud anno 1394. à Comitibus ab Amacia, ut beneficiariis, recuperavit: quibus anno 1368. à Zuanzingero, ex familia Eremusienfi, oppignoratum fuerat. Ibidem, infra pagum, ex Valle Tassa, prorepit fons, ex loco natura concamerato: qui certis diei

342 PALLADIS RHAETICAE  
diei horis deficit; ac unius horæ spatio  
iterum largiter accrescit. Huc spectant;  
Erux, (*Crienssch*) Menaum, (*Mnau*) &  
S. Florinus, qui ibi sepultus est: quo ma-  
gnæ quondam peregrinationes fiebant.

Ministralis de Civilibus, cum 3. As-  
fessoribus judicat: &, si opus, adjunctos  
assumunt à Scoliensibus. Matrimonialia  
(ut etiam Celini & Samnitii) Mini-  
stralis, cum duobus Ecclesiasticis, & as-  
sessore politico dirimit.

Sequitur Celinum; ubi arx Vitelliana  
(*Serviez*) stetit: Receptiuncula, (*Rets-  
fella*) Sanctus Nicolaus, Sylva plana,  
Pons Martis & Torrës Cerius, (*Tschier-  
genbach*)

Ibidem in confinibus & territorio  
Comitatus Tirolis, ex monte Venusto,  
scaturit Athesis; quæ Pado se tandem  
miscet. In ostio strictissimo, Vestmetia  
(*Vinstermuntz*) dicto, qua iter in Ger-  
maniam per Vallem Oenam est, Princi-  
pes Austriæ, Castrum habent, & telon-  
ium opulentissimi proventus. Duos  
Ministrales habent in Civilibus: unus  
Cathedralium, qui cum tribus Assessoribus  
judicat: alter Signoriæ est.

Superest Vallis Samnitia, seu Samno-  
num: quæ etiam suum Ministrale in  
Civilibus habet: in gravioribus Eremu-  
sianos etiam adeunt. Iudicium Crimi-  
narium,

nalium, infra & supra montem Fulonum, electio ita fit. Communitates quatuor personas dignas nominant: ex quibus Præfectus Oenotrianus, nomine Principis Austriæ, possessoris Comitatus Tirolis, cum consilio Præfecti Furstenburgici, unum eligit. Hi duo Præsides electi, quilibet in sua jurisdictione, una cum 12. Assessoribus, Criminalia judicant. Mulctarum dimidium unum, detractis expensis judiciariis, Præfecto Oenotriano; alterum, in duas partes æquales divisum, Episcopo Curienti, & Communitatibus cedit. Cæterum, omnium bonorum nulla confiscatio apud ipsos est.

Superato monte, in vallem Monasterii descendimus. Nomen hæc à Conventu monialium sortita est: & magnū conventū tota efficit. Dividitur in duas jurisdictiones: quarum superior, in quatuor Vicinias distincta est.

1. Versus montem Valderam (unde amnis Ramus profluit, & in Athesin influit) est Cervium, cum Luio & Valdera, interiore & exteriori: Vallis item cava, Vallis Pesona, & Lusscium.

2. Sancta Maria, (unde tritum iter, per jura Rhætica, ad proximos Bormienses est) Sylva, Campus Cresta, Puccium, & Terza.

3. Monasterium: ubi Cœnobium monachialium est, à Carolo Magno Imp. fundatum: ei præest Abbatisſa, & ſuum Civilem Miniſtralem in Valle habet: item Ruinatia & Gualdum. 4. Tuberium; (Comites hujus nominis quondam hic ſedem habuere) Rivera, & Bovilium. Sunt propè & infra Tuberium, in Comitatu Tirolenſe, diverſa caſtra, Curienſis Episcopatus ſeuda; nempe Terra Rotunda, (*Rotund*) Schroffenſtein, Rychenſtein, Rychenberg, Helf mir Gott, (*Deus me adjuvet*:) & ſupra Schluderium, caſtrum Churberg. Tuberiani, in Criminalibus, Auſtriacis parent. In Civilibus, hæc juridiſſictio duos judices habet: Miniſtralem, (qui ipſe non judicat; ſed locum tenenti committit) una cum quatuor Aſſeſſoribus; & Anwaldum (*Vicem-gerentem*) cum quatuor Aſſeſſoribus. Uterque duabus Viciniis præſt: & Magiſtratus eorum annuus eſt, per Vicinias alternatim diſtributus. In Criminalibus, præſidet Anwaldus; cui ſeu Aſſeſſores adſunt. Miniſtralis, cum Caſtellano Episcopii Curienſis, qui in caſtro Furſtenburgii reſidet, accuſationem inſtituunt, & ſiſci partes agunt. Multæ & expenſæ Caſtellano cedunt. Conſiſcatio autem bonorum omnium, locum non habet. In

Matri-

Matrimonialibus, judicant 8 peritiores deputati, Ecclesiasticorum quoque consiliis admissis.

Inferior Iurisdictio, nempe infra Casam-Venæ, per vicos sparsa est. Territorium cum causis Criminalibus, Austriaci Principis, Comitis Tirolis sunt. Cathedralis namque aliqui, Malii, Laudî, Tartii, in valle Stilvia, Borghusii & alibi habitant. præsidem, judicem Cathedralē (*Gottshaus richter*) vocant. Ibi prope Borghusium stat castrum Furstenburg, quod Episcopi Curiensis est: & parva inde distantia, Abbatia Monachorum montis S. Mariæ; de cujus fundatione hæc accepimus.

Anno circiter 1104. Eberhardus, frater Hulderici, Episcopi Curiensis, ex bonis propriis Monasterium Ordinis S. Benedicti, Scolii, in Engadina inferiore, fundavit: quod fulmine absumptum, anno 1131. ab Episcopo Conrado iterum consecratum fuit.

Anno 1146. Huldericus de Taraspo, pro redemptione animæ suæ, (in juventute enim prædator fuerat) illud ad S. Stephanum, in Vennonibus, ubi latrocinatus erat, transtulit. Muris autem ibi corruentibus, visione (ut scribitur) trium facium ardentium admonitus, in loco montis S. Mariæ, idem

346 PALLADIS RHÆTICAE  
fabricari curavit; & monachalem habitum ipse, cum uxore Vtha, assumpsit. Ejus effigies, habitu militari, in tumulo picta est, manu schedulam tenens, cui hi incompti versus sunt.

Mundanis spretis, summæ pro parte quietis,  
Prædia signata donat Vldericus & Vtha.

Olim erat etiam Curtis Schanza apud Athesinos: ubi Cathedrales aliqui sedem & jurisdictionem Civilem, præside judice (*Richter*) habebant: eis autem deficientibus, illa paulatim avulsa fuit.

Situs ratio postremo ad Peseclavium nos ducit: quod ultra montem Berninam, (unde fluvius Peseclavinus, qui in Abduam influit, ortum habet) versus Vallemtelinam jacet. Conventus magnus est: & sub Episcopis Curiensibus diu fuit: inde avulsum, Mediolani Vice-Comitibus & Ducibus paruit: tandem Episcopatui restitutum, & in fœdus receptum est.

Populus se post ab Episcopatu redemit: & proinde Rempublicam suam libere administrat.

Subdividi potest in quatuor partes:  
1. Peseclavium, amœnus & bene excultus locus, jurisdictionis maxima pars est: ubi etiam Typographia viget.

2. Centrata (hoc enim verbo utuntur)



tur) interior: ubi loca, Ainum, Cavallia, Piscatellum, & Campellum: ibi Castrum de Olzate in ruinis cernitur.

3. Contrata exterior ubi Prata, Campilionum, Motta de Pedenale. Ibi arx & sedes Præfecti Episcopi erat.

4. Brusium: cujus sex Cantones: 1. Brusium; ubi Ecclesia. 2. Campestum. 3. Salendæ. 4. Le Prése. 5. Lacus: pulcher, amœnus, & piscifer. 6. Viannus mons.

In Civilibus, Ministralem habet, cum sex Assessioribus. Horum judicium ad triginta floren. se extendit: executio autem à Prætore Pesclavii petenda est.

Pesclavii, res civiles solus judicat Prætor; (*Potestatem illi dicunt*) qui una cum Cancellario eligitur à 12. Consiliariis. Et hi, Præside Prætore, Criminalia & Matrimonialia dirimunt. Consiliarii autem, cum Accolateris, à Decano & Officialibus duobus: hi autem, Decanus & Officiales, quorum minus idem quod Quæstorum est, sorte eligi solent. Appelationes ad 5. Accolateros referuntur.

In hoc fœdere, civitas Curiensis, Quatuor Pagici, Motta vicina, in Vatiensi superiori jurisdictione, & Aversa, Germanica lingua utuntur: reliquæ jurisdictiones: Rhætica; Engadini Ladinum vocant. Prægallienſium tamen, & Pescla-



348 PALLADIS RHÆTICAE  
& Pefclavienfium, Italicae linguæ admo-  
dum confona eft.

---

L I B E R N O N V S.

**D**E C E M Iurisdictionum fœ-  
dus ita dictum eft: quod, cum  
septem tantum Convētus ma-  
gnū ſint; ex his tamen, trium  
poſteriorum quilibet in duas minores  
jurisdictiones dividatur: quarum Alvo-  
novana hodie in duas quoque alias ſub-  
diviſa eſt.

In hoc fœdere, antiquitus nobiliſſi-  
ma familia Baronum à Vatio, non qui-  
dem abſolutum, ſed certis terminis cir-  
cuſcriptum & moderatum, imperium  
habuit. Vltimus autem hujus proſapiæ,  
Ioannes Donatus, armis (ut ſuo loco re-  
citavimus) clarus, duas filias hæredes,  
Cunigundim nempe, Comiti Friderico  
à Tockenburg, & Vrfulam, Rodolpho  
Comiti à Verdenberg, matrimonio jun-  
ctas, reliquit: atque ita ſucceſſu tempo-  
ris, totum hoc dominium, in Comitem  
Fridericum Tockenburgicum, (cujus  
avia Cunigundis erat) & ipſum ſuæ fa-  
milie poſtremum, derivatum, iterum  
coaluit.

Hic anno 1436. ultimo April. die, Ru-  
eni, in pago Tigurino, fatiſ ceſſit; uxore  
Elisabetha

Elisabetha ab Amacia hærede ex æsse instituta: quæ sibi Curatorem, Fridericum Baronem ab Hevven, assumpsit, Ast anno sequente ista quoque Elisabetha, Velcurii, solenniter omnia bona, hæredibus prædicti Comitis, mariti sui, renuntiavit. Vnde postea variè ampla ejus dominia distracta fuere.

Octo jurisdictionum dominium (de dominio enim Majævillæ mox ex ordine sermo fiet) sibi, tanquam ex parte hæredes, vindicabant duæ sorores Comitissæ à Verdenberg: Cunigundis, quæ Guilielmo, Comiti à Monteforti, nupta erat; & Catharina, cujus maritus, Henricus à Sacco, Comes Misauici, erat; ex quo illa filium ejusdem nominis suscepit. Jurisdictionem hi Davosianam, Alvonovanam (ab altero scilicet Castri Bellofortis latere), Davosium spectante; quod per pontem altum terminos ibidem statuit) ac Scavianam, ad Pratum longum sitam, multis privilegiis & immunitatibus, anno 1438. in festo S. Agathæ, die 5. Februarii, ornaverunt.!!

Post Guilielmus, Comes Montfortius, solus dominium sex jurisdictionum adeptus, illud, cum pacto luendi, anno 1459. consanguineo suo, Hugoni à Monteforti, Rottenfelsii Domino, vendidit:

350 PALLADIS RHAETICAE  
didit: qui anno 1460. Davosianorum &  
cæterorum privilegia confirmavit. Hu-  
go jura sua Sigismundo, Archiduci Au-  
striæ, tradit: jure etiam recuperandi, an-  
no 1471. à Comite Gulielmo Verden-  
bergico, empto. Archidux autem hæc  
omnia, ante præstitum homagium, cum  
pactio tamen luendi, Vlderico Comiti  
ab Amacia vendit: qui duas prius jurif-  
dictiones, Castrensem & Aceriensem,  
in Rhætigoja, post fata nempe Friderici  
Comitis à Tockenbourg, propter ma-  
trem suam Margaritam, è familia Baro-  
num à Rhætio, ex parte hæredem, jam  
adeptus erat. Pater Vldericus omne jus  
suum Gaudentio filio resignat: qui eo-  
dem anno 1471. omnes has octo jurif-  
dictiones, inter alia, etiam hoc liberta-  
tis munere donavit: ut nec ipse, nec suc-  
cessores ipsius, Præfectum dare valeant;  
nisi cum consilio & voluntate prædicta-  
rum jurisdictionum.

Anno 1477. Gaudentius jus suum Si-  
gismundo, Archiduci Austriæ, celebra-  
tis propterea Comitibus fœderis Davosii,  
vendere constituit. Sex autem jurifdi-  
ctiones, super ea re duo reliqua fœdera  
consulunt: quæ alienationem dissua-  
dent; & Legationem proin ex tribus fœ-  
deribus, ad Archiducem mittunt, eum-  
que de statu rerum informant; & ut  
hanc

hanc denegationem æquo animo ferat, causis in medium adductis, rogat.

Anno 1478. Archidux Sigismundus, ex virtute pacti, luendi, dominium totum, soluta oppignoratione, recuperat; sex Iurisdictiones jurare, justis de causis, renunt. Gaudentius Comes ab Amacia, & Lucernates Helvetii, ut mediatores, illos ad juramentum præstandum exhortantur. Sic illi tandem; Sigismundo privilegium exemptionis teloniorum, eodem anno, per omne dominium suum, pro se & successoribus, benigne ipsis concedente; consensere.

Anno 1489. idem Gaudentius, duas Iurisdictiones, Castrensem & Aceriensem, hæreditarias, & quas sibi retinuerat, eidem Sigismundo tradidit: quæ tamen suis privilegiis fretæ, Sigismundo & ipsius successori Maximiliano, nisi post pacem, Basileæ, inter Maximilianum Imperatorem; & Helvetios ac Rhetos, anno 1499. initam; parere recusarunt: Præfectum castri Castrensis, nomine trium Fœderum, agnoscentes. Sed donati post pacem Basileensem, privilegio exemptionis telonii, exemplo aliarum Iurisdictionum, fidem juravere.

Et ita deinceps ordine Sigismundi hæredes & successores, ex serenissima domo Austriaca, omnibus octo Iurisdictionibus;

352 PALLADIS RHAETICAE  
bus, quæcunque eorum privilegia, immunitates, exemptiones & ritus, sive scriptis comprehensos, sive bona consuetudine receptos, plenè confirmarunt: uti ex Maximiliani primi, Caroli quinti, Ferdinandi Imperatoris, & ejus in Comitatu Tirolis successoris filii, Ferdinandi Pulchri; Rudolphi item secundi Imperatoris, & Maximiliani Archiducis, fratris hodiè regnantis, diplomatibus videre licet.

Præfectum, in castro Castrensi residentem, Principes Austriaci, Comites Tirolis, de consilio & voluntate populi, vi privilegiorum, uti diximus, constituunt. Hic plerunque à populo etiam juramento obstringitur: ne se Reipublicæ negotiis, præterquam eis, quæ suæ sunt functionis, ullo modo immisceat. In Capitalibus & Criminalibus, persona rea, à jurisdictione, in qua deprehensa est, capitur. In Rhætigoja, ad castrum Castrense, si jurisdictio ita juris esse decernat, deducitur: in aliis locis sui proprii carceres sunt. Præfectus assciscitur; & judex maleficiorum, (quem Princeps Austriacus designat; cui scriba etiam additur) cum decem Assessoribus, ex qualibet jurisdictione uno electo, (ex dominio Majavillano etiam duo intersunt) convocantur: processus deinde  
(præviis

(præviis semper, antequam ad capturam deveniatur, legitimis indiciis) tam in plano, quam rigido examine, plerunque in præsentia Præfecti, instruitur: iudicio publico, & quidem sub dio, contra personam detentam instituto: Præfectus Procuratorem, ex confesso illorum decem, assumit; & actionem persequitur. Rei partes, ex eodem confesso unus assumptus, defendit. Sententiam postea, à iudicibus conscriptis latam, Præfectus mitigare quidem, (adhibito plerunque eorum consilio) aggravare autem minime potest. Iudiciales sumptus, ex bonis rei, si quæ sunt, fiunt: quibus deficientibus, Præfectus, nomine Principis pendit. Cæterum confiscatio omnium bonorum nulla est.

Minarum metallicarum jura; quarum magna in octo jurisdictionibus copia est, Princeps certis circumscripta terminis, habet; suumque iudicem constituit, qui decimas ex eis exigat.

Quod si Principi Austriaco, Tirolis Comiti, cum una vel pluribus Communitatibus, ex octo jurisdictionibus, aliqua disceptatio intercedat: coram alia jurisdictione fœderis decem jurisdictionum proxima, à competente iudice, jus dicitur; neque extra fœdus iudicium trahitur.

In Civilibus, in jurisdictione Cœnobiana, Ministralem, (*Landtammann*) quasi dicas, Regionis Officalem, (quo titulo Præsidentes omnium jurisdictionum in isto fœdere, præterquam in dominio Majævillano, appellari solent) Præfecturas nominat. Ita enim inter Sigismundum Archiducem, & hujus jurisdictionis homines, convenit: ut ipsi ab expensis quas graves, ob dissidia inter Teutonicos, & Rhætica lingua utentes, ob Ministralis electionem, & alia, faciebant, liberarentur, & immunes conservarentur.

In reliquis duabus Rhætigojæ jurisdictionibus, ex tribus à Præfecto propositis, populus unum sibi deligit.

In Alvonovana, (quam nunc Lantianam vocare libet) nempe ab exteriori Castri Bellfortensis parte; ut etiam in Corvantiana, & S. Petrum in Scanavica Valle, tres populus nominat: ex quibus unum ipse Præfectus secernit. Iusdicentes autem, ubique populus libere eligit.

Mulctæ, quæ juris & fori Ecclesiastici sunt, ut adulteriorum, & aliorum inde dependentium; atque etiam pœnæ; quas jurisdictiones ipsæ, circa observationem festorum, inciduorum, pascuorum, & aliorum huius generis, imponere valent,



lent, iisdem illis cedunt. Cæteræ autem mulctæ, ultra decem asses Rhæricos, in Valle Rhætigoja, detractis expensis, à iudicibus jurisdictionis factis, (quibus etiam potestas est, eas nominandi & exprimendi) Præfecto actori cedunt. In reliquis tribus, Bollofortensi nimirum, ab illius castri parte exteriori, Corvantiæ & Scanavica ad S. Petrum, jurisdictionis, quæ illas exprimit, si ultra decem asses sint, (infra enim solius jurisdictionis sunt) dimidiam illarum partem Regioni, alteram Præfecto adjudicat.

Davosiani autem, Longopratasi in Valle Scanavica, & Alvonovani, ab interiore Castri Bellofortensis parte, (qui Bellofortenses, ex vigore privilegiorum veterum, sibi à Catharina & Cunigunda, Comitissis à Verdenberg, anno 1438. concessorum, anno 1611. in contradictorio cum Legatis Principum Austriæ, Tirolis Comitum, iudicio, in eandem libertatem, qua regio Davosiana fruitur, vindicavere) suos Magistratus ipsi eligunt: omnisq; generis mulctas, etiam graves, utpote carcerationis, privationis & restitutionis honoris & famę graduum, & alias quascunque, præter sanguinis pœnam, libere, absque Præfecti, aut aliorum interventu, quæ-

356 PALLADIS RHAETICAE  
libet in sua jurisdictione, imponunt &  
exigunt.

Causas Matrimoniales, in toto decem jurisdictionum fœdere, septem delecti judices, secundum certas constitutiones & articulos, anno 1561. die 7. Febr. Davosii constitutos, dijudicant. Personas tamen Ecclesiasticas, (ut in trium Fœderum generalibus Constitutionibus diximus) consulere in gravioribus solent. Controversiis & litibus de confinibus terminis, inciduis, & pascuis, aliisque ad jurisdictionem pertinentibus, aut inde dependentibus, inter duas pluresve Communitates, aut etiam inter personas privatas, & Communitatem aliquam, obortis: Oratores decem, (*die Zehen gericht*) ex toto fœdere, plerunque conscribi solent; hi in loco litis congregati, Præsidem inter se eligunt: litemque summario judicio dirimunt. Quod si in aliqua jurisdictione, ordinariorum jus dicentium major pars, vel ipsi auctores aut rei, vel partibus litigantibus sanguine aut affinitate juncti fuerint; ut jus dicere ipsi non debeant: pro judicio integro, à proximis jurisdictionibus, tam interiore, quam exteriori, quinque adjunctos assumere solent; & hi quinque Peregrini (*die funff Frembden*) vocantur.

Jurif.

Iurisdictionum autem hujus fœderis, secundum præminentiam & situm, hic ordo est.

Prima Davosianorum regio se offert. Nomen hoc *Davos*, quod Rhætica lingua *Retro* sonat, inde habet; quod retro nemora opaca, in alto & solitario loco sita sit. VValtherus senior Baro à Vario (cujus dominium amplum erat; atque inter alia etiam Rhætigojam, Scannavicam & Bellofortensem Vallem, quæ Davosio à tribus partibus conterminæ sunt, tenebat) situm horum locorum, fluminis etiam, quod se in plano Alvi-Novi, cum Albula jungebat, scaturiginem, cognoscere volens, cum venatoribus suis, quorum aliquot etiam ex Viberis, Valesiæ populis, habebat, quotidie (uti tunc moris erat) etiam præruptis quibusque in locis, se exercebat. Horum aliqui, fluminis vestigia sectati, ad planitiem satis amplam, laricibus & abietibus undique refertam, deveniunt: moxque progredientes, lacum admodum amœnum, & pisciferum inveniunt. Inventa læti domino suo referunt. Baro, dilatandi imperii & finium cupidus, duodecim ex Viberis, frugalioribus, & aëri frigidiori magis aslueris, muneris loco, solitudinem hanc excolendam, jure feudi, (nulla tamen super eo facta

248 PALLADIS RHÆTICAE  
scriptura, quæ extet) donat. Horum igitur villicorum quisque locum magis sibi aptum, cum familia afflicta, occupat. Prima hæc regionis habitatio, circa annum Domini 1250. contigit. Crescente vero ibi populo, & aliis ad eos migrantibus, cum regio magis magisque excoleretur: Hugo Comes à Verdenberg, & Ioannes Donatus, ac Valtherus junior, fratres, à Vatio; Hugonis avunculi, & prædicti Valtheri senioris omnes tres legitimi hæredes; VVilhelmo (quem illi Ministralem præfecerant; quique officio eo fungeretur, donec sociis suis collibuisse: in posterum quoque libera eligendi potestate populo concessa) & sociis ipsius, in perpetuum feudum, bona Davosii, prout eos patruus Valtherus in possessione collocasset, concedunt: reservato & constituto sibi annuo censu, qui ex caseo, panno patrio, & ovibus constabat; vel horum loco, certa summa librarum mezanarum. Hodie exactor Principis, iudex Maleficiorum & Minarum, exigit. Viginti quatuor libræ Rhæticiæ sunt; quæ viginti septem florenos Rhenenses, & sex bacenos circiter, faciunt: ita certis prædiis impositus census est: quo non soluto; nullus tamen caducitatis aut devolutionis locus est: sed à Præside regionis pro summa non soluta,

soluta, de pecudibus suis, pignus acceptum servata forma, exactor Principis (ut privilegium feudale sonat) æstimare debet. Qui lacum tenuissent, certam piscium summam, mille videlicet tempore Bachanaliorum quotannis solvere tenebantur; aut pro quibusque centenis, libram unam mezanarum luere. Hodierno tempore, Princeps Austriæ & Comes Tirolis, utile dominium lacus, etiam ex jure emptionis, ab Archiduce Sigismundo acquisito, possidet. Super his enarratis monumenta exstant tabulis consignata, anno 1298. in festo S. Bartholomæi.

Situs hujus regionis, etsi excelso & frigido admodum loco sit; ita ut, aspero hyemis tempore, duo tantum itinera (unum, quo ad Rhætigojos, [*Sinz* dictum, quasi Clivus] alterum, quo ad Alvonovanos [*Zug*, id est, Sylvæ descensus] tenditur) sint pervia: cætera undique altissimis montibus cincta; unde labinz (niveam molem, ex monte præcipem ruentem, ita vocamus: quarum lib. 2. in versibus Claudiani, mentio facta est) plurima damna, adeoque mortem ipsam, hominibus, ac pecudibus, inferre solent: lætus tamen, excultus & jucundus est, ob amœnos duos lacus, piscibus præcipue auratis (Truttæ mi-

360 PALLADIS RHAETICAE  
nores sunt) refertissimos; pulchra item  
prata, & fecundas in alpibus pecudum  
stationes; quæ maxima populi merces  
est. Sunt etiam in hac regione fodinæ  
metallicæ, argenti, cupri & plumbi fre-  
quentes; modo recte excultæ essent.  
Regio tota, quamvis eodem Parocho,  
Magistratu & jure utatur; commo-  
ditatis tamen ergo in duos census,  
(*Schnidt*) superiorem & inferiorem,  
Templo parochiali, D. Ioannis Bapti-  
stæ, (ubi Curia & congregationum  
omnium locus est) terminum statuente,  
dividi solet. Sunt deinde tria alia tem-  
pla, in superiore censu, S. Theodori,  
cui vicus aliquot ædium (qui pagi no-  
men habet) prope adest, in inferiori,  
B. Virginis Mariæ, & S. Nicolai. Vici-  
niæ totius Iurisdictionis viginti sunt: ha-  
bitationes enim pleræque sparsim pro  
commoditate prædiorum fabricatæ, vi-  
suntur. Convalles à Meridionali latere  
quatuor habet, hyberno etiam tempore  
habitas: 1. Dismaa est: unde ex monte  
Scaletta flumen oritur; quod graves vi-  
ri ex Rheno fontibus unum esse conten-  
dunt: & ædes aliquot, ad ejus ripam si-  
tæ, ad Rhenum etiam nunc vocantur.  
2. Vallis Floela est, Hæ duæ census supe-  
rioris sunt. 3. Sertiga: ubi balneæ salubres  
sunt; uti etiam in loco Spina dicto.  
4. Mon-

4. Monsteina: ab altera parte, solitudo, Erofa appellata, monte interposito, jact; quæ Davosianæ Jurisdictionis est.

Hæc Jurisdictio magna, cum Caput totius fœderis sit; cujus congregationes omnes (uti omnium trium Fœderum, suo ordine) ibidem celebrantur; omniaque privilegia generalia fœderis custodiuntur: proinde etiam Præsidem, Vexillarium, Cancellarium & Præconem fœderis, sola eligit. Electio Magistratus in festo Georgii fit. Senatus, quod Consilium magnum vocant, octoginta duobus constat: ad quos etiam, in electione Landtammani, (ita Præses vocatur) & Magistratus, triginta octo ex populo, ad ratam & contingentem partem, secundum vicinias, assumuntur. Hi ergo centum & viginti, vota sua primum ferunt: postea tres paucioresve, plurimum suffragiis designati, populo proponuntur. itaque quilibet ex populo, ad Landtammani, judicis Matrimoniorum, Vexilliferi, & Officialium apud subditos; suffragium suum conferre potest. Senatum Majorem & Minorem, Cancellarium, Vice Cancellarium, & Apparitores, soli illi 120. viri auctoritatem eligendi habent.

Ex Senatu majore deliguntur quindecim, qui Consilium minus constituunt;



362 PALLADIS RHAETICAE  
& res Civiles, præſidente Landtamma-  
no, dijudicant. Conſiſtorium Matrimo-  
niale (ut monuimus) ſex Aſſeſſores cum  
Præſide, ex numero 82. ſelectos, habet.  
Appellationes nullæ ſunt: ſed in cauſis  
gravioribus ſubinde Conſilium maius  
conſulitur.

Davosianos proximi ſequuntur Ru-  
cantii, (hodie, qui à Cluſa Caſtri Frag-  
ſtein interius habitant, Rhætigoii di-  
cuntur) qui cum Corvantiis (teſte Stra-  
bone libro 4.) inter Rhætos, ſicut inter  
Vindelicos Licatii, Clautinatii, & Venno-  
nes, omnium ferociſſimi habiti ſunt.  
Rhætico mons (Pomponio Melæ, li-  
bro 3. memorabilis) hîc incipit: inde-  
que vallis Rhætigoja, ex Rhætico &  
Germanico conflato nomine, dicitur.  
Extendit ſe mons iſte, ſecundum longi-  
tudinem, uſque ad Eſtiones: ab altero  
illius latere, Vallis Drufianæ incolæ ha-  
bitant. Mediam hanc Vallem ſecat flu-  
men Langarus: quod in ſummitate &  
cornu altiffimo Rhæticonis, (*Selva-  
Rheta*, quaſi Sylva Rhætiæ, dicto) re-  
tro Vallem Montis Belli exortum, Rhe-  
no, prope pontem inferiorem telo-  
nii, in confinibus Rhætiæ confœdera-  
tæ, ſe miſcet.

Secunda ergo fœderis huius juridi-  
ctio magna, eſt Cœnobiana, Vallis Rhe-  
tigojæ;

tigojæ; à Monasterio Ordinis Præmonstratensium, ad ædem D. Iacobi olim sito; nomen adepta. Anno 1526. Bartholomæus Bilgerus, hujus Cænobii Præpositus, Reformatæ religioni se addixit; & uxore ducta, Curiam, in patriam concessit. Monachi etiam dilapsi sunt. Dividitur in duos census: Interior est ille, qui Davosio magis vicinus est: hicque in tres iterum tertias, seu vicinias, subdivisus est. Primam, à Monasterio infra habitantes (ubi mons Belus, & in descensu collis, à proximis Davosianis balneæ admodum salubres sunt) constituunt. Secunda, Ganda dicitur: ubi Vallis Sylva-pinea est; iterque tritum ad proximos Vallis-Drusianos. Vallicula hæc iisdem privilegiis & immunitatibus, quibus regio Davosiana, uti potest: prout super ea re monumenta in scriptis exstant. Tertia, est Serneusium vicus; ubi balnea bona sunt: item Fovea; ubi Turris, Badino dicta, in ruinis cernitur: Gulsia & Media sylva.

Exterior census, tria loca præcipua habet: Saxium, quo spectat Prada; Contrum, quod è conspectu situm sit, quo pratum rubeum pertinet; & Convalium, (*Kubli*) ubi turris ejusdem nominis stat: quo pertinent loca Delphium, prope quod castri Sontii rudera cernuntur;

364 PALLADIS RHAETICAE  
tur; & Plaveginum: pars item Vallis S.  
Antonii, quæ est à flumine Dalvatia in-  
terior. Landtammannus eorum (qui cum  
16 Assessoribus res Civiles administrat)  
alternatim per census; sicut & in sequē-  
tibus duabus Iurisdictionibus hujus Val-  
lis, secerni solet.

Tertia in ordine, est Castellensis Iu-  
risdictio magna, per flumen Dalvatiam  
à priore distincta. Nomen habet à Ca-  
stro ibidem, (quod vulgo *Castels* dici-  
tur) prope vicum Puteum sito: ha-  
ratio, uti diximus, est Præfecti serenissimi  
Archiducis Austriæ, Comititis Tirolis.  
Duos census & ista habet; flumine Lan-  
garo terminum faciente. Ad secundam  
ejus ripam, tres præcipuæ Communita-  
tes sunt: Prima est Lucianum; (*Lutzein*)  
prope quem vicum, castrum Stadio-  
num in ruinis jacet, unde celebres Ger-  
mانيæ Nobiles orti sunt: item Pinetum.  
(*Pany.*) Secundam constituunt; Pu-  
teum & Puscana, seu Fagetum (*Zur Bu-  
chen.*) Tertia, est pars incolarum Inal-  
pinorum Vallis S. Antonii; nempe à flu-  
mine Dalvatia extrorsum.

Translangerani, sunt aliæ tres Com-  
munitates: 1. Genatiū pagus; ubi rudera  
arcis Castellini cernuntur. 2. Fidisium;  
ubi Castrum Valerium fuit, cum Stralec-  
co pago; cui alia arx dirupta nomen de-  
dit.

dit. In proxima Fidirii vallicula, acidulæ sunt; quæ nomen pagi retinent; cardiacis & iætericis, aliisque internis morbis maxime conducentes, & à tota circumvicina regione frequentatæ. De illarum viribus, elegans scriptum Iacobus Eckholdus, Medicus Lindaviensis, edidit. In planitie etiam, Ovia dicta, balnea sulphurea fuere. 3. Est locus montanus, cui Furna nomen, ab aqua præterlucens; sive à furno, cujus formam refert. Ministerialis in rebus civilibus, tredecim Assellores habet.

Adest quartus Conventus magnus, Aceriensis & Lacupratensis appellatus: cujus duo etiam census sunt.

Aceriensis in se comprehendit, Acerrium, (*Schiers*) ubi torrens Schraus præterluit. Castrum fuit supra Montasium; In monte est Mariza, Montanea, Fiona, Pussereinum, Schuderium: & in planitie, pagus Crucium; cui destructum castrum Sola versa olim imminebat.

Lacupratensis vero census, in monte situs est: ubi pagus Lacupratum. (*See-vyff*). Est ibi etiam locus in alpibus, Cany dictus, balneis admodum salubribus, fœminis præsertim sterilibus, celebratus.

Sequitur Fenasium, & in tractu Trans-Langerano, ad sinistram ejus ripam, vallis Sana;

366 PALLADIS RHAETICAE  
na: prope cuius ingressum fuit Fortali-  
tium, Castellonum dictum. Ministerialis  
illic, cum quindecim jus-dicentibus,  
controversias Civiles dirimit. In hoc  
Conventu magno, Collegium Curienſe  
Curtem habet: cuius homines Capitu-  
lares vocantur: his Ammanum, seu Mi-  
nistralem, in Civilibus, ex ipsismet, Præ-  
positus Collegii Curienſis præſcit: cæ-  
teros Assessores ipsi inter se eligunt. In  
Criminalibus vero & Matrimonialibus,  
eodem jure, quo reliqui jurisdictionis  
homines, utuntur.

Vallis Rhætigoja asperrimis monti-  
bus undique circumdatur: in cuius exi-  
tu, ad proximos Malanſianos, Cluſa est,  
(ita enim proprie vocatur) ostium sanè  
strictissimum: ubi quondam fortalitium,  
Fragſtein dictum, stetit.

Superata Cluſa, in dominium Majæ-  
villanum venit. Hoc antiquitus etiam  
Barones à Vatio Dominos agnovit: in-  
de per hæreditatem, uti diximus, ad  
Fridericum Toggenburgicum, uxoris  
Cunigundis nomine devolutum; Post  
fata autem Friderici, Comitæ à Tog-  
genburgh, hujus familiæ ultimi, ad Volf-  
gangum Brandisium, per uxorem suam,  
Verenam à Verdenburg, dicti Comi-  
tis ex parte hæredem, devenit: à cuius  
posteris, Ioanne Brandisio, Præposito  
Curienſi

Curienti & Canonico Argentinensi, atque Rodolpho Comite à Sulz, tria Fœdera Rhætorum, hocce dominium, anno 1509. persolutis 20000. florenis, emere; ac eodem tempore illi privilegia sua confirmavere. Minorem autem jurisdictionem, cum ad eam pertinentibus, quæ Malansii & Geninsii est, eadem tria Fœdera, à Ioanne à Marmore, Rhætii domino, anno 1537. pretio circiter 10000. florenorum, comparavere. Præfectum (*Landtvogt*) in castro Majævillæ residentem, tria Fœdera, sicut in alias præfecturas, quoque biennio destinant: unde nec ipse Conventus magnus domini Majævillani, suo ordine exclusus est. Multas ille & redditus publicos exigit; aliasque etiam præeminentias, ut postea dicemus, habet. Regionis tractus amœnus & fertilis est: eiusque vina, præsertim Faliscensia, præ omnibus Cisalpinis palmam ferunt. Dividitur in duos census. Prior, Malantium; ubi proximo in monte, trium Castrorum, ImiRuchenberg, Clingenhorn, & Vineck, rudera visuntur. Malantiani vero suum judicem [*Richter*] cum 12. Assessoribus, in Civilibus habent: quem ex tribus à populo propositis, Præfectus nominat. Et Genninsium (supra quod in monte Castrum Aspermontum



368 PALLADIS RHAETICAE  
tum adhuc stat) suum in Civilibus judicem, cum 12. Assessoribus, habet; cuius electio eadem, quæ Malansii est. Multam de pascuis & inciduis, usque ad libram Rhætica, statuere possunt: ac de multis novis dimidium accipiunt. Multæ vero veteres Præfecto, trium Fœderum nomine, cedunt. Alter census, est oppidum ipsum Majavilla: quem sic à Maja, Mercurii matre; quæ apud paganos ibi colebatur, dictum ferunt. Antiquitates Episcopatus Curiensis, Lupinum vocant. Ad oppidum pertinet Faliscum, (ubi balnea) Rovenæ, Mons-vicus; item Guschæ, Stürvis, & Clivus S. Lucii: ubi in monte fuit castrum Graffenberg.

Civitas suum Senatum habet; qui graviora negotia publica administrat. Huic præsidet Prætor Urbanus: (*Stattvogt*) ei que assident duodecim Senatores. Prætorem autem annuatim Præfectus trium Fœderum, ex Senatu, seligit. Causæ civiles, ab eodem Prætore, & 12. iudicibus, dirimuntur. Ac sæpenumero fit, ut quis unus & in Senatu, & in iudicio Civili, locum habeat. Appellationes Civiles ad Præfectum deferri possunt: ita ut brevi temporis spatium executioni mandentur. Habet deinde Civitas Quæstorem, qui Aedilis etiam munere



munere fungitur; & Ministralem urbis, qui libellorum oppidi curam gerit. Multæ de pascuis & inciduis, Urbis sunt: siquidem decem asses Rheticos illæ non excedant. In reliquis etiam, quibus sanguinis pœna non irrogatur, certam suam portionem habet. In Criminalibus, captivi ex toto dominio in castro Majævillæ custodiuntur. Prætor Urbanus, cum 12. ejusdem Senatus, quinque item Malantianis, tribus Genninsensibus, ac duobus Faliscensibus, convocantur; qui capitales causas dijudicant. Præfectus sententiam latam mitigare potest. Confiscatio bonorum, trium Fœderum est.

Sexta Jurisdictio magna, est Alvonovana, cum Corvantiana. Alvonovana dicta est, propter alveum, sub vico Alvinovo, in planitie scaturientem: ubi balnea sulphurea optima sunt, mulierib<sup>9</sup> & febre diuturna laborantibus maxime conducentia. Cæterum, in quinque Sortes, ut ipsi vocant, subdivisa est. Ex eis Alvinovum pagus, (ubi turris ejusdem nominis fuit, quæ concidit) cum Vicinania Ciesla in planitie, duas; Ferrara & Tainum, (*an den VVysen*) unam constituunt. Tres hæc sortes, suum Ministralem, & septem Assessorum, in Civilibus habent. Castrum Bello-

370 PALLADIS RHAETICAE  
fortum proximum est, inter Alvono-  
vum & Brienzolum situm : & hanc iu-  
risdictionem distinguit.

Brienzolum porro, ubi turris Porta-  
rum fuit, cum Vazerolo: quo loco quon-  
dam schola literaria extitit; unde etiam-  
num hodie Scholare dicitur: ibidem-  
que tria Fœdera ( ut suo loco comme-  
moravimus) primo juramento sese con-  
jungere: & Supra-aqua seu Molendina  
etiam sortem unam faciunt; & pagus  
Lantium, alteram constituit. Hæ duæ  
sortes, suum quoque Ministralem, cum  
12. jus dicentibus, in Civilibus, habent.  
Atque in his pagis habitabant multi,  
Cathedrales dicti; quorum apud Ber-  
gunienses facta mentio: eodemque fo-  
ro Civili, Matrimoniali, & Criminali,  
cum hac Iurisdictione utuntur. Per  
Planuram Lantii ( ut appellant ) veni-  
mus in Corvantianam vallem, quæ  
quatuor Vicinias habet: 1. Parpanum,  
seu Partipantum; (ut habent antiqui-  
tates.) 2. Vicinia Monasterii Corvan-  
tensis, cum Montanis accolis. Hic Con-  
ventus Ordinis Præmonstratensium  
fuit, temporibus Imperatoris Friderici  
primi Barbarossæ, & Conradi secundi  
Episcopi Curienfis, anno videlicet Do-  
mini 1167. fundatus, à Rodolpho ab  
Aqua-rubea Rhæto: qui cum militiam  
exercens,

exercens, vitam dissolutam diu egisset; tandem Eremusium, in Engadinam inferiorem, ad S. Florinum, venit: quò magnæ tunc peregrinationes fiebant. Ibi mulierem, à Dæmone obsessam, vidisse scribitur; quæ per sonum fidicinis liberata fuerit, Pœnitentia & ipse ductus, per septennium se asperitate vitæ maceravit: & octavo anno, Hierosolymam adiit. In reditu, Brundusii, comites nactus, Gerardum, Ehem & Adelonem; cū illis se in sylvam hanc opacam, (ita in somniis monitus) ubi multi viatores à latronibus spoliabantur ac trucidabantur, contulit; transeuntibusque auxilio fuit: tandem Elvangæ mortuus est; cum bona quædam, à milite, è Thuringorum gente, qui in Monasterio obierat, testamento legata, reperere vellet.

Sub Priore primum Monachi vixere: post in Abbatiam conversum Monasterium fuit: quod anno 1407. igne absumptum; per Abbatem Ludovicum restitutum est. Anno 1616. primo ibi Reformatæ Religionis ministri concionari cœperunt.

3. Vicinia, pagus Vmbelicum est: hodie corrupte Malix vocant: ibi prope Castrum Strasberg, jam destructum; unde Iurisdicção olim, dominium de Strasberg, appellata fuit.

4. Schiersa est, in monte versus vallem Scanavicam sita. Flumen, quod Corvantianam vallem præterfluit, Rabbiosus dicitur; seque Plessuræ miscet. Ministerialis, Civiles causas, cum duodecim Assessores, dirimit.

Septimus Conventus magnus, Vallis Scanavica est: in Iurisdictionem ad S. Petrum, & Pratum longum distincta. Prior illa, octo Vicinantias habet: quarum prima, in ingressu vallis, est Maladrium: proxima, Capresium; ubi castrum Berneck stetit: tertia, Castellum, seu ad ædem S. Georgii: quarta, Leuvenum; quinta, ad ædem S. Petri, ubi Parochia est: sexta, Pajicum; sub quo rudera castrî Sumerovix cernuntur: septima, Molendinum: (*Malines.*) octava, Peistum; ubi quondam arx Subvia (*Vnderuegen*) stetit. Civilia Ministerialis, cum 12. Assessores, judicat.

Altera Iurdictio Longa Pratana est: & hæc in quatuor vicinias divisa: 1. Longum pratum; ubi Parochia est. 2. Fæntejum; solitudo amœna. 3. Sepunum & Cupæ: ubi ex monte Strela (qui Davosium & Vallem Scanavicam intersecat) flumen oritur, Plessura, Vallem hanc præterfluens, & Curiam civitatem alluens; posteaque se Rheno miscens. 4. Prata, seu Pradella est, à cæteris

teris diffita: nam Molendinensium, Scanavicanæ anterioris, & Schiersien-  
sium, Corvantianæ Iurisdictionis terri-  
torium, interjacet: causas civiles Mi-  
nistralis, cum duodecim Assessoribus  
cognoscit.

Totius Fœderis decem Iurisdictionum  
Incolæ, Germanica, & vera antiqua Cel-  
tica lingua utuntur: præterquam in Bel-  
lofortensi Iurisdictione; ubi tamen Fer-  
rara & Tainum etiam Germanice lo-  
quuntur.

Liberum Dominium Haldenstein,  
(*pendens petra*) à castro ibidem nomen  
habet; intra confœderatæ Rhætiae fines  
situm est, ad sinistram Rheni ripam, vix  
decem stadiis ab urbe Curiensi distans.  
Trium Fœderum Rhætorum patrocini-  
um agnoscit.

Nobilitas prima, quæ hic cum Impe-  
rio vixit, ab Haldenstein dicta fuit.  
Postea vero etiam vicino castro Liech-  
tenstein acquisito, aliqui hujus familiæ  
nomen & cognomen ab utraque ista  
arce traxêre.

Mascula progenie extincta: in Annam  
Vlderici filiam unicâ, jus totû dominii  
devolutû fuit: quæ, licet ad secûda etiam  
vota transisset; liberos tamé nullos pe-  
perit. Posterior ejus marit<sup>9</sup>, Christopho-  
rus à Hertnegg, cum hæredibus uxoris,

374 PALLADIS RHAETICAE  
anno 1404. coram Ioanne Comite à  
Lupfen, Landgravio Stulingæ, Austria-  
eorum Velcurii Præfecto, aliisque No-  
bilibus, super prætensionibus suis, in ju-  
dicio egit, cui 600. libræ, quas ex patri-  
monio ibidem habebat, adjudicatæ: do-  
minium autem ipsum cæteris hæredi-  
bus liberum dimissum fuit. Hæredes ve-  
ro erant: VValtherus ab Hallvila, Annæ  
ab Haldenstein frater uterinus; Gotto-  
fridus ab Amisio, cujus uxor Margarita  
ab Haldenstein erat; Burckardus à Scho-  
venstein, hujusque soror Anna, Itelii  
Plantæ uxor.

Sed & inter hos controversia mox  
orta est. VValthertus enim Hallvilius,  
solus, tanquam frater uterinus, hæredi-  
tatem prætendebat; juraque dotalia ma-  
tris suæ petebat. Anno ergo 1419. à ju-  
dicibus utrinque delectis, dominium  
hæredibus fœminis adjudicatum fuit,  
VWalthero vero, pro omnibus juribus  
& prætensionibus suis, 400 floreni dati.  
Hartmannus quidē Episcopus Curienfis,  
dominium, tanquam feudum Episcopa-  
tus, sibi vindicare contēdebat: sed posses-  
sionem nunquam adiit. Tandem vero,  
successu temporis, per juridicam disce-  
ptionē coram judicibus trium Fœde-  
rum institutam, à prætensione feudali  
Episcopi, dominium absolutum fuit.

Gottfri-



Gottfridus ab Amisio, ex uxore Margarita, duas filias habuit: Vrsulam, Petro à Gryphensee nuptam; & Gutam, Friderici Venatoris, à Matrano dicti, uxorem. Petrus primum à Guta glorie sua, omne jus quod illa in dominio habebat, anno 1415. Velcurii, emit: deinde etiam hæredum Itelii Plantæ, & Burchardi à Schovenstein jura, anno 1424. acquisivit: atque ita solus dominium possedit. Huic filius Rudolphus successit: quem secuti sunt tres filii, Ioannes, Ioannes-Huldericus, ac Ioannes-Rudolphus. Post horum obitum, cum debitis immensis bona ipsorum gravata essent, Curatores dati, qui in Comitatu Sarunetum erant; (fratres enim à Gryphensee apud Flumianos sedem habuerant) dominium Haldenstein, anno 1494. Henrico Ammano, Civi Curiensi, & Episcopi ibidem Cancellario, vendiderunt. Cujus hæredes, jura sua Rodolpho à Marmore traderunt. Hic nepoti suo, Iacobo à Marmore, anno 1529. illa dedit: à quo ad Ioannem Iacobum Castilionæum, Regis Francorum in Rhætia Legatum, dominium pervenit: qui magnificum ibidem palatium extruxit. Illi, anno 1565. successit frater Franciscus, Mediolani degens; cujus hæredes fuerunt, Cor-



376 PALLADIS RHAETICAE  
nelius & Vitellianus de Bossiis, Mediolanenses: qui jura sua pro 3200 florenis, Capitaneo Gregorio Carolo ab Alto Balcono, renuntiavere. Hic, anno 1568. die 5 Februarii, dominium hoc trium Foederum patrocinio insinuavit: quod, post ipsius fata, nepos ejus ex fratre Franciscus possedit: iste dominium Ioan. Henrico Heinzelio à Dægerstein vendiderat: sed cum hic in solutione deficeret; Francisci hæredibus illud restitutum fuit: qui omnia jura sua, Thomæ de Schovenstein, ab Ehrenfels, I. V. D. & Equiti aurato vendiderunt: atque ita dominium ad familiam Schovensteinianam rediit.

Thomas, ob eximias virtutes, ab Imperatore Matthia, anno 1612. Liberi Baronis titulo, pro se & posteritate sua, quo majores ejus ab Ehrenfels ante fruebantur, decoratus fuit: multaque alia privilegia & jura, asyli nempe, nundinarum celebrandarum, & monetæ cudendæ, accepit,

Cæterum, territorium ipsum fertile est: pagus olim Lantium inferius vocatus, ab imminente castro, Haldenstein nomen recepit. Non longe ab eo, in ruinis cernuntur arces, Liechtenstein & Crottenstein: sunt etiam in hoc dominio, vicinia Olis, & duo montes  
cum

cum incolis: unus, Solatium, quem Baro ipse tenet; alter, Sevilis; & propter familiam quandā, Battagna etiam dictus.

Liberum Domini imperium est: isque decimas, tam majores, quam minores, exigit. In Magistratu inferiore creando, hic ordo servatur. Subditi tres illorum, qui servitutis corporalis vinculo Domino obstricti sunt, nominant: ex quibus ipse unum eligit, quem illi Praefectum (*Vogt*) vocant. Hic, cum decem Assessoribus, causas Civiles & Matrimoniales dirimit. Appellationes ad Dominum deferuntur. In Criminalibus, adjunctos ex civitate Curienti, & proximis Trimontianis, plerunque assumunt. Gratiā, in mitiganda sententia, impertiri Dominus valet.

---

LIBER DECIMVS.

**P**OSUIT succinctam trium Fœderum Rhætiæ dominantis adumbrationē, amœnum quoque Subditorum ipsorum Transalpinorum tractum pari brevitāte describi, series historiæ requirit. Prima ergo, propter pulcritudinem & feracitatem, Orbi notissima est Vallistelina, sic à castro eminentissimo, Tilio, denominata: quanquā aliis etiam derivationibus no-

378 PALLADIS RHAETICAE  
men hoc à quibusdam deducitur. Val-  
lem enim hanc primo habitatam tra-  
dunt, anno post diluvium 675. sub Cam-  
bo Blascone, & aliis Principibus Hetru-  
scis; Vallemque Tyrrhenam, à Tyrrhe-  
nis Hetruriæ populis, dictam fuisse: à  
quibus Civitas eximia, Volturena nomi-  
ne, in infima Vallis parte, ipsisque fau-  
cibus Lacus Larii, (quæ Hetrusca etiam  
vox est. Larius enim ipsis idem), quod  
nobis Princeps) ædificata sit; indeque  
illustres ejus habitatores, Volturheni  
Patres, in historiis vocati. Plinius eos  
Vennonetes lib. 3. cap. 19. indigitat: un-  
de corrupte postea Veltolini dicti. Lin-  
gua eorum propria, (quæ Italica est) *Val-  
telina*, regioni nomen est.

— Rhætorum Inalpinorum Imperio pri-  
mo adjecta fuit; cum illi fines suos, Co-  
mum & Tridentum versus, dilatarent:  
eorundem incolarum, contra P. Silium  
& Drusum, opera etiam usi; ut primo  
libro diximus.

Imperio post Romano, cum Rhætia  
in provinciam redigeretur, etiam Vol-  
turena cessit.

Sed cum in ipsis Italiæ finibus siti es-  
sent Voltureni: ab irrupentibus Bar-  
baris & Allemannis multa perpassi; pau-  
lo post Gotthorum furori expositi, mox  
Longobardos imminentes sunt experti:  
quibus.

quib<sup>9</sup> per Francos domitis, quietiorē sub his vitā duxere. à Saracenorū tamen devastationibus immunes esse nō potuere.

Imperii Romani rebus in Italia nutantibus, pestiferis factionibus Guelphorum & Gibellinorum plurimum etiam vexati fuere. Comensum inde, Vitranorum & Ruscanorum, dissidia, Mediolani Turrianis & Vice-Comitibus se invicem lacerantibus, statum Volturenæ, quæ Comensī Civitati annumerabatur, admodum miserabilem reddidere.

Post multa tandem Vice-Comites rerum potiti sunt: eosque subsecuti Sfortiani. Horū sub regimine, Capitaneus Vallis, Trixivii sedem suam habebat: qui medio Tertiario præerat; Vicariumque Legumperitum, Assessorē, & Cancellarium, (sicut etiam duorum aliorū Tertiariorū Prætores suos sibi asscisebant) atque Collateralem, cum quindecim satellitibus à latere ducebat: atque ita res Civiles & Criminales, (quemadmodum Prætor Tirani, in superiore Tertiario; Prætor Morbenii, cujus sedes primo Consilii erat, in inferiore) administrabat. Appellationes Mediolanum ad Senatum deferebantur. Si quæ super illorum administratione subditorum essent gravamina: senis mēsis Censores & Syndici aderant. Magistratus ipsorū annuus erat.

Canis

Ast anno 1486. cum Ioannes Galeatius Sfortia, sub tutela matris Bonæ, & Ludovici Mauri patrui, Ducatui Mediolani præesset; Rhæti nostri, occasionem sua repetendi, præsertim Bormium & Pesclavium, anno 1450. ab Vlderico Amatiensi amissum, arripientes, bellum eis, per Legatum suum, Huldéricum Massolium Engadinum, indicunt. Cui Prætor Bormii Cifermundus superbe respondet: se nihil curare, pacem an bellum Rhæti eligant. Tri-duo igitur post nostrorum exercitus adest. Bormienses trepidantes fugiunt, seque dedunt. Munitio Bormio, Engadini & Prægallienses Clavennam petunt: quo cæteri quoque duorum Fœderum Rhæti, per Vallem Sancti Iacobi, tendunt. His Comes Antonius Balbianus, cum Lantolino, peditatus duce, in dictam Vallem obviam ire cum exercitu parat. sed statim à Rhætis supervenientibus fugantur & céduntur: è quorum numero erat Ioannes Grandonus Clavennas, vir magni inter suos nominis. Clavenna igne devastatur. Idem cum Plurio actum fuisset, nisi Bertholdus à Fontana precibus intercessisset; cuius quondam frater Benedictus, ibi servatus fuerat. Magnam prædam Rhæti ex pecoribus, & aliis abigunt:

& per

382 PALLADIS RHAETICAE  
& per hyemem se in Valle Sancti Iacobi  
continent. Vere imminente, in Voltu-  
renam impetum faciunt: obvia quæque  
capiunt; & ultra viginti pagos à Bormio  
Sondrium usque devastant. Ludovicus  
ergo Maurus, tutor, cum eis pacem init;  
persolutis 14000 Florenis; & insuper Pe-  
sclavio liberè dimissio.

Anno 1499. tandem, per Ludovi-  
cum XII. Galliarum Regem eiectus Dux  
Maurus, (qui, post fata nepotis anno  
1495. Ducatus Investituram acceperat  
ab Imperatore Maximiliano; cui prius  
neptem ex fratre Galeatio Maria, Blan-  
cam Mariam, anno 1493. per Vallem-  
telinam & juga Rhætica, maxima cum  
pompa ad maritum adductam, despon-  
saverat) Oenipontum, ad Imperato-  
rem Maximilianum, cum duobus filiis,  
profugit; & præsidium Tirani in castro,  
500. Lanciferos, ab Imperatore sibi mis-  
sos, relinquit: qui, captis per Gallos  
omnibus Ducatus oppidis, adhuc in  
fide Mauri persistebant. Proinde Anto-  
nius Bassæus, Ballivus Divionensis di-  
ctus, maximo cum exercitu, machinis  
etiam tormentariis majoribus adductis,  
eo se confert. Oppido igitur jam oppu-  
gnari cœpto, illi se dedunt, & inermes  
dimittuntur. Galli inde captivos duos,  
Aloysium, Militem Auratum, & Sera-  
phinum,



phinum, Quadrios, abducunt: quia Ducis partes sustinuissent.

Maurus, cum auxiliari Cæsarea manu, brevi reversus, facile partes istas recuperat. Capitaneum suum, Badinum Paravicinum de Caspano, (alii Papiensem dicunt) collectis paucis militibus, versus Prægalliam mittit: qui ibidem centum sibi alios associat. noctu, quæ erat. 2 Februar. anno 1500. ad castrum Clavennæ pervenit; ibique cum milite subsistit: civibus incendium ac direptionem comminans; nisi statim sibi portæ, nomine Ducis Mauri, aperirentur: & sex millia Germanorum se ducere asseverans, acclamantibus paucis, (ut dicto fidem illi haberent) quos secum habebat, militibus, sic intromissus est.

Annibal interim, Comes Clavennæ, qui etiam cum Mauro aufugerat, Turrim Oloniam, vacuam repertam occupat; & istorum locorum incolas, rei novitate perterritos, imperata facere cogit. Atque ita Mauro via, ad recuperandum Ducatum, strata: qui tamen paulo post, ad Novarriam, perfidia suorum proditus, & captivus in Galliam abductus fuit; Rege iterum rerum potente. sub quo, ad annum usque 1512. admodum pressi vixere subditi. Anno enim 1503. juvenus Prægalliensis injuriis laceffita,



384 PALLADIS RHAETICAE  
laceffita, Plurium cepit: ubi in pugna  
magnus Galliae Bastardus, à Guberto à  
Castromuro, occisus fuit.

Anno 1508. Malherba (nomen con-  
dignum rei) Capitaneus Regius, per se-  
miannum, intra Tiranum & Pontum  
se, cum 500. Vasconibus continebat:  
quotidie pecuniam, præter victum &  
amictum, efflagitans; secus ferrum &  
ignem minitans.

Anno 1511. transeuntibus per Vallem-  
telinam plurimis Lanciferis, à Ludovico  
Rege conductis, victum absq; ullo precio  
impertiri coacti; proindeque in magnas  
famis angustias incolæ redacti sunt.

Dissidia autem inter Pontificè Maxi-  
mum Iulium 2. & Ludovicum Regem,  
de die in diem, ob intimationem Con-  
cilii, & alias causas, ingravescebant.  
Pugna etiam adversa ad Ravennam,  
Pontificis animum magis exacerba-  
bat. Omnes igitur, quos potest, contra  
excommunicatum Regem excitat, in-  
ter quos præcipui quidem Helvetii, &  
Rhati erant: quos propterea vexillis  
donat; Ecclesiæque Defensores ac Prin-  
cipum Domitores, cognominat. Gal-  
lorum quoque militum insolentia in  
Vulturena, Clavennæ & Bormii, cresce-  
bat. Hi namq; ex castris regionis, in stri-  
ctissimis ostiis constitutis, Equisones &  
Viatores

Viatores transitu prohibebant; eosque captivitate, & bonorum ablatione, mulstabant.

Hortatu itaque summi Pontificis, & injuriis ac vexationibus lacerati, insuper juribus suis antiquis, & legitimis prætensionibus confisi, (magna enim pecuniæ summa nostris; propter stipendia militaria retenta, à Gallo & Mediolani Ducibus, debebatur) Paulus Episcopus Curienfis, cum Rhætis trium Fœderum, (fœderis Grisei exercitum ducebat Hercules à Capaulo de Flemio: fœderis Cathedralis & Episcopi, Conradus Planta de Zuzio, qui postea etiam primus Valistelinæ Gubernator datus est; & Decem-jurisdictionum, Conradus Belinus Davosianus) per montem Berninam, anno 1512. die Iovis, 24. Junii, ditionem feliciter sunt ingressi. Castra mox duo fortissima, Platta mala, in confinibus Pessclavii, cui Bastardus Straxe Gallus præerat; & Tiranense, cujus Castellanus Stephanus Bastierus erat interven-  
tu Aloysii Quadrii Equitis, se dedunt. Die dominico, 27. prædicti mensis & anni, Tili, Rhætis jurata est fidelitas, atque ita etiam Bormium, Comitatus Clavennæ & Triumpelini lacus Larii, universo populo congratulante, (*Viva Grisoni*) capta & recuperata: tantum in

Castro Clavennæ occupando sex menses insumpti. Præsidarii, duce Iacobo Fayet Gallo, commeatu destituti, se dedunt; & per Helvetiam Gallias repetunt.

Anno sequente, pro majori securitate, Castra, Mala-plattæ, Tirani, Trixivii, & Turris Oloniæ, destruuntur. Maximilianus Sfortia, Ludovici Mauri filius, jam ab Helvetiis & Rhætis in Ducatum restitutus, pro parte stipendiorum & benemeritis, sponte sua & libere, omnes illas regiones, quas in Ducatu Mediolanensi ceperant, illis cedit. cuius rei literæ, anno 1513. datæ, exstant.

Anno 1515. Galliæ Rex Franciscus in Insubriam venit, amissaque recuperare satagit: cuius partes sequebantur fratres duo, Galeatius & Iulius Sancti Severinates. ex his, Iulius, Como receptus, ea, quæ ab Helvetiis & Rhætis tenebantur, armis se repetiturum asserit: nuntiosque propterea cum milite ad Larii accolas, qui in ditione Rhætorum erant, mittit; statimque in sua vota pertrahit. idem cum Volturenatibus & aliis tentat: qui cum opportunum præsidium nullum à Gallis missum viderent, imperata facere recusant. Soli Caspenses, cum Trahonensibus quibusdam de fœlici Gallorum prælio ad Melignum,

num, certiores reddi. Gallicam acclamationem (*França, França*) tollebant & Rhætorum insignia ex parietibus delebant. Sed à Rhætis, per Clavennam celeri cursu delatis, de improvviso opprimuntur; & carcere, pecunia, & exilio mulantur: interim etiam amissis lacus regionibus, per missos eo milites, receptis.

Franciscus quidam Moronus Leucensis, Cæsaris partes sequens, in Volturena & circumvicinis locis, gregarios aliquot (contra Magistratus voluntatem) colligit; villasque in montibus, uti etiam Coreni ædes aliquas, incendit. Sed à Vasconibus, Como evocatis, reprimitur.

Como, Regis nomine, præerat Ioannes Vandanesius: qui naves multas Comi instruxit; & cum valida classe, cuius major pars Turense erant, Suricum delatus est: ut regiones à Rhætis occupatas, in potestatem Regis redigeret. id quod facile factu fuit: cum nulum militem Rhæti, citra montes, in præsidio reliquissent. Incolæ in arvis erant: & classis jam ad Surici ripam appellebat. Vandanesius in colloquium cum indigenis descendit: cumque à quodam bombardula in adversos Gallos exonerata esset: continuo ipse ira

388 PALLADIS RHAETICAE  
succensus, Suricum & Gleram, cum navibus armatis ibi inventis, incendi jubet. Anno 1516. die 16. mensis Maii, factum hoc est.

Pagani, Gallorum impetum paululum sustinentes, vicinorum subsidium avide spectabant: quo frustrati, in nota montium diverticula aufugiūt. Vandaneſius in Volturenam transire tentabat. Sed tunc omnis Gallorum & Veneretorum exercitus, cis Abduam, à Maximiliano Imperatore, cum auxiliariis Helvetiis & Rhætis, fugatus, Mediolanum se receperat. Itaque, mutato consilio, Comum ille revertitur.

Rhæti, Suricensium vicem ulturi, Belanum veniunt, & Coreni residuum igni tradunt. Mox, transgresso desuper Mussii saxo, in Vallem Menasii descendunt, corraſisque pecuniis apud Porletiam, domos quasdam cremant. inde reversi, Menasium, Gallicæ factionis, cum indicta pecunia non solveretur, ferè totum Vulcano sacrant. Vascones interim per Larium delati, Grabadonam accendentes, incolas pecunia mulctant; & nonnullas domus apud Menasium etiam comburunt.

Brevi post, anno 1516. Friburgi Aven-  
ticorum, die 29. Novembris, pax perpetua, inter Galliarum Regem, Helvetios &  
Rhæ-

Rhætos, inquit. Rex, Helvetiis suas Præfecturas cis montes; Rhætis Volturenæ, Comitatum Clavennæ, & Bormium, libere possidenda dimittit. De Lari accolis, Triumpilinis, ambiguus & incertus tractatus erat. Ioannes Iacobus Trivultius, Dux Regius, eos castro suo Mussio adjicere volens, suos eo mittit. Rhæti contra firmiter nituntur: & à populo, suasu Antonii à Brentio, cognomento Stulti, & Gallico nomini inimici, qui Aduncum pro ipsis retinebat, revocantur. Sic Gallis cedentibus, (prout etiam anno 1523. Cathedrali & Decem-jurisdictionum fœdere Gallicum quoque fœdus acceptante, omni prætensionem Rex Galliarum super Triumpilinis, libere, pro se & successoribus suis, renuntiavit, Rhætisque assignavit) prædictoque Antonio è vivis sublato, Rhæti per suos Magistratus, Triumpilinos, usque ad annum vicesimum-quintum supra millesimum-quincentimum, quiete rexere: quo Ioannes Iacobus Medicus, (uti suo loco fusius exposuimus) eos infestavit.

Vallis itaque hæc, cum Comitatu Clavennæ & Bormio, jure antiquissime possessionis, cessionibus, meritis, iustissimisque titulis, à Rhætis acquisita, magna gloria adhuc regitur, & possidetur.



Situs ejus secundum longitudinem, ad pedem summorum Rhætiae montium est: unde flumina Italiam petentia, scaturiunt; ex quibus Abduas Vallemtelinam totam transfluit, & mediam intersecat. Ab Oriente, sunt Rhæti Vallis Monasterii, Tirolenses, & Vallis Solis incolæ: à Meridie, Camuni & Bergomates, Venetæ ditionis: Occidentem versus Larii accolæ: ad Septentrionem, Pefclavienses, Engadini & Prægalli, Rhæti. Longitudo ejus est 60. milliarium Italicorum; quæ decem Germanica efficiunt: Latitudo est incerta. Iuxta Sanctum Britium, in Bormiensi; ad S. Iacobum, in Tiliensi; ad S. Mariam ad Saxellam, in Sondriensi; & ad S. Gregorium, montemque Pelasum, in Morbeniensi, & Trahonensi ditione, in ostiis satis angusta restringitur.

Amœnitatem & fertilitatem hujus regionis depingere hoc meum penicillum non valet: palmam certe illa, inter omnes Europæ Valles, Scriptorum consensu, jamdudum obtinuit. Magna hic excellentissimi vini copia; cujus etiam Scriptores antiqui summa cum laude meminerunt: Cato apud Servium; Strabo libro 4, Plinius libro 14. cap. 1. 2. & 6. Virgilius Georg. libro. 2. Martialis lib. 14. ep. 100. Suetonius in Aug. ca. 77, Ejus



Ejus jucundo & salubri potu, Augustus olim, atque etiamnum moderni Imperatores & Principes nostri, maximè delectati sunt: ut proinde hinc in Rhetiam nostram, Italiam, Helvetiam, Comitatum Tirolis, Sueviam, Bavariam, Austriam, Bohemiam, aliasque regiones, magna quantitate avehatur: in dies singulos totius anni, comparatione instituta, ultra centum salmis (onus equi est, centum mensuras vini excedens) ex Valle exportatis. Habet etiam multas convalles: quibus tanta lacticiniorum ubertas, ut vicinis quoque magnâ illorum copiam suppeditent.

Flumina, præcipue Abduas, maxime piscifera sunt: ubi Salares, seu Lucii varii, (nos *Truttas* vocamus) magni ponderis capiuntur.

Cunctorum denique, præter salem, (qui ex Valle Oeniana vicina advehitur): summa hic est copia rerum.

Non minus vere, quam apte, Ludovicus Maurus Dux, illac transiens, Vallem in tres partes divisit; Planitiem, Agrum, & Pratum: tractum secundum dextram Abduæ ripam, Vineam; & alteram ripam, Castanetum vocans. Hoc illa incommodi habet, quod ab eluvionibus aquarum magna damna accipiat. Unde, proverbio recepto, olim reditus

392 PALLADIS RHAETICAE  
& proventus Vallis in quinque partes  
distribuebantur: prima Principis erat;  
secunda, Ecclesiasticorum; tertia, No-  
bilitium; quarta, Agricolarum: quintam  
aqua devorabat.

Vt solum fœcundum & dives: sic  
populosa, & pulchris oppidis Vallis re-  
pleta est. in toto enim Vallis, Claven-  
nensisque Comitatus districtu, ad cen-  
tum parochiæ sunt. Gens robusta, for-  
mosa, & manu prompta est. Nobilitium  
magna ibi copia; qui armis & literis  
( ultra centum hodie gradu Doctorum  
insigniti, vivi numerantur ( reliquæ Ita-  
liæ nobilitati non cedant. Plebs indu-  
stria, & labore nemini secunda. ut pro-  
pterea in præcipuis Italiæ oppidis, ali-  
qui horum inveniantur, & propter fi-  
delitatem amentur. Ad mandata deni-  
que & jussa Principis omnes sunt parati.

Sed jam ad locorum ipsorum & Po-  
liticæ enarrationem est deflectendum.

Bormiensem itaq; ditionem, in sum-  
mitate sitam, altissimis montibus un-  
dique cinctam, & à sola Volturena stri-  
cto ostio distinctā, primo ingrediamur.

Distinguitur hæc in quinque Vicinias,  
seu Communitates minores:

I. Prima est, oppidum ipsum Bormiū,  
unde regioni nomen; elegans & turri-  
bus vetustis fultum: multa damna ab  
incen-

incendiis diversis passum. Hic Archiepresbyter cum Canonicis, itemque Magistratus, resident. Ad Oppidum pertinent pagi; Platea, Platta, Oga, & Fumerogum; quasi fumans rogos, à miseraibili eventu nomē adeptum. Cum enim Veneti, tempore Philippi Mariæ Vice-Comitis, Volturenā vastarent; irruentes in Bormiensem tractum, hic ab incolis supervenientibus fusi, & cadavera illorum, ne aërem fœtore inficerent, concremata fuere.

I. I. Secunda est Vallis Forba : ubi Parochia est ad Sanctum Nicolaum ; item pagi, Sanctus Antonius, In plano, Tregua, (ubi induciæ inter Venetos & Bormienses superiori bello factæ, indeque nomen locus sortitus est ) Divus Gotthardus, Divus Rochius, Vacciphagus seu Maglia vacca ; & mons ipse Alfunus : ex quo Italiam versus scaturiens Mintius, lacumque Benacum permeans, se Pado miscet. A Bormiensi parte Frodolphus amnis nascitur; qui sub oppido Bormii se in Abduam exonerat.

III. Tertia Vallis interior est. ubi primo Parochia Sancti Galli occurrit : cui annumerantur, Primadium, Terriplanum, & Molina. Supra hunc pagū, prope viam regiam, qua per juga Rhætica, in Vallem Monasterii itur, (strictum ibi

prope est ostium, muroque quondam munitum, quod Seralium vocant) sitæ sunt saluberrimæ thermæ, nomine Sancti Martini insignitæ; quæ podagricis præsertim, ischiaticis, sterilibus mulieribus, aliisque morbis frigidis, conducere existimantur. De illarum mirabili virtute, cum Medici, (Caspar Sermundus) tum Historici, (Ioannes Gulerus, Eques Auratus) fusius scripsere: ad quos Lectorem remitto. Hic initium suum habet mons Vmbrius, ab incolis mons Brailius dictus; ab Historicis classicis vetustioribus, jugorum Rhæticorum nomine, ob altitudinem, insignitus. In hoc monte, Abduas fluvius scaturiginem suam habet: qui Volturenæ præterfluit; inde in Larium lacum vergit, eumque permeat; Laudum Pompeii transit; tandemq; se in Padū exonerat.

Altera Parochia Vallis, est Pedenucis: ubi sunt Vici, Semaucum, Isolatia; unde flumen Isolatiæ per Vallem erumpens, Abduæ inseritur. Sequitur mons Fustanus: ubi Tripallum, & Vallatia; deinde in Freel, aliis Fera Vallis, aliis Ferrea, ob minas ferri, quæ ibi sunt, dicta. In hujus solitudinis planitie, campus quidam est; Campus de Luco, ob vicinum nemus, vocatus. Nulli unquam visuntur ibi flores. In hoc loco, conflictum magnum  
contra

contra Arrianos, tempore Divi Ambrosii, Episcopi Mediolanensis, contigisse affirmant: ejusque rei aliqua nostro etiam tempore apparere vestigia. arma etenim diversi generis ibi inventa ossaque humana, quæ giganteam staturam repræsentant.

IV. Quarta Vallis inferior est: ubi Cepina, Sancta Maria Magdalena, Murignorum, Sanctus Bartholomæus, S. Britius. ibi regio, uti diximus, ostio angusto, Seralio dicto, claudebatur.

V. Quinta Vallis, Luvinium dicta, amœna solitudo est; ædesque hinc inde dissitæ stant. Politica autem hujus regionis administratio, hæc est. Trium Fœderum Rhæti Prætozem eo mittunt: cujus Magistratus, ut & reliquorum Prætorum, biennalis est. Hic à Bormiensibus salarium accipit; & Præsidis munere, illius nempe qui suffragia colligit, fungitur; suos Vicem gerentes in Civilibus & Criminalibus habet, quos ex Senatu sumit; Cancellarium præterea, & clavem unam ad processus & Scripturas.

Cæterum ipsi incolæ, propterea quod in confinibus sint, plurimis privilegiis & immunitatibus semper honorati fuere. Eligunt Magistratus suos libere: in quorum electione, ad evitandas prehensiones, sortem adhibent; fabis  
vide-

396 PALLADIS RHAETICAE  
videlicet nigris & albis usi. Cal. Maii, pro  
officiis generalibus creandis, congregā-  
tur: ubi in Concilio magno & populi,  
60 ex oppido Bormio, & totidem ex  
tribus Vallibus, ( Lavinium tamen tres  
tantum dat ) conveniunt. Hi Officiales  
(honos hic præcipuus inter ipsos est )  
eligunt; quorum duo sunt: itemque  
Senatores, quorum in Criminalibus  
sexdecim judicant; decem ex oppido,  
cæteri sex ex Vallibus. In Civilibus, tre-  
decim Consiliarii omnes oppidani sunt.  
Vallis Lavinii, in levioribus causis, suum  
Ministrale Civilem habet. Certa mu-  
nicipalia jura in judicando observant.  
Appellationes omnes, ad trium Fœde-  
rum oratores, in Comitibus, deferuntur.  
Suos quoque Militiæ Capitaneum & Of-  
ficiales habent, sub quibus 500. selecti in  
album sunt recepti.

Ad Vallemtelinam revertimur; ejus  
sub dominis Rhætis hæc administrandi  
& gubernandi forma est. Vallis in tria  
Tertiaria dividitur: Superius nempe,  
ubi sedes Prætoria Tirani est; ( sequitur  
proxime Tiliu: quod nullo Tertiario  
annumeratur; atque etiam suum Præ-  
torem habet: ) Medium, ejus Capita-  
neus & vicarius Sondrii resident; & In-  
ferius, quod duos Prætores habet: quo-  
rum alter Morbenii, alter Trahonæ re-  
sident.



fidet. quisque suum Locum tenentem, Cancellarios, & famulos, habet : suaque salaria ex Camera dominicali, & à Valle recipiunt.

Magistratus eorum biennalis est: ipsique cum mero mixtoque imperio præsunt. In sua jurisdictione quisque ( præter Capitaneum, quem Gubernatorem Vallis vocant; quique, ultra Medii tertiarum in Criminalibus administratione, etiam in tota Valle, si legitimo ordine prævenerit, dominium habet ) & Criminales & Civiles causas administrat.

Processus secundum ordinem statutorum Vallistelinæ, à Dominis Rhætis datorum, instituuntur: quæ, in Civilibus, & Criminalibus, modum Cæsareo juri consonum præscribunt; & ad quorum observationem Officiales juramento se obstringunt. Processus deinde, tam offensivi, quàm defensivi, ( nisi, gratia aut transactione interveniente, res ab Officiali componatur ) Vicario Vallistelinæ ( coram quo, uti Capitaneo, Civiles controversiæ decidi, & cognosci in Medio tertiarum, possunt ) exhibentur: qui deinde cum voto Iurisconsulti; ( nisi ipse legum Doctor sit ) de ulteriore modo, tortura inferenda, multa pecuniaria, condemnatione, aut absolutio-



398 PALLADIS RHAETICAE  
lutione, secundum facti speciem, consilium suum edit. Officialis autem, sententiam Vicarii, moderari & mitigare quidem; aggravare minime potest.

Causæ Civiles à quolibet Officiali, in sua jurisdictione, diligenti scrutinio, secundum formā à statutis præscriptam, deciduntur; Partibus, aut altera earum tantum requirente, cum consilio jurisperiti Assessoris (ita statutis monēcibus) agitur. In Casibus, quorum in statutis nulla mentio, jus Commune Cæsareū, ex eorundem statutorum dispositione, sequuntur. In Matrimonialibus vero, Officialis processum instruit: qui deinde, cum consilio Vicarii Vallistelinæ, ex dispositione statutorū, sententiam fert.

Voltureni autem, in rebus publicis, quas ipsi administrandas habent, hunc ordinem observant. Ab Agentibus seu Legatis totius Vallis, qui Sondrii congregari solent, Cancellarius Vallis eligitur, penes quem diplomata, & rescripta gratiosa, à Dominis suis concessa, cum cæteris Vallis juribus & privilegiis asservantur; hic idem, si quæ imperata à Principe aut Officialibus veniant, aut talearum seu collectarum imponendarum causa, quæ secundum æstimationem plerunque fiunt, (æstimum autem, h. e. æstimatio, est illud, quod bonis

bonis stabilibus, ad computationem solidorum & librarum, impositum est. Sic totius Vallis æstimatio est, librarum Imperialium 3380. quarum quælibet viginti solidos efficit ) vel si quæ aliæ causæ, totam Vallem concernentes, tractandæ sint, Agentes Vallis conscribit, quorum deliberationes in præsentia Gubernatoris Vallistelinæ, aut Assessoris illius factas, Legati ad suos referunt.

Tertiarium Superius, suum quoque Cancellarium habet; ejusque consilium Tirani habetur, ad quod Communitatum Decani convenire solent. In Medio tertiarium, munere hoc fungitur Cancellarius Vallis; ipsique Decani Sondrii congregantur. In Inferiore, utraque Squadra, Morbenniensis & Trahonensis, suos Cancellarios & consilia; quibus Consules Communitatum intersunt: Tilienses etiam suum Cancellarium & consilium Communitatis, habent. Sunt porro in quolibet Tertiarium, quatuor Iustitiæ Consules: quorum Tilium duos habet. Doctores illi plerumq; aut Legum periti sunt; & à suis Tertiaris eliguntur. Hi curam Minorum gerunt: à Tutoribus & Curatoribus administrationis rationes exigunt: in contractibus & distractibus, Minorum nomine celebrant.

400 PALLADIS RHAETICAE  
brandis, decretum, suum interponunt.  
Eliguntur etiam Syndici, seu Defenso-  
res: qui statutorum observationem, &  
gratiosorum Rescriptorum executionem, sollicitant.

Suos quoque Militiæ Capitaneos &  
Officiales habent: sub quibus, in tota  
Valle, ter mille selecti, & in albo inscri-  
pti sunt. Quælibet Communitas per  
totam Vallem, singulis annis, unum  
etiam eligit, qui præsit. hos in Tertia-  
rio Superiore, & Medio, atque etiam  
Tilii, Decanos vocant: in Inferiore, &  
Comitatu Clavennæ, Consules dicunt.  
Hi, cum suis Syndicis, seu Consiliariis, se-  
cundum divisionem Communitatum,  
( quarum aliquæ in diversas partes tri-  
bui solent; quas alii Quadras, alii Vici-  
nantias, Contratas, Colongellos, Canto-  
nes, & aliter vocant ) à Communitate  
eliguntur: & curam jurium & præro-  
gativarum illius gerunt. Notificatus cri-  
minales, Decani seu Consules, vigore ju-  
ramenti præstiti, Officiali & Magistra-  
tui renunciare tenentur. Omnibus e-  
narrata Vallis aut Communitatis one-  
ra sustinentibus, de officio juste & legi-  
time administrando, juramentum ab  
Officiali defertur.

Iam ad loca ipsa lustranda progredia-  
mur. Et primo quidem ratione situs,

Tertia-

Tertiarium Superius se offert; cuius undecim Communitates sunt: & in duas plebes, propter Archipresbyteratus, distinguitur: Matensem, quæ superiores sex Communitates; & Villensem, quæ cæteras, complectitur.

I. Tiranum oppidum, olim Villacia dictum, & ad dextram Abduæ ripam situm, ruina olim periit: paulatim deinde, eo loco ubi hodie cernitur, ædes exstructæ sunt. Sedes ibi Prætoria est: locus ipse populosus, & amœnus. A Ludovico Mauro, contra impetus Rhetorum, anno 1487. sub Seraphino Quadrio ibidem Prætor, mœnibus primo cinctum fuit: quæ postea, sub Rhetorum dominio, corrûere. Arcis destructæ muri etiamnum supra visuntur, hæc, Decanum unum, & duodecim Consiliarios habet. Contratæ, quæ eo spectant, hæ sunt: à dextro Abduæ latere; Rasiga, (ubi in loco munito, emissarius quidam Ioannis Iacobi Medicæi, cum de Volturenæ invasione cogitaret, sub habitu Monachi, templum in honorem Sancti Rochi ædificare simulavit; quod revera fortalitium erat. quâ re à Rhetis cognita, inhibitus ille fuit. Brusium versus, in ipsis confinibus, Castrum Plateæ malæ steterat) Molendina, & Fulla, seu Fullonica.



In hac Contrata situm est templum, in honorem beatæ Virginis maximis sumptibus exstructum; & egregie ex Patrio lapide, qui non procul abinde in monte reperitur, exornatum. Ibi diva Virgo Maria, anno 1506. Mario Homodæo Tiranensi, ficus colligenti, apparuisse dicitur; & in sui honorem templum ædificari mandasse. Frequentes eo, ex longinquis etiam locis, peregrinationes fiunt.

In festo Sancti Michaëlis, solemnes ibi celebrantur nundinæ; unde Rhæti nostri, ingentem armentorum numerum, in Italiam mittunt. Prope Sancta Perpetua est, ubi stetit olim arx, à Capitaneorum familia erecta.

Sequuntur Contratæ de Nasino, Roncajola, de Botigiolis Baruffinis, Vesolis: ab altera Abduæ parte, Cologna, Campus, il Dosso: ubi Castrum Homodæorum fuit.

II. Suprema, situs ratione, Tertiarii huius Communitas, est Sondalum, pagus egregius, cum sequentibus aliis: Le Prese; sic dictus locus, quod proxime Turricula sit, Vallem (uti diximus) constringens. Ad eum pertinent Valles, Fine & Rezen; unde torrens Rezalaschus in Abduam (ut & omnia reliqua Vallistelinæ flumina) influit: ibidem sunt,

sunt, Frontale & Fumera. Sequuntur, Buladorum, Mondaditia, Contrata Pōtis, Mons Fili, & Summa Cologna, Migiontum, Supra Tiolum, Taronum in monte.

III. Tertia Communitas Grosium est. A quo vix stadio uno distant duo Castra; alterum Castrum de Grosio, alterum Sancti Faustini dictum: à Venostis olim habitata, quæ deinceps, anno 1526. una cum cæteris Volturenæ & Comitatus Clavennensis castris, à Dominis trium Fœderum diruta fuere. Pertinet ad Grosium, Tiolum inferius; unde via trita est, quæ per montem Mortiolum in Vallem Camonicam ducit: item Contratæ de Vernuga, & Rovoleddo, Vallis Grosina: ubi mons Dayoste eam tangit.

IV. Grossubtrum, (ubi Grosium versus, torrens Ruascus stridet) magnus pagus est. Contratas seu vicinias habet: Roncale, Prata, Plateam, & S. Sebastianum.

V. Vervium quinque Contratas habet: de Nova, de Falciis, Rigorbellum, de Scalotta, & Monschieccum.

Enumeratæ Communitates, præter oppidum Tiranum, ad dextram Abduæ ripam sitæ sunt. Desiccamus nunc, ad alteram quoque partem.

VI. Matium seu Maze, sedes Archipresbyteri est: Viculi ibi sunt, Vionum, Villa-nova, Massones, Sparsum, (cui castrum de Pedenale, in rupe supra situm, imminet) & mons Matii.

VII. Tovum, cum Contratula Pristino; supra quam situm fuit castrum de Bella-guarda.

VIII. Luerum, ubi Turris destructa jacet. Prioratum habet, Ordinis D. Augustini, Centuriati dicti. Ejus fundatio familiae Capitaneorum, Sondrii quondam degentium, asseribitur. Ad hanc Communitatem pertinet vicus, Sancta Maria Magdalena vocatus.

IX. Sernium, cum vicis, Bojolo, Sancto Gotthardo, & Valle Clausa.

X. Villa & Stazona; ubi olim etiam Communitas de Cosetto fuit; quae nunc cum istis coaluit. Cantones quinque habet: à dextro Abduæ latere, 1. Villa. Ista sedes Archipresbyteri est: quo spectant, Platti, Al ragno, Novalia, Runcus major, Vallis-pilasca, Summus vicus, Revola & Torcularia. Trans Abduam, 2. Stazona; ubi ad Sanctum Iacobum Castrum à Capitaneis extructum, nunc destructum, cernitur. 3. Mutschanum, cum S. Rocho. 4. Sancta Christina. 5. Sanctus Antonius, cum loco alla Motta.



XI. Blanzonum, cum Baratta & Placeda, ubi supra in monte, Imina dicto, Turris fuit. Ultima hæc, quoad situm, Communitas superiori Tertiarii est.

Adest jam Communitas & Prætura Tili; quæ duodecima pars totius Vallis in æstimo est: ubi quondam castrum Tili-um, in loco eminenti situm, fuit, Valli imperans, & eidem nomen dans, à Laz- zaronis habitatum. In monte ibi propè aliud castrum fuit, Ripa dictum. Dividitur in triginta sex Contratulas. tot enim sunt Consiliarii: duosque Decanos habent; alterum Nobilium, alterum vero plebis.

Ex Contratis præcipuæ, à secundo Abduæ latere, sunt: Platea, Besta, Bel- lamira, de Sylvestro, Sanctus Martinus, Ligonum inferius & superius, Sanctus Ioannes, Frigeri, Summa saxa. In planitie vero; Boaltium, Surii Pons Tre- sendæ, Sanctus Iacobus Nigola. Ab al- tera Abduæ parte: Grania; Pesclavini, pars Vallis Malginæ, Pondonum, Ca- rona, (ubi castrum ejusdem nominis fuit) Allicetum, Vallis Belvisi (ubi opti- mum ferrum excoquitur, indeque ad Bergomates iter est, Vicinia Aprica, Ec- clesia Divi Petri, & hospitale in confi- nibus situm). . .

d'Auriga dictam, in proximos Camunos  
itur. In planitie, ad radices montis,  
Contrata de Franchesiis est.

Proximum est Medium Tertiarium,  
quod septemdecim Communitates ha-  
bet. I. Sondrium est, propter residen-  
tiam nobile. primus ejus situs, circa  
annum Domini 1200. prope Masegrium  
fuit; & se Castelletum usque (ubi Sancti  
Syri sacellum est) extendit; tempore au-  
tem bellorum destructum, secundo sub  
templo Sancti Eusebii, (qui locus Villa  
vocatur) à civibus reaedificatum fuit: qui  
illic ad tempora usque Henrici septimi  
Imperatoris, anno 1309. quiete habita-  
vere. Ab Imperatoris postea exercitu,  
quod Guelphis addicti cives essent, igne  
rursum & ferro oppidum vastatū; tan-  
demq; ad pedem Masegrii, & alluentem  
Malerum flumen; ubi etiam nunc visi-  
tur, exstructum, & anno 1318. fossa cir-  
cumdatum: Anno vero 1325. cum Fran-  
chinus Rusca Comensis, Gibellinae fa-  
ctionis, Trixivium castrum cum exerci-  
tu teneret; mœnibus, instinctu Theo-  
baldi Capitanei, cinctum fuit.

Anno 1328. à Franchino & Ravicia  
Rusca, fratribus, obfessio Sondrio, cives  
tunc castrum de Monte-Cucco erexere.  
Illorum Dux erat Lazarinus de Lucino:  
cui Buccellarius cum copiis, ex Valle  
Seriana,

Seriana, auxilio venerat. Re igitur infecta, obsidionem fratres Rusca solvère.

Anno 1335, Azo Vice-comes Mediolani, instigatione dicti Franchini Rusca, odio contra Capitaneos ardentis, moenia oppidi diruit: quæ exinde in ruinis jacent. Capitanei castra de Masegrio, cū aliis, possedère. quæ inde ad Beccarias, & ab his in Salicæorum manus, pervenire. Archipresbyter in oppido Sondrio residet; quod in quinque hodie Quadras dividitur.

1. Quadra Nobilium de Sondrio, qui de septem Cōsiliariis semper tres habet.

2. Platea: ad quam pertinent Contratulæ; Aqua calida, Platea de Masegrio, Scarpatecti, & Ponchiera.

3. Proximus est mons Sondrii, olim Rovoledus dictus: ubi Majonum, Ascherii, Mossini, Arquini, Gualtherii, Ronchi. Fuit ibi quondam castrum Sancti Georgii: ubi hodie Cœnobium Sancti Laurentii, à Monialibus sub Abbatissæ regimine, habitatum, cernitur; à familia de Capitaneis fundatum.

4. Del Dossò: ubi Triassum, Bassola, Colombera, Gualzii, Sondrini, Marcii.

5. Triangia, cum Ligario, Pradella, & Moronis. Quondam etiam erat ibi Quadra Nobilium Beccariarum; quorum bona nunc pars in alios translata.

Ad Sondriensem Communitatem, pertinet Vallis Malenei: tamen Malencenses suum habent Antianum, & sex Consiliarios: tot enim Quadræ sunt. 1. Pondoledum: ubi locus est ad Turrim vocatus. 2. Campus. 3. Ecclesia. 4. Milirolum. 5. Caspogium: ubi olim castrum Capitaneorum fuit. 6. Lanzada, Vedum, Ganda, & Tornadri.

In monte del Oro, Malerus amnis oritur; & ex loco, Busco de Claretio, per eundem montem, ad proximos Prægallos & Engadinos, via ducit.

Ad cæteras nunc Cômunitates huius Tertiarii, à dextro Abduæ latere incipientes, progredimur.

II. Pontum, magnitudine nulli totius Vallis oppido secundum: tres Decanos habet: Exemptorum, (*Gentilhomini*) Nobilium, & Vicinorum. Trans-Abduani vici Communitati huic inserti sunt; Satium, (ubi munitum quondam castrum eiusdem nominis) Carugum, Briotti, Alberda, cū parte Vallis Agnedæ.

III. Clurium; (ubi tres, ut supra diximus, Decani sunt) item Glera, Castionum super Pontum; (hic Turris quondam munita, nunc excisa, visitur) & Trans-Abduani, castrum Aquæ, Scalvini, Pontiari, Vallis Arignæ, (unde Armisa flumen oritur) & pars Vallis Malginæ.

IV. Trix

IV. Trixivium, propter residentiam Capitanei & Vicarii, in castro fortissimo, uti rudera indicant, quondam celebre. Hodie Vicarius Vallistelinę adhuc pro tribunali ibi in controversiis Civilibus sedet: ibidemque Archipresbyteratus est. Contratę sunt; Burgus, Platea, Fovea, Sanctus Thomas & Menatti.

V. Mons Aquę, supra Trixivium situs. Contratulę sunt; Rusconum, Pledum, Palearii, Ramponi, & Rebuffi.

VI. Montanea, quatuor Quadras habet. 1. Nobilium est, qui sparsim habitant. 2. Surana, & Sancta Maria de Perlongo. 3. De Bono, (ubi Pendolascum, supra in dorso, Turris fuit) & Dossium de Boisio. 4. De Leputiis; ubi Sanctus Ioannes, Masaretia, Prata, (torrens ibi Davalionus præterlabitur) Paini, Sanctus Antonius. Castrum ibidem fuit Grumellum, à familia de Piro possessum: aliud item superius in monte, de Mancapane dictum. Ad hanc Quadram spectant Contratę, Spriana & Marvegia, in Valle Malenci sitę.

VII. Castionum, olim Communitas Andeveni dicta: ubi in medio montis, supra Castionum, Turris fuit. Quadra sunt quatuor. 1. Castionum ipsum. 2. Andevenum & Vendulum. 3. Gri-

410 PALLADIS RHAETICAE  
sonum, Moroni, & Platta. 4. Montis  
Quadra, Sovernum, & Pyrari.

VIII. Postalexium, cuius 4. etiam sunt,  
Quadræ. 1. Postalexium planum. 2. Cō-  
trata de Sambrolo. 3. Del Dosio. 4. Lonū.

IX. Berbennum, ubi Archipresbyter  
residet; duos Decanos, ac novem Co-  
longellos seu Contratulas habet. Per flu-  
men Finale Communitas secatur. Sub  
oppido ad ædem dirutam S. Michaëlis  
castrum fuit Rocca Scisa dictū. Contratę  
sunt, Polagia, Priviolū, Sgima, Dufonū,  
(ubi in monte supra, ad Sacellū S. Geor-  
gii, castrum Mongiardinus stetit) Sedur-  
num, Rogoledum, Sognum, Muscium,  
Lescunum, Bulgarum, Sanctus Petrus,  
Pedemontū, Monasterium, & Magoga.

X. Buffettum, ad sinistram Abduæ  
ripam, primum est: ædes hujus pagi, cis  
& trans Abduam, sparsæ sunt. Contra-  
tæ item, Pajosa, à flumine sic vocata;  
Vallis bona, & pars Vallis Agnedæ.

XI. Plateda; cui adhærent Bessëga,  
& Betoli. Fluviolus Venina præterfluit.  
Post hanc Communitatem, Vallis est,  
Ambria dicta: hujus incolę quoad taleas  
aliqua immunitate fruuntur, & nulli  
Communitati inserti sunt. Inde, ad  
proximos Bergomates callis est.

XII. Fœdum, cum Sancto Bernhardo,  
notius Vallis minima Communitas est.

XIII. Al-



XIII. Albosagia, 4. Quadras habet: 1. Superior dicitur, & Cantonum, Paribellos, atq; illos della Motta, cōprehendit. 2. Inferior; ubi Moizi, & Delini. 3. Carasale: ubi turris Albosagia adhuc stat. 4 Carbonera.

XIV. Cajolum, antiquitus Communitas Soltogii appellata fuit; cum quinque Viciniis: 1. Cajolum est. 2. Liuri, à Valle dicti: unde etiam fluviolus ejusdem nominis erumpit. 3. Pransera. 4 Loteri. 5. Nogaredum, cum Palude.

XV. Cidrascum, præter pagum, Viciniam Montis Spinetæ seu Massones, cis Abduam, habet. Amnis præterlabens Cidrascus etiam vocatur.

XVI. Fusinæ: ubi quondam multæ fabricorum ferrariorum officinæ, quæ pago nomē dedere. In ejus territorio est Vallis Madre; in qua est Vicinia Pizzabella. Amnis inde Madrascus prorumpit: commodumq; ad Bergomatū ditionem iter est.

XVII. Ultima Tertiarii hujus, ratione situs, est Communitas Colorina. hujus sex Viciniæ sunt. 1. Colorina ipsa. 2. Vallis. 3. Poyra. 4. S. Iacobus; & in monte, Rodelum. 5. La Corna. 6. Mons Ononæ.

Tertiarium Inferius, Abdua terminum statuente, in duas Squadras, Morbeniensem & Trahonensem, dividitur. Prioris à sinistro Abduæ latere sitæ, duodecim Communitates sunt.



I. Morbenium oppidum; quod à morbo nomen traxisse videtur: quod primitus juxta templum Sancti Martini exstructum esset, ubi paludes multæ, quarum exhalationibus aër corrumpitur. Sed temporis successu, in locum salubrem, ad pedem montis, cui ab utraque fluminis Bitti ripa, (quod oppidum jam interluit) duo castra imposita erant, translatum. & mœnibus circumdatum fuit; quæ nunc ruinosa jacent. Magnus eo populi ad nundinas hebdomarias concursus est. Ad templum Sancti Antonii, Cœnobium est Dominicanorum, sub Prioris disciplina; cujus fundatio ad annum Domini 1300, refertur. Ad oppidum etiam spectant Viciniæ, Camperbolum, Vallis & Arsium. Habent in administratione sua duodecim Syndicos, & Caneparium.

Ex sequentibus hinc, situs ratione,

II. Communitas Furcula præfert: ubi in planitie templum Divi Gregorii est. Talamonam versus, munimentum magnum fuit, Turratia hodie dictum: item Serta, Sylveta. In monte vero sunt; Faidum, ubi S. Gotthardus, Fovea, Pratum, Levizolum & Softila.

III. Talamona: quam Rancajola amniculus alluit. Vicinias habet: Premianam, Dondonum, Serterium, & Vallem

Vallem Tartani; quæ nomen à torrente ex ea profluente, habet. Ibi Campus, pagus est. Vallis deinde in duas alias minores, Biorcham & Zocchatam vocatas, scinditur, utraque ad Bergomates tendit.

Proxima inde est Vallis Bitti, à flumine, ex altissimis montibus promanante, denominata.

In dextro hujus latere,

I V. Communitas Bema est, ad quam vicus Tayda, in altera eius ripa situs, pertinet.

V. Albaredum; unde regia & trita via, per proximum montem, ad Bergomates ducit.

Ab altera vero Bitti ripa, monti magis propinqua, Communitas est.

VI. Gerola; cuius Viciniæ; Platea, Rapizzi, Mazzi, Castellum, Lavezolum, Fouca, Tegiola, Roya, Nansonchium, Casinellæ & Fœnile.

VII. Pedesina; unde callis est in Vallem Saxeam, Ducatus Mediolani.

VIII. Rasura, cum Contrata de Molendinis.

IX. Cosium, sedes quondam Prætoria in planitie, ex antiquioribus Vallis oppidis est. Supra in monte, arx munitissima fuit, à Vice-Dominorum familia olim habitata: jam destructa. In monte  
sunt;

414 PALLADIS RHAETICAE  
sunt; pagus Saccus, superior & inferior.  
In planitie vero; Rogoledum, Plantina,  
Planium, Vallate: ibi Abbatia Sancti  
Petri fuit.

X. Rogolum: supra quod, in monte,  
arx Sancti Georgii fuit; Vicinię sunt; An-  
delum, Occha, Fistolera, & Cassinæ.

XI. Alebium, (quæ Communitas,  
per torrentem Lexinam, à Rogolo se-  
paratur) pagus amplus est, & domus  
hinc inde diffusæ. Abbatia ibi, Aqua  
frigida vocata, Ordinis Cisterciensium  
quondam erat.

XII. Ultima in hoc Tertiario Com-  
munitas, est Plantedium; cujus ædes  
quoque dispersę sunt. Ibi in Confinibus,  
ad fossam, per quam Abduas olim flue-  
bat, fuit Burgus Franconis, à Francileo-  
ne, Imperatoris Mauricii militiæ duce,  
(uti libro tertio monimus) dictus. Ibi-  
dem hodie est templum Sanctę Agathę,  
& in circuitu rudera quędam Urbis exi-  
mię Volturenz cernuntur. Non procul  
ad Larii lacus ripam, Turris Olonia fuit:  
& Sancti Stephani Sacellum. Hic, uti &  
in proximo loco Montecchio, à Comite  
Fontium, Governatore Mediolani, ann.  
1603. duo propugnacula (ut alibi pro-  
lixius explicavimus) erecta fuere.

Squadra Trahonensis in undecim  
Communitates divisa est.

I. Tra-

I. Trahona, oppidum Prætorium, in suos Cantones distributum: videlicet Somagna, Monsuccus, Susingovum, Cofedum, Manetiæ, Corlatium, S. Agatha, Valleta, Biogium; quod in alto monte situm est.

Retrogradiendo ad fines Tertiarii de Medio,

II. Communitas Bulli, in monte sita est: cui annumeratur Villapiæta in planitie.

III. Communitas Ardenni; ab ar-  
dendo, ob nimium æstum, sic appellata.  
Præpositura Sancti Laurentii hîc est. In  
planitie, castrum fuit, à Capitaneorum  
familia erectum. In monte, arx Sancti  
Lucii. Viciniæ montanæ sunt; Gadium,  
Platea longa, Plota, Biolum, Scene-  
num, Fovea: in planitie vero, Maximum,  
à flumine nomen trahens.

Conscendentibus montem Pelascum,  
retro jacet

IV. Datium: inde dictum, quod hic  
telonium de armentis, quæ in Valle  
Maxini æstiva habebant, Principi per-  
solveretur. Contratulæ sunt; Roveli-  
dum, & Ceridum. Ibi, in proximo mon-  
ticulo, qui culmen de Datio dicitur, ap-  
parent vestigia excisæ arcis; quæ pro spe-  
cula totius Vallis serviebat.

V. Clivium; pagus antiquus est. Huic  
Commu-

Communitati inserta sunt; Caspanum, (ob sedem Paravicinorum & Mallacridarum celebre) Bedolium, Casa Pici, Casa Saxi, Roncalea inferior & superior, Tovate, (à torrente præterlabente nomen sortitum) Chempum, Vallate, Nogaredum, Seronum, Sylva plana, Aquamarcida, & Cevum in Valle Maxini.

VI. Mellum, & huic additum Conselium, (cui castrum, Demophilos dictum, Vice-dominorum olim habitaculum, imminet) Sanctus Ioannes, Clivasca, Prægrossum, & Vallis-Maxini; ubi Sanctus Antonius, Catægium, Firolera. Remenum, (ingens hic saxum, colossi instar, cernitur, magnitudine 35. latitudine 10. & altitudine 15. ulnarum) item Sanctus Martinus. Prope hunc thermæ sunt, à Maxino flumine, qui inde ex monte oritur, dictæ, cardiacis præsertim & hepaticis salubres: quarum virtutem Ioannes Gulerus à Vei-neck. Eques Auratus, in historia Rhætiæ; itemque Petrus-Paulus Paravicinus, Medicus Comensis; & Ioannes Andreas Mallacrida, Medicus Volturenus, scite descripserunt. Est in eadem Valle Vicinia, Cornolum vocata, nulli Communitati inserta: quæ collectas suas separatim solvit.

VII. Cercunum: cui adhærent, Plu-  
fognum & Cresta.

VIII. Cinum; cui ædes aliquot hinc  
inde sparsæ annumerantur. Castrum  
ibi prope in ruinis cernitur.

Reflectentibus in planitiem.

IX. Campus Vicus occurrit. Vici-  
nias habet, Cermeledum, (cui Dorsum  
Vice-comitis incumbit: ubi arx familiæ  
Castellorum Sancti Nazarii fuit) Des-  
cum, & Barcum.

X. Mantellum: cui Viciniæ assigna-  
tæ sunt; Soriare, Pusterla, & Cortile.

XI. Dubinum; Viciniam Forzoni-  
cum habet.

Monasterium, (sic dictum, quod Con-  
ventus Monialium ibi fuerint. quæ pro-  
pter aëris intemperiem, Comum, aut  
ad Sanctum Laurentium in monte Son-  
dræ se contulere) etsi tantum Viciniæ  
nomen, non autem Communitatis, ha-  
beat; æstimum tamen separatim sol-  
vit. Hic mons Sancti Iuliani est, à Sa-  
cello ibidem exstructo vocatus. In Con-  
finibus Comitatus Clavennæ sunt; Pro-  
vescium, Morterium, & Bocca (*Ostium*)  
Abduæ, qui in Larium ibi influit.

Ad Comitatum tandem Clavennæ  
pervenimus. (Nomen hoc à clave ve-  
nit: per castrum enim Clavennæ, tan-  
quam per clavem, exteris populis transi-

418 PALLADIS RHÆTICAE  
tus in Italiam olim præcludebatur.) In  
duas ille Iurisdictiones, Clavennensem  
& Pluriensem, tribuitur, munitissimo  
loco situs. Orientales habet vicinos Præ-  
gallos: Occidentales, Misaucos, & Larii  
lacus accolæ: à meridie, Boccam Ab-  
duæ: ab Occidente, Vallis Rhenanos &  
Aversenses, Lepontios Rhætos.

Clavennensis Iurisdicção in tres ite-  
rum partes est divisa. 1. In Oppidum  
ipsum, cum Viciniis adhærentibus. 2.  
Communitates quatuor exteriores; &  
3. Vallem Sancti Iacobi.

L. Oppidi meminit Antoninus Au-  
gustus, in Itinerario suo. Hodie pulcher-  
rimis ædificiis exornatum cernitur: ma-  
gnusque illuc populi, propter commer-  
ciorum frequentiam, concursus. Anno  
1486. à Bonâ, Ioannis Galeatii, Medio-  
lani Ducis, matre & tutrice, contra im-  
petus vicinorum Rhætorum, mœnibus  
cinctum fuit: quæ collapsa nunc jacent.  
Castrum munitissimum ei imminebat;  
cui principium Comes quidam Angle-  
riæ, anno 1162. sibi à Friderico I. Impe-  
ratore timens, dedit. Ædificium Ioan-  
nes Galeatius & Ioannes Maria Vice-  
comites, Mediolani Duces, auxêre. La-  
zerta, Præfectus Galliæ Regis Ludovici,  
anno 1500. aggeribus communiit. Tan-  
dem à Dominis Rhætis, anno 1536.  
cum



cum aliis Castris in Valletelinâ , destructum fuit.

In oppido sedem habet Archipresbyter , & magistratus à Rhætis missus , quem Commissarium vocant. Hi cum mero & mixto imperio , gladiique potestate , (uti etiam Pluriensis in sua iurisdictione) in Civilibus, Criminalibus, & Matrimonialibus, jus liberè exercent. Vicarium in maleficiis nullum habent; sed ad statutorum Comitatus (quæ in multis diversa à Volturenensibus sunt) observationem iuramento adstricti, in gravioribus causis, jurisperitorum operâ & consilio plerumque utuntur. In toto Comitatu, sub designatis Capitaneis, mille selecti milites, albo inscripti sunt.

Oppidani vero, hanc in suis rebus administrationis formam observant. Eligunt singulis annis, & sorte plerumque adhibita, Consulem, & Vice-Consulem, qui Quæstoris munere fungitur: binos item iustitiæ Consules, quorum munus biennale est; duos Syndicos, ad defensionem privilegiorum oppidi; duos Provisionarios, ut vocant, qui etiam biennales sunt; virum unum Consilii, & Cancellarium: his adduntur quatuor ex provectioribus, qui adjuncti, *l'aggiunta* appellantur. Quatuor-

420 PALLADIS RHAETICAE  
decim isti, potestatem rerumpubli-  
carum oppidi habent.

Viciniae, ad oppidum pertinentes, hæ  
sunt: Bettum, Dragonera, cum Crot-  
to, (propter cryptas subterraneas, qua-  
rum maxima circa oppidum est copia,  
quibus illi pro cellis vinariis utuntur)  
item Maina, Campadellum, Planazola,  
Orellum, Tannum, Planum, & Capiola.

A sinistro autem Mairæ fluminis la-  
tere ☉ Prata, I. Communitatem inve-  
nimus. Hujus Viciniae; Dona, (ubi Cœ-  
nobium est Monachorum Sancti Bene-  
dicti, sub Priore viventium, fundatum  
à Valentinâ, Ioannis Galeatii filia, Duci  
Aurelianensium nupta) Stove, Pratella,  
Vscionum, Lodenum, Vallis Bovera: in  
planitie, Mala guarda, & Bella. spata.

II. Communitas, est Novatum, in  
duos Consulatus divisa; Novatensem,  
& Samolicensem. Novatum, castrum  
in monticulo habuit; cui inserviunt,  
Ripa Lacus, Metiola dicta. (ubi merces,  
quæ per Larium vehuntur, in publico  
borbonio asservari solent) Campus,  
Verceium, Ceium, Vicus, & Vallis Co-  
dera, à monte Codera sic vocata; ubi  
Codera & Cola in ingressu Vallis est.

Abduam tranantibus, primo se offert  
Samolicum, sive Summus lacus, ut An-  
toninus Augustus in Itinerario habet:  
in

in capite enim lacus stat. Hic Sanctus Fidelis, sub Imperatore Maximiano, martyrium ob Christi confessionem sustinuit: cujus corpus anno 937. sub Episcopo Vbaldo, Comum translatum fuit.

Viciniae illius sunt; Vigazolum, Casenda, Era, (cui castrum Sancti Andreæ à Trivultiiis exstructum, impositum erat) Pajedum, Sylva plana, Monasterium, Nogaredum, Roncionum, Mons-novus. Alia quoque fuit ibi Turris, Panisperdus vocata, parum distans à fluviolo Bogia, qui in Mairam illabitur. In planitie ædes aliquot sunt, ad Trivultiam dictæ.

III. Gordona: prope quam castrum S. Catharinæ stat. Contratulæ illius sunt; Coloredum, Scioium, Cusparanum, Cimavilla, Pontum, Vallis de Bodegno, montes de summa ruina. Ex hac Communitate iter, per montem Furculam, ad Misaucos est.

IV. Mese est; pagus nomen hoc Communitati dedit. Contratulæ sunt; Scandolera, Piperellum in monte, (ubi castrum ejusdem nominis fuit) Castrona, & Carcafaccum.

Vallis Sancti Iacobi, seu Campus Dulcinus, in duodecim Quartarias dividitur, quæ sunt: S. Iacobus, & S. Guilielmus;

422. PALLADIS RHAETICAE  
 (ubi corpus ejus sepultum esse dicitur)  
 Vohum; ubi Ecclesia Beatę Virginis Ma-  
 rię, & Lironum est) Campus Dulcinus,  
 seu Sanctus Ioannes, ob templum di-  
 ctus; Frazitium, (ubi castrum fuit)  
 montes Sancti Bernardi; montes de  
 Medio; Madesium, (olim Tarvesede,  
 [ *torva ades* ] ut Antoninus innuit, di-  
 ctum, ubi regia via erat) Planazum,  
 Porcaretia; Stambilonum, & Sterletia:  
 item Insula, Turni, Tegiatum. Rastelia;  
 ubi principium Cardinallis est. Via præ-  
 cepta ita vocatur, per Ursulerum mon-  
 tem, qui alpium Adularum membrum  
 præcipuum est, & per excellentiam et-  
 iam Adula dicitur. Ex eo Lira amnis  
 oritur, & Mairę se prope Mesem mi-  
 scet: sunt in monte ipso vestigia Turris  
 antiquę; ubi via regia dividitur: altera  
 per Tarvasedem; altera per Cardinæl-  
 lem, ducens. In monte ipso præterea  
 hospitium est, transeuntibus percom-  
 modum.

Hęc Vallis civilem Iurisdictionem ha-  
 bet: ubi Ministralis, Locum-tenens,  
 Cancellarius à duodecim Cōsiliariis eli-  
 guntur. Appellationes ad eosdem duo-  
 decim Cōsiliarios Vallis deferuntur.  
 De livellis autem, & censibus cum pa-  
 cto luendi: coram tribunali Claven-  
 nensi respondere tenentur.

Præcura

Prætura Pluriensis, (Prætor enim Rhæticus ibi Magistratus est) à Clavennensi Iurisdictione, per flumen Pluviam distincta est; suumque etiam habet Archipresbyterum. Oppido nomen à plorando deducunt. quondam enim magna aquarum & saxorum ruina oppressum dicitur; & proinde in alium locum, ubi castrum Bellofortum situm erat, translatum. hodie populosum, & ædificiis sumptuosius ornatum est.

Iurisdictione in duas Communitates distinguitur; Plurium scilicet, & Villam.

Pluriensis Communitas, Consulem cum novem Consiliariis habet. Horum quinque cum Consule in oppido, ubi etiam sunt Vice Consul, Caneparius, duo Consules iustitiæ, & totidem Provisionarii.

Ad oppidum spectant; Sancta Crux, Sanctus Martinus; & Aurogum; ubi castrum fuit. Viciniæ deinde sunt, Cilanum, (ubi castrum ejusdem nominis est) Polinum, & Pradelium; Roncalia item, Pestera; (hic sumptuosissimum familiæ Vertematum. Francorum palatium visitur) Borsum, Crana, Giupedum. In montibus deinde, Savonium (unde iter ad Aversenses Rhætos) Dasile & Carottum. In montibus ex adversa Mairæ ripæ, lapis est; ex quo antiquitus

(attestante Plin. lib. 36. c. 22.) lebetes  
[laveſſi] coquendis cibis utiles, aliaque  
vasa, tornari solent; quæ ad circumvi-  
cinas regiones, magna quantitate deve-  
huntur.

Villa, altera Communitas, ita à pago  
dicta est. Ad eam pertinent Vicinix;  
Ponteila, Clavera, (castri rudera ibi cer-  
nuntur) Sanctus Eusebius, Canetum,  
Poirum, Tajedum, (quo habitatores,  
qui olim Pondeix in confinibus erant,  
se contulere) & Pyrarium. A Valle Præ-  
gallia, per flumen Loverum, sepa-  
ratur.

*Et sic Rhatia primæ Inalpina situm,  
antiquitates, bella, fœdera, & politiam,  
summa qua potui brevitate, & fide hi-  
storica, descripsi, investigavi, enarravi,  
tradidi, finii: ad gloriam Dei Omnipoten-  
tis, & dulcissima Patria exaltatio-  
nem. AMEN.*

F I N I S.



# I N D E X

## L O C O R U M, P E R S O N A -

### R U M, E T R E R U M

### M E M O R A B I L I U M.

A.

<b>A</b> Cieriensis conventus.	366
Aceriensis jurisdictio.	361
Alvonovana jurisdictio.	349-354. 369
Anni à Christi nativitate numerari coepti.	102
Austriæ Principum dissidia cum Episcopatu Cu- riensi.	150
Austriacorum copiae ab Helvetiis ad Ragatium obrutæ.	145
Austriacorum foedus hæreditarium cum Helvetiis 150. cum Rhætiis.	234
Austriacorum & Helvetiorum prælium ad Sem- pachium, 136. ad Navaliam.	137
Austriacorum & Tigurinorum prælium ad Vito- dum, 127. ad Tatuillem	134
Austriacum bellum contra Episcopum Curi- ensem.	147

B.

<b>B</b> Aronus,	292, & seqq. & 326, & seqq.
Bellofortensis jurisdictio.	373
Bellofortensis Vallis.	317
Bellum Allemannicum, 72. Burgundicum, 203.	
Gallicum & Rhæticum, 72. cum Io. Jacobo Me- dicæo, 182. & seq. inter Iustinianum Imp. & Theodatum Ostrogorthorum Regem, 83. Sue- vicum adversus Helvetios.	148
Bormientis ditio.	393
Bormium.	213-392
Brigantium, 46. obsessum, 138. occupatum & combustum.	115

C.

<b>C</b> Astellensis jurisdictio.	364
Castellinum arx.	364
Castra Rhætica,	44 46
D d 5	Castren-



# I N D E X.

Castrensis jurisdictio.	350. seq.
Cathedrale foedus.	<u>310. 318. 321</u>
Cathedrales.	370
Cathedralium Communitatum foedus.	<u>227.</u>
230	
Cathedralium Rhætorum foedus cum Helvetiis:	
151.	
Clavenna, oppidum & castrum. 183.	<u>184. 267.</u>
294, 418, & seqq.	
Clavennæ arx destruitur.	191
Clavennæ castrum astu occupatum.	<u>138. 146</u>
Clavennæ comitatus.	<u>213. 249. 282</u>
Clavennates, <u>43.</u> Episcopatus Curienti parent.	
122. 133	
Clavennates articuli.	261
Clavennenses libertatem promulgant.	145
Clavennense telonium.	<u>242</u>
Clavennensis jurisdictio, <u>417.</u> oppugnatio.	<u>248</u>
Comitia trium Foederum.	321
Comitiolum & Conventuum Rhæticorum forma.	<u>241</u>
Comum à Rhætis afflictum, 30. Rhætis creptum.	<u>32.</u>
Corvantiæ jurisdictio.	<u>354. 370</u>
Corvantiæ Vallis.	<u>370</u>
Curia.	<u>241. 312</u>
Curientis civitas, <u>347.</u> Sarunetibus auxilium præstat.	<u>143</u>
Curientis civitatis dissidium cum Episcopo, 140.	
privilegia <u>113. 323.</u> Episcopatus, 310. ejus	
Episcopatus circuitus <u>43.</u> dissidia cum Austria	
Principibus 150. ejus Episcopus à Magistratibus	
creandis exclusus, 247. ejus Episcopi pacta cum	
tribus Rhætiae foederibus, 248. ejus præpositura, 315	<u>262</u>
Reformatio.	
Curientium Episcoporum catalogus, 310. domini-um, 313. sedes & aula.	<u>315</u>
Curtis.	<u>332</u>
Curtis Episcopatus Curientis.	<u>325</u>
Curtis regalis in civitate Curienti.	<u>109</u>

## D.

Davosiana jurisdictio.	<u>349</u>
Davosianæ regionis descriptio.	<u>359.</u>
Davosiani.	<u>355. 357</u>
Davosium.	<u>177. 180. 269. 270</u>
Decem jurisdictionum foedus. 227. 228. & seqq.	<u>348.</u>
Decumæ ut solvantur in Rhætia.	<u>248</u>
Directura.	<u>305</u>
	Dilect-

# INDEX.

Disertinensis Abbas.	<u>282.290</u>
Disertinensis Abbatis privilegia.	<u>197.284</u>
Disertinensis jurisdictio.	<u>197.278.282.286.</u>
Disertinentium Abbatum catalogus.	285
Disertini Senatus.	<u>289</u>
Disertinum.	284.287
Disertinum monasterium.	284. seq.
Disputationes in Rhætia Religionis causa.	247
S. Dominicæ sacellum.	142
Dominium de Alto-Tiino, <u>296.</u> de Aspermonte,	
<u>318. de</u> Flumine, 128. Haldenstein, 373. octo ju-	
risdictionum, <u>349.</u> de Rhatio & monte S.	
Georgij.	299

## E.

Engadina inferior.	<u>318. 339</u>
Engadina superior.	<u>318. 334.</u>
Engadini, 390. Cæsarianos opprimunt.	153
Engelberg.	<u>394</u>

## F.

Fabariense monasterium.	93. 112
Fabarienses thermæ.	<u>94</u>
Fabius Quadrius.	259
Familiarum nobilium per Rhætiam catalogus.	
<u>47. &amp; seq.</u>	
S. Faustini castrum.	<u>403</u>
Flemiana jurisdictio.	285
Flemium.	391. 296.
Fœdus cathedrale.	<u>310. 318</u>
Fœdus decem jurisditionum.	<u>348</u>
Fœdus Domus Dei.	<u>88</u>
Fœdus magnum Suevicum.	149
Fœderum Helveticorum summa.	<u>226. 227</u>

## G.

Gabriel Medicus.	<u>189, 194, 301. seqq.</u>
S. Gallus.	284
S. Galli parochia.	<u>393</u>
Garonenses. <u>27, 197. cum</u> Suitiis, <u>Vallis stadium</u> ca-	
piunt. <u>144.</u> Sarunetum oppidum recipiunt.	
ibid.	
Grisei fœderis descriptio. <u>227, 274.</u> conventus	
& jurisditiones.	<u>283</u>
Grisei Rhæti Comitem Suitiensem fundunt.	<u>133</u>
Griseo fœderi præcedentia adjudicata.	251
Griseorum Rhætorum fœdus cum Helvetiis,	251.
virtus.	<u>171</u>
Grisones.	<u>44</u>
	<u>H. Helve-</u>

# I N D E X.

## H.

- H**elvetiæ septem veteres pagi cum Rhætis Græcis perpetuum fœdus jungunt, 225  
 Helvetij à Cæsare fusi. 30. Ludovico Bavaro Imp. addicti. 129. tumultus Rhæticos componunt. 256  
 Helvetiorum fœdus cum Regibus Galliæ. 232  
 Helvetiorum & Austriacorum prælium ad Sem-pachium. 136. ad Navaliam. 137

## I.

- I**esuitæ ex Rhætia proscripti. 251, 273  
 Illantium. 141, 240, 251, 262, 273  
 Index provincialis. 283  
 iustitiæ administrandæ forma inter Rhætos. 236.  
 & seqq.

## L.

- L**axium. 295  
 Lantiana jurisdictio. 314  
 Lantium. 330  
 Leguntina jurisdictio. 282  
 Leguntina Vallis. 278, 291  
 Lucernates. 155, 181

## M.

- M**ajavilla oppidum. 368  
 Majæ villæ castrum. 367  
 Majæ villæ dominium. 159, 349, 366  
 Malansiani. 159, 167  
 Malansium. 367  
 Malaplatta castrum. 368  
 Mediolanensium Ducum fœdus cum Rhætis. 235  
 Mediolanum conditum. 21. a Galliis occupatum. 214  
 Mediolani libertas promulgata. 145  
 Misaucum. 184, 190, 307.  
 Montana jurisdictio. 278, 280, 281, 301 303, 314  
 Morbennientis squadra. 309  
 Morbanium. 185, 412  
 Morbenii prætor. 379  
 Mulierum Rhæticarum & Vindelicarum saci-nora. 36  
 Mussij præfectura. 181. saxum. 288  
 Mussum castrum. 189, 191, 198, 200

## N. Neu-

# I N D E X.

## N.

N <sup>e</sup> uvenburg arx.	314
N <sup>e</sup> uvenhus turris.	<u>326</u>

## O.

O <sup>ber</sup> stein turris.	<u>306</u>
O <sup>eni</sup> ortus.	<u>336</u>
O <sup>enip</sup> ontana curia.	151
O <sup>enip</sup> ontum.	<u>188, 382</u>
O <sup>eno</sup> rium.	<u>169</u>
Olonia turris.	<u>386, 414</u>
Ortensteiniana jurisdictio.	<u>318, 326</u>

## P.

P <sup>edem</sup> ontum.	410
Plurienfes libertatem promulgant.	145
Plurienfis prætura.	<u>423</u>
Plurium.	185, 381, <u>423</u>
Pons teloni.	<u>298</u>
Prægallia.	<u>318, 333</u>
Prægallia vallis privilegia.	111

## Q.

Q <sup>uadræ</sup> .	400
Quatuor pagici.	<u>266, 270, 318, 324, 347</u>

## R.

R <sup>eineck</sup> castrum.	122
Rhætia in provinciam à Romanis redacta.	<u>38.</u>
in diversas partes scissa.	<u>112</u>
Rhætia, prima & secunda.	<u>58</u>
Rhætia <sup>e</sup> utriusque situs. <u>78.</u> antiquæ & Helvetia <sup>e</sup>	
limites. 103. confinia. <u>28.</u> devictæ jurisdictio & procuratio rei militaris. 40. hodiernæ	
longitudo & latitudo. 46. Inalpinæ descriptio. <u>43.</u> Ducis jurisdictio. <u>82.</u> Procurator.	
41. Prolegatus. 41. Præses.	<u>41, 58</u>
Rhætus, Thufcorum dux. <u>23.</u> castra erigit suo nomine insignita.	<u>24</u>
Rhæti trium <u>Fœderum. 44. Cathedrales. 150, 151.</u>	
Grifæi.	151, 171
Rhæti inalpini, ad originem Rheni & Oeni confidentes.	39
Rhætorum Comititia. 241. sub-comititia. <u>243.</u> disciplina militaris. <u>244.</u> gesta. <u>55. &amp; seqq.</u>	
Rhætorum reipubl. prima gubernatio. <u>26.</u> constitutiones. <u>244.</u> tria Fœdera. 230. & seqq.	
Rhæ-	

# INDEX.

Rhætica gens ad Christi fidem conversa.	61, 62
Rhæticus motus.	253, & seqq. 266, & seqq.
Rhæticum idioma.	26, 27, 44
Rhætiensis jurisdictio.	278, 300
Rhætiense dominium.	299
Rhætigoja.	362, 366
Rhætigoje.	362
Rhætium,	500
Rhætinur amplum.	124
Rhætij Dominus.	291
Rheni ortus.	42, 187, 188, 289, 306
Rhodani origo.	287

## S.

S. Aucto-Gallenses cum Abbatiscellanis socia arma jungunt.	137
Sargans, ab Austriæ Archiduce acquisitum.	136
Sarunetes, cives Tigurinorum, & Rhætorum confœderati.	143
Sarunetum Comitatus, 25. 192. foedus cum Rhætis	
143. oppidum, castrum, & ditio capra.	144
Scavicana jurisdictio.	349
Schennis monasterium.	96
Scolium.	340. 345
Sexamnienses.	107. 280
Sexamniensis jurisdictio.	231
Spinoila, castrum.	315, 319
Stuffavia.	278, 281, 304
Suaderloch.	167, 181
Subcomitia.	321
Suntij. 155. cum Glaronensibus & castrorum Rhæ-	
torum incolis, Sarunetes bello petunt.	143,
144. oppidum Sarunetum recipiunt.	144
Superfæxentis jurisdictio.	278, 184
Supraportana jurisdictio.	333
Supraportani.	354
Suprafaxum.	330
Suprasylvani.	296

## T.

T. Abulæ trium sigillorum.	157
Ticipi scaturigo.	188
Ticinum, 186. 187. caprum	212
Tigurinorum & Austriacorum prælium ad Vico-	
durum, 127. ad Tauillam.	134
Tigurinum bellum ad pagum Ragarium.	145
Tibenses.	399
Tibium.	396. 399. 405.
Tibium, castrum.	377
Tiranense castrum.	385

Tira-

# I N D E X.

Tiranum oppidum.	396.401
Tirani Prator.	379
Tirolenses, 390. foedus Suevicum ingrediuntur.	
152	
Tirolensium in Engadinam inferiorem irruptio.	
169.170	
Tomiliasca.	24.300.325
Trixivium.	409
Trixivii castrum.	406
Tronum.	282.288
Tugienfes.	155.181
Tyrrhena Vallis.	378

## V.

Vallis Telina. 187.191.260.314.377.380.389.	
& seq.	
Vatienfis jurisdictio.	327
Velcuria.	152.175
Velcurium obsessum.	125
Venetæ Reip. amicitia cum Rhætis.	236
Veneti Volturenā occupant.	141
Venetorum bellum adversus Sengianos.	225
Vennonēs.	152.175.362.378.
Vndervaldii.	155
Volturena. 185.192.254. 378. à Venetis occupa-	
ta.	141
Volturena civitas.	378
Volturenæ urbis rudera.	414
Voltureni.	118.378.398
Volturrheni patres.	378
Vortienfis jurisdictio.	278.282 287
Vraui Helvetii.	129.154.155.177

## Z.

Zvtienfes.	176
Zutium.	250, 252, 338.

# F I N I S.



99 973964









